

**Наим КАРИМОВ**

**1937-1938 ЙИЛЛАРДАГИ  
“КАТТА ҚИРГИН”НИНГ  
ФОЖИАЛИ ОҚИБАТЛАРИ**

Тадқиқот “1937-1938 йиллардаги “Катта кирғин”нинг келиб  
чикиш сабаблари ва фожиали оқибатлари” мавзуудаги  
ИДТ-1; Ф-1-0-17354 ФА-Ф-1-Г037 Давлат  
гранти асосида бажарилган

**Тошкент  
2015**

1937-1938 йиллардаги “Катта қирғин”нинг келиб чиқиши ва фојзиали оқибатлари тұғрысіда хорижий давлатларда құплаб китоб ва мақолалар әзілон қылған. Ўзбекистонда бу масаланиң үрганылиши “қайта қуриш” ва ошкоралык шылдарда бошланған бўлса-да, мустақиллик давридагина шу мавзуда жиёддий шылар амалга оширилмоқда.

Құлғынгиздаги рисола муаллифнинг 2013 йылда чоп этилган “Катта қирғин”нинг келиб чиқиши сабаблари ва омиллари” рисоласининг мантиқий давоми бўлиб, унда 1937-1938 йиллардаги даҳшатли сиёсий қатагоннинг ўзбек халқига, унинг фани ва техникаси, маориф ва маданияти, саноати ва қишлоқ хўжалигига келтирган катта талофати тұғрысіда баҳс юритилади.

**Масъул мухаррир:**  
*тарих фанлари доктори*  
Бахтиёр ҲАСАНОВ

**Такризчилар:**  
*тарих фанлари доктори*  
Қаҳрамон РАЖАБОВ,

*тадқиқотчи*  
Мурод ЗИКРИЛЛАЕВ

## МУҚАДДИМА

Ўтган асрнинг 1937-1938 йилларида бўлиб ўтган “Катта кирғин” собиқ шўро салтанати ҳудудларида яшаган барча ҳалқлар, шу жумладан, Ўзбекистон ҳалқининг ҳам ҳаётига мислсиз даражада улкан талофат келтириди: шу йилларда юз минглаб бегуноҳ кишилар шўро давлатининг жазо органи – НКВД органлари томонидан қириб ташланди. Мудхиш тарихий хунрезлик содир этилганидан бери қарийб 80 йил ўтганига қарамай, унинг фожиали оқибатлари хали-ҳануз инсониятни ларзага солиб келади.

Шу нарса даҳшатлики, ҳали 1937-1938 йиллардаги сиёсий қатғон бошланмай ва бўлажак жабрдийдаларнинг айбор эканликлари масаласи ҳали аниқланмай туриб, НКВД органлари яқин келажакда қамоққа олинадиган кишилар рўйхатини тузишга киришган. 11 жилдни ташкил этган бу рўйхатларнинг биринчиси 1937 йил 27 февралда тасдиқланган бўлса, энг сўнгтиси ВКП(б) Сиёсий бюроси аъзолари томонидан 1938 йилнинг 29 сентябрида имзоланган. Яна 2 та рўйхат борки, улар 1936 йилда тузилганиллигига қарамай, 1937 йилга оид рўйхатлар орасига тиркаб қўйилган. (Айrim маълумотларга караганда, Н.С.Хрущев томонидан ҳам имзоланган яна бир неча рўйхатлар бўлган, аммо улар Хрущевнинг КПСС Марказий Комитетига раҳбарлик қилган йилларда куйдириб ташланган.) Шу рўйхатларга асосланиб айтиш мумкинки, “Катта кирғин” даврида қириб ташланиши лозим бўлган кишилар рўйхатини тузиши 1936 йилнинг иккинчи ярмида бошланган. Бинобарин, «Катта қирғин»ни амалга ошириш тоғаси Сиёсий бюро ва шахсан унинг раҳбари Сталинда 1936 йилдаёқ пайдо бўлган.

ССР Марказий Ижроия Комитети ва Ҳалқ Комиссарлари Советининг 1934 йил 1 декабрда кабул қилган карорига мувофик суд жараёнларини ўтказиш тартиб-қоидалари шу йилларда жўнлаштирилган ва бу ҳол аввалдан тайёрланган рўйхатлар бўйича қамоққа олиш амалиятига кенг йўл очиб берган. Кировга суиқасд қилингандан сўнг чиқарилган шу қарорга кўра, террорчиллик ташкилотлари ва террорчиллик хатти-ҳаракатлари бўйича терговлар жадаллагитирилган тартибда олиб борилиши, суд йигилишлари эса томонларнинг иштирокисиз ва гувоҳларни чақирмаган ҳолда ўтказилиши лозим эди. 1934 йил 1 декабрда кабул қилинган Қонун эса ҳукмдан норози бўлган маҳбусларни шикоятнома ёзиш хукуқидан ҳам мах-

рум килган. Шу масалалар бўйича чиқарилган ҳукм эса зудлик билан ижро этилиши лозим деб белгиланган.

Бу жўнлаштирилган тартиб Ежов ССР Ички ишлар халқ комиссари этиб тайцулланган кундан кейин, 1936 йил кузидан бошлаб кенг қўламда қўлланила бошланди. Ўша йилнинг 4 октяброда Сиёсий бюро Ежов ва Вишнинский томонидан тақдим қилинган 585 кишининг исм-шарифидан иборат рўйхатни Сиёсий бюро аъзоларидан телефон орқали сўраш йўли билан тасдиқлади. Шу рўйхатдаги кишилардан 33 таси 1936 йил 8 октябрда Москвада, 114 таси эса 1936 йил 10-11 октябрда Ленинградда қамоққа олинди.

1937 йил февралидан бошлаб шундай рўйхатлар мунтазам развишда Сиёсий бюро томонидан тасдиқланадиган ва ҳукм расмий-лаштириш учун Олий Суднинг Ҳарбий коллегиясига юбориладиган бўлди. Биринчи қарор ВКП(б) МКнинг февраль-март пленуми очиладиган 1937 йил 27 февралда шу тарзда тузилиб тасдиқланди. Мазкур рўйхатта кирган 479 та кишининг барчаси олий жазога ҳукм килинди.

Шундай қилиб, «катл рўйхатлари»ни НКВД (Ежов) томонидан тузиш, Сиёсий бюро томонидан тасдиқлаш ва Олий Суднинг Ҳарбий коллегияси (Ульрих) томонидан расмийлаштириш амалиётiga тамал тоши қўйилди.

Сиёсий бюорога тақдим этилган рўйхатлар НКВД томонидан марказий аппарат бўлимларида мавжуд бўлган, шунингдек, НКВД-нинг регионлардаги бўлимларидан марказга юборилган материаллар асосида тузилди. НКВДнинг маҳаллий бўлимлари марказга қамоққа олинувчи ҳар бир кишининг исм-шарифи, у ҳақдаги тўла маълумотлар, қилган айбининг моҳияти ва ҳ.к.лар ёзилган маълумотномаларни телеграф орқали юборишган. Бу маълумотномаларни НКВДнинг марказий аппаатида тузилган «махсус гурухлар» ўрганиб чиккан. Давлат хавфсизлиги Бош бошқармаси (ГУГБ)нинг хисобга олиш-кайд этиш бўлими ходимларидан ташкил топган бу гурухлар олинган маълумот-номалар асосида рўйхатдаги шахсларни биринчи (отув), иккинчи (10 йил) ва учинчи (5-8 йил) категорияларга ажратган. (1937 йил июль ойи охирида учинчи категория «катл рўйхатлари»дан чиқарип ташланган.)

Турли категорияларга ажратилган рўйхатлар НКВДдан Олий Суднинг Ҳарбий коллегиясига юборилган ва бу «ишлар» ўша ерда 1934 йил 1 декабрдаги Қонун асосида кўрилиб, аввалдан белгилан-

ган категорияга мувофиқ ҳукм чиқарилган. Бу ҳукмлар регионларга телеграф орқали етказиб турилган ва уларда айбланувчиларнинг исм-шарифлари ҳамда категориялари қайд этилган. Шундан кейингина «ишлар» Олий Суд Ҳарбий коллегиясининг сайёр сессиясида кўриб чиқиши учун юборилган.

Олий Суд Ҳарбий коллегияси қошида «учликлар» тузилган ва бу «учликлар» йигилишида ҳар бир маҳбуснинг «иш»ига оид ҳужжатлар билан танишиш учун 5-10 дақиқагина ажратилган, холос. Шу 5-10 дақиқада уч судя («учлик») айбланувчига унинг ҳақ-ҳуқуларини тушунтириб, айбномани эълон қилиши, унга қўйилган айбнинг моҳиятини тушунтириши, айбланувчининг «қилган жиноятлари»га бўлган муносабатини аниқлаши, унинг кўрсатмаси ва сўнгги сўзини тинглаши лозим эди. Аммо бу «сайёр сессиялар йигилиши»ни шунчаки расмиятчилик учунгина ўтказиш оддий ҳол бўлиб қолган.

Сиёсий бюро томонидан тасдиқланган рўйхатларда бор-йўғи 44,5 минг киши бўлган. Аммо, бир томондан, шу йилларда қамоқхоналар маҳбуслар билан тўлиб-тошиб кетган, тергов ходимлари тергов ишларини ўз вақтида бошлаш ва якунлаш имконига эга бўлишмаган бўлса, иккинчи томондан, исм-шарифлари Сталин ва Сиёсий бюро аъзолари томонидан тасдиқланган рўйхатларга кирган шахсларнинг аксар яқин қариндошлари, хизматдошлари ва дўст-ёрлари ҳам қамоққа олинган.

Яна шуни унутмаслик керакки, СССР Ички ишлар халқ комиссарининг 1937 йил 30 июль санали буйруғи НКВДнинг маҳаллий бўлимлари раҳбарларига, ресмионларга берилган нормадан ташқари, ўз ташабbusлари билан катагон қилинувчиларнинг қўшимча рўйхатини тузиш ҳукуқини берган. Шу қарорданрагбатланган НКВДнинг маҳаллий бўлимлари раҳбарлари август ойидан бошлаб Сиёсий бюрони ҳисбга олинувчилар сонини - «квота»ни ошириш ҳақидаги илтимослари билан «кўумиб ташлаганлар». Сиёсий бюро шу илтимосларни назарга олиб, 1937 йилнинг 28 августидан 15 деқабргача бўлган муддатда «квота»даги отувга ҳукм қилинажаклар сонини яна 22.500 га, лагерларга юборилувчилар сонини 16.800 га ошириш тўғрисидаги таклифни тасдиқлаган. 1938 йил 31 январда эса НКВД «квота»га яна 57.200 кишиний қўшиш ва улардан 48.000 кишини отувга ҳукм қилиш тўғрисидаги таклифни қабул қилган.

Дастлаб барча операцияларни 1938 йилнинг 15 марта қадар тугаллаш режалаштирилган эди. Лекин маҳаллий органлардаги сафлари «тозаланган» ва яигиланган чекистлар яна ташаббускорлик ҳаракатини кучайтирадилар. Натижада Сиёсий бюро 1938 йилнинг 1 февралядан 29 авгуустгача бўлган муддатда аввалги 57.200 кишидан ташқари, яна 90.000 кишини қамоқقا олиш ҳақида қарор қабул қиласди.

Шундай қилиб, фақат 4 ой давом этиши мўлжалланган қамоқقا олиш операцияси бир йилдан ортиқ давом этиб, дастлаб белгиланган «квота» яна 200.000 кишига ортади. Кимнингки ижтимоий келиб чиқишида бойлар, савдогарлар, «кулоқ»ларга бирор яқинлик аломати бўлса ёки бирор хорижий давлат фуқароси билан алоқа қилганлиги маълум бўлса, улар биринчи навбатда қамоқقا олиниади.

Сталин ва Сиёсий бюро томонидан амалга оширилган оммавий кирғин марказдан туриб бошқарилди. Сиёсий бюро қошида суд ишлари бўйича маҳсус комиссия тузилди. Бу комиссия Stalin ва Siёsий буорога 44 минг нафар раҳбарлар, партия ходимлари, генераллар ва иқтисодчилардан иборат камида 383 та рўйхатни тасдиқлаш учун берди. Сиёсий бюро шу рўйхатларни тасдиқлаш билангина кифояланиб қолмай, катагоннинг «кўнгилдагидек» ўтиши учун жойларга ўз аъзоларини юборди. Чунончи, Ўзбекистонга катта ваколат билан келган Сиёсий бюро аъзоси Андреев ўзбек халқи пешқадам вакилларининг шу йилларда тамомила қирилиб кетишида муҳим роль ўйнади.

Аниқлиги қатъий бўлмаган маълумотларга қараганда, НКВД 1937-1938 йилларда 1 миллион 575 минг кишини қамоқقا олган; шулардан 1 миллион 345 минг киши айбдор деб топилиб, турли жазоларга хукм қилинган; 681 минг 692 киши эса отиб ташланган. Яна аниқлиги қатъий бўлмаган маълумотларга қараганда, Ўзбекистон бўйича 1937 йилда 14 минг 873, 1938 йилда эса 20 минг 641, бинобарин, жами 35 минг 534 киши қамоқقا олинган. Афсуски, Stalin шахсига сифинишининг фожиали оқибатлари фош этилиб, 1930-1950 йиллардаги сиёсий катагон қоралангандан кейин Ўзбекистонда сиёсий қатагоннинг бегуноҳ курбонлари гақдирини ўрганиш ва оқлаш бўйича тузилган комиссия совет даврида тегишли сиёсий муассасалар сиқувидаги ишлагани сабабли ўзига юкланган ишни охирiga етказиш имконига эга бўлмади. Натижада

Ўзбекистон бўйича қанча кишининг қамоқка олингани, отилгани, лагерларга жўнатилгани ва қанча кишининг айбизз топилиб, озод килингани ҳақида қатъий маълумот юзага келмади.

«Катта кирғин» йилларидағи курбонлар сони масаласида бошқача қарашлар ҳам йўқ эмас. Масалан, СССРдаги қатағон гарихи бўйича таникли хорижий мутахассис Роберт Конквест ва унинг шогирдлари тўплаган маълумотларга қараганда, СССРда шу даврда 6 миллион киши қамоқка олинган, шулардан 3 миллион киши отиб ташланган, 2 миллион кишининг хоклари эса лагерларда колиб кетган.

Аммо «Катта қирғин» йилларидағи курбонлар сони қанча бўлишидан – 6 миллионми ёки 1 ярим миллионми – бундан қатъий назар, ўз халқини оммавий равишда қатли ом этиш шўро давлатининг инсоният олдидағи, халқи олдидағи ҳеч қачон кечириб бўлмайдиган жиноятидир. Бу жиноятнинг даҳшатли томонларидан бири шундаки, Сиёсий бюро ва НКВД қатағон этилган миллионлаб кишилар манглайига «халқ душманлари» деган мудхиш тамғани ўйиб, уларнинг муборак номларини, килган хайрли ишларини ҳатто қариндош-уруглари, хизматдошлари, ватандошлари хотирасидан бир умрга ўчириш чораларини кўрди.

Шу нарсани мамнуният билан қайд этиш зарурки, Ўзбекистон мустақилликка эришгандан сўнг мамлакатимизда бошланган тарихий ҳакиқат ва адолатни тиклаш борасида олиб борилган кўламли ишларининг марказида ўтган асринг 30-50-йилларидағи сиёсий қатағон курбонлари тақдирини ўрганиш ва улар хотирасини абадийлаштириш масаласи турди. Президент Ислом Каримовнинг Фармони билан 1999 йил 12 майда Мустамлакачилик даври курбонлари хотирасини абадийлаштириш жамоатчилик комиссияси тузилди. 1999 йил 2 июля Узбекистон Республикаси Вазирлар Маҳкамасининг «Ватан ва халқ озодлиги йўлида курбон бўлган фидойилар хотирасини абадийлаштириш тўғрисида» карор қабул қилди. 2000 йил 12 майда, шу қарор асосида, Тошкент шаҳрининг Юнусобод туманидаги Бўзсув қирғоғида «Шаҳидлар хотираси» ёдгорлик мажмуи барни этилди. Яна шу йилнинг 21 августида Вазирлар Маҳкамасининг қарорига биноан «Шаҳидлар хотираси» хайрия жамғармаси (ҳозирги жамоат фонди) ташкил этилди. 2001 йил 1 майда Ўзбекистон Республикаси Президенти И.А.Каримовнинг «Қатағон курбонлари хотирасини ёд этиш кунини белгилаш

тўғрисида»ги Фармонига кўра, 31 август мамлакатимизда «Қатагон қурбонларини ёд этиш куни» деб эълон қилинди. Шу Фармонга кўра, 2002 йилнинг 31 августида «Шаҳидлар хотираси» ёдгорлик мажмуида «Қатагон қурбонлари хотираси» музейи очилиб, иш бошлади.

Мамлакатимиз раҳбарининг ташаббуси билан бошланган бу хайрли ва кўламли ишлар ўтган асрнинг 30-50-йилларида ноҳақ жабрланган ватандошларимиз хотирасининг эъзозланиши ва абадийлаптирилишида, шунингдек, чор ва шўро ҳокимиятлари даврида таҳқирланган тарихий ҳақиқат ва адолатнинг тикланишида мухим ва ҳал қилувчи омил бўлди.

## I-боб. ҚҮРҚУВ ВА ДАХШАТ САЛТАНАТИ

1937-1938 йиллардаги “Катта кирғин”нинг бошланиш сабаблари ва оқибатлари ҳақида Россия матбуотида ҳам, хорижий мамлакатлар матбуотида ҳам кўп ёзилган. Ҳар бир муаллиф ўзининг ижтимоий илдизи, сиёсий ва ҳукукий қарашлари ҳамда инсоний сажиясидан келиб чиқкан ҳолда бу ўта мухим масалага бўлган муносабатини у ёки бу тарзда ифодалаган. Масалан, судсиз, текширишсиз минглаб кишиларни отиш ёки 10 йиллик қамок жазосига ҳукм қилиш ҳақидаги “қатл рўйхатлари”га қўл қўйган В.М.Молотов ўтган асрнинг 70-80-йилларида рус шоири Ф.Чусев билан сұхбатларида “Катта қирғин”нинг содир бўлишини *тарихий зарурат* сифатида талқин қилган. Собиқ йирик давлат арбобининг шу ҳақдаги фикр-мулоҳазаларини сабр-тоқат билан тинглаган шоири 1972 йил 3 февралда сұхбатига якун ясаб: “...Молотов қатағонларни раҳбариятнинг ўзбошимчалиги деб эмас, балки *инқилобнинг мураккаб тарихий шароитдаги давоми*, деб тушунади”, деб ёзган эди<sup>1</sup>.

Сталин, сталинизм ва қатағон тўғрисидаги шу фикрларнинг 30-50-йилларда эмас, балки совет давлатининг мустамлакачилик ва қатағончилик сиёсати жаҳон миқёсида кескин қоралангандан 70-80-йилларда айтилиши ғоят ажабланарли ҳол. Ҳолбуки, бу сиёсатни амалга оширишда НКВД органлари томонидан йўл кўйилган кўпол хатолар 1938 йилнинг сўнгги ойларида ёк эктироф этилиб, шу қонли жараёнда “жонбозлик” кўрсатган НКВД ходимлари, жумладан, Ўзбекистон НКВДси бошлиги Апресян 1939 йил 9 февралда қамоққа олиниб, 1940 йил 19 январда отиб ташланган эди.

1938 йил 25-26 декабрь кунларида Ўзбекистон НКВД ДХБ дастлабки партия ташкилотининг умумий ёпик йигилиши ўтказилган ва унда партия комитети 1938 йилнинг сўнгти чорагида олиб борган ишлари ҳақида ҳисобот берган. Ҳисоботдан сўнг маърузачи Рогожкин билан айрим партия аъзолари ўргасида бундай савол-жавоблар бўлиб ўтган:

“САВОЛ. Нега сиз Апресян берган аксиликлобий кўрсатма тўғрисида сўзламадингиз?

Сто сорок бссед с Молотовым. Из дневника Ф.Чусева. – М.: Терра, 1991. Ушбу китобнинг Интернетдаги электрон нусхасидан фойдаланганимиз сабабли кўчирма олинган сахифа қайд этилмади.

**ЖАВОБ.** Партия ишидаги камчиликлар тўғрисидаги, биринчи навбатда ўзим йўл қўйган камчиликлар тўғрисидаги масала бўйича ўтган йиғилишда сўзлаган эдим. Менинг шахсий камчиликларим партиянинг ички ишлари, оммавий ишлар ва номзодлар билан ишларни соҳаларига оид... Сиёсий кўрлик масаласи, партия комитетининг халқ душмани Апресяннинг кўлида ўйинчоқ бўлиб қолганлиги масаласи менга ҳам тегишли. Мен партия комитетининг котибиман, мен биринчи навбатда айборман ва жавобгарман.

**Миллий кадрлар** масаласи бўйича. Мен ўтган йиғилишда айтган эдим, ҳозир ҳам такрорлайман: партия комитети аъзолари, жумладан, мен шу масалада хол қўйиб қўйдик. Шу масалада сиёсий кўрликка йўл кўйилди. Шу масала бўйича Апресян бундай кўрсатма берган эди: *биз Ўзбекистонда катта аксиликни обий миллий ташкилотни тугатдик, аммо ҳали бу ташкилотнинг “дум”и бор, кўпгина кишилар ҳисбга олинмаган, уларни ўрганишда давом этмоқдамиз* (бу ердаги ва кейинги таъкидлар бизники – Н.К.). Аппаратда миллий кадрларнинг камлиги ҳакидаги масалани кўтарганимизда, у шу масалада шошмаслик кераклигини, янги ўртоқлар у қадар ишончли бўлмаслиги, шу хол туфайли ишимиизда ўпирилиш юз бериши мумкин, деган.

**САВОЛ.** Ўтган йиғилишда бундай сўзларни айтмаган эдингиз.

**ЖАВОБ.** Сиз парткомнинг карорини текширишингиз мумкин, унда шундай модда ёзилган. Мен сизни алдамоқчи эмасман.

**ЗАЛДАН ОВОЗ.** Ўтган йиғилишда ўр.Рогожкин Апресяннинг *миллий кадрларни ишга олмаслик кераклиги ҳакида буйруқ берганни ошкора айтган* эди.

**ЗАЛДАН ОВОЗ.** Партия аъзоларидан қайси бири шу кўрсатмани ўзининг амалий ишида бажарган?

**ЖАВОБ.** *Сўнгги ишларда ўзбеклар аппаратга қабул қилинмаган...*

**ЗАЛДАН ОВОЗ.** Бўлим бошликлари буни билишганми?

**ЖАВОБ.** Билишган.

**Усмон ЮСУПОВ.** Партия ташкилоти Апресяннинг ногорасига ўйнаганми ёки айрим кишиларми?

**ЖАВОБ.** Партия комитети.

**ЗАЛДАН ОВОЗ.** Апресян шундай кўрсатмани шахсан сизга берганми ёки партия комитетигами?

**ЖАВОБ.** У менга ва айрим кишиларга, жумладан, ўр. Брил<sup>2</sup>га ҳам берган.

**БРИЛЬ. ЁЛФОН!**

**САВОЛ.** Сиз шундай кўрсатма берилганини парткомга маълум килганимисиз?

**ЖАВОБ.** Ўртоқлар, мен ўша пайтда буни аксилинқилобий кўрсатма, деб билганман..."

1937-1938 йиллардаги қирғиндан сўнг ҳалқнинг совет давлати раҳбарларига бўлган ишончи тамомила йўқолган ва, аксинча, ҳалқда совет давлати ва унинг раҳбарларига нисбатан нафратли кайфият кучайган эди. Шу кайфият умумхалқ қўзғолони даражасига кўтарилиши мумкинлигини сезган Сталин ва ВКП(б) МКнинг Сиёсий бюроси 1937-1938 йилларда оммавий қатағоннинг авж олишидаги ҳамма айбни “темир нарком” Ежов зиммасига юклаб, “сувдан куруқ чикмоқчи бўлган”: Ежов билан бирга бир қанча чекистлар ҳам отиб ташланган. Сталин ва Сиёсий бюронинг кўрсатмаси билан НКВДнинг марказий ва республикалардаги аппаратида, жумладан, шу аппаратлар қошидаги партия ташкилотларида йигилишлар ўтказилиб, Ежов ва унинг ҳамтвоқлари кораланганд. Бу кўзбўямачиликнинг айни ўзи эди. Шунга қарамай, жабрдийда ҳалқнинг муайян қисми алданиб, ўзидағи нафратни Сталин ва Сиёсий бюро аъзоларига эмас, аксинча, ежовлар ва апресянларга қаратди. НКВДнинг озодликда яшаб, ўз зиммаларига юкландан вазифаларини бажаришда давом этаётган ходимлари буни яхши сезишган. Шунинг учун ҳам НКВДнинг 30-йиллардаги жаллодларидан бири Агабеков ўша йигилишда бундай деб мағурурланган: "...Мен бу ерда ишимиздаги фақат салбий томонлар ҳақидагина гапиришни истамайман, ижобий ишларни ҳам қайд қилгим бор, зеро, МК ва ХКСнинг қарорида бажарилган улкан ишлар зикр қилинган. Мана, масалан, *Икромов ташкилотини узил-кесил тугатиб, [шу ташкилотнинг] маркази бўйича 160 кишини қамоқقا олдик*. Мана, *Ортиқов ва Тарасов боичилигидаги ер билан яксон қилинган бирлашган ёшлар троцкийчи-миллатчилик ташкилотини олинг; разил Икромовнинг қариндоши Абдурауф Қориев раҳбарлик қилган, инглиз разведкаси билан алоқа боғлаган жосуслик-диндорлик ташкилотини олинг; пахта саноатидаги фош этилган Гуревич раҳ-*

<sup>2</sup> Бриль – Ўзбекистон НКВДсингинт 1937-1938 йиллардаги Тошкент вилояти бўйича бошлиғи.

*барлигидаги жосусуслик-қўйпорувчиллик ташкилотини, йирик эсерларнинг дашиноқ ташкилотини, 1917 ва 1938- йилларда тугатилган бошқа ўнлаб аксиликлобий ташкилотларни олинг. 4-бўлимнинг барча жамоаси ёмон ишламади. Кечани кеча, кундузни кундуз демай хизмат қилди”.*

Агабеков шу йигилишда ўзи раҳбарлик қилаётган 4-бўлимда йўл қўйилган камчиликларни ҳам четлаб ўтмаслигини айтади. Унинг “мардона” эътироф этишича, шошилинч ишлар бўйича ходимнинг хатоси билан эсерлар ташкилоти аъзоси Дмитрий Панченко ўрнига Михаил Панченко қамоққа олинган ва у 2 кун ноҳақ қамоқда ётган экан, ундан минг бор узр сўраб, озод қилиб юборишган эмиш. Юзиз Агабеков минглаб сиёсий саводи бўлмаган ўзбекларнинг ноҳақ қамоққа олиниб, отиб ташлангани ёки 10 йиллик қамоқ жазосига мубтало этилганини ўз кўзи билан кўргани ва ҳатто шу қонли жиноятни шахсан ўзи бошқаргани ҳолда республика партия ташкилотининг раҳбари олдида шундай латифани айтишга заррача ҳам уялмаган.

Кўрамизки, “Катта кирғин” йилларида минглаб оиласларнинг отадан, ака-уқадан, фарзанддан, ҳатто онадан жудо бўлишида НКВД ходимларининг айблари ҳаддан зиёд катта бўлган. Шунга қарамай, улар ўз жиноятларининг касри етти авлодига этиши мумкинлигини ўйлаб ҳам кўрмаганлар.

Ўзбекистон НКВД ДХБ партия ташкилотининг 1939 йилдаги ёпиқ йигилишларидан биридаги ички ишлар халқ комиссари Сажаянинг маърузасидан маълум бўлишича, шу йили республика НКВД органларидан 224 киши ҳайдалиб, шулардан 55 киши хибсга олинган. Аппаратдаги ўзбеклар сони 25 тага етказилган. НКВД органларидағи “зааркунандалик ишлари” оқибатини бартараф этиш учун чекистлар мардонавор ишлаб, аксари *муҳмат орқасида қамалган 17000 кишининг* ишини қайта кўриб, судга оширган ва улардан 3 минг киши озод қилинган.

“Ўзбекистон НКВДси органларидағи душманлар фаолиятининг кенг қулоч ёйганини шундан ҳам билса бўладики, – деган эди шу йигилишда Сажая, – халқ комиссарлигининг янги раҳбарияти ноҳақ қамоққа олинганларнинг 40 фойизини озод қилишни лозим деб топди. НКВД органлари МК ва ХҚСнинг 17 ноябрдаги қароридан кейин мутлако тўғри йўлдан бориб, биринчи навбатда, айниқса, Сурхонҷарё ва Хоразм округларидаги оммавий равища

қамоққа олинган колхозчиларнинг ишларини ўрганишга киришди. Колхоз-чиларнинг озод қилиниши аҳоли ўртасида совет ҳокимияти ва НКВД органларига муҳаббат уйғотиш ишида катта сиёсий аҳамиятга молик бўлди”.

Сажаянинг бу сўзларидан соҳта пафос янграб турганига қарамай, Ўзбекистон НКВД органларининг “Катта қирғин” йилларида ноҳақ қамоққа олинган ва республика қамоқхоналарида ётган маҳбуслар ишини 1939 йилда қайта кўриш ва озод қилиш ўйлидаги фаолияти эътиборга сазовор. Аммо, аёнки, бу иш республика НКВД органларининг ташаббуси билан эмас, балки “Катта қирғин”дан кейин Катта ғалаённинг кўтарилиш хавфи ва, албатта, якинлашиб келаётган Иккинчи жаҳон уруши шабадаларининг эса бошлаши билан бошланган эди.

Сажаянинг шу йиғилишдаги нутқи билан танишган киши унинг, салафларидек, нихоятда айёр тулки бўлганини сезмай қолмайди.

Маълумки, аксар маҳбуслар инсон зоти чидай олмайдиган қийноқлар натижасида ўзларини ҳам, ёр-дўстларини ҳам бадном этувчи маълумот беришга, қора тухматдан иборат тергов баённомаларини ўз имзолари билан тасдиқлашга мажбур бўлишган. Инглиз контрразведкачиси О.Пинтонинг рус тилига таржима қилинган китобида ёзилишича, “жисмоний қийноқ энг иродали ва жисмонан бақувват кишини ҳам синдириши мумкин”. “Бирорта одам, – деб ёзади у, – сув ёрдамидаги қийноққа дош беролмайди: сув томчилари киши бошига бир неча секунд оралаб томиб-санчилиб туради. Мен шунга аминманки, ҳар қандай киши ҳам бир неча дақиқадан кейин бақириб юборади, бир соатдан кейин эса ақидан озади... Ваҳшиёна қийноқлар айбсиз кишини ўлим жазоси берилиши мумкин бўлган жиноятни тан олишга мажбур килиши мумкин. Бундай ҳолатга тушган киши инсон зоти чидай олмайдиган азоблардан кўра тезроқ ўлишни афзал кўради”<sup>3</sup>.

Сажаянинг шу нарсани билмаслиги асло мумкин эмас. Аммо у бояги баландпарвоз сўзларидан кейин, яна ўша тантанавор оҳангда давом этиб, бундай деган: “Шунингдек, собиқ раҳбар ходимлардан халқ комиссарлари ва партия органларининг котиблари ҳам озод қилинди. Ҳибсга олинган айрим кишилар терговда соф виждонли

<sup>3</sup> Қарани: Икрамов Камиль. Книга об отце. Кўчирма шу китобнинг интернет нусхасидан олинди.

ишчиларга қарши қабих иғво ва тухматдан иборат кўрсатмалар бериб, уларни аксилинқилобий ташкилотлар [фаолияти]да қатнашганикда айблашган, ўзларининг ҳам, бошқаларнинг ҳам устларига мағзава тўкишган...”

Сажаянинг бу сўзларини эшитган чекистлар унинг устидан кулишлари тайин эди. Шунинг учун ҳам у яна бундай сўзларни айтишга мажбур бўлган: “Тўғри, улар шундай кўрсатмалар беришга мажбур бўлишган, уларга нисбатан терговнинг ноконуний усуllibari қўлланган. Аммо улар қандай партия аъзолари бўлишганки, ҳатто шундай шароитда ҳам (?) ор-номусли комунистларни аксилинқилобчилар, аксилинқилобий ташкилотларнинг қатнашчилари, деб аташган!”

Сажая шу сўзлари билан ўзининг ўта мунофиқ кимса бўлганлигини ошкор қилган. Унинг фикрича, партия аъзоси ҳар қандай қийнокка қарамай, ўзига ҳам, бошқаларга ҳам хиёнат қиласлик лозим. Аммо ўтган асрнинг 30–50-йилларида қийноқнинг янги янги тур ва усуllibарини кашф қилган НКВД ходимлари раҳбарият томонидан мунтазам равишда рағбатлантириб турилган. Улар республиканинг биринчи раҳбарларини, машхур ёзувчи ва олимларни ваҳшийларча қийнаганлари билан мақтаниб юришган. Қанчадан-қанча кишилар тергов пайтида (демак, қийноқ натижасида) вафот этиб кетишган. Тиббиёт ходимлари томонидан тузилган ва НКВД-нинг барча архивларида сакланбаётган юзлаб ва минглаб “Ак”лар шу ҳакда ҳикоя қиласли.

Биз, Ўзбекистондаги ижтимоий-гуманитар фан вакиллари, 20-йилларнинг иккинчи ярми – 30-йилларнинг биринчи ярмида Ўзбекистонга раҳбарлик қилган Акмал Икромов билан Файзулла Хўжаевнинг ҳаёти ва фаолиятини биримиз озроқ, биримиз кўпроқ бўлса-да, биламиз. Билишимизча, улар ўз фаолиятлари давомида совет давлатининг ижтимоий, иқтисодий ва маданий сиёсатига тўла риоя қилган ҳолда Ўзбекистонда фан, маданият, саноат, транспорт ва қишлоқ хўжалигини ривожлантиришга интилганлар. Марказ топшириқларини бажариш учун ўзбек ҳалқининг туз-насибасини кемтик қилган ҳоллар ҳам оз бўлмаган. Улар яхши маънода чин коммунистлар бўлишган. Аммо “Катта кирғин” бошланиши билан, биринчи навбатда, бошқа иттифоқдош республикаларнинг раҳбарлари катори, улар ҳам катағон дорига тортилдилар.

1938 йилнинг март ойида Москвадаги Колоннали залда “ўнг троцкийчи блок” устидан ўtkазилган намунали суд жараёнида давлат қораловчиси Вишинский республиканизнинг собиқ раҳбарларига нисбатан шундай ҳақоратли муносабатда бўлдики, улар ноҳақ амоққа олингандарини айтиш ва ўзларининг пок номларини ҳимоя килиш ўрнига тергов жараёнида кўйилган барча уйдирма айбтарни ўз бўйниларига олишга мажбур бўлдилар. Бугун А.Икромов ва Ф.Хўжаевнинг сўнгги сўзлари билан танишган киши уларнинг шу даражада иложсиз колгандарини кўриб, ҳайратта тушади. Мана, А.Икромовнинг сўнгти сўзидан бир лавҳа:

“...Мен дастлабки терговда ҳам, бу ерда ҳам ҳеч нарсани ширмай, ҳаммасини айтдим.

Мен нафакат ўзим ва Ўзбекистонда ҳукм сурган миллатчилик ҳисилинқилюбчилик ташкилоти қилган жиноятлар учун жавобгарман.

Мен яна “ўнг троцкийчи блок”нинг жосуслик ҳамда Алексей Максимович Горький, Куйбишев, Менжинский сингари советлар мамлакатининг машхур кишиларини ваҳшийларча ўлдириш, Сергей Миронович Кировни маҳв этишдек хатти-ҳаракатлари учун ҳам ўзимни тўла жавобгар деб ҳисоблайман.

Мен қанчалик тубанликка тушиб кетганимни тушундим...

...Ўзим қилган ва Ўзбекистондаги миллатчилик ташкилоти килган барча жиноятларни тан олганим ҳолда, “ўнг троцкийчи блок”нинг қатнашчиси сифатидаги жиноятларимни тан олганим қолда айтаманки, ҳамма билганимни, ҳамма жиноят қатнашчиларини фош этиб, ўзимни-ўзим қуролсизлантирдим. Шунинг учун агар ҳимоя ҳакида, раҳм-шафқат ҳакида илтимос қилиш мумкин бўлса, мен ҳозир ялан овлантган одамсимон йиртқич эканлигимни зйтган бўлар эдим...”

А.Икромовнинг ўзини-ўзи фош этувчи бу сўзларига муносабат билдиришдан аввал бир масалага тўхтаб ўтиш жоиз. Бу, “А.Икромов ва Ф.Хўжаев иши”нинг “Бухарин ва Риков иши”га – “ўнг троцкийчи блок”ка қўшиб юборилганлиги масаласидир. Агар А.Икромов ва Ф.Хўжаев Ўзбекистонга раҳбарлик қилган йилларида бирор жиноятга кўл урган бўлсалар, таомилга кўра, улар Ўзбекистондаги бошқа маслакдошлари бўлан бирга Тошкентда суд килиниши мумкин ва лозим эди. Аммо Москва уларни Марказда

фаолият олиб борган раҳбарларга кўшган ҳолда суд қилишни лозим деб топган.

Маълум бўлишича, бу масала 1956 йилда сиёсий қатағон курбонларини оқлаш ишлари билан шуғулланган СССР бош прокурори Р.А.Руденкони ҳам ўйлантирган экан. У, атоқли давлат арбоби Н.М.Мухиддиновнинг ёзишича, шу ҳақда унга бундай сўзларни айтган:

“...Мен сизнинг Икромовингиз билан Бухаринни нима боғлаган бўлиши мумкинлигини шу вақтгача тушунолмайман. Улар мутлақо бошка-бошқа одамлар, улар ўртасида бирор муштараклик бўлмаган. Қолаверса – Бухарин “Известия”нинг муҳаррири. Иш шу даражага бориб етганки, у қисқа муддат ичида Тошкентга уч марта бориб, Икромов ва Хўжасв билан бирга бўлган, улар уйида яшаган. Бу, тушунарсиз ва шубҳа уйғотувчи ҳол. Худди шу хол Сталинда салбий таассурот қолдирган ва у Икромовдан юз ўтирган.

Энди Файзула Хўжаевга келсак. Материаллардан шу нарса аёнки, у жуда ҳам бой кишининг ўғли, ҳатто уни амирнинг кариндоши десек ҳам бўлади, мана шундай одам Бухорода миллатчилик ташкилотига рҳбарлик қилган. Бундан ташқари, менга айтишларича, МК бюросининг ҳамма аъзолари ҳам унинг оқланишига розилик беришмаган”<sup>3а</sup>.

Н.Муҳиддинов Руденконинг бу сўзларида жон борлигини, лекин А.Икромов ва Ф.Хўжаевнинг ўлкада Совет ҳокимиятининг ўрнатилишида фаол қатнашиб, Ўзбекистон Совет Иттифоқининг бир қисми сифатида камол топишига катта ҳисса кўшганларини айтган ва шундан кейин бундай деган:

“Мен аввалги сафар келганимда, ўртоқ Поспеловнинг хузурида бўлиб. 1937 йилдаги февраль-март Пленуми баённомасини ўқидим. Унда бир масала кўйилган эди – “Ўр. Бухарин ва ўр. Риковлар иши”. А.И.Микоян билан Н.И.Ежов маъруза қилишган. Шундан кейин В.М.Молотов, Л.М.Каганович ва бошқалар сўзга чиқишиган. Барча маърузачилар ҳам, сўзга чиқувчилар ҳам Бухарин ва Риковни советларга қарши фаолиятда айблашган. Материалларни ўрганиш учун А.И.Микоян бошчилигида комиссия тузилган. У комиссия ишининг якунлари тўғрисида пленумга ахборот берган. Пленум қуидаги қарорни қабул қилган:

<sup>3а</sup> Мұхиддинов Н. Годы, проведенные в Кремле. Книга первая. – Т.: 1994. – С. 212.

“1. Ўр. Бухарин Н.И. ва ўр. Риков А.И. ВКП(б) МК аъзолигига номзодлар таркибидан ва ВКП(б) сафларидан чиқарилсин.

2. Бухарин ва Риков иши НКВДга топширилсин”.

Н.А.Муҳиддинов шу сўзларни айтгандан сўнг, улар ўртасида бундай савол-жавоб бўлиб ўтган:

“ – Тўғри, – деди Р.А.Руденко.

– У ҳолда “советларга қарши ўнг троцкийчи блок” ва “турух”нинг катта таркиби деган номлар қаердан пайдо бўлган?

У кулимсираб жавоб берди:

– Амалда ҳеч қандай блок бўлмаган. Уларнинг ўзида ҳам бирор платформа, дастур бўлмаган. Вишинский билан Ежов пленумдан кейин шуларнинг ҳаммасини бичиб тўкишган. Шундай кимсалар качон бир нарсани ахтаришса, ўзларига керакли нарсани ҳар доим топишади. Улар бутун куч ва қобилиятларини ишга солиб, советларга қарши ўнг троцкийчилар блоки бор, деб аюҳаннос солишиган. Бу ишга ўзлари билан алоқада, дўстона муносабатда бўлган, учрашиб, фикр алмашиб, турли нуқтаи назарларини, балки бальзан у ёки бу масала бўйича норозиликларини билдириб турган, сиздагиларга ўхшаши барча кишиларни жалб этишган”<sup>36</sup>.

Кўрамизки, Вишинский ва Ежовга ўхшаган кимсалар Сталинга яхши қўриниш, ордек олиш ва хизмат пиллапоясидан камида биринки зина юкорига кўтарилиш учун “ўнг троцкийчилар блок”ини ўйлаб топишган, шу “блок”ка мутлақо алоқаси бўлмаган А.Икромов ва Ф.Хўжасвни шу “блок”ка чамбарчас боғлаб ташлашга ҳам муваффақ бўлишган. Улар ўз манфаатлари йўлида шундай ишларни амалта оширганларки, ҳатто А.Икромов сингари жабрдийдалар ҳатто қилмаган жиноятларини ҳам бўйинларига олиб, қилмаган жиноятлари учун жаллодлардан кечирим сўрашга, раҳм-шафқат сўрашга мажбур бўлганлар.

Инсоният тарихида бирор ҳаттоки ўта конхўр, одамхўр жиноятчи ҳам ўз устидан ўтказилган судда бундай сўзларни айтмаган. Зеро, ўлимга ҳукм қилиниши мукаррар эканлигини билган, айникса, ноҳақ айбланган, тухмат қурбони бўлган ҳар қандай одам жаллодлар олдида бундай паст кетишини истамайди. Аммо ҳозиргина қўрганимиздек, партиянинг оддий аъзосигина эмас, балки республика партия ташкилотининг сардори терговда ҳам, судда ҳам бўйнига қўйилган барча сохта айбларни тан олибгина қолмай,

“ Кўрсатилган асар. – Б. 213.

ўзини-ўзи бутун дунё олдида, келажак олдида шарманда килмоқда. Бунинг бирдан-бир сабаби унинг НКВД исканжасида ваҳшиёна қийноқларга дучор этилганидир.

Дарвоқе, 1937 йил баҳорида Москвада ўтказилган “намунавий” суд жараёни тўғрисида турли-туман фикрлар юради. Айрим тарихчиларнинг айтишларича, судда айбланувчилар эмас, балки уларнинг дублёрлари ҳозир бўлишган, айбланувчилар эса бундан бир қанча вақт олдин терговсиз-судсиз отиб ташланган. 70-йилларнинг бошларида Партия тарихи институтида директор лавозимида хизмат қилган академик Эркин Юсупов қатагон килинган республика раҳбарларининг шублицистик меросини ўрганиш ва нашр қилишга раҳбарлик қилган. У шу катта ижтимоий-сиёсий аҳамиятта эга бўлган масала бўйича бир неча марта республика нинг шу йиллардаги раҳбари Ш.Рашидов билан учрашган. Олим шу давр ҳакидаги хотираларидан бирида бундай сўзларни ҳам ёзган: “Ш.Рашидов ҳақиқатан ҳам буюк инсон, истеъододли раҳбар эди. Унинг ўзбек ҳалқи тарихи ва маданиятига бўлган хурмати чексиз эди. Унинг ўзи ҳам, ҳаммамиз каби, совет тузуми сиёсатининг қули бўлиб қолди. У моҳир раҳбар сифатида ишни эҳтиёткорлик билан қиласар, ҳар кимга ҳам ишонавермас эди. 1930-1937 йиллар воқеалари ҳакидаги гаассуротларини гапириб берганида совет тузумининг афзалликлари ҳакидаги гаплари сиёсий бир ниқоб эканини сездим. Ш.Рашидов, совет тузуми шароитида яшаган кўплаб кишилар сингари, ўз ички дардини яшириб юрадиган бандалардан эди... Бир куни Ш.Рашидов ўзига хос босиклик ва саловат билан менга: “Эркинбой, Акмал Икромов ва Файзула Хўжаевнинг суди, улар ўз айбига икрор бўлгани ҳакидаги маълумотлар сунъий сценарий, холос, аслида улар суд бошлан-масдан етти, саккиз ой олдин ўлдириб юборилган эди”, деди”<sup>4</sup>.

Ш.Рашидов ҳудди шундай фикрни Акмал Икромовнинг ўғли ёзувчи Комил Икромовга ҳам айтган. “Шароф Рашидов, – деб ёзади у, – мен билан сухбатда суд жараёнининг умуман бўлмаганлигини, савол бермаганимга қарамай, икки ёки уч марта қайсарлик билан айтди.

– Қандай килиб бўлмаган?

<sup>4</sup> Юсупов Эркин. Зулмат ичиди зис излаб... – Чимксент, 2000. – Б. 100-102.

– Бўлмаган. Ишон, Комилжон. Бўлмаган. Отанг ҳам у ерда бўлмаган. Менга ишонавер, мен ҳамма хужжатларни кўрганман”<sup>5</sup>.

К.Икромов шу масалага оид билган-эшитганиларини ўзича таҳлил қилиб, бундай ёзган: “Суд қилинувчиларга кийнок, азоб-укубат, медик препаратлар ва гипноз ёрдамида таъсир кўрсатиш усулларига доир гумон ва фаразлар орасида бундай ҳам бор: судланувчилар курсисида Бухарин, Риков, Икромов, Хўжаев, Зеленский ва х.к.лар эмас, балки уларнинг киёфадошлари ўтиришган. Шундай бўлгани меңга маъқул кўринади. Терговчи-ларнинг қандай йўллар билан отамдан икрорномани олишга эришганларини ўйлаш мен учун жуда даҳшатли. (Мана, бир неча йилдан бери бир хотирани кўнглимдан чиқармоқчи бўлиб юрибман. Ҳаёт мени бир ўзбекка рўпара қилган. Агар бу ўзбек тарихнинг ҳар бир бурилишида қурратли кучларга асқотадиган унсурлардан бўлмаганида, мен уни ўткинчи кимсаларнинг ўткинчиси, деб атаган бўлардим. У ўзини Мухаммад пайғамбарнинг авлодиман, деб, одамларни дуо, иғво билан даволаб, яшириқча табиблик қилгани учун 1938 йилда жазо муддатини ўтаб ётган. Муддати охирлаб қолганда уни тўсатдан лагердан олиб, Москвага, Лубянкага олиб келишди. У февраль ичи ва март ойининг бошларида сўрокка чақирилмай ётди, фақат баъзан-баъзан камерага каттаконлар келишиб, у ёқ-бу ёғига қараб кетишли. Шу киши ўзидағи қандайдир маълумотларга асосланиб, ўзини Икромовнинг ўрнига тайёрлаш-ганини айтган.)”<sup>6</sup>

Суд қандай кечгани ё кечмаганидан қатъий назар, бизнинг ихтиёrimизда фақат бир нарса – суд жараённининг стенограммаси ва шу стенограммада А.Икромовнинг сўнгти нутқи бор. А.Икромовнинг шу нутқидан маълум бўлишича, у суднинг якунловчи мажлисида ўзига берилажак сўнгти сўздан воз кечмоқчи бўлган. Лекин унинг сўнгти мажлисда ўзига кўйилган барча айбларни бўйнига олиб, нутқ сўзламаслигини совет мамлакатидаги ички оппозиция вакиллари ҳам, хорижий кузатувчилар ҳам ўзгача талқин қилишлари мумкин эди. Шунинг учун уни обдон кийнаш билангина кифояланиб қолмай, барча кариндош-уруғларининг ҳам “терини шилажаклари”ни айтишган. Шу сўнгти аргумент уни юқоридаги даҳшатли эътироф сўзларини айтишга мажбур қилган.

<sup>5</sup> Икромов Камиль. Книга об отце. Интернет-нусха.

<sup>6</sup> Уша маинба.

Ф.Хўжаев, А.Икромовдан фарқли ўлароқ, ўз ор-номусини тўкмаган. Аксинча, у ирода кучини маълум даражада сақлаб қолган бўлса керакки, ўзининг ноҳақ қамоққа олиниб, жазога тортила-ётганини усталиқ билан айта олган: “Мен ҳеч қачон, – деган у, – иғвогар ҳам, жосус ҳам, қотил ҳам бўлмаганман. Аммо, модомики, шу блок қатнашчилари орасига тушиб қолган эканман, бунинг нима аҳамияти бор, бинобарин, мен унинг барча хатти-ҳаракатларига жавоб беришим лозим”.

Ф.Хўжаевнинг бундай мардона ва оқилона тузилган нутқини ўқиган кишида А.Икромовнинг суддаги сўзига нисбатан шубҳа пайдо бўлади.

Шуни айтиш жоизки, “ўнг троцкийчилар блоки” устидан суд жараёни бошланиши билан Москвадан келган кўрсатма асосида иттифоқдош республикаларнинг, жумладан, Ўзбекистоннинг шаҳар ва қишлоқларидағи корхоналар, ўқув юртлари ва маҳаллаларида митинглар ўтказилиб, “халқ душманлари” и кескин қораланганд, улар шаънига ҳакорат сўзлари айтилган, айрим ашаддий “ватанпарварлар” эса хукumatдан уларга ўлим жазосини беришни талаб қилиб чиқишган. Терговчилар эса маҳбусларни шундай материаллар билан мунтазам равишда таништириб боришган. Тахмин қилиш мумкинки, А.Икромов ҳам ватандошларининг унинг шаънига отган тухмат ва маломат тошларидан бехабар бўлмаган.

Сўнгги йилларда Россияда эълон қилинган китоб ва мақолалардан маълум бўлишича, Сталин суд жараёнини шунчаки кузатибгина қолмай, унга дирижёрлик ҳам қилган, ҳатто матбуотда чиқажак аксар материалларни назар-эътибордан ўтказиб, уларни ўз фойдасига таҳrir ҳам қилган. Тахмин қилиш мумкинки, А.Икромов суднинг якунловчи мажлисида сўзга чиқишидан воз кечгани учун унинг ўзини-ўзи таҳқирловчи сўзларини НКВДнинг қаламкап ходимлардан бири ёзиб берган ва А.Икромов шу нутқинини судда ўқиб беришга мажбур қилинган.

Шу нарсани эслатиш жоизки, совет давлати А.Икромов ва Ф.Хўжаевнингина қамоққа олиш ва отиб ташлаш билан кифояланмай, уларнинг қариндош-уруғларини, улар билан учрашган, улар билан бирор муносабатда бўлган барча кишиларни ҳам қатағон дарёсига чўқдириб юборди. А.Икромов республика партия ташкилотининг биринчи котиби бўлгани учун республика компартияси Марказий Комитетининг қарийб барча аъзолари, барча вилоят,

шахар, туман партия ташкилотларининг котиблари қамоққа олинган. Ўз навбатида улар билан салом-аликда бўлган кишилар ҳам катагон дарёсига ташланган. Масалан, Самарқанд вилояти Жомбой тумани партия ташкилотининг котиби Зиё Ўлмасбоевнинг қамоққа олиниши билан жомбойлик 54 киши ҳам унинг тақдирига шерик қилинган.

Қатагон дарёси худди шу тарзда Ф.Хўжаев раҳбарлик қилган Ўзбекистон Халқ Комиссарлари Совети тизимидағи вилоят, шахар, туман совет идораларидағи ўнлаб кишиларни ҳам, уларнинг аксар кариндош-уруғларини ҳам ўзининг қонли гирдобига тортган.

Ана шу фактларнинг ўзиёқ “Катта қирғин” йилларида ўзбек халқининг ўн минглаб фарзандлари қириб ташланганидан шаҳодат беради.

## **2 боб. ДАВЛАТ ВА ПАРТИЯ АРБОБЛАРИНИНГ КАТАФОН ҚИЛИНИШИ – ОММАВИЙ ҚИРГИННИНГ БОШЛАНИШИ**

1934 йилда таниқли партия ва давлат арбобларидан бири С.М.Кировнинг ўлдирилиши Сталиндек ҳокимиятсевар, ўз мақсади йўлида нафакат кечаги дўстлари ва сафдошлари, балки юзлаб, ҳатто минглаб кишиларни ҳам қириб ташлашга тайёр киши учун айни муддао эди. У кучли ракибларидан кутулишда шу имкониятдан усталик билан фойдаланди. Шу жараёнда Сталиннинг шафқат-сизлиги ва конхўрлигини кўрган бошқа давлат ва партия арбоблари ё унга бўйсуниб, содик кулларга айланишлари, ёки давлатни бошқаришнинг бошқа дастурини ўргата ташлаб, шу дастур атрофига маслақдошларини тўплаши ва, агар шароит талаб қиласа, Сталинга қарши курашиши лозим эди. Сталин моҳир руҳшунос сифатида буни яхши билган. Кимда ким, у чизган чизиқдан кета бошлаган бўлса, унда потенциал душманини кўрган ва шу душманининг бошини мажаклаб ташламагунигача тинчлана олмаган.

"Катта қирғин"нинг кеслиб чиқиш сабабларидан бири бўлмиш шу хол Троцкий ва унинг асосий тарафдорлари йўқ килиб юборилгандан сўнг, 1937 йил бошларида Сталин ВКП(б) МК пленуми аъзоларини йигиб, улар билан бирга троцкийчиларнинг барҳаёт "издошлиар"ига қарши ўт очишга лозимлигини айтди. 1937 йил февраль-март кунларда бўлиб ўтган пленумида ВКП(б)нинг қатор кўзга кўринган намояндлари қаторида Н.Бухарин, А.Риков, Н.Крестинский, И.Зеленский, А.Икромов ва Ф.Хўжаевлар ҳам аксилинқилобчилик ва зааркунандалик ҳатги-ҳаракатларида айбланиб, ўша кунлардаёқ отиб ташландилар. Пленумдан кейин гўрт ой ўтар-ўтмас, Сиёсий бюро 1937 йил 2 июлда "Аксилшўровий унсурлар тўғрисида" қарор қабул қилди. Шу қарорни бажариш жараёнида собиқ "кулоқлар" билан бирга таниқли давлат ва партия арбоблари ҳам қамоққа олиндилар.

"1937-38 йй.лардаги оммавий қатағон тўлқини, – деб ёзилган КПСС МК комиссиясининг Партия XXVII съездидаги сайланган ВКП(б) МК аъзолари ва аъзоликка номзодларни оммавий қатағон қилиш сабабларини аниқлаш бўйича КПСС МК Президиумига йўллаган маърузасида, – партия, совет органлари, хўжалик ташкилотларидағи раҳбар ходимлар, шунингдек, армия ва НКВД органдаридаги командирлар таркибини ўзининг кенг камровига олди.

Шу йилларда аксар республикалар, ўлкалар ва вилоятларда партия ва совет органларининг қарийб барча раҳбарияти, шунингдек, шаҳар ва туман ташкилотлари раҳбарларининг катта қисми камалди. Шу даврда партияниң бир қатор ўлка, вилоят, туман комитетларида раҳбар ходимларининг 2-3 таркиби камокка олинди.

Ҳатто 17-съездда сайланган ВКП(б) МКнинг 139 та аъзоси ва аъзоликка номзодидан 98 киши шу йилларда қамокка олиниб, отиб ташланди.

Шу нарса ҳайратланарлики, иши судга узатилган ВКП(б) МКнинг барча аъзолари ва аъзоликка номзодлари учун фақат битта жазо – отув жазоси белгиланиб, улардан бироргаси гирик қолдирмади...<sup>7</sup>

30-йилларнинг ўрталарига келиб, нафакат партия ташкилотлари, балки совет ва хўжалик ташкилотларидаги раҳбар лавозимларга партия аъзолари тайинлана бошлаган. Шунинг учун партияни "халқ душманлари" ва "ёт упсурлар"дан таъсиридан тозалаш максадида бошланган оммавий катагон партия, совет ва хўжалик ташкилотларининг партия аъзоси бўлган раҳбарларини, шунингдек, ҳарбий қисмлардаги партия аъзоси бўлган командир-ларни биринчи навбатда ўз гирдобига тортди. Марказда ва бошқа республикаларда бўлганидек, Ўзбекистонда ҳам нафакат партия, балки совет ва хўжалик ташкилотларининг қарийб барча партия аъзоси бўлган раҳбарлари қамокка олинди. Бу жараён Ўзбекистон ҳудудидаги ҳарбий қисмларни ҳам четлаб ўтмади.

1937 йил май ойида Москвада ўзбек санъати ўнкунлиги катта тантана билан ўтган. Ўнкунлик шодиёналари ҳали хотирадан кўтарилимай туриб, Ўзбекистон Халқ Комиссарлар Совети раиси Файзула Хўжаевнинг қамоққа олиниши ўзбек халқини ларзага келтирган. Орадан кўп ўтмай, НКВД ходимлари ярим кечада республикамиздаги раҳбар партия ва давлат ходимларини Москвада тасдиқланган рўйхат асосида камоққа ола бошлаганлар. Мамлакатимизда нотинч ва таҳликали ҳолат вужудга келган.

Шундай кунлардан бирида драматург Комил Яшин рафиқаси машҳур халқ артисти Ҳалима Носирова билан бирга Чимёнга дам олгани чиққан эди. "Бир кун, – деб эслайди драматург, – Муслим Шермуҳамедовнинг рафиқаси Раҳбархоннинг таклифи билан улар тушган чорбокқа кириб, у ёқ-бу ёқдан гурунглашиб ўтиридик.

— АИ РФ. Ф. 3. Оп.24. Д. 489. Л. 23.

Болтабоев (Тошкент шаҳар партия комитети котиби – *H.K.*) ҳам шу ерда бўлиб, таъби ўлгудек тирриқ эди. Сабабини сўрасак, ўзи ҳам, рафиқаси Мўътабархон ҳам айтмади. Қарасам, сухбатимиз тобора музлаб бораяшти. Ҳалимахон икковимиз узр сўраб, ўзимиз тушган чорбокка тушиб кетдик...

Эртасига эрта билан: "Болтабоев кечаси ўзини отиб қўйибди", деган гап ўрмалаб колди. Суриштирсан, рост чиқди. Марҳумнинг жасадини аравада Тошкентта олиб кетишиди. Ўзини нега отғанлиги бизга коронғилигича қолаверди.

Раҳбар кадрлардан Муслим Шермуҳамедов (ЎзКП(б) МК қишлоқ хўжалик бўлими мудири – *H.K.*) ҳам, Абдуллаҳон Каримов (ЎзХС раиси ўринбосари – *H.K.*) ҳам, Абдулҳай Тожиев (Тошкент шаҳар совети раиси – *H.K.*) ҳам бирин-кетин қамалишиди. Нихоят, Ақмал Икромовга ҳам навбат келди..."<sup>8</sup>

Бир томондан, республика партия ташкилоти раҳбари Ақмал Икромовнинг, иккинчи томондан, Ҳалқ Комиссарлар Совети раиси Файзула Хўжаевнинг Ватанга хоинликда айбланиб камалиши билан Ўзбекистонда оммавий қатағон тўлкини бошланиб кетди. НКВД органлари ЎзКП(б) МК ва ЎзССР ХКСдаги қарийб барча масъул ходимларни ва ҳатто уларшшг хотинларини (эрларининг аксилиңқилобий фаолияти ҳакида НКВДни хабардор қилимаганлари, бинобарин, уларнинг аксилиңқилобий фаолиятига шерик бўлганлари учун) камоққа олдилар. Республиканинг икки раҳбари – Ақмал Икромов билан Файзула Хўжаевнинг нафақат барча хизматдошлари, балки барча қариндош-уруглари ҳам қамоққа олинди. Кимдаким бу икки раҳбар билан салом-алиқда бўлган ёки хизмат тақозоси билан бир ёки бир неча марта учрашган бўлса, "ҳалқ душмани"нинг "дум"и деган 1937 йилда қашф қилинган ёки бошқа бирор айб билан қамоққа олинаверди.

Совет даврида шаклланган олий давлат ва партия органлари юкори, ўрта ва бошлангич ташкилот ва идораларга вилоят, шаҳар ва туман бўлимлари орқали раҳбарлик қилишган. Агар 1937-1938 йилларда Ўзбекистонда (Қорақалпогистон билан бирга) 10 та вилоят, 11 та шаҳар, 104 та туман бўлганини эътиборга олсак, бу вилоят, шаҳар ва туманларнинг ҳар бирида вилоят, шаҳар ва туман советлари, шунингдек, вилоят, шаҳар ва туман партия ташкилотлари фаолият юргизишган. Файзула Хўжаевнинг бевосита раҳбар-

<sup>8</sup> *Комиши Яшин. Ёднома. – Тошкент, 189. – Б. 179.*

лиги остида ишлаганлари учун шу вилоят, шаҳар ва туманлардаги барча совет раҳбарлари, Ақмал Икромовнинг бевосита раҳбарлиги остида ишлаганлари учун шу вилоят, шаҳар ва туманлардаги барча партия ташкилотларининг котиблари қамоққа олинган. Ўз навбатида, вилоят, шаҳар ва туман советлари раҳбарларининг, шунингдек, вилоят, шаҳар ва туман партия ташкилотлари котибларининг қамоққа олиниши билан шу "халқ душманлар" билан алоқада бўлган бошқа ўнлаб кишилар ҳам қатағон тегирмонида мажокланиб ташланди.

Ақмал Икромовнинг "дум"и сифатида қамалган туман партия комитети котибларидан бири, юқорида айтилганидек, Самарқанд вилоятидаги Жомбой тумани партия ташкилоти раҳбари Зиё Ўлмасбоев эди.

1936-1937 йилларда совет давлатининг ички сиёсатидан норози бўлган кишилар мамлакатимизда, айниска, қишлокларда оз бўлмаган. Шундай кишилардан бири Жомбой тумани ижроия комитети раисининг собиқ ўринбосари Мамашукур Оқбўтаев бўлиб, у ўзидаги норозилик кайфиятини ҳамкишлокларидан яширгаган. М.Оқбўтаевнинг "аксилшўровий тарғибот" олиб бораётганини эшигтан чекистлар уни қамоққа олишга ҳозирлик кўришади. Бундан ўз вақтида хабар топган М.Оқбўтаев Пойариқ туманинига қочиб боради. НКВД ходимлари ҳатто уни кўлга туширганларида ҳам ҳамкишлоклари уни чекистлар кўлидан қутқариб қолишга муваффак бўлишади. Бу ҳол, чекистлар назарида, Жомбойда аксилинкилобий қўзғолончилар гурухи мавжудлигини ва фаол ҳаракат қилаётганини англатар эди. Улар назарида, бу аксилинқилобий қўзғолончилар гурухи раҳбари Жомбой тумани партия комитетининг биринчи котиби З.Ўлмасбоев эди.

Бир неча кунлик қўйноқлардан сўнг 1937 йил 25 декабрда терговга чакирилган З.Ўлмасбоев 1936 йил декабрь ойида Жомбойда 150 кишидан иборат қўзғолончилар гурӯҳини тузганини тан олишга мажбур бўлган. Аммо чекистлар қанчалик уриниш-масин, у қўзғолончилар гурӯҳининг таркиби ва фаолияти тўғрисида бошқа бирор маълумот бермаган. Бирок 1938 йил бошларида қамоққа олинган жомбойликлардан бири 10 март куни бўлиб ўтган терговда 1936 йил декабрида З.Ўлмасбоев ҳузурида йигин бўлиб ўтгани ва унда 14 кишининг қатнашганигини айтиб, уларни номма-ном санаған. Бу, чекистлар учун янги ҳаракат майдонини очилишига са-

баб бўлади. Улар ўнлаб жомбойликларни камоқка олиб, уларни аксилинқилобий миллатчилар гурухига аъзо бўлганликда айбланишга уринадилар. Ниҳоят, З.Ўлмасбоев бошчили-гидаги 21 кишининг "иш"ини "ўрганиб", уни Самарқанд вилоят суди қошидаги маҳсус коллегия ихтиёрига юборадилар. Айни пайтда Жомбой туманида душман ахтариш кампанияси шиддат билан давом этади.

1938 йил 12 марта Қоракент қишлоқ советининг собиқ раиси Холмат Корабоев камоқка олинади. У обдон калтакланганидан сўнг, 1936 йил январида Зиё Ўлмасбоев томонидан аксилинқилобий миллатчилик ташкилотига ёлланганини "тан олади" ва гўё шу аксилинқилобий ташкилот йигилишларида қатнашган 27 кишини номма-ном санаб беради. Бу 27 киши орасида колхоз раислари ҳам, районо инструктори ҳам, маҳаллий газста ходими ҳам, ОСОВИАХИМ туман совети раиси ҳам, мактаб мудири ҳам бўлган.

1938 йил 29 майда ОСОВИАХИМ туман совети раиси Эгамназар Жўрасв камоқка олинади. Куни кеча Самарқанддаги ўзбек төғли отлиқ дивизиясида кичик командир бўлиб хизмат қилган Э.Жўраев бир неча кунлик қийноқлардан кейин Ўлмасбоевнинг топшириғи билан туманда совет ҳокимиятини ағдариш мақсадида 23 кишидан иборат қўзғолончилар гурухини тузгани ва бу гурух учун отлар ва қурол-яроғларни тайёрлаганини айтади.

Х.Корабоевнинг кўрсатмаси асосида 10 кипи, Э.Жўрасвнинг кўрсатмаси асосида эса 24 киши камоққа олинади.

Орадан бир неча вакт ўтгач, 1938 йил 12 июнда Шеркўргон-Болин қишлоқ советининг собиқ раиси Очил Бегматовнинг ҳам қўлларига кишан солинади. Унинг қийноқлардан кейин берган "маълумот"ига караганда, 1936 йилда З.Ўлмасбоев унга Жомбойда ўзи раҳбарлигида катта қўзғолончилар гурухи тузилганини ва бу гурухни Тошкентда қўллаб-куватловчи кудратли кучлар борлигини айтган, ҳатто гуруҳнинг максади Ўзбекистонни Совет Иттифоқидан ажратиб олиш эканлигини ҳам яширгмаган. О.Бегматов шу гурухга аъзо бўлган 7 кишининг исм-шарифини ҳам тилга олган.

Хуллас, Ўзбекистон Ички ишлар ҳалқ комиссарлигининг Самарқанд сектори Жомбой туман бўлими ходимлари билан биргаликда 50 дан зиёд кишиларни камоққа олиб, уларга сохта айблар билан отув ва 10 йиллик қамоқ жазоси берилишига муваф-фак бўйладишлар. Отилмай қолган, Россия ва Қозогистондаги лагерларга юборилган бир неча жомбойлик маҳбуслар кора тухмат оркасида

қамалғанларини исботлаб, озод бўлишга эришишади. Аммо бу ҳол қонли 1937-1938 йилларда камдан-кам учраган баҳтли воқеалардан бири эди...

Энди ўйлаб кўринг, ҳурматли китобхон, агар 1937-1938 йилларда республикамизнинг биргина Жомбой туманида юздан зиёд киши сарсон-саргардон килинган, 50 дан зиёди қамоққа олинган, 10 га якини эса отиб ташланган бўлса, республика бўйлаб қанчадан-канча кишилар катагон даврининг жабр-зулмини тортган, оиласлари хонавайрон бўлган, фарзандлари эса етим қолганикин?..

Давлат ва партия арбобларининг, саноат, қишлоқ хўжалиги, транспорт ва соғлиқни саклаш ходимларининг "Катта қирғин" йилларида шу тарзда кириб ташланиши улар хизмат қилган соҳаларга мислсиз даражада катта талофат келтирди.

Ўзбекистон "Катта қирғин" йилларида барча юкори малакали кадрларининг кириб ташланиши ёки ишдан четлаштирилиши билан реал сиёсий, ижтимоий, иқтисодий ва маданий ҳалокат ёқасига келтирилди.

## **З-боб. ФАН ВА МАДАНИЯТ ХОДИМЛАРИНИНГ ҚАТАГОН ҚИЛИНИШИ**

1937-1938 йилларда совет мамлакатида истиқомат қилган барча халқлар қатори, ўзбек халқи ҳам катта талофатга учради. Совет давлатининг қатағончилик сиёсатидан халқнинг бирор қатлами омон қолмади: давлат ва партия ходимлари ҳам, ижодий ва илмий зиёлилар ҳам, саноат, кишлоп хўжалиги ва транспорт ходимлари ҳам сталинча қатағоннинг жабр-зулмини ўз бошидан кечирди. Агар Туркистондаги чор маъмурияти мустамлакачилик йилларида маҳаллий халқни маърифат булокларидан қанчалик узоқда саклашга уринган бўлса, совет давлати биринчи навбатда халқнинг орномуси ва виждони бўлган маърифат аҳлини – ёзувчилар, фан, маориф ва маданият ходимларини қириб ташлаш билан ўз умрини узайтирмоқчи бўлди. Аҳолини мустамлака сиртмокларида узоқ сақлаш учун унинг пешқадам кишиларини йўқотиш, тирик қолгандарни эса доимий кўркув ва ҳадик талвасаси билан яшашга кўниктириш лозим эди.

Қатағон деганда ҳар бир кишининг хотирасига даставвал 1937-1938 йиллар келади. Ҳолбуки, совет ҳокимияти ўрнатилган 1917 йилнинг декабрь ойидаёқ ВЧК (Бутуирроссия Фавқулодда Комиссияси) ташкил этилган бўлиб, большевиклар давлатининг қилич ва қалқони ҳисобланган бу жазо органи кўплаб кишиларнинг ёстуғини қурутган. Кўп ўтмай, ВЧК тугатилиб, унинг зиммасига юкланган вазифани ГПУ (Давлат Сиёсий бошқармаси) бажарган. 1923 йил 6 июля ГПУ янада мустаҳкамланиб, ОГПУ (Бирлашган Давлат Сиёсий бошқармаси)га айлантирилган. 1934 йил 10 июля эса ОГПУ базасида собиқ совет халқларини зир қақшатиб, сўнг хонавайрон килган НКВД (Ишчи Ишлар Халқ Комиссарлиги) ташкил этилган.

Юқорида тилга олинган жазо идораларининг барчаси қарийб етмиш йил мобайнида миллионлаб кишиларнинг юракларини қонга ботириб келди. Аммо бу даҳшатли идораларнинг бироргаси халқнинг бегуноҳ фарзандларини 1937-1938 йиллардагидек оммавий равишда қийнаб-азоблаб, сўнг қатл этмаган. Ҳатто фашизмнинг қонхўр каллакесарлари ҳам НКВД жаллодлари олдида ип еша олмаганлар.

1937 йилнинг ёз ойларида НКВДнинг янги раҳбари В.Ежов совет давлатининг навбатдаги қатағон компаниясини “юксак даражада” ўтказиш мақсадида махфий кенгаш ўтказади. Кенгашдан қайтган ЎзССР ички ишлар халқ комиссари ўринбосари Леонов-Немировский НКВД вилоят бўлимларининг раҳбарларини тўплаб, уларга бундай дейди: “Москвада Ежов хузурида бошқа наркомлар ва бошиқарма бошликлари ўн минглаб кишиларни ҳисбга олганлари тўгрисида ҳисоб берганларида Ўзбекистон НКВДсининг атиги бир неча минг кишини қамаганини айтиш мен учун жуда уятли бўлди...”

Леонов-Немировский шу сўзларидан кейин адреслар столига бориб ҳам, ҳатто телефон дафтарларини вараклаш, сайловчилар рўйхатини кўздан кечириш йўли билан ҳам ўн минглаб кишиларни қамоққа олиш мумкинлигини айтади. НКВД ертўласидаги қўйноқ-хонадан самарали фойдаланиш мумкинлигини писандада қиласди.

Халқ комиссари ўринбосарининг бу топшириғидан кейин Ўзбекистонда бегуноҳ ва мусичадей беозор кишиларни қамоққа олиш ишлари яна ҳам авж олиб кетди. Терговчилар кундузни-кундуз, кечани-кеча демай тинимсиз ишладилар. Қамоққа олиш бўйича НКВДнинг тармоқлари ва вилоят бўлимлари ўртасида қизғин мусобака бошланди. Қамоқхоналар давлат ва партия арбоблари, адабиёт, матбуот ва маориф ходимлари, халқ хўжалиги, транспорт ва соглиқни сақлаш тизимидағи кишилар билан тўлибтошиб кетди.

Агар 30-йиллардаги газета ва журнал саҳифаларини варакласангиз, 1937 йилнинг май-июнъ ойларигача таникли шоир ва ёзувчиларнинг кетма-кет чоп этилган шеър ва мақолаларига кўзингиз тушади. Аммо июнъ ойининг бошлариданоқ таниш исмлар сийраклаша, сўнгра умуман фойиб бўла бошлайди. Адабиёт оламида худди тирик жон қолмагандек таассурот қолади, сизда.

Ҳакиқатан ҳам шундай бўлган. Ҳатто қамоққа олинмай қолган ижодкорлар ҳам шеър ёки ҳикоя ёзмай, кечалари билан ухламасдан, НКВД ходимлари келиб қолади, деган қўркув билан юракларини ҳовучлаб ётишган. Мамлакатда факат қабристонлардагина бўлади-ган даҳшатли ва хунук сукунат ҳукм сурган, ўшанда.

Айтиб ўтилганидек, қатағон ойболтаси халқнинг барча қатламларига мансуб кишилар бошига тушди. Вақти келиб, қатағон довулига учраган агрономлар, инженерлар, шифокорлар, саноат, қиши-

лоқ хўжалиги ва транспорт ҳодимлари, давлат ва совет муассала-ларида хизмат қилган ватандошларимиз ҳақида ҳам китоб ва ма-қолалар ёзиб, улар номларини ҳам абадийлаштириш чоралари кўрилади. Аммо ҳозирча биз сиз, ҳурматли китобхонларни “Катта киргинг”нинг фанъ, таълим ва маданият соҳаларига келтирган зарарларини кўрсатиш мақсадида шу соҳаларнинг айрим жабр-дийда вакиллари билан таништирамиз.

### Миён Бузрук Солиҳов (1891-1939)

XIX аср охири – XX аср бошларида дунёга келган ўзбек зиё-лилари тақдири ниҳоятда фожиали кечди. Шу даврда яшаб, совет давлатининг қаҳр-ғазабига учраган зиёлилардан бири Миён Бузрук Солиҳовдир.

М.Б.Солиҳов XX асрда яшаган ўзбек зиёлиларининг кекса авлодига мансуб, 1891 йили Тошкент шаҳрининг Қашқар маҳалла-сида мулла оиласида дунёга келган. Дастлаб маҳалла мактабида, сўнгра Дегрездаги мадрасада таҳсил олган. XX аср бошларида ҳо-зирги Ўзбекистонда, хусусан Тошкентда турк, озарбайжон ва татар тилларида нашр этилган газета ва китоблар тарқала бошлагани учун мадраса талабалари шу янги нашрлар билан танишиб, адабий ва ижтимоий қарашлари шу нашрлар асосида шакллана бошлаган. М.Б.Солиҳов ҳам шу нашрлар орқали 1905 йилда Россияда инки-лоб содир бўлганидан, сабр косаси тўлган аҳолининг подшо ҳоки-миятига карши қўзғолон кўттарганидан хабар топди; туркий халқ-ларнинг бирлашиб, ўз ҳақ-хукуқларини қўлга киритиши лозимлиги ҳақидаги мақолаларни ўқиб, келажакка умид билан қарай бошлади. Аммо 1917 йилда рўй берган инқилобий ҳаракат у кутган нагижка билан тугамади. Оқ подшо ўрнига ҳокимият тепасига кизил “под-шочалар” келди.

Ўзбек зиёлиларининг Туркистон Мухторият ҳукуматини барпо этиш орзулари чиппакка чиқиб, большевиклар қизил аскарлар ва арман дашноклари ёрдамида Фарғона водийсини конга ботирди-лар. Шундан сўнг бу бедодликка жавоб сифатида “босмачилик ҳаракати” бошланди. М.Б.Солиҳов мазкур истиқдолчилик ҳаракати мақсадини амалга ошириш ҳамда хорижда шўро ҳокимиятига қар-

ши тарғибот ва ташвиқот ишларини олиб бориш истагида маслакдошлари билан бирга Афғонистон, Ҳиндистон ва Туркияга боради.

Афсуски, биз М.Б.Солиҳовнинг хорижда олиб борган “истиклолчилик ҳаракати” тұғрисида аник маълумотта эга эмасмиз. Аммо шу нарса маълумки, у 1927 йили Туркияда дорилғуннни тугатиб, Тошкенттегі қайтади ва Ўрга Осиё давлат университетининг Шарқ факультетидегі ўзбек тили ва адабиётидан, 1931-1932 йилларда эса Тожик маориф институтига ҳам ишлаб, форс тили ва адабиётидан дарс беради. Унинг шундан кейинги фаолияти Ўзбекистон маданий қурилиш илмий текшириш институты (1932-1933), Тил ва адабиёт институты ва Тошкент педагогика институты (1934-1935) ҳамда Ўзбекистон давлат университети (1936-1937) билан боғлик.

20-йиллар бошларида М.Б.Солиҳов сингари хорижий мамлакатларда яшаб қайттан кишиларнинг эмин-эркин яшашлари амри маҳол эди. Шўро давлатининг маҳфий хизмати бундай кишиларни қаттиқ назорат остига олибгина қолмай, уларни ёллашга, улар орқали ҳамкасларининг, маслакдошларининг, ёру дўстларининг нима билан нафас олаётганларини, шўро хокимияти ва унинг раҳбарлари ҳакида кандай фикрда эканликларини билишга уринган. М.Б.Солиҳов ана шундай шароитда талабаларга ўқиган маърузала-рида ҳам, адабий-танқидий мақола ва китобларида ҳам шўро давлатининг сиёсий-мағкуравий талабларига риоя килмай иложисиз эди. Унинг бундан ўзга йўлдан бориши хавфли эди. Шунинг на-тижасида ҳозир унинг кайси бир илмий асарини вараждамайлик, шу асарнинг шўро мағкураси талаблари асосида ёзилганини кўрмай иложимиз йўқ.

М.Б.Солиҳовнинг илмий мероси катта эмас. Бунинг сабаби олимнинг асосий вақти педагогик фаолиятга бағишлиганлиги билангина эмас, балки, биринчидан, унинг 1937 йилда, 45 ёшида камокка олинниб, отиб ташланганлиги, иккинчидан эса, тингув пайгида барча босма ва кўлчизма асарларининг олиб кетилиб, ёндириб ташланганлиги билан изоҳланади. Шунга қарамай, ҳозир бизнини ихтиёrimизда олимнинг “Ўзбек тарихига оид тўрт муҳим китоб” (1927), “Бедил”, “Ўзбек” (1928), “Адабий тил ва истилоҳ”, “Мехробдан чаён” (1929), “Ўрга Осиё ва ўзбек адабиётига умумий караш” (1930), “Ўзбек адабиётida миллатчилик кўринишлари” (1933), “Сўфизода ва унинг ижоди ҳакида”, “Ижодий йўлнимиз ҳакида” (1934), “Октябргача бўлган ўзбек фольклори”, “Ўзбек

театри тарихи учун материаллар” (1935) сингари илмий мақола, рисола ва китоблари борки, улар М.Б.Солиҳовнинг 20-30-йиллар ўзбек адабиётшунослиги ва адабий танқидчилигининг йирик на-мояндаларидан бири бўлгани ва шу соҳалар тараккиётига муҳим хисса кўшганидан шаҳодат беради.

Ўзбек драма театрининг 15 йиллиги муносабати билан 1935 йилда мазкур театр раҳбарияти М.Б.Солиҳовга мурожаат этиб, ун-дан миллий театрнинг тугилиш ва шаклланиш тарихи тўғрисида асар ёзиб беришни илтимос қилган. Театрнинг бошқа бирор санъатшунос ёки адабиётшуносга эмас, балки айнан М.Б.Солиҳов-га мурожаат этгани ва олимнинг шундай асарни ёзиб бергани унинг нафакат таникли адабиётшунос, балки театршунос ҳам бўл-ганини тасдиқлади.

“Ўзбек театри тарихидан материаллар” китоби олимнинг ав-ваљги асарларини ёзища орттирган тажрибаси ва билимининг квант-эссенцияси – қаймогидир. “Ўзбек театри тарихидан мате-риаллар” факат санъатшунослик йўналишидаги китобгина эмас. Унда ўзбек театрининг пайдо бўлишида муҳим омил бўлиб хизмат қилган жадид адабиёти, унинг намояндалари ва асарлари тўғрисида кимматли маълумотлар берилган.

М.Б.Солиҳов хорижий Шарқ мамлакатларида бўлган вақтида Шарқ ҳалқлари тарихи, тили ва адабиётига доир кўплаб китоб-ларни олиб келган. Замондошларининг гувоҳлик беришларича, у ўзининг илмий-педагогик фаолиятида шу асарлардан кенг фойда-ланибгина қолмай, бошқа (масалан, Л.Соцердотова)ларнингҳам улардан фойдаланишларига лутған имкон берган.

1937 йилнинг даҳшатли воқеалари авж олган кунларда М.Б.Солиҳов ҳам Ўзбекистон НКВД органлари томонидан қамоқка олинади. Шубҳасиз, маҳфий хизмат идорасини М.Б.Солиҳовнинг хорижий мамлакатларда, хусусан Ҳиндисонда олиб борган ишлари қизиктирган. Терговчиларнинг шу ҳақдаги саволларига жавоб бериб, маҳбус Ҳиндистонда бор-йўғи 3 ой яшагани, шу даврда инглиз нолицияси турклар билан алоқасининг борми-йўқлиги маса-ласи билан қизиққани, Мисрга бориши учун виза беришни санса-лорликка солганини, шу вақтда тирикчилик тақозоси билан Пеша-ворда бухоролик бир бойнинг кўлида мирза бўлиб ишлаганини айтган. Ҳинд табиби Саид афанди билан эса Самарқандда Ҳожи Муиннинг уйида танишганини маълум қилган. Аммо Ўзбекистон

НКВДси 1938 йил октябрида уни “Миллий иттиҳод” аксилиниқило-бий-миллатчилик ташкилотининг аъзоси сифатида айблаб, 10 йиллик қамоқ жазосини беради. Олим 1939 йил 17 декабрда НКВД қа-моқхоналаридан бирида вафот этади.

## Тавалло (1882-1937)

ХХ асрнинг 10-йилларида Туркистоннинг зулматли тунларини чақмоқ янглиг ёритиб юборган ижодкорлар орасида Тавалло ало-хизда ўринни эгаллади. У на Чўлонга, на Фитратга, на Хислату Мискинга ўхшайди. У ҳаётдаги чиркин ҳодисалар, кишилар онги ва яшаш тарзидаги эскирган тушунча ва одатлар билан асло муроса қила олмаган шоир. Унинг сўзи заҳарли. Унинг сўзи – найза. Унинг сўзи – чақмоқ. Унинг сўзи – байрок. У шундай сўзи билан кимларнингдир ғазабига учради. Аммо ҳажвсевар омма унинг ҳаж-вий шеърларини оиласи давраларда, гап-гаштакларда севиб ўқиб келди. Таваллонинг “Равнақ ул-ислом” китоби халқнинг энг севимли асарларидан бирига айланниб, унинг кўзини очди. У маърифатга чорловчи шеър ва мақолалари билан ҳам миллий уйғониш даври адабиётининг етакчи вакиллари қаторидан фахрий ўринни эгаллади.

Таваллонинг ҳаёти ва тақдирни тўғрисидаги биографик маълумотлар яқин-якингача бир-бирига зид фикр-мулоҳазалардан иборат бўлиб келди. Хусусан, тошкентлик қатор шоирлар тўғрисида ҳам қимматли маълумотларни берган Пўлатжон Қайюмий Тавалло ҳа-кида ўз тазкирасида бундай сўзларни ёзган эди: “Бу киши Тошканд шаҳаридан. Жадидизм даврининг машхур арбобларидандур. “Туркистон вилояти газети”да элни илм-маърифатга чакирувчи навхали шеърлари босилиб тураг эди. Сайрам қасабасида қози Байзо номли мозорли жойда яшаб, 1913 йилда вафот этди ва шул мозор қабристонига дағн килинган.

Шоир мавлоно Юсуф Сарёмийнинг шогирди бўлуб, унинг девонини тўплаб, босдирмишдур...”

Юсуф Сарёмий тўғрисидаги сўзларни истисно қилганда, “Тазкирайи Қайюмий»да берилган аксар маълумотлар, афсуски, ҳақиқатдан анча-мунча узок.

Таваллонинг асл исм-шарифи Тўлаган Хўжамёров бўлиб, Тошкент шаҳрининг Кўкча дахасида дунёга келган. 1937 йилдаги

қатағон вактида НКВД ходимлари томонидан шоирни ҳибсга олиш максадида тайёрланган маълумотномада унинг 1882 йили Тошкентда йирик савдогар оиласида дунёга келгани айтилган. Аммо 1937 йил 14 августда НКВД қамокхонасида тўлдирилган маҳбуслик анкетасида эса унинг 1883 йилда туғилгани ва ўша вақтда Кўкча даҳасига қарашли Владимир кўчасидаги 32-үйда истикомат килгани қайд этилган.

Тавалло ўзи туғилган Оби Назир маҳалласидаги эски мактабда хат-савод чиқариб, Эски шаҳардаги машхур мадрасалардан бири – “Бекларбеги”да, сўнгра рус-тузем мактабида ўқиган. У 1900 йили отаси Хўжамёр Жиянбоевнинг маслаҳати билан Пржевальск шаҳрига бориб, Усмонбек Солиҳжонов исмли тадбиркорнинг кўлида приказчик бўлиб ишлаган. Шу даврда у тижорат илмини ўрганиш билан бирга рус тили борасидаги билимининг ҳам бойитишга муваффақ бўлган. Тавалло 1909 йили отасининг вафоти муносабати билан Тошкентга қайтади ва шаҳардаги савдо ширкатларидан бирида иш юритувчи бўлиб хизмат килади. У шу даврдан бошлаб “Тавалло” тахаллуси билан шеър ва маколалар ёзишга жиддий киришади. Шоирнинг 1913 йили Юсуф Сарёмий девонига ёзган шеърий муқаддимада айтишича, мазкур тахаллус унга чимкентлик устози томонидан берилган.

Агар Таваллонинг Юсуф Сарёмий ва бошқа шоирлар билан “Бекларбеги” мадрасасида танишганини назар-эътиборга олсак, унинг шеъриятта бўлган ҳаваси ва дастлабки шеърий машқлари ҳам талабалик даврида бошлангани, 1909 йили Тошкентта қайтганидан кейин эса, тижорат ишларидан эркин пайтларида тошкентлик шоирлар билан яқин алокада яшагани ва бадиий ижод билан мунтазам равишда шуғуллангани маълум бўлади.

Маълумки, 1913 йил охирларида Абдулла Авлоний ташаббуси билан “Турон” жамияти ташкил этилган. “Турон” театр труппаси 1914 йил 27 февралда “Колизей” театри биносида М.Беҳбудий қаламига мансуб биринчи ўзбек драмаси - “Падаркуш” саҳнага кўйган. Тавалло шу унтилмас тарихий-маданий вокеа муносабати билан театр мавзуида бир эмас, икки эмас, 4 та шеър ёзганки, бу унинг мазкур адабий-маданий влкеадан каттиқ мутаассир бўлганини тасдиқлайди. 1914 йил 30 августда эса Мунаввар кори Абдурашидхонов бошчилигидаги бир гурух тараккийпарварлар, шу жумладан, Тавалло “Нашриёт” ширкатини тузадилар. Бу шир-

катни тузишдан максад газета, журнал ва китоб нашр қилиш йўли билан аҳолини маърифатлаштириш, жумладан, уни Европа маданияти ютуқларидан баҳраманд этиш эди. Ўз ҳаётининг маъносини худди шу нарсада кўрган Тавалло 1914-1916 йилларда жўшиб-тошиб ижод қилди: мактаб ва маориф, матбуот ва театр соҳаларидағи янгиликларни чин дилдан олқишилаб, халқ ва жамият ҳаётидаги куйидагидек шармандали ҳолларни ҳажв ўти билан бартараф этишда ўзининг шоирлик истеъдодини ёрқин намойиш қилди.

Тавалло, гарчанд М.Беҳбудий сингари дунё кезган шоир бўлмаса-да, бошқа ҳалкларнинг қандай ижтимоий ва маданий шароитда яшаётганидан яхши хабардор бўлган. Шунинг учун ҳам у ўз миллатининг ҳар томонлама аянчли аҳволда яшаётганини кўриб, Оллоҳга нола қилиб ёзган:

*Фалак, бизга хабар бер, нечун беэътибор этдинг,  
Жаҳонда барча эллар ичра бизни шармсor этдинг.*

*Жаҳолат риштасига банд этиб, раҳм этмадинг ҳаргиз,  
Фалокат ҳандақи узра бугун бизни дучор этдинг...*

Шоир бундай шеърлари билан ҳалқни миљлий тараққиёт сари етаклаёғган пешқадам жадид маърифатпарварлари қаторидан мустаҳкам ўрин эгаллади. Ҳалкнинг ижтимоий, маданий ва руҳий ҳаётидаги иллатларни кескин фош этувчи шеърлардан иборат “Равнақ ул-ислом” тўпламишининг чоп этилиши эса даврнинг сокин кечайдиган адабий-ижтимоий ҳаётини тўлқинлантириб юборди.

Халқ оммасининг мустамлакачилик зулми ва зулматидан хира тортган кўзларини очиш, уни сўнгги асрларда ўз қаърига тортган қолоқлик мухитидан холос этиш учун аввало ўзи кечираётган турмушнинг аянчли манзараларини, ўзининг ночор аҳволини, элу юртни чирмаб ташлаган жаҳолат ва нодонлик печакларини унга яққол кўрсатиш лозим эди. Буни яхши тушунган Тавалло биринчи навбагда ҳажвий лирика имкониятларидан фойдаланишини ўзига максад килиб олди. У мумтоз адабиётимиздаги ҳажв санъати анъаналяридан янги тарихий-маданий шароитда маҳорат билан фойдаланиш ва давом этириш санъатини мукаммал эгаллади.

Тавалло айтиб ўтганимиздек, бошқа жадид шоирлари сингари, нафақат Россия, балки Европа ҳалқлари ҳаётидан, шу мамлакат-

лардаги илмий ва маданий ҳаёт янгиликларидан хабардор бўлиб турган. Шунинг учун ҳам у Туркистон ҳалқининг ижтимоий, иқти-содий ва маданий қолоқликда яшаётгани билан асло муроса қила олмади. Қалбида шу ачинарли ҳолга нисбатан исён аланглари гур-лаган шоир ҳалқ қўзига кўзгу тутиб, бу кўзгуда элу юрт турму-шининг баъзи бир аянчли лавҳаларини акс эттиришга алоҳида эътибор берди.

Ҳажв, сатира шу даврда Тавалло сингари шоирлар қўлида шун-дай кудратли қурол вазифасини адо этдики, улар бу қурол билан қолоқлик ва жаҳолатта карши кураш майдонига мардона отилиб чиқдилар. “Равнақ ул-ислом”дан ўрин олган шеър ва ҳажвиялар чойхоналар ва гап-гантакларда ўқилиб, уларда кулги остига олин-ган салбий ҳодисаларга барҳам бериш чоралари озми-кўпми кў-рилди.

“Равнақ ул-ислом”ни варақлар эканмиз, нафақат ўтган асрнинг 10-йилларида шеърият муҳлислари эътиборини қозонган, балки ҳозир ҳам ғоявий-бадиий фазилатлари билан бизни ҳайратга солувчи кўплаб шеърларни учратишимиз мумкин. Ўша йилларида Туркистон ҳаётида рўй берган барча муҳим воқеа ва ҳодисалар, бу – Биринчи жаҳон урушининг бошланиши ёки “Садои Туркистон” газетаси ва “Ойна” журналининг дунёга келиши бўладими, Исмоил Гаспринский ёки Абдулла Тўқай сингари туркий олам юлдузларининг сўниши бўладими – Тавалло буларнинг барчасига фаол муносабат билдириди. Унинг шу даврда яратган шеърларини маърифат-парварлик ва миллий тараққиётнинг ҳаётбахш ғоялари ўзаро бирлаштириб туради. Муаллиф бу шеърларида миллий ўйғониш даврининг том маънодаги оташин куйчиси сифатида гавдаланади.

Биз, ўзбек адабиётшуносларининг XX аср 50-60-йилларида шаклланган авлоди, қанчалик уятли бўлмасин айтиш лозимки, Таваллони 1993 йилда “Равнақ ул-ислом”нинг кирилл ёзувидаги нашри эълон қилинганидан кейингина каşф этганимиз. Унинг Туркис-гондаги эскирган турмуш асосларини ўзgartириш, ҳалқни маъри-фат ва маданиятнинг ҳаётбахш булокларидан баҳраманд этишига қаратилган шеърлари бизни ларзага солган. Биз шунда Таваллонинг эл-юрт дарди билан куйиб яшаган Беҳбудий, Фитрат ва Чўл-понлар билан бир сафда бўлганини кўриб, беҳад қувонганимиз. Ке-йин, орадан бир канча йиллар ўтганидан сўнг, наманганлик кички-нагина қизалоқ шоирнинг публицистик мақолаларини ҳам топиб,

ўқиб, кўчириб келганидан кейин Тавалло тўғрисидаги тасаввуримиз беҳад даражада бойиди. У энди нафақат аср бошларидаги маърифатпарвар шоирлардан, миллий уйғониш ҳаракатининг йирик арбобларидан бири сифатида ҳам бутун бўй-бастини, ватанпарвар ва миллатпарвар адаблик жамолини кўрсатди-кўйди.

Ўтган асрнинг 10-йилларида ўзбек матбуоти ва адабиётига янги жанр кириб келган. Шу йилларда янги мактаб ва театрлар очиб, янги адабиётга тамал тошини кўйган аждодларимиз Туркистоннинг тақдирни ва келажаги билан боғлиқ дардчил фикрларини бир ёки ўн, ёки йигирма нафар кишига эмас, балки барча ватандошларига етказиш мақсадида уларга “очиқ хат” билан мурожаат эта бошлигандар. Тавалло ҳам 1913 йилда “Ойна” журнали орқали ватандошларига мурожаат этиб, бундай ёзган: “Қардошлар! Бир юз эллик мингдан зиёда Тошканд ахолисидан (университетни қўятурайлик) гимназия битирган бир жўра киши йўқ. Ҳар сана Тошканд атрофинда улок чопиб, бир неча киши отдан йиқилиб ўлди, деса, 100 дан зиёда, деб жавоб берилса, муболага бўлмас. Мухаррир адаб борму, деб савол қилинса, албатта, жавоб топмассиз, тол чибиқ ила жин қувадургон соҳиби каромат, дуюхон, раммол-фолчи изланилса, ҳар маҳалладан иккилаб-учлаб топилур...”

Буни қаранг, агар XX асрнинг 10-йилларида Туркистоннинг энг йирик шаҳарларидан бири Тошкентда университетни эмас, ақалли гимназияни битирган 1 киши топилмаган бўлса, демак, маҳаллий халқнинг маърифий-маданий ва ижтимоий даражаси ўта ноҷор аҳволда бўлган. Туркистоннинг бошқа шаҳарларида ҳам шундай аҳволнинг бўлиши табиий. Демак, жамият олдида шу аҳволни кескин ўзгартириш, келажакда ўз юртининг мустакиллиги йўлида кураша оладиган ва юрти мустақил бўлган тақдирда уни оқилона идора қила биладиган кишилар – муаллимлар, врачлар, инженерлар, агрономлар, юристлар, давлат миқёсида фикрлай оладиган шахсларни тарбиялаб етиштириш вазифаси турган. Тавалло сингари халқнинг пешқадам кишилари шуни ўз вактида тушуниб, ватандошлари эътиборини шу томонга қаратганлар. 1917 йил Февраль инқилоби натижасида “оқ подшо” таҳтдан ағдарилди: жадидлар орзу қилган кун етиб қелди. Аммо сопқон отишни ҳам билмаган, тўй-тўйлашишдан бошқа дарди, орзу-ҳаваси бўлмаган халқ яна кул бўлиб қолди; “оқ подшо” ўрнига “қизил подшочалар” – большевиклар келди.

**Жадид маърифатпарварлари** Февраль инқилобидан кейин ҳам Туркистон аҳолисини уйғотишда, уни мустақиллик сари етаклашда давом этишлари мумкин эканлигини большиевиклар яхши билишарди. Шунинг учун ҳам улар бундай кишиларни ўзларининг ашаддий душманлари, деб хисоблашди. Уларнинг ўта ғаразли муносабатлари натижасида жадидлар совет даврида янада қаттиқ сиқувга олинди.

1917 йил воқеаларидан кейин Туркистонда турли сиёсий партиялар майдонга келди. Айрим жадидлар қатори, Тавалло ҳам сўл эсерлар партияси дастурини ҳалқ манфаатига яқин ҳисоблаб, шу партияга аъзо бўлиб кирди. Аммо у 1918 йилдаёқ эсерлар билан келиша олмай, улар партиясидан бош олиб чиқди. Шундан кейин у бирмунча муддат Эски шаҳар ижроия кўмитасида, Туркистон ЧКсида, ҳагто Фарғона инқилобий трибуналида, 1924 йилдан бошлаб ҳунармандчилик саноати касаба уюшмасида, қуруқ мевалар омборида, ширкатларнинг сугурта уюшмаси ва иттифоқ пахта тайёрлаш идорасида, 1935 йилдан бошлаб эса бир мунча муддат аҳолидан эски-туски нарсаларни йиғиб, уларни қайта ишловчи корхоналарга етказиб берувчи корхонада ишлади. Куни кечга ўз шеърлари билан ҳалқ ўртасида катта обрў-эътибор қозонган оташ-нафас шоир ана шу тарзда сўниб, сўнибгина қолмай, хор-зор бўлиб яшади. Жамият ўртасида қадр-кимматини йўқотган Тавалло, айниқса, севимли фарзанди вафот этганидан кейин аламидан ичкиликка берилди.

Тавалло 20-30-йилларда ҳам ҳажвий шеърлар ёзишда давом этган. Аммо руҳи синган, танбур торлари узилган шоирнинг “Муштум” журналида эълон қилган шеър ва ҳажвияларида “Равнақ ул-ислом”даги шеърларга хос ҳажвий порлоқлик ва бадиий жозиба камалаги кўринмайди.

1937 йил ўроғи ўзбек адабиёти бўстонидаги сара гулларни ўрай бошлаганида, Тавалло совет давлати учун Фитрат ёки Чўлпондек хавфли шахс ҳисобланмаган. Зеро, унинг юлдузи аллақачон сўнган эди. Лекин у ор-номус кишиси бўлгани учун совет мамлакатида рўй бераётган воқеаларга локайл қараб тура олмади. “Агар инқилоб бизни шу ахволга олиб келишини билганимда, мен бу хукуматга қарши курашга бошим билан киришган бўлар эдим”, деган эди у яқин кишиларига. Бошқа бир сафар эса: “Мамлакатимиз – хом ашё бозори. Тайёрлаш биздан, истеъмол килиш эса

бошқалардан. Биз четдан олиб келинган қора нонни қавшаб яшамоқдамиз. Ўзимизнинг оппоқ унимизни эса четта олиб кетишмоқда. Аммо четдагилар бизнинг унимизни денгизга тўкиб ташлашмоқда”, деган у қаердадир.

Бундай фикр ва дунёкарап билан яшаган кишининг совет даврида тирик қолиши амри маҳол эди.

1937 йил 7 августда Таваллони қамокка олиш ҳақидаги қарор-га, 10 августда эса шу ҳақдаги ордерга имзо чекилади. Ўша йилнинг 14 августида НКВД ходимлари Эски шаҳарнинг Владимир, яъни Дунёзабтэт деб аталган кичик кўчасидаги 32-уйга келиб, алламаҳалгача тинтуб ўтказадилар. Сўнг забардаст жадид алибини олиб кетадилар. Тавалло сўл эсерлар партиясига аъзо бўлганлик, Осипов кўзғолонида иштирок этганлик ва советларга қарши ташвиқот ишларини олиб борганликда айбланади.

Тавалло 1937 йилнинг 19 октябрида отишга ҳукм қилинди. Ҳукм шу туниёқ ижро этилди. Шахсан унга тегишли мол-мулк эса давлат фойдасига мусодара қилинди.

30-йилларга қадар тирик қолган маърифатпарвар жадид шоирнинг ҳаёти ана шу тарзда фожиали яқунланди.

### Убайдулла Хўжаев (1882-1939)

Убайдулла Хўжаевнинг таржимаи ҳолига оид маълумот кўп эмас. Чор охранкаси фондида сақлангаётган хужжагларнинг бирида унинг туғилган санаси 1882 йил деб ёзилган. Аммо 1926 йилга оид анкетада кайд этилишича, Убайдулла Хўжаев 1886 йили Тошкент шаҳрининг Шайхонтахур даҳасида туғилган. Отаси Асадулла маҳсум тараққийпарвар кишилардан бўлиб, Тошкентнинг Янги шахар кисмida ҳам ичкари-ташқари ҳовлидан иборат уй-жойи бўлган. У XX асрнинг дастлабки чорагида Романовский кўчасидаги шу ҳовлисида алиф, елим ва бўр талқонини дош қозонларда қайнатиб, “замазка” (лойелим) ясаш билан машғул бўлган. Шаҳар бўйлаб кўчама-кўча “Ойнаа тузатамаан!” деб, синган ойналарни тузатиб юрган рус усталари замазкани ундан олиб кетишган. Убайдулла укалари билан бирга отасига кўмаклашган ва айни пайтда рус-тузем мактабида ўқиган. 1904 йили гимназиянинг тўрт синфини тутгаттач, мустақил ҳаёт йўлини бошлаб, Тошкент шаҳридаги мирвой судьялардан бири Оранскийнинг кўлида мирза бўлиб ишлаган,

суд жараёнларида таржимонлик килиб, на рус тилини билган, на хукукий билими бўлган ватандошларининг ҳожатларини чиқарган. 1907 йили Тошкент темир йўл бошкар-масининг Оренбург шахрига кўчирилиши муносабати билан темир йўлнинг Юридик бўлимида хизмат қилаётган Убайдулла ҳам она шахрини тарк этишга мажбур бўлади. 1908 йили Саратов шахрига кўчиб бориб, 1913 йилга қадар Ўрол темир йўли бошкармасида турли лавозимларда хизмат килиди. Шу йилларда хусусий мутолаа йўли билан тайёргарлик кўриб, Саратов шахридаги университет-нинг адлия бўлимини сиртдан тамомлашга ва хусусий ҳимоячи шаҳодатномасини олишига муваффак бўлади.

Юкорида қайд этилган охранка хужжатида Убайдулла Хўжаев тўғрисида бундай маълумот берилган: “1882 йилда Тошкентда бобон оиласида туғилган. Рус-гузем макгабида ўқиган. Тилмоч сифатида округ суди идорасида ишлаган, рус судьяси билан Саратов шахрига кетиб, ўша ерда адлия бўйича олий маълумот олган. Тиришқоқ, зехни ўткир, дунёқарashi кенг”.

Ана шу “тиришқоқ, зехни ўткир, дунёқарashi кенг” йигит Тошкент ва Саратов шаҳарларидағи суд жараёнларида қатнашиб, адолат қуёшининг кора булутлар қуршовидан чика олмаётгани сабабларини, Ўрта Осиёда ҳам, Ички Россияда ҳам кечаеттан ижтимоий жараёнлар моҳиятини тушунишга уринади, уйгоқ виждан билан яшашга интилади.

Ўша йилларда улуғ рус ёзувчиси Л.Н.Толстойнинг ёвузлика карши ёвузлик билан жавоб бермаслик ҳақидаги назарияси кенг тарқалган, рус жамияти шу назарияга муносабатига қараб икки қарама-қарши гурухга ажralган эди.

У.Хўжаев осиёлик ёш адлия ходими бўлишига қарамай, Толстойнинг шу назарияси жазоланмаган ёвузликнинг рағбатла-нишига, бинобарин, авж олишига хизмат килиши мумкинлигини сезади. У ўзида пайдо бўлган фикр ва мулоҳазаларни ёзувчига хат орқали етказмоқчи, ўзини қийнаган саволларга ёрқинлик киритмоқчи ва айни пайтда улуғ адибни мазкур назариянинг аён қсмтиклиари ҳақида ўйлаб кўришга унданмоқчи бўлади.

Мана, унинг Л.Н.Толстойга ўйллаган хати:

“Кўп ҳурматли Лев Николаевич!

Сизни безовта қилишини асло истамаганим ҳолда, аммо менга шубҳали туюлган “ёвузлика қаршилик кўрсатмаслик” масаласида

*бирор аниқлик киритарсиз, деган умидда ушбу мактуб билан Сизга мурожсаат қилишига журъат этдим.*

Инсоф нуқтаи назаридан “ёвузликка қаршилик кўрсатмаслик”нинг, ҳеч шубҳасиз, адолатли эканига мен ҳам қўшилиб, унга иқрор бўлсан ҳам, аммо қўйидаги бир ҳолатда қандай муносадатда бўлиш кераклиги мени жуда ўйлантириб қўяди: “Ёвузликка қаршилик кўрсатмаслик”нинг адолатли эканига шунинг учун ҳам иқрорманки, бу Инжилга бўлган диний майлим ёки Мұхаммад динидаги банда бўлганим учун эмас, балки бу менинг тушунчамга тўғри келганилигидан ҳам, албатта.

Менинг тушунишимча, “ёвузликка ёвузлик қилма”нинг негизида қўйидаги бир ҳақиқат ётади: мабудо кимдир бир ёмонлик қилган бўлса, шу билан у битта ёмонлик қилган бўлади; мен унга қаршилик қилсан ёки ёвузликка ёвузлик билан жавоб қайтариб қасос олмоқчи бўлсан, унда, табиий, бир ёмонликдан иккинчи ёмонлик пайдо бўлади ва ҳоказо. Агар мен ёмонлик кўрсатмасам эди, бир ёмонлик ёмонлигига қолиб, иккита бўлмасди, яъни ёвузлик камроқ бўларди. Буларнинг ҳаммасидан хулоса шуки, ёмонликка ёмонлик қилмаслик биланми ёки бошқа йўл биланми, хулас, қандай қилиб бўлмасин, ёвузликни камайтириши чорасини қилиши керак. Агар хулоса шу дейдиган бўлсан, қўйидаги ҳолатда қандай муносабатда бўлишишим керак?

Менга таниш бир мисолни келтириб кўрайлик: кимдир даҳшатли бир ёвузликни бошламоқчи: масалан, бир уй, ёки шаҳарни, ёки поездними, кемани ҳалокатга учратмоқчи ва ҳоказо... Шубҳасиз, бу юзлаб, минглаб кишиларнинг ҳалокатига сабаб бўлади. Албатта, мен инсоний ахлоқ юзасидан бунинг олдини олиш чорасини топишга мажбурман. Аммо у ўз ёвуз ниятини амалга оширишдан олдин, уни бартараф этиш учун менда ўша ёвузни йўқ қилишдан бошқа чора қолмайди.

Албатта, мен у ёвузни йўқотиб, юзлаб, минглаб одамлар ҳаётини сақлаб қолдим, деган баҳона билан ўз қилмишимни оқламоқчи бўламан. Инчунун, мен қилган ёвузлик қилинадиган катта ёвузлик олдида кичик нарса бўлиб қолади. Чунки у катта талафотлар келитириши мумкин бўларди. Шунинг учун мен буни ёвузлик деб эмас, аксинча, катта фалокатнинг, ёвузликнинг олдини олиш ёвузликни камайтириши омилларидан бири бўлади, деб биламан.

Менинг мулоҳазаларим шулардан иборат; бу қанчалик тўғри, билмадим, узоқ иккиланишлардан кейин шу ҳақда бирор тушун-

*тириши берар, деган ниятда Сизга мурожсаат қилишига журъат этдим.*

*Агарда ўз тушунтиришларингиз билан мен учун ниҳоятда муҳим санағган ва ноаниқ бўлган бу масалага ёрқинлик киритсангиз, мен Сиздан умрбод миннатдор бўлардим.*

*Менинг турар жойим:*

*Саратов шаҳри, раста, Юренково қ(ишлоги). Юридик бўлим.  
Убайдулла Асадуллаевич Хўжаевга.*

*Сизга самимий садоқат билан, мусулмон:*

*У.Ас.Хўжаев.*

*29 май, 1909 йил. Саратов шаҳри".*

Ўша йилларда ўзбек халқининг миллий манфаатларини, ҳақсизлик ва адолатсизлик орқасида жабр кўрган ва кўраётган ҳар бир кишининг хақ-хуқукларини ҳимоя қила оладиган оқловчилар - адвокатларга эҳтиёж ғоят катта эди. У.Хўжаев тарих такозоси билан пайдо бўлган шу эҳтиёжни чуқур ҳис қилиб, адвокатлик касбини танлади. Саратов шаҳрида шу касб бўйича етарли билим ва тажриба тўплади.

Адвокат суд жараёнида одатда нафақат жабрланувчи, балки жиноятчининг ҳам манфаатини ҳимоя қиласди. Агар жиноятчи, “масалан, бир уй, ёки шаҳарни, ёки поездними, кемани ҳалокатга учратмоқчи” ёки учратган бўлса, вижданли адвокат уни қандай ҳимоя қиласин? Умуман, шундай жиноятларга кўл урган кимсаларни ҳимоя қилиши керакми? Агар моҳир ва тажрибали адвокат шундай жиноятчини оклашга эришса, жабрдийданинг ҳоли нима кечади?..

У.Хўжаев Л.Н.Толстойнинг шундай саволларга жавоб беринини сабрсизлик билан қутади.

Орадан кўп ўтмай, улут ёзувчидан Саратов шаҳридаги “мусулмон”га бундай хат келади:

*“Ясная поляна, 1909 йил 5 июнь.*

*Убайдулла Асадуллаевич,*

*Сиз мендан сўрабсизки, агар бир кимсанинг кўп одамларга ёзувзлик қилиши нияти маълум бўлса, у тақдирда қаршилик кўрсатмаслик ҳақидаги таълимотни тан олган киши нима қилиши керак?*

*Кўпчилик ҳалокатининг олдини олиш учун ўша бир кишига нисбатан зўрлик қўллаш маъқұл эмасми?*

Афв этасиз, бу саволингиз, кўптарнинг шу хилдаги саволлари сингари, ҳақиқатни билиш истагидан эмас, аксинча, ҳақиқат деб хисобланган нарсанни адо эттасликин оқлаш истагидан келиб чиқкан. Инсонга меҳр-муҳаббат ҳақидаги таълимот қаршилик кўрсаттаслиқ тушунчасини ҳам ўз ичига олиб, у инсон интиладиган идеални билдиради. Идеални таомилнинг oddий қоидаси деб билиш эса, катта хато ёки ўз-ўзини алдашдир. Бу ҳаётда ҳеч қачон тўла эришиб бўлмайдиган етук камолотни талаб этувчи идеалгина идеал бўла олади. Лекин у ҳаётга раҳнамо сифатида зарурдир, ҳаётда эришиб бўлмайдиган ана шу камолотдан далолат берган-дагина зарурдир. Меҳр-муҳаббат идеали ҳақида ҳам шуни айтиши мумкин. Қаршилик кўрсаттаслиқ тушунчасини ҳам ўз ичига оладиган меҳр-муҳаббат талаб этиши – ҳеч вақт тўла адо этиб бўлмайдиган нарсадир; шунинг учун уни адо этишга интилиши ҳам керак эмас, деган мулоҳаза менга компас тутмаган шундай бир одамни эслатади: йўлда манзилингга тикка бор, деб унинг қўлига компас тутқазганлар; у бўлса, компас кўрсатган тўғри йўлда ўтиб бўлмайдиган тўсиқлар – тоғлар, дарёлар ва ҳоказолар бор, шу сабабдан ҳам мен мумкин қадар мутлақо тўғри йўналишига тушшиб олиш учун компасга риоя қилиб ўтирамай, бошим оғганча четга қараб кетавериши мумкин, деб туриб олади. Қаршилик кўрсаттасликини ҳам ўз ичига оладиган меҳр-муҳаббат масаласида эса компас доимо одамга чима қилиш керакигини (сайёхга йўналишини) кўрсатадиган ахлоқий-диний туйгудир; одамнинг хатти-ҳаракатидан келиб чиқадиган оқибатлар эса ҳеч қачон унинг ўзига аён бўлмайди. Шунга кўра, сайёҳ учун компас кўрсатган мутлақ тўғри йўналишига мумкин қадар яқинроқ юриш бирдан-бир раҳнамо бўлганидек, ахлоқий идеалга мумкин қадар яқин бўлишига интилиши – инсон учун бирдан-бир раҳнамо бўлиши керак...

Саволингизга берган бу жавобим Сизни қаноатлантира олса, гоят хурсанд бўлур эдим.

*Лев Толстой”*

Улуғ рус ёзувчинининг бу хати У.Хўжаевни ҳаяжонлантирган ижтимоий-маънавий муаммоларга ёркинлик киритди, дейиш қи-

\* Мазкур хат сўнгидаги бир жумла ўчиб кетганлиги учун уни тиклашнинг иложи бўлмади.

йин. Ҳатто айтиш зарурки, кейинги тарихий жараён улуғ ёзувчи-нинг қаршилик кўрсатмаслик назарияси ёвузликнинг бир қисм носоғлом кимсалар кўлида инсониятга қарши даҳшатли куролга, глобал катастрофаларга йўл очувчи омилга айланиши мумкинлигини, демак, У.Хўжаевнинг шу масалада бирдан-бир тўғри йўлда турганлигини тасдиқлади. Шунга қарамай, Л.Н.Толстойнинг У.Хўжаев хатини эътиборсиз қолдирмасдан, жавоб мактубини йўллаши унинг – ёш ўзбек адвокатининг ақл-заковатига хурмат билан муносабатда бўлганидан далолат беради.

Убайдулла Хўжаев 1913 йили Тошкентта кайтиб келди. Рус тилини ва Россия қонунчилиги асосларини мукаммал эгаллаган, адлия соҳасида бой тажрибага эга бўлган йигитнинг она-Ватанига келиши шу йилларда қанот ёза бошлаган жадидлар учун айни муддао эди. Тошкентлик жадидлар рус тилини билмаганлари, Россияяда ва хорижда рўй бераётган ижтимоий-сиёсий воқеалардан яхши хабардор бўлмаганлари туфайли кўп масалаларда нўнок эдилар. Шунинг учун ҳам Асадулла маҳсум жадидлар устидан кулиб, бундай кинояли сўзларни айтар эди: “Кимни кўрсанг, жадидман, дейди. Аммо улардан нимани сўраманг, тайнли жавоб ололмайсиз. Тавба, кимки “афанди”, “камина камтариннинг фикрига кўра”, “имоним йўл қўймайди” деган сўзларни ёдлаб олган бўлса, жадид бўлаверадими?! Мен ҳам шу уч калимани билганим учун ўзимни “жадид” деб атасам бўлаверади. Аммо жадид бўлиш учун аввало ўкиш-ўрганиш, билим хазинасини бойитиш лозим”.

У.Хўжаевнинг укаси Баширулла Абдулла Авлоний ташаббуси билан ташкил этилган “Турон” жамияти ва театр труппасининг фаолларидан бири эди. Европача билим ва маданият соҳибининг келганидан дарак топган жадидлар Баширулла ёрдамида У.Хўжаев билан алоқа ўрнатадилар. Убайдулла улар сиймосида нафақат “афанди”, “камина камтариннинг фикрига кўра”, сўзларини билган, балки ҳалқ ва мамлакат тақдирни билан яшаётган жадидларни кашф этади, улар билан ҳамкорлик қиласди. 73 моддадан иборат “Турон” мусулмон драма санъати ҳаваскорлари иттифоқи”нинг низомини тузиб, “Турон” жамиятининг ўлка ижтимоий-маданий ҳаётидаги ўрни қонуний асосларга эга бўлишига муҳим ҳисса кўшади. Манбаларда айтилишича, “Падаркуш” спектаклининг 1914 йил 27 февраль куни “Колизей” театри биносидаги илк намойиши унинг саъй-ҳаракати билан амалга оширилган. Бундан ташқари,

У.Хўжаев Мунаввар қори Абдурашидхоновнинг таклифи билан миллий уйғониш даврининг кудратли қуроли – “Садои Туркистон” газетасига ноширлик ва муҳаррирлик қиласди.

1914 йил апрель оидан бошлаб ҳафтада икки марта нашр этила бошлаган бу “адабий, иқтисодий, фаний ва майший” газета Миср, Арабистон, Ҳиндистон, Туркия ва бошқа мамлакатлардаги мусулмон халқлар ҳаётига оид мақола ва хабарлар билан бирга Татаристонда нашр этилган “Вақт” газетаси ва “Шўро” журналидан ҳам эътиборга молик мақолаларни кўчириб босади. Ўзбек матбуотининг илк тарихчиларидан бири Зиё Сайднинг эътирофи этишига кўра, мазкур газета “миллатдан ҳиммат аҳллари ва зиёлилар кўпайтириш йўлида кўп ҳаракат қил”ган. Убайдулла Хўжаев газетага ноширлик қилибгина қолмай, унинг саҳифаларида “Максад ва маслак”, “Юбилейга ҳозирланув”, “Ташаккур ва ўтич”, “Шариат ва закун назарида бизим туфроғ ишлари”, “Савдогарлик на ўлди?”, “Нақд пул ҳақинда шаҳодат мўътабарми?”, “Болаларимизнинг баҳтсизликларига ким сабаб?”, “Бизда шаҳар солиги” сингари даврнинг муҳим ижтимоий масалаларига бағишинган мақолаларини эълон қилди. Унинг ношир сифатидаги энг катта хизматларидан бири шундаки, у газета атрофига Абдулла Авлоний, Ҷўлпон, Ҳамза, Иброҳим Даврон, Ҳожи Муин, Тавалло, Мискин, Ҳислат сингари шоирларни, Мунаввар қори, Сайдносир Миржалилов, Мирмуҳсин Шермуҳамедов, Шокиржон Раҳими, Рауф Музafferзода, Нўширавон Ёвушев, Ашурали Зоҳирий, Холид Сайд сингари маърифатпарвар кишиларни тўплаб, газетани жадидчилик ҳаракатининг том маънодаги минбарига айлантирди.

Шуни унутмаслик керакки, Туркистонга кириб келаётган ҳар бир янгиликни мустамлака тузумига зарба сифатида қабул қилган, бинобарин, унинг тарқалишига тиш-тирноғи билан қаршилик кўрсатган генерал-губернаторлик У.Хўжаевнинг Тошкентта келишидан саросимага тушди. Охранка ходимлари Саратов губернясининг жандарм бошқармасига мактуб йўллаб, у ҳақда тўпланган материалларни юборишини сўрадилар. У.Хўжаевнинг ҳар бир қадамини назорат остига олиб, эл-юрт ўргасида шуҳрати тобора ошиб бораётган газета нашрига чек қўйиш режаларини ишлаб чиқадилар. Турли-туман жарималарни ўйлаб топиб, 1915 йилда, 66-сонидан кейин, газетанинг чиқишига чек қўядилар. Ҳар бир сонидан 30-40 сўм зарар кўрганига қарамай, “Садои Туркистон” газетасининг

тақиқланиши билан У.Хўжаевнинг халкни уйғотиш йўлидаги орзу ва режалари чиппакка чикади. Унинг ўзи эса Тошкентда яшаш хуқуқидан маҳрум этилади.

Кўйидаги маҳфий маълумот У.Хўжаевнинг шу йиллардаги фаолиятининг номаълум қирраларига ойдинлик киритади: "...Ўша йили (яъни 1913 йили – Н.К.) Сараговдан Тошкентга кайтган Убайдулла қисман адвокатлик, асосан эса тарғиботчилик билан машғул бўлди. У “Умид” деб аталган илғор мусулмонлар гуруҳига раҳбарлик қилди. Унинг сабый-харакати билан Тошкентнинг Эски шаҳар қисмида китоб савдоси ташкил этилди. Маҳаллий тилда сўл йўналишдаги газетани нашр қилишга мўлжалланган ширкат тузилди... 1913 йил 21 декабрда унга Тошкентда “Садои Туркистон” номида маҳаллий газетани чиқаришга рухсат берилди... Ўша йили Тошкентда Убайдуллаҳўжа раҳбарлигида “Падаркуш” пьесаси қўйилди. Хўжаев 1914 йилдан Тошкент мужоҳидлари сафига қўшилиб, ўлкада Россия ҳукмронлигига карши тарғибот-чилик харатини маҳфий равишда давом эттиради. “Садои Туркистон” газетаси ёпилгандан сўнг Андижонга келиб, адвокатлик килмоқда".

У.Хўжаев Андижонга келгач, Охранка айғоқчиси хабар берганидек, маҳаллий ўзбек ва рус тараққийпарварлари билан танишиб, 1916 йил 1 июлда А.Чайкин билан бирга “Садои Туркистон” ғояларини давом эттирувчи “Туркестанский голос” газетасининг нашр этилишига муваффақ бўлади. Мазкур газетанинг ёруғ дунёни кўриши ва водий аҳли ўргасида эътироф қозонишида у дўсти А.Чайкинга елқадош бўлади.

Биринчи жаҳон уруши Россия империясининг ҳарбий салоҳияти тўғрисидаги эртакларни чиппакка чиқарди. Танг ахволда қолган империя моддий-техник аҳволини ўнглаб олиш учун дастлаб Ўрта Осиё аҳолиси ихтиёридаги от ва бошқа молларни, шунингдек, қимматбахо қоғозларни йигиб олди, сўнгра фронт орқасида қора меҳнат билан шуғулланиш имконига эга бўлган кишиларни мардкорликка олиш ҳакида фармон чикарди. Алданган халқ 1916 йилда Ўрта Осиё бўйлаб қўзғолон кўтарди. Қўзғолон мисли кўрилмаган шафқатсизлик билан бостирилди.

Бобур юртида сургун муддатини ўтаётган У.Хўжаев 1916 йил июлида андижонлик машҳур бой Миркомил Мирбобоев ҳомийлигига Вадим Чайкин (Анастасий Чайкиннинг иниси) билан бирга Петербургга бориб, IV Давлат Думасида Туркистонда рўй берган

адолатсизлик ва хунрезлик ҳақида ахборот беради. Ҳарбий хизматдан озод этилган маҳаллий аҳолини мардикорликка шошилинч равища сафарбар этиш ҳар томонлама хатарли эканини тушуниради. Содир этилган жиноягни ўрганиш учун Давлат Думаси аъзоларидан иборат маҳсус комиссиянинг Андижонга юборилишини сўрайди. Император, унинг илтимосига биноан, Туркистонда мардикорликка олиш муддатини 15 сентябрга қадар кечикириш ҳақида фармон бериб, А.Ф.Куропаткинни Туркистоннинг яиги генерал-губернатори этиб гайинлайди. А.Ф.Керенский ва К.Б.Тевкелевдан иборат Давлат Думаси комиссияси вазиятни ўрганиш учун Андижонга келади.

У.Хўжаев ўзбек халқи тарихининг шу мураккаб даврида Давлат Думаси аъзоларини кўзголоннинг раҳм-шафқатсиз бостириш оқибатлари билан таништириб, андижонлик жабрдийдаларининг шикоятларини уларга таржима килиб беради.

“Туркестанский голос” газетасининг 1916 йил 28 август сонидаги хабардан маълум бўлишича, Давлат Думаси аъзолари икки кун мобайнида Андижонда бўлиб, шаҳар ва шаҳар атрофида истикомат қилған турли миллатларга мансуб 100 га яқин кишилар билан учрашганлар, уларнинг арз ва шикоятларини таржимонлар ёрдамида ёзиб олиб, шу арз ва шикоятларнинг бир қисмини Гошкент суд палатаси прокурорига юборишга, мураккаб масалаларга оидларини эса Давлат Думаси ва унинг бюджет комиссияси эътиборига ҳавола қилишга ваъда берганлар.

У.Хўжаев бу эришилган ютуқ билан кифояланиб колмай, янги генерал-губернатор номига ариза ёзиб, унда чор амалдорлари туфайли Андижонда зўравонлик, порахўрлик, товламачилик иллатлари авж олгани, натижада маҳаллий амалдорларнинг ғайриқонундий ишлари ҳақида и шикоятлар жавобсиз колаётгани, айбдорлар эса жазоланмай кслаётганини айтади. У.Хўжаевнинг бундай хатти-харакатларидан чўчиган Андижон уезди бошлиги полковник Ю.А.Бржезицкий ўз навбатида уни ва унинг маслакдошларини Давлат Думаси аъзоларига Андижон воқеалари ҳақида нотуғри маълумот берганликда айблайди, “Туркестанский голос” газетасини ёпмасдан, “Чайкин ва Хўжаевларнинг издошлари”ни ўлкадан кувиб чиқармасдан туриб, Андижонда соғлом вазиятни яратиш мумкин эмаслиги ҳақида айюҳаниос солади.

Ўзбек халқининг шу йиллардаги пешкадам вакиллари эрк ва хурриятга эришмай туриб, она-ватаннинг равнақ топиши маҳол

эканини яхши билардилар. 1917 йил Февраль инқилоби натижасида уч юз йил ҳукм сурган Романовлар сулоласининг таҳтдан ағдарилиб, Мувакқат ҳукуматнинг ўрнатилиши улар дилидаги орзу-умидларга қанот бағишилади. Туркистон генерал-губернаторининг У.Хўжаевни Тошкентдан сургун килиши ҳақидаги буйруғи ўз кучини йўқоттани учун М.Абдурашидхонов унга ўзи ва маслақдошлари номидан табрик телеграммасини йўллади. Суронли йилнинг март ойида Тошкентта етиб келган У.Хўжаев “Шўрои ислом” жамиятининг таъсис йигилишида иштирок этиб, жамиятга раис ўринбосари этиб сайланади. Кўп ўтмай, унинг зиммасига раислик вазифаси юкланди. У жамиятнинг зукко аъзолари билан бирга хурриятта эришиш йўлларини ахтаради. Аммо сиёсий билими ва савијаси баланд бўлмаган кишиларни бир байроқ остига бирлаштириш осон эмас эди. Шу масалада большевикларнинг илгорлаб кеттанини кўрган У.Хўжаев 1917 йил октябрининг сўнгти кунларида тараққийпарвар дўстлари билан бирга Кўкон шахрига бориб, Туркистон Мухторият ҳукуматининг тузилганини зълон килган мусулмонлар қурултойида фаол иштирок этади. У шу қурлтойда Мухторият ҳукуматининг ҳарбий нозири этиб сайланади.

Афсуски, Россия худудларида барча ҳалқларнинг ўз тақдирларини ўzlари ҳал қилишлари ҳақидаги декларация руҳига тамомила мос, аммо неомустамлакачи большевиклар манфаатидан узок бўлган Мухторият 1918 йил февралида зўравонлик йўли билан туғатилиб, Кўкон ва Кўкон атрофидаги қишлоқлар конга ботирилди.

У.Хўжаев большевиклар таъқибидан кочиб, бир неча йил она-Ватанидан олисда – Оренбург, Москва ва Саратов шаҳарларида яшашга мажбур бўлди.

У.Хўжасвнинг кейинги ҳаёти сарсон-саргардонликда кечди. У бир неча маротаба камоқقا олинди. 20-йилларнинг иккинчи ярмида камоқдан қайтгач, республика Олий суди раиси Сайдулла Қосимов, қишлоқ ҳўжалиги ходимлари ва бошкалар устидан бўлиб ўтган суд жараёнларида окловчи сифатида иштирок этиб, бегуноҳ ватандошларини тухмат тошларидан ҳимоя қилишга уринди. Аммо замон ўзгарган, асрлар давомида сайқал топган одил қонунчилик асослари вайрон этилганлиги боис большевиклар конунларни истаганларича талқин қилмоқда эдилар. Шундай шароитда бегуноҳ қишиларни ҳимоя қилиш ҳам жиноят сифатида талқин этила бошлади.

“1938 йилнинг январи эди, – деб эслаган эди У.Хўжасвнинг жияни журналист Ҳибзиддин Муҳаммадхонов, – ярим тунда НКВД

ходимлари уйимизга бостириб келишди. Тоғам чуқур уйқуда эдилар, онам бечора унинг тепасига бориб: “Ака, туринг, сизга келишибди”, деб уйғотибдилар. Тоғам бечора чакирилмаган “мехмонлар” кимлар ва нима ниятда келганини ҳам суриштиrmай (бу ҳол эртами-кечми юз беради, деб бунга рухан ўзларини тайёрлаган бўлишлари мумкин), анил-тапил кийина бошлабдилар ва азбаройи шошилғанларидан хассаларини олишни ҳам унутиб (уни тогам сургундаликларида ўрмон дарахтидан ўзлари йўниб ясаб олган эдилар...), уларнинг олдига тушибдилар. Онамиз болаларим чўчи-масин, уйқулари бузилмасин, деб биз, опа-сингилларни, aka-укаларни уйготмабдилар. Шу тариқа онамиздан бўлак ҳеч биримиз тоғамиз билан хайрлаша олмадик. Эрталаб одатдагича уйғонганимизда тоғамизнинг ўринлари йиғиширилмаган ҳолда бўм-бўш ётарди...”

Ўзбек ҳалқининг ҳур ва озод келажаги йўлида яшаган, ёвузликка муносабат масаласида Лев Толстой билан баҳслашган, илғор дунёкарашли, билим доираси кенг бу жасур фарзанди ўз вактида жиловланмай ҳаддан ошган сталинча ёвузликнинг курбони бўлиб, 1939 йилда Коми АССРдаги азобгоҳларнинг бирида дунёдан кўз юмди.

### Сафо Муғаний (1882-1940)

“Қатагон” деганимизда, биринчи навбатда, Абдулла Қодирий, Чўлпон ва Фитратлар кўз олдимиизда жонланиб кетади. Бунинг боиси шундаки, бу ўлімас сиймолар аллақачон қатагон этилган ҳалқининг тимсолларига айланиб кетишган. Шу гимсоллар ортида юзлаб ва минглаб бегуноҳ жабрдийдалар бор. Шулардан бири “Хоразм булбули” – шоир, ҳофиз ва бастакор Сафо Оллоберган ўғли Муғанийдир.

Сафо Муғаний 1882 йили Хивада туғилган. Хоразм аҳли қўшик ва рақе санъатига алоҳида меҳрли бўлганлиги учун унда ҳам ёшлиқ кезлариданоқ санъатга шайдолик бошланган. Сафонинг ёшлигарга хос бўлмаган ажиб бир маҳорат билан соз чалиб, қўшик айтганини кўрган замондошлари унга қўшиқчилик санъати йўлидан кетишни, ўша даврдаги устоз санъаткорларга шогирд тушишини маслаҳат берганлар. Сафо замондошларининг шу таклиф ва масла-

хатларини эътиборга олиб, ўз даврининг таниқли созчи-ларидан, ҳофизларидан сабоқ олди. Сафонинг машхур маърифат-парвар шоир, мусиқашунос ва бастакор Комил Хоразмий билан устоз-шогирд тутиниши унинг кейинги ижодий ҳәётига, айниқса, катта таъсир ўтказди. Ён санъаткорнинг устоздан олган энг муҳим сабоги бундай бўлди: санъат йўлига кирган ҳар бир киши, агар у устозлари соясида қолиб кетишни истамаса, санъатга ижодкор сифатида ёндашиши, ўзи ҳам янги куйларни яратиши ва дилида айтмоқчи бўлган катта гапи, армон-орзулари бўлса, қўшиқ матнини – шеърни ҳам ўзи ёзиши лозим.

Ана шу яратувчилик туйғуси Сафонинг қалбига бегона эмас эди. У секин-аста шеърият тулпорини ҳам жиловлашга интилиб, ғазаллар бита бошлади. Аммо у ўзининг асосий ижод майдони мусиқа олами эканига амин бўлгани ва шеърият оламига шоир сифатида эмас, балки созандва хонанда сифатида, мусиқа оламининг вакили сифатида кирган ҳисоблаб, ўзига “Муғаний” тахаллусини танлаб олди.

Сафо Муғаний шундай бир даврда яшадики, бу даврда Хоразм маданияти тарихида Баёнӣ, Фақирий, Мутриб, Чокар, Девоний сингари қатор истеъдодли шоирлар, Шерозий сингари ҳофиз ва санъаткорлар, юлдузлар шодаси ўлароқ, баравар пайдо бўлиб, ўз ижодлари билан ҳалқни баҳраманд этдилар. Улар билан бир даврда яшаш ва ижод этиш улар билан мусобақага киришишдек гап эди. Улар ўзаро йигинларда, тўю маъракаларда ўз санъатларини намойиш этиш билан бирга кимдандир илғорлаб бораётгандар ёки кимдандир орқада қолаётгандарини хис этиб, ўз ижодларини янги ва юксак босқичга олиб чиқишига ҳаракат қилгандар. Шундай ижодий баҳсларнинг натижаси ўлароқ, Сафо Муғаний тез орада нафақат созчи ва ҳофиз, балки шоир сифатида ҳам эл-юргт хурматини қозона бошлади.

Сафо Муғаний каби Хоразм шоирларининг шаклланиши совет даврига тўғри келди. Бинобарин, улардан янги ҳаёт, янги давр гояяларини тараннум этувчи шеърларни ёзиш талаб этилди. Шу туфайли уларнинг, шу жумладан, С.Муғанийнинг Хоразм ипқиlobига қадар ёзган ғазаллари эътиборсизлик орқасида йўқолди. Ҳолбуки, Сафо Муғанийга эл-юргт ўргасида катта шуҳрат келтирган нарса унинг умрбокий мавзуулардаги ғазаллари эди. Шу туфайли у нафис йиғилишларга, тўю-томушаларга тинимсиз таклиф этилар эди.

С.Муғанийнинг фикрига кўра, санъат бугунги кишиларга хизмат қилиши, бугунги воқеаларга муносабат билдириши билан, айникса, аҳамиятлидир. Шунинг учун ҳам у 20-30-йиллар ҳаётида рўй берган воқеаларни четлаб ўтишни ўзига эп кўрмади. У кишиларни бирликка, маҳаллийчилик иллатларидан ҳалос бўлишга чакирувчи шеърлар ёзди, Хоразм воҳаси ҳаётида содир бўлаётган ҳар бир муҳим воқеага муносабат билдиришга уринди. Чунончи, у хорижий мамлакатларга ўқишига кетаётган хоразмлик ёшлиларга бағишлаб, бундай сатрларни ёзди:

*Хоразмнинг фарзандлари,  
Қайда борсанг, сог бўлинглар!  
Богда очилган гуллари,  
Қайда бўлсанг, сог бўлинглар!*

*Наврўз гулидек очилган,  
Илм учун сафар қилган,  
Ватанидан жудо бўлган  
Қайда бўлсанг, сог бўлинглар...*

*Илм учун гайрат этгил,  
Белинг боғлаб ҳиммат этгил,  
Қайтиб Ватанингга етгил,  
Қайда борсанг сог бўлинглар!*

С.Муғаний замонавий мавзуда ёзилган шундай шеърлари билан Хоразм аҳлиниң маънавий ҳаёти ва руҳиятига шода-шода нур сочишга, уларга завқ-шавқ бағиашлашга алоҳида эътибор берди.

Хоразмда Партаў тахаллуси билан ижод қилган шоирнинг Сафо Муғаний тўғрисидаги хотираларида бундай кизиқарли маълумот бор:

“Мендан, – деб нақл қилган эди у, – жуда кўп таниш-билишлар: “Сиз Сафо созчи билан жуда яқин эдингиз. Унинг қайси фазилатлари сизга кўпроқ маъқул эди?”, деб сўрайдилар. Ҳа, мен Сафо созчи ёки ҳалқимиз орасида Сафо Муғаний номи билан машхур, кўп куй-кўшиклари элимизга манзур бўлган Сафо Оллоберган ўғли билан Хоразм инкилоби йилларида танишганман. У вақтларда мен 16-17 ёшлиларда эдим. Кўп вақтим устозим Мухаммад Юсуф Баённий

домланинг уйларида кечарди. Сафо созчи Баёний домла билан (гарчанд ёш жиҳатидан бир-бирларидан анча тафовут қилсалар-да) жуда қалин ошна эди. Бу ошналик, менинг англашимча, оддий таниш-билишлик бўлмай, балки ижодий ҳамкорлик даражасига кўтарилиган ёди..

Сафо созчи зукко табиат, хассос қалб, адолатпарвар, ёмонлик ва риёкорликни ўлгудек ёмон кўрувчи, нозик бадиий таъб сохиби, яхши бастакор, уста ҳофиз ва нотиқ сифатида ҳалқорасида катта обрў қозонганди... Сафо созчи у даврининг муҳим муаммоларига ҳар вақт ҳозиржавоблик билан “лаббай” деб майдонга чиқарди. Кўпинча замон воқеаларига бағишлиб тўқиган кўшикларини дарҳол устоз Баёний ҳузурига келиб намойиш килар, у кишининг фикр-мулоҳазаларини сўрар, ўзаро муҳокама килишарди. Мана шундай мажлисларда улар хизматида бўлган каминалари ҳам Муганий ижодий дурдоналарининг дастлабки тингловчиси бўлишдек шарафга мусассар эдим. Орадан кўп ўтмай, устоз туфайли мен ҳам Сафо созчи билан яхшигина ошно бўлиб қолдим...”

Сафо Муганийнинг Хоразм инқилобидан кейинги ҳаёти ва фаолияти вилоят театри билан боғлиқ ҳолда кечди. У умрининг охирига қадар шу театрда созанда, ҳофиз ва бастакор бўлиб ишлади. Хоразм театри саҳнасида кўйилган спектаклларга ёзилган ва ижро этилган мусиканинг ҳалққа манзур бўлишида унинг хизматлари, айниқса, катта.

“Инқилоб қуёши” газетасининг 1936 йил 10 ноябрь сонида Сафо Муганий истеъодининг янги қирралари ва ижодий ҳаётининг муҳим жиҳатлари ҳақида бундай сўзлар ёзилган:

“У интернационал санъаткор бўлган: туркманча, тожикча, қорақалпокча, озарбайжонча, татарча, русча, уйғурча, туркча куйлардан бир қанчасини билади. У “Шўх йигитлар”, “Будильник”, “Будённий” куйларини жуда яхши ўрганиб олган. У рубоб, ғижжак, доира, скрипка, гармонь чала билган. Унинг истеъодининг кучлилиги шундаки, Файзулла Ҳўжаев тақдим этган баянни чалишни икки ярим ойда ўрганганди...”

Атоқли санъаткор тўғрисидаги бу ҳаяжонли сўзлар унинг ижодий фаолиятига 40 йил тўлиши муносабати билан айтилган.

Ўша йили Хоразм округ ижроия қўмитасининг қарори билан Сафо Муганий ижроқўмнинг фахрий ёрлиғидан ташқари, патефон, ён соат, костюм ва 1000 сўм пул билан мукофотланган;

А.Икромов номидаги округ театри жамоасининг илтимосига асосан Ўзбекистон Марказий Ижроия Қўмитасидан Сафо Муғанийга Мехнат ва санъат қаҳрамони унвонини бериш сўралган.

Афсуски, биз Хоразм округ ижроқўмининг бу илтимоси Тошкентдаги тегишли идораларга етиб келганми ва қондирилганми, деган саволга жавоб бера олмаймиз. Бу ҳақда бирорта маълумот йўқ. Лекин шу нарса аниқки, Сафо Муғаний Мехнат ва санъат қаҳрамони деган юксак унвон нашидасини сурмоқчи бўлган кезларда замон дабдурустдан ўзгариб, алғов-далғов бўлиб кетди. “1937 йил” деган аждаҳо хеч нарсанинг фарқига бормай, ҳаммани ямлаб юта бошлади. 1937 йил 28 ноябрда Сафо Муғаний ҳам “миллатчи” ва “аксилинқилобчи” сифатида қамоқقا олинди ва 1938 йил 28 августда унга 10 йиллик қамоқ жазоси берилди.

Хоразмнинг севимли булбули қамоқ жазосини ўтаган олис жойларда ҳаёт билан абадий видолаиди.

Сафо Муғаний сингари қатағон даври жабрдийдаларининг охиратлари обод бўлсин.

### Илҳом Одилӣ (1888-1942)

1937 йили “Ўзбекистоннинг донгдор ўқитувчилари” деган рисола нашр этилган. Шундан бир йил муқаддам “Меҳнат қаҳрамони” унвонига сазовор бўлган уч ўқитувчидан бири Илҳом Одилӣ тўғрисидаги очерк ҳам шу рисоладан ўрин олган эди.

Шу куни Кримга бориш учун шайланаётган Илҳом ака рисолани қўлига олиб, ёш боладек севинди. Кўз олдидан болалик ва ёшлик кезлари бирма-бир ўтди. Бечора отасининг камбағаллигига қарамай, ўғлининг мулла бўлишини орзу қилиб, мадрасага илк маротаба олиб борганини эслади... Қани энди, ҳозир отаси ҳаёт бўлса-ю, ўқитувчилиги орқасида “Меҳнат қаҳрамони” унвонига мусасар бўлганини, мана бугун эса, у ҳакида ҳам рисола нашр этилганини кўриб, боши осмонга етса...

Илҳом ака отасини ёд этиб, кўзига ёш олди. Меҳнат орқасида топган обрў-эътиборидан ҳийла сархуш бўлиб, отасининг руҳига тиловат бағишилади. “Отажон, рози бўлинг мендан. Берган тузингизни, тарбиянгизни бундан кейин ҳам оқлашга ҳаракат киласман”, деб пичирлади. Аммо тақдир ота-онаси олдидаги, халқи олдидаги

карзини узиш учун мухлат қолдирмаган эди. Шу кувончли қундан кўп ўтмай, ярим кечаси эшик ҳалқалари кўққисдан шараклаб, бегона кишиларнинг келганини маълум қилди. Шу куни уйни роса титиб, араб ёзувидаги китоб ва қўллэзмаларга, суратларга қўшиб, Тошкент шахридаги Учкун номли 94-мактаб директори Илҳом Одилнийни ҳам олиб кетдилар.

Илҳом Одилнийнинг таржимаи ҳолидан:

“Отим Илҳом. Отамнинг оти – Одил. Миллатим ўзбек бўлиб, 1888 йил февраль ойида Тошкент, собиқ Бешоғоч даҳа, Чўлпон ота маҳалласида туғилганман. Ижтимоий чиқишим – қора ишчи. Отам умр бўйи фишт куйган, фишт қалаган кишиларга ёлланиб, кесувчилик килган. Мактаб ёшига етишим билан эски мактабдор амаким ҳовлисида ўқиб, саводим чиқди. Мадрасага кирдим. Мадраса шароитига кўра ўрта маълумот олдим. 1908 йилдан бошлаб амаким Наби ҳожи ёнида 1913 йилгача мактабдорлик килдим. 1913 йил октябрь ойида 8-rossийский-туземний мактабига муаллим бўлиб тайин бўлдим. Февраль инқилобидан кейин Хадрадаги “двуҳ класс” мактабига муаллим бўлиб кўчирилдим. 18-йил октябрь ойидан бошлаб 16- “Форобий” мактабига мудир-муаллим бўлиб тайин этилдим. Нагрузка йўлида собиқ Бешоғоч даҳадаги шўро мактабларига раҳбар ҳам бўлиб турдим. 1924 йил сентябрь ойидан 24- “Учкун” мактабига мудир бўлиб кўчирилдим...”

Илҳом Одилнийнинг ўқитувчилик йўли ана шундай бошланди.

Бугун Ўзбекистонда мактаб ва маориф муаммолари ҳал бўлиб, таълим ва тарбия ишлари Мустақил Ўзбекистоннинг дикқат марказини эгаллаган, ҳамма нарса баркамол авлодни тарбиялаш масаласига қаратилган бир пайтда Илҳом Одилий таржимаи ҳолидан олинган бу сатрлар орқасида қанчадан-канча машаққатлар, азоблар, тебранишлар, кўз ёшлари тургани хаёлимизга ҳам келмаслиги мумкин. Ҳолбуки, замонавий таълим тизимининг пайдо бўлиши, ёш йигит ва қизларнинг янги мактабларга келиб ўқиши осон кечмаган.

“Қизил Ўзбекистон” газетасининг 1938 йил 26 май сонида эълон қилинган “Ҳалқ хизматида 15 йил” номли мақолада “Учкун” мактабининг тарихига оид қуйидаги сўзларни ўқишимиз мумкин:

“...Дастлабки йилларда дин маркази ҳисобланган бу ерда мактаб ва таълим-тарбия ишларини олиб бориш анча қийин бўлди. Мактабга биринчи йили тўплланган 179 бола орасида битта ҳам киз

йўқ эди. Чунки, бойлар, эшонлар болаларнинг, айниқса, қизларнинг совет мактабида ўқиб билим олишларига зўр қаршилик кўрсатар эдилар. 1925-26 ўкув йилида зўрға 15 қиз бола мактабга тортилди. Бироқ, улар ҳалигидек қора гуруҳ кучларнинг таъсирида мактабга паранжи ёпиниб келиб, алоҳида хотин ўқитувчидагина ўқир, ўша вактда ҳатто Сохиба Муслимова, Матлуба Ҳошимова каби ўқитувчилар ҳам паранжидаги юарар эдилар...”

“Учкун” мактаби 1923 йили Юнусхон домла авлодларининг эски мактаби ўрнашган Қабз ота мозори ўринида хашар йўли билан курилган эди. Илҳом Одилий гарчанд бу мактабга 1924 йили мудир этиб тайинланган бўлса-да, у мазкур мактабнинг курилишидан четда турмаган. Ўғли Анвар Одиловнинг хотирлашича, 1923 йили отаси Бешоғоч даҳасининг Чўлпон ота, Мирлар, Андижон, Сузук ота, Чакар, Чукур кўприк, Бадирбой, Сарчопон ва Эски намозгоҳ маҳалла меҳнаткашлари ўргасида янги мактаб фойдасига тарғибот ва ташвиқот ишларини олиб бориб, Эски шаҳар ижроқўмининг ижозати билан Мирлар маҳалласи яқинидаги эски кабристон ўрнида етти йиллик янги мактабнинг курилишида ташаббускор бўлган. Мактаб биноси 1924 йилнинг ёзида ишга туширилганида унга Илҳом Одилий мудир этиб тайинланган ва 1929 йилга қадар шу ерда ҳам мудир, ҳам жуғрофия ўқитувчиси бўлиб хизмат қилган.

Илҳом Одилий 1929 йилдан 1934-1935 йилларга қадар Нодира номидаги 12-, Ҳамза номидаги 65- ва бошқа бир неча мактаб ҳамда таълим-тарбия курсларида жуғрофия ва она тили фанларидан дарс берди, шу ўкув юртларида ҳам кўплаб шогирдларни етиштириб чиқарди. Аммо унинг педагогик ҳаёти, биринчи навбатда, “Учкун” мактаби билан боғлиқ. У ҳатто мазкур мактаб педагогик жамоасининг илтимоси билан 1934-1935 йилларда ўз фарзандидек кадрдан бўлиб қолган мактабга яна мудир бўлиб қайтиб келди.

“Ўртоқ Илҳом Одилий, – деб ёзилган юқорида тилга олинган рисолада, – педагогиканинг ажойиб устаси саналади. Унинг биринчи қоидаси: ўз-ўзига талаб қўйишдир. Жуда катта тажрибага эга бўлишига қарамай, у ҳеч вакт тайёрланмасдан дарсга келмайди. У ҳар куни кечқурун келаси кунги дарсларини тайёрлашга ўлтиради. У конспектларини кўздан кечиради, унга тегишли тузатишлар киритади, материалларни янгилайди, дарс вактида кўрсатажак мисолларни ўйлаб қўяди. Мана шу ишларни қилганидан кейингина у эрталабки дарс қандай зарур бўлса, шундай бўлиб чикишига ишонч козониб, сўнг тинчлайди”.

Илҳом Одилнийнг педагогик тажрибаси хусусида курук баҳс юритишдан кўра қасбдош ва шоғирдларнинг устоз муаллим тўғрисидаги хотираларидан баъзи бир лавхаларни қўйида келтириш мароқлироқдир.

Ўзбекистонда хизмат кўрсатган ўқитувчи Қодир Набиҳўжаев ўз хотираларида қасбдош дўстини бундай самимий сўзлар билан ёдга олган: “Илҳом Одилӣ Тошкент шаҳрида бўлган 14 та русский-туземний мактабларни ўзбек ўқитувчилари билан таъминлаб турган, нисбатан анча кичик бўлган Хўжа Аҳрор мадрасасида ўқир ва мазкур мактаблардан бирида ўқитувчилик килар эди...

...Ҳар хил очилиб турган қисқа муддатли курслар бирор мунтазам билим беролмас, бунинг устига, биз ўз тилимизда ёзилган бирор педагогик қўлланмага ҳам эга эмас эдик. Ана шундай қийинчилик бор пайтда ўр. Одилӣ каби илғор ўқитувчилар ёрдамга келишди – “тап” ташкил этишди. Шунинг учун “тап”ки, ҳар дам олиш куни 30-40 киши биттасининг уйига боришар, ош-сув ва бир оз чақ-чақлашишдан сўнг асосий иш – иккинчи қисмга ўтилар эди. Бунда эса, олдинги йиғилишда топшириқ олган ўқитувчилар маълум синфларда маълум фанлардан қандай дарс ўтиш тўғрисида доклад килар, мунозара бошланар, бу метод анави курсларга караганда анча яхши натижга бахш этар эди. Ўр. Одилӣга бевосита алокадор бўлган бу “тап”ни худди педагогик семинарияning ўзгинаси, деса бўларди.

Ана шундай ажойиб ишлари билан ўз қасбдошлари орасида хурматта эга бўлган Илҳомжон аканинг обрўси меҳнаткаш ҳалқ орасида яна ҳам зўр эди.

24-йили шаҳарда биринчи бўлиб “Учқун” мактабини қурдириб олгач, ўша даврда катта нуфузга эга бўлган “Қизил тирнок” кўнчилар союзидан баракали фойдаланди. Жамоатчилик мактабини ўюнтириб, мазкур мактаб кошида катта бир қўлбунинг бунёдга келишига сабаб бўлди, бу клуб (ҳозирги 22 номерали амбулатория) сиёсий-маданий ўчок вазифасини бажарган эди...”

Форобий номидаги мактабда таҳсил кўрган талабалардан бири, Ўзбекистон Фанлар академиясининг мухбир аъзоси А. Султонов ўз хотирасида устозининг бизга маълум бўлган маърифий-педагогик сиyratига бундай янги чизгиларни кўшади:

“Илҳом Одилов, – деб ёзади у, – Абу Наср ал-Форобий номидаги рус-тузем мактаби заминида ташкил топган биринчи боскич

8-мактабнинг ташкилотчилиридан бири ва директори эди. И.Одиловнинг шижаоти ва катта ташкилотчилик қобилияти туфайли мактаб замонавий асбуб-ускуналар билан жихозлангани учун ўғил болалар эски мактабларга бормай қўйишган эди.

И.Одилов, энг аввало, қўшни “Маҳбуслар уйи” хисобига мактаб биносини кенгайтириб, нисбатан кучли педагоглар жамоасини тез жипслаштириди, рус тили ва бошқа фанларни ўрганиш бўйича машғулотларнинг муниципалитети равишда ўтказилишига эришиди. У меҳнат тарбиясига ва ўқув жараёнининг кўргазмали воситалар ёрдамида олиб борилишига алоҳида эътибор берди. Мактабимизнинг унча катта бўлмаган ҳовлиси мевали дарахтлар, гуллар ва бошқа ўсимликлар экилиб, ажойиб бир бокка айлантирилди. И.Одилов табиёт ва жуғрофия фанларидан дарсларини кўпинча шу боғда ўтарди...

...Совет ҳокимиятининг дастлабки машиқкатли йилларида, очлик ва вайронагарчилик ҳукм сурган бир даврда И.Одилов ўқувчилар учун белул нонушта ташкил этган эди...”

Техника фанлари доктори А.Мухамедовнинг Илҳом Одилий гўрисидаги хотиралари ҳам “Учқун” мактабининг 20-йиллардаги серқирра ҳаётига доир қизикарли маълумотларга эга:

“Биз, – деб ёзади хотира музаллифи, – тўртингчими ёки бешинчи синфда ўқиб юрганимизда у киши (яъни Илҳом Одилий – *H.K.*) Москва ва Ленинградга бориб келганларини сўзлаб берганлар. Москвадан анча-мунча ўқишига доир қўлланмаларни шахсан ўзлари келтирган эканлар. Ўзлари эҳтиётлаб олиб келгандар катта глобусни айлантириб, бизга дунёнинг беш қигъасини кўрсатар, болаларни глобус олдига чақиришиб, қайтартирас эдилар. Ҳар бир ишда домланинг ўзлари катнашар эдилар. Масалан, кооператив оркали мактабда кичкина дўконча ташкил қилиб, у ерда дафтар, қалам, ўчиргич ва бошқа ўқиши китобларини соттирас эдилар...

Ўша йилларда домланинг ташаббуси билан мактабда музика тўғараги очилиб, унда Юнус Ражабий, Рихси Ражабий, Имомжон Икромов ва бошқа уларнинг талабалари музикадан дарс беришар эди. Мен бу тўғаракда танбур чалишни ўргангандар эдим. Машғулот вақтида мудиришим ва домламиш Илҳом Одилий музика дарсига кириб ўтирас эдилар. Бизнинг тўғаракдагилардан Маҳмуд Юнусов ва Жамил Камоловлар кейинчалик профессионал машшоқлар бўлиб етишиб чиқишиди.

“Учқун” мактаби (номи илм учқуни кенг таралсин, деган ниятда қўйилган) ўша вақтларда Тошкентда жуда катта обрўга эга эди. Мактабнинг яхши театр тўғараги бўлиб, унда Фитрат домланинг “Абулфайзхон”, Чўлпюннинг “Ёрқиной” драмаларини ва Гози Юнуснинг ҳажвий асарларини ўйнашар эди. Томошибинлар қўп бўлиб, театрга келган кишиларга клубда жой стишмас, одамлар лиқ тўлган бўлар эди.

Мактаблар аро байрам мусобакаларида бу мактаб кўпинча ҳамма соҳада биринчиликни оларди”.

Илҳом Одилий қаерда ишлаган бўлса, шу ердан, айниқса, “Учқун” мактабидан кўплаб машҳур кишилар етишиб чиқкан. Улар орасида кўмондон Миркомил Миршаропов, композитор Толибжон Содиков, фан арбоблари Воҳид Зоҳидов, Восил Қобулов, Фани Мавлонов, рассомлар Мели Мусаев, Раҳим Аҳмедов, санъаткор Ориф Қосимов, ёзувчилар Ҳабиб Нуъмон, Ҳабибулла Қодирий ва бошқалар борки, уларнинг ҳар бири катта ҳурматта сазовор Кишилардир.

Шулардан бири атоқли шифокор Вали Мажидов бўлиб, у ҳам устози ҳакида бундай самимий сўзларни айтган: “1936-1937 йиллар... “Учқун” мактабида ўқиб юрган чоғларим... Ўша йиллардан хотирамда чукур ўрнашиб, талайгина ўрин олган эсадаликларнинг энг муҳимларидан бири “Учқун” мактабида жуғрофиядан дарс берувчи муаллим Илҳом домла Одилий билан синфдаги учрашувлардир. Илҳом домла ўқитувчими, ўкувчими, барибир, ҳамманинг ҳурматига сазовор бўлган олижаноб одам эди. Илҳом домла Одилий факат чукур билимли ўқитувчи ва яхши методистгина эмас, балки ёшлар руҳига таъсир қила оладиган, бинобарин, уларни яхшироқ ўқишига отлантирадиган гапларни кўп айтарди. Ҳеч Кимнинг иззат-нафсиға тегмас ва ерга урмас эди.

Илҳом домла Одилийнинг ўша вақтларда берган сермазмун маслаклари шунчалик таъсирли эдики, улар ҳалигача хотирамда. Жумладан, домла ёшларнинг келажаги порлок экани ҳакида қўп ганирарди. У ўкувчиларнинг руҳини кўтарадиган, уларни янада яхшироқ ўқишига отлантирадиган гапларни кўп айтарди. Ҳеч Кимнинг иззат-нафсиға тегмас ва ерга урмас эди.

Кишининг бундай фазилати педагогика нуктаи назаридан муҳим аҳамиятта эгадир, албаттга”.

Илҳом Одилийни яқиндан билган ҳамкасб ва шогирдларнинг хотиralаридан шу нарса равшан бўладики, у XX аср бошларида

Ўзбекистонда етишиб чиқкан энг юкори малакали ўқитувчилардан биридир. Шунинг учун ҳам 1936 йил 23 август куни Ўзбекистон Марказий Ижроия Кўмитаси ва Халқ Комиссарлари Кенгашининг Илҳом Одилийга “Мехнат қаҳрамони” фахрий унвонини бериш тўғрисидаги қарори халқ маориф ходимлари томонидан қизгин кутиб олинди. Ҳукуматнинг юксак мукофотидан рағбатланган Илҳом Одилий янада катта куч ва завқ-шавқ билан ишга киришди. 1937 йилнинг таътил ойларида эса у шаҳар халқ маориф бўлими томонидан берилган йўлланма билан Кримга, истироҳатга борди. Аммо у Кримдан келган кунининг эртасига – 26 август куни Файзулла Хўжаев ва Акмал Икромовларининг халқ маорифи соҳасидаги маслакдоши сифатида қамоққа олинди. 1937 йил 27 ноябрь куни Ўзбекистон НКВДси кошидаги машъум “учлик”нинг қарори билан атоқли муаллим, Мехнат қаҳрамони Илҳом Одилий 10 йиллик қамоқ жазосига ҳукм қилинди.

У қамоқ жазосини Ярославль вилояти Углич шаҳридаги лагерда ўтаётган пайтда Иккинчи жаҳон уруши бошланиб, душман кўшиналари шиддат билан Украина, Белоруссия ва Россиянинг ғарбий районларини босиб олади ва Москва бўсагаларига кириб келади. Бундан хавфсираган НКВД ходимлари 1942 йил 5 май куни бошка маҳбуслар каторида Илҳом Одилийни ҳам отиб ташлайдилар.

Ажойиб инсон ва жонкуяр ўқитувчи Илҳом Одилий педагогик фаолиятининг айни гуллаган бир даврида ҳаётдан ўтади.

Илҳом Одилий сингари бутун ҳаётини маориф ва маданият равнақига бағишилаган сиймолар номи миннатдор авлодлар хотира-сида узоқ йиллар давомида сакланади.

### **Лутфулла Олимий (1893-1969)**

Лутфулла Олимий 1893 йили Наманган шаҳрида дунёга келган. У Намангандаги мадрасаларнинг бирида таҳсил кўрган. Сўнг дастлаб ота касби – дехқончилик билан шуғулланган. 1914 йили эса Крафт деган бадавлат кишига қарашли заводда олти ой ишлаган. Шундан кейин бир мунча муддат бошланғич мактабда дарс берган. 1916 йили Уфа шаҳрига бориб, таникли жамоат арбоби Абдулҳай Тожиев билан бирга машхур мадрасаси “Олия”да таҳсил олган.

Лутфулла Олимий 1917 йил Февраль воқеаларидан кейин, март ойида, ўз юртига қайтиб, Наманган тараққийпарвар ёшлиар жамия-

тига аъзо бўлиб киради ва, кўп ўтмай, мазкур жамиятга котиб этиб тайинланади. Сўнгра 1918-1921 йилларда Наманганда очилган “Намуна” мактабида ўқитувчи сифатида фаолиятини давом эттиради. 1922-1923 йилларда Наманган шаҳар-уезд халқ маорифи ва сиёсий оқартув бўлимларида мудир бўлиб ишлайди. Шу йилларда Наманганда Ҳамзанинг биринчи устози Абдулла Тўқмуллин, муаллим Дадамирза қори Шайхов, шоир Рафиқ Мўмин сингари таниқли сиймолар маориф соҳасида ибратли ишларни олиб бораётган эдилар. Л.Олимий шу ҳаммаслак дўстлари билан бирга ёш авлодни замонавий илм-фанны згаилаган, миллий ахлоқ ва одоб асосида тарбияланган кишилар бўлиб улғайиши йўлида астойдил меҳнат қиласди.

Давр зиёлилардан шиддат билан кечажиган тарихий жараёнда кечани кеча, кундузни кундуз демай ишлашни, ўқитувчиларнинг янги авлодини тезкорлик билан етиштиришни талаб этар эди. Буни яхши ҳис этган Л.Олимий Акмал Икромов билан биргаликда Насриддин Нуридинов мудирлигида очилган ўқитувчиларни тайёрлаш беш ойлик курсида дарс бера бошлайди.

1918 йил 1 сентябрда Наманганда “Ишчилар қалқони” газетасининг 1-сони босилиб чиқади. Фаргона водийсида иккинчи бўлиб нашр этилган бу газетанинг муҳаррири Тоҳир Фатхуллин, котиби эса Лутфулла Олимий эди. У тугма журналист бўлгани туфайли мазкур газетанинг наманғанликлар ўргасида эътибор қозонишига катта ҳисса қўшади. Газетанинг халқ оммаси ўргасида обрў-эътибори кундан-кунга ошиб бораётганини кўрган вилоят раҳбарлари 1924 йилда Л.Олимийни “Фаргона” газетасига масъул муҳаррир ўринбосари этиб тасдиқлайдилар. Шу вақтдан эътиборан у Кўкон шаҳрида яшаб ишлай бошлайди.

Фалакнинг гардишини карангки, 1923 йили Андижонга “Дарҳон” газетасини нашр этиш учун борган Чўлпон ўша йилнинг охиirlарида газета ўз бурчини ўтаб бўлганлиги туфайли Кўконга бориб, дўсти Ашурали Зоҳирийнинг уйида яшаган ҳолда мазкур газетада хизмат қиласди. Бири Андижонда, иккинчиси эса Наманганда туғилган икки ажойиб инсон Кўконда учрашиб, дўстлашиб коладилар. Чўлпон Кўконда узоқ яшамайди. 1924 йили Москвада Ўзбек драма студияси ташкил этилиши муносабати билан у студияга адабий эмакдош этиб белгиланади ва Москвага кегади. Аммо студиячилар 1926 йили Фаргона водийсида ҳисбот спектакллари-

ни олиб келганларида Чўлпон санъаткор биродарлари билан бирга Л.Олимийнинг уйидаги меҳмон бўлиб, у билан мирикиб гурунглашади.

Л.Олимийнинг адабий фаолияти 1914 йили “Садои Туркистон” газетасида “Миллатим” шеъри билан бошланган. Шундан кейин “Садои Фарғона”, “Турон” ва бошқа даврий нашрларда унинг маърифатпарварлик ғоялари билан ўғрилган шеър ва маколалари нашр этилган. У Наманган тараққийпарвар ёшлар жамиятида хизмат қилган йилларда ўзини гўё Оллоҳ йўлига бағишилаган, деб овоза тарқатган чаласавод муллалар ҳар қандай янгиликка, шу жумладан, мактабларда дунёвий фанларнинг ўқитилишига қарши чиқиб, кўпгина хайрли ишларга тўғоноқ бўлганлар. Л.Орифий шундай чаласавод муллаларга қарши қаратилишган ҳажвий шеърлар ёзиб, уларни “Тиканли гул” тўпламида эълон қиласди. Бу тўпламнинг нашр этилиши билан бояги кимсалар унинг ҳайтини бадтар заҳарлай бошлаганлар. Шундан кейин у ўзини кўпроқ маърифий ишларга сарфлаб, ёш авлодни эзгу максад йўлида тарбиялаш ва ўқитувчиларнинг янги авлодини шакллантириш билан бундай кимсаларга зарба беришга аҳд қиласди.

1927 йил 3 февралда Л.Олимий энди “Янги Фарғона” деб атала бошлаган ўша газетага масъул муҳарир этиб тайинланади. У шу вактда истеъдошли ташкилотчи ва журналист сифатида газетани Фарғона водийси ҳайтининг кўзгусига айлантиради. У газета атрофига Ҳамза, Сўфизода, Рафиқ Мўмин, Собир Абдулла, Яшин, Шариф Ризо каби ёзувчи ва журналистларни тўплайди ва газета шу йилларда ўзбек матбуотининг байроқдор нашрларидан бири сифатида шухрат козонади.

1930 йилда Мунаввар қори Абдурашидхонов раҳбарлигидаги “Миллий иттиҳод” ташкилотига озми-кўпми алоқадор ватандoshларимиз қамокка олина бошланди. Давлат Сиёсий Бошқармаси (ГПУ) мумкин қадар кўпроқ миллатпарвар кишиларни гумдан қилиш мақсадида Кўконда “Миллий иттиҳод” ташкилотининг Фарғона вилоят бўлимини ташкил этди. Органинг газетага ўрнашиб олган одамлари Л.Олимий каби содда кишиларни авраб, “Богтирип гапчилар” ташкилотини туздилар. Кўп ўтмай, бу ташкилотнинг икки сотқиндан бошқа барча аъзолари, шу жумладан, Л.Олимий ҳам ҳисбса олиниб, 10 йиллик қамоқ жазосига ҳукм килиндилар. Л.Олимий ҳисбдан барвакт озод этилиб, 1937 йил 2 август куни

Шоҳимардонда соғлиғини тиклаётган вактида иккинчи марта қамоқقا олинди. 1947 йили 10 йиллик қамоқ муддатини ўтаб қайтган Л.Олимий 1949 йил 2 сентябрда учинчи маротаба қамоқقا олиниб, жазо муддатини ўташ учун Красноярск ўлкаси Чулим шахридаги ўрмон кесувчилар лагерига юборилади. У фақат Сталиннинг ўлимидан, шахсга сиғинишнинг фожиали оқибатлари фош этилганидан кейингина она юртига қайтиб, 1969 йили Наманган шахрида вафот этади.

Биз бундан бир неча йил аввал Наманғандаги Лутфулла Олимий маҳалласида атоқли журналистнинг 110 йиллигига бағишиланган хотира кечасини ўтказган эдик. Шунда кўни-кўшиллар Л.Олимий билан бирга унинг укаси Файзулла Олимийнинг ҳам қатагон даври қурбони бўлганини айтиб қолдилар. У 40-йиллар охирида озодликка эришиб, уйига қайтиб келганида, ота бўйи чўзилиб қолган болаларини, болалар эса эски ва йиртиқ телегрейка кийган скелет-оталарини танишмаган экан. Ҳатто покришка парчасини калиш қилиб кийган скелетнинг ҳовлига кириб келишидан чўчиб, бир-бирларига йиғлаб-ёпишиб олган эканлар.

Эҳтимол, Л.Олимийнинг ўзи ҳам уйига омон-эсон кириб келганида бундан яхши аҳволда бўлмагандир. Ҳар қалай, бегуноҳ кишининг йигит кетиб, қари чол бўлиб қайтиши ўртасида у қанчадан-канча азоб-укубатларни, хўрликларни кўрган, ҳакоратларни эшитган бўлади. Дўзах ичидаги кечган ҳаёт эмас, балки ёнган, ёниб дудга айланган ҳаётдир.

Мустабид тузум халқимизнинг қанчадан-канча ажойиб ва пешқадам фарзандларини қатагон этди, уларга кўшиб Миллат-парварлик, Ватанпарварлик, Мехр-оқибат сингари буюк инсоний фазилатларни халқимиз юрагидан сиқиб чиқаришга уринди.

Бугун Мустақил Ўзбекистонда қатагон қурбонлари хотирасининг эъзозланиши ва абадийлаштирилиши нафакат тарихий адолат, балки ўзбекона маънавият ва ахлоқ-одобнинг ҳам тикланишига кафолат бўлиб хизмат этажак.

### Ғози Олим Юнусов (1893-1938)

Ўзбек фани ва маданиятининг ҳаётбахш илдизлари олис даврларга бориб тақалишига қарамай, халқимизнинг илмий ва маданий

таракқиёти XVI-XIX асрларга келиб, турли тарихий силсилалар туфайли бошқа илғор ҳалқлардан орқада қолди. XIX аср охири – XX аср бошларида жунбишга келган миллий уйғониш ҳаракати ҳалқни ана шу илмий-маърифий, маданий ва иқтисодий қолоқликдан олиб чиқишини ўз олдига мақсад қилиб қўйди. Бу қутлуғ мақсадни амалга ошириш йўлларидан бири миллий таълим тизимини ислоҳ этиш, ёшларни илғор хорижий мамлакатларга ўқишига юбориш ва замонавий билимга эга бўлган янги авлодларни тарбиялаш эди. XX аср тонгида бошланган бу ҳаракат 1917 йилнинг суронли воқеаларидан кейин ҳам янги тарихий-ижтимоий шароитда давом этди. Шунинг натижасида 20-йилларнинг иккинчи ярмидан бошлаб замонавий ўзбек фани ва техникасининг дастлабки қалдирғочлари етишиб чиқдилар. Шулардан бири янги ўзбек тилшунослик фанининг асосчиси Фози Олим Юнусовдир.

Фози Олим Юнусов 1893 йили Тошкент шаҳрининг Ширинкудуқ маҳалласида дунёга келган. Афсуски, Фози Олим Юнусов қатагон даврининг курбони бўлғанлиги сабабли унинг таржимаи ҳоли ва илмий-педагогик фаолиятига оид маълумотлар бизга узук юлук ҳолда стиб келган. Шунинг учун ҳам биз қуйида МХХ архивида сакланаётган ҳужжатлар асосида олим ҳаёти ва фаолияти кирарларини ёритишга ҳаракат киласиз.

Ф.О.Юнусов Тошкентда дастлабки мадраса таълимини олгач, Вятка губерниси Сарапул уездининг шу номдаги қишлоғи (ҳозирги Татаристон Республикасига қарашли Агриз тумани)да жойлашган мадрасаси “Бубий”га ўқишига борган. Ушбу мадраса 1811 йили барпо этилган бўлиб, XIX аср охири – XX аср бошларида таникли татар маърифатпарвари Абдулла Бубий ва унинг сафдошлари туфайли, худли Татаристон ва Башкирдистондаги “Олия” ҳамда “Ҳусайния” мадрасалари сингари, машҳур бўлган. Ф.О.Юнусов 30-йилларда Самарқанднинг ижтимоий ва илмий ҳаётида фаол иштирок этган Абдулла Мустақаев (1890-1937) билан шу ерда ўқиб, араб, форс, татар, турк, рус тилларини мукаммал ўрганган. У нафақат истеъдодли, балки илмга чанқоқ ёшлардан бўлғанлиги сабабли, 1909 йилда мазкур мадрасани тугатгач, 1913 йилга қадар дастлаб Истанбулдаги педагогика институтида, сўнгра Кохирадаги “Ал-Азҳар” мадрасасида ўқишини давом эттирган. Ниҳоят, 1914 йилнинг июль ойида, Биринчи жаҳон уруши бошланиши арафасида Тошкентта қайтиб келган.

Ф.О.Юнусов Истанбулга борганида у ерда “Турон нашри Маориф” жамияти борлигидан хабар топади. Мазкур жамият “Иттиходи тараққий” ташкилоти билан яқин алоқада бўлиб, Ф.О.Юнусовдан аввалроқ Туркияга борган Фитрат, Мазхар Бурхонов ва бошқа буҳороликлар шу ташкилотга раҳбарлик қилаётган эканлар. Чамаси, Фитрат Ф.О.Юнусовнинг истиқболи порлокэканлигни сезиб, уни “Иттиходи тараққий” ва “Турон нашри маориф” жамияти орқали Германияга ўқишига юбормоқчи бўлган. Аммо Биринчи жаҳон урушининг бошланиши Ф.О.Юнусовнинг келажаги билан боғлик ушбу режанинг рӯёбга чиқишига имкон бермаган.

Шу нарсани айтиш жоизки, ўтган асрнинг 20-йилларида Фози Юнус деган шоир, драматург ва журналист машҳур бўлгани учун Фози Юнусов матбуотда дастлабки мақолаларини эълон қила бошлаганида, Фози Юнусдан фарқланиш максадида, ўзига Фози Олим тахаллусини олган. У ҳатто расмий ҳужжатларда ҳам ўзини Фози Олим Юнусов деб юритган. Шунинг учун ҳам биз қуида Фози Олим тахаллусидан фойдаланган ҳолда у ҳақда сўз юритишимииз ўринли бўлади.

Фози Олим Тошкентга келган вактда “Турон” жамияти ташкил этилган, бу жамият фаолиятида эса Абдулла Авлоний ва Низомиддин Хўжаев сингари шу даврнинг таникли намояндалари пешқадамлик қилишмоқда эди. Фози Олим ҳам улар билан биргаликда жамият ишларида фаоллик кўрсатади.

1917 йил октябрида Тошкентда большевиклар ҳокимиятни қўлга олишлари билан тараққийпарвар маҳаллий зиёлилар ўша ойнинг 26-29 кунларида Қўқонда Мусулмонларнинг фавқулодда курултойини чакириб, Туркистон Мухторият ҳукуматининг тузилганини эълон қиласидилар. Фози Олим курултой ишида қатнашибгина қолмай, Туркистон Мухториятини большевиклар ҳужумидан сақлаб қолиш мақсадида генерал Дутов ва кадетлар партияси билан иттифоқ тузишни таклиф этади. Мухторият тугатилгандан кейин эса Туркия ҳукумати ва “Иттиходи тараққий” ташкилоти билан алоқа ўрнатиш ҳамда Туркистоннинг мустақиллиги учун курашда улардан ёрдам олиш мақсадида Нуриддин Худоберхонов билан бирга Истанбулга боради. Маълумки, шу вактда ва айни мақсадда Самарқанддан Махмудхўжа Беҳбудий ҳам сафарга отланган эди. Беҳбудий Тошкентдан ўйлга чиқсан таникли маърифатпарвар ва тадбиркор Сайдносир Миржалилов билан Бокуда учрашиб, у билан

бирга Антанта давлатлари раҳбарлари ҳузурига бормокчи ва улардан Туркистонни большевиклардан ҳалос этиш масаласида ёрдам сўрамоқчи эди. Аммо Бехбудий Қаршида ушланиб, қатл этилгач, С.Миржалилов аввалги ниятидан қайтиб, Истанбулга боради ва у срда Ғози Олим билан учрашиб қолади. Улар Туркия хавфсизлик хизмати бошлиғи Азизбей билан учрашиб, унинг ёрдамида Талъат пошонинг қабулида бўладилар. Талъат пошо эса шу кечакундузда Туркистон истиқлолчиларига ёрдам бериш Совет Россияси билан яхшиланиб бораётган алоқага раҳна солиши мумкинлигини эътиборга олиб, Женевага, Миллатлар Лигасига боришни уларга маслаҳат беради. У ҳатто бир неча хорижий тилни билган машхур адабиётшунос ва шарқшунос Фуод Кўпрулузоданинг уларга ҳамроҳ сифатида қўшиб юбормокчи ҳам бўлади. Аммо Ғози Олим ҳам, С.Миржалилов ҳам Ф.Кўпрулузоданинг ҳамроҳлик қилишига эҳтиёж сезмай, Талъат пошонинг таклифини шарқона лутф билан рад этадилар.

MXX архивидаги ҳужжатлар орасида Ғози Олим истиқлолчилик фаолиятининг кейинги даврини ёритадиган бирорта ҳам факт йўқ. Тахмин килиш мумкинки, Россия маҳсус хизмати ходимлари нафакат Бехбудийнинг, балки С.Миржалилов ва Ғози Олимнинг ҳам Женевага боришларига имкон бермаган: улар Тошкентга қайтиб келишга мажбур бўлганлар.

Туркия сафари бирор натижа бермаганига қарамай, Ғози Олим Тошкентга қайтгач, ўз олдига ёшларни ҳарбий ватанпарварлик руҳида тарбиялаш вазифасини қўйган “Турк ўчоги” қабилидаги уюшма ёки гурӯҳни тузмоқчи бўлади. Аммо бунга ҳам имкон берилмагач, у 1923-1924 йилларда қандайдир савдо жамиятида раҳбар бўлиб ишлайди. Маҳбус ижтимоий фаолияти ҳақидаги анкета саволларига берган жавобида инкилобга қадар Тошкентда Волга-Кама тијорат банкида хизмат қилганлигини айтганки, юкорида тилга олинган савдо жамияти ана шу банк ёки унинг бир бўлими бўлиши мумкин.

Ғози Олим ҳақидаги айрим манбаларда унинг шу йилларда Республика Адлия ҳалқ комиссарлигида маъсул ходим бўлиб ишлаганлиги ва ҳукукий ҳужжасларни рус тилидан ўзбек тилига таржима қилганлиги ҳам айтилган. Аммо шу нарса аниқки, Ғози Олим Юнусов 1925 йиљи Самарқандга ишга таклиф этилиши билан унинг ҳаёти ва ижтимоий фаолиятида янги давр бошланади. У

Маориф халқ комиссарлиги ҳамда шу комиссарлик ҳузуридаги Тил ва терминология комитетида илмий котиб сифатида иши олиб боради. Кейинчалик Ақмал Икромов номидаги Самарқанд педагогика институти (недакадемия)да ўзбек тили кафедрасининг профессори сифатида қизғин педагогик фаолият билан машғул бўлади.

Шу йилларда тил Совет давлати миллий сиёсатининг асосий куролларидан бирига айланиб бораётган, давлат ва партияниң тазиёни билан қатор республикаларда, хусусан Ўзбекистонда анъанавий араб ёзувидан лотин ёзувига ўтиш тадорики кўрилаётган эди. Таниқли тилшунос Собиржон Иброҳимовнинг хотирлашича, Ғози Олим 1929 йили Самарқандца шогирдига шу ҳақда куйиниб сўзлар экан, бир ёзувдан иккинчи ёзувга ўтиш ҳалқни саводсизликка, ўтмиш маданиятдан узоқлашишга олиб келувчи, илмий жараённи издан чиқарувчи омил бўлишигини айтган. Шундай пайтда тилшуносларнинг республика ҳудудларида жой, кабила ва элат номларини ўрганишлари ва уларни тарих учун қолдиришлари зарурлигини таъкидлаган. Ўзи ҳам қисман шу мақсадда республиканинг турли воҳаларига бир неча бор илмий экспедициялар уюштирган. Шу экспедицияларга Е.Д.Поливанов, И.А.Батманов, К.К.Юдахин, А.К.Боровков, Элбек, Қаюм Рамазон сингари тажрибали тилшунос ва фольклоршунослар билан бирга Наим Сайд, Турсун Иброҳимов, Собир Иброҳимов, Сафо Зуфарий сингари ёшларни ҳам таклиф этган.

Шундай экспедициялардан иштирок этган Сафо Зуфарий Ғози Олимнинг юқорида номлари тилга олинган атокли тилшунос олимлар олдида ҳам катта ҳурматта эга эканлигини ва уларнинг устоз олдида ҳар бир сўзни обдон ўйлаб, чертиб, сўнг айтишларини тез-тез эслар эди.

Ғози Олим шу даврда хизмат юзасидан Москва ва Ленинграддаги тилшунос олимлар билан яқин алоқа ўрнатиб, ўзбек тилшуносларининг янги авлодини шакллантириш бўйича самарали ишларни амалга оширди. Кейинчалик бу шогирдларнинг ўзлари ҳам устоз билан бирга хибсга олинганларида, унинг катта тилшунос олим бўлғанлигини алоҳида таъкидлаганлар. Чиндан ҳам, Ғози Олим Юнусов XX асрдаги биринчи ўзбек тилшуноси сифатида “Ўзбек уруғларидан қатағонлар ва уларнинг тили” (1930), “Юридик терминлар лугати”, “Ўзбек лаҳжалари таснифида бир тажриба”, “Ўзбек тили грамматикаси” (1936, сўнгги асар нашр

тилмай қолган) китобларини яратди. Олимнинг ҳам грамматика, ҳам шевашунослик, ҳам атамашунослик масалаларига бағишланган дарслик ва қўлланмалари унинг серқирра тилшунос олим бўлганлигини яна бир бор тасдиқлади.

Агар биз Ғози Олим қаламига мансуб мақолаларнинг тўла бўлмаган рўйхатига назар ташласак, унинг айни пайтда ўзбек халқ оғзаки ижоди, замонавий ўзбек адабиёти ва матбуоти ҳақида ҳам асосли билимга эга бўлганидан хабар топамиз. Дарвоқе, Ғози Олим ўзбек халқ эпоси – “Алпомиш” достонини биринчи бўлиб ёза ва ўргана бошлаган олимдир. У 1922 йилда ёзилган “Ўзбекларда эл таниш” мақоласида бошқа қатор халқ достонлари қаторида “Алпомиш” достони тўғрисида ҳам илк бор маълумот берган бўлса, “Билим ўчоги” журналининг 1923 йил сонида “Алпомиш” достонига муқаддима” номли мақоласи билан бирга достондан каттагина парчани ҳам илк бор эълон қўлган. Кези келганда айтиш жоизки, у атоқли фольклоршунос олим Ҳоди Зарифда ўзбек халқ оғзаки ижодини ўрганиш ишига рағбат уйғотиб, у нашрга тайёрлаган “Шайбонийхон” достонига муҳаррирлик қўлган.

Бундан ташқари, Ғози Олим 20-30-йилларда “Ўзбек матбуотининг ҳоли”, “Энг сўнгги жавоб” (матбуот тўғрисида), “Болалар адабиёти тўғрисида бир фикр”, “Адабиёт тўғрисида хато назария”, “Ўғиз адабиётида синфий туйғулар”, “Лайли-Мажнун”, “Алла тўғрисида бир-икки оғиз сўз”, “Ўрта Осиё туркларининг янги алифбеси”, “Ўзбек тилининг товушлари”, “Зиёлилар киму, зиёнлилар ким?” сингари қатор мақолалари билан ҳам тилшунос-лик, ҳам матбуот, ҳам адабиёт, ҳам фольклоршунослик учун муҳим аҳамиятта молик масалаларни кўтарган.

Шу йилларда ижтимоий-гуманитар фанлар оламига кириб келаётган ёшларни тарбиялашнинг, халқнинг умумий савиясини кўгаришнинг асосий шартларидан бири рус ва жаҳон олимларининг энг яхши асарларини ўзбек тилига таржима қилиш эди. Ғози Олим ҳам шу масалага алоҳида эътибор бериб, таниқли рус шарқшунослари қаламига мансуб бир неча асарни, шу жумладан, В.В.Бартольднинг жаҳон тарихининг муҳим бир қисмини ташкил этган ислом тамаддуни тарихи ҳақида ҳикоя қилувчи “Мусулмончилик маданияти” китобини ўзбек тилига ўғирди. Аммо олимнинг илмий салоҳияти энди ўзининг ёрқин самараларини бераётган пайтда 37-йилнинг даҳшатли гулдираклари бошланиб кетди. Ўша

йилнинг 2 июлидан 3 июлига ўтар кечаси НКВД ходимлари олимни дала ҳовлисида қўлга олиб, уни қўлларини боғлаган ҳолда хотини билан шаҳардаги уйига олиб келдилар. Тинтуб эрталабга қадар давом этди. Сўнг Фози Олимни, 1 октябрда эса хотини Валентина Ивановнани маҳбусхонага олиб кетдилар. Олимнинг уйи ва молмулки мусодара этилиб, 12 яшар Эрик, 11 яшар Мирра, 10 яшар Оскар ва 8 яшар Камилла деган фарзандлари давлат ихтиёридаги етимхоналарга, меҳнат қобилиятини йўқотган бечора акаси Исмоил Юнусов эса ижтимоий таъминот ихтиёридаги мусофирихоналардан бирига жўнатилди.

Орадан бир йилу тўрт ой ўтганидан кейин Валентина Ивановна Совет давлати олдида гуноҳкор бўлмагани учун 1938 йил 7 февралда озодликка эришди. Аммо у қанча ҳаракат қилмасин, эрининг нағоят бой кутубхонасини, на эълон қилинмаган асарларининг кўллэзмаларини кайтариб ололмади.

Ўзбек тишлигунослик фанининг ёрқин юлдузи Фози Олим Юнусов 1938 йил 4 октябрда Абдулла Қодирий, Чўлпон ва Фитратлар билан бирга Тошкентда “халқ душмани” сифатида отиб ташланди.

Минг афсуслар бўлсинки, ҳозирги илмий интеллигенция Фози Олим Юнусовнинг ўзбек тишлигунослик фани олдидаги катта хизматларинин яхши билғанларига қарамай, ҳанузгача унинг меросини тўплаш, ўрганиш ва нашр этиш ишига, унинг хотирасини абадийлаштириш масалаларига лоқайдлик билан қараб келмоқдалар.

## Элбек (1898-1939)

Тошкент вилоятининг Бўстонлик туманида Хумсон деган қишлоқ бор. Элбек таҳаллуси билан ижод қилган Машриқ Юнусов 1898 йили шу қишлоқда дунёга келган.

Элбек ўз қишлоғини қанчалик севган бўлмасин, у тоғ ҳавосини симирган гўшада узоқ вақт яшамади. Ўн уч ёшли бола, бошқа ака-укалари қатори, оғир ва машаққатли турмуш орқасида Хумсонни тарқ этиб, Тошкентга кўчиб келишга мажбур бўлди. Лекин у ҳам, ака-укалари ҳам 1911 йилда Тошкент тупроғига илк бор қадам қўйганларидан кейин кимларнингдир эшигига хизмат килиб, кун кечирдилар.

Элбек таржимаи ҳолида болалик йилларини бундай сўзлар билан эслаган: “Мен Тошкент уезди Искандар волости Хумсон қишлоғида 1898 йилда камбагал дөхқон оиласида туғилдим. 1905 йилда (7 ёшидан) қишлоқ мактабига ўқишга кириб ўқидим ва мактабда 4 йил ўқиб, ўқув-ёзувни ўргандим. Отамнинг мендан бошқа болалари ҳам бўлгани учун бизни боқа олмасди. 1910-11 йилларда жуда қийналдик ва натижада, бошқа ака-укаларим каби, мен ҳам уйни ташлашга мажбур бўлдим. 1911 йилда Тошкентга келиб, бир кишиникида қарол бўлиб ишладим. Шу вақтда Тошкентда жадид мактаблари кўп эди. Булар эски мактаблардан яхшироқ эканини англадим. Ўзимнинг қийналишим ва қаролликда калтаклар остида қолиш имконини ўзимни ўтказдиган мени қочишга мажбур этди. Шу йили Эски шаҳарда жойлашган Девонбеги маҳалласидаги “Хоний” мактабига ўқишга кирдим.

Ўқишга кириш мени жуда севинтирди, лекин моддий ёқдан кўп сиқилгандим, анча хафа қиларди, ҳамто қиши кунлари оёқяланг қолдим, ётар ер йўқ, баъзан ўртоқларим уйида, кўпинча мактаб ҳужрасида, эски намат орасида ўралиб ётиб, қиши ўтказдим. Ёзда қишлоққа кетардим. Шаҳарда қолган вақтларимда эса иморат усталирига гишиш ташиб, мардикорлик қилардим”.

Мен Элбекнинг бундай ташвишли ва турмушнинг азоб-укубатларидан иборат болалик йилларини кўз олдимга келтирас эканмиз, шу даврда унинг мургак руҳи синмай қолганидан, шундай машаккатли йўлни босиб ўтган боланинг ўғри ёки йўлтўсар бўлиб эмас, юқори маданиятли инсон, ҳар томонлама истеъододли шахс бўлиб улғайганидан ҳайратга тушаман.

Болалиги Октябрь тўнтариши арафасида, оғир иктисадий шароитда кечган Элбек сингари зиёлилар 1917 йил воқеаларига катта умид билан қараганлар. Уларнинг 20-йиллар арафаси ва бошларида етим-есирларга болалар уйлари, мактаб ва интернатлар очган совет ҳокимиятининг ҳар бир тадбирига, бу тадбир тўғрими ё нотўғрими демай, – қарсак чалгани, олқишлигарни, факат некбин руҳ билан суғорилган асарлар ёзганининг сабаби шунда бўлса керак.

Элбек 1914 йилда, бир неча йиллик сарсон ва саргардонликдан кейин, Шайхонтахур даҳасидаги Тарновбоци маҳалласида очилган етти йиллик мактабнинг 6-синфига ўқишга кириб, икки йиллик таҳсилдан сўнг муаллимлик қила бошлиайди. Шу йилларда у кўп ўқиб, адабиётга, бадиий ижодга ўзида секин-аста майл уйғона бошлаганини сезади.

“1917 йилдан бошлаб, – давом эттиради Элбек таржимаи ҳолини, – ёзувга берилдим, кўпинча шеърлар, баъзан ҳикоялар ёзардим. Кейинроқ тил ва имло масалалари, педагогика ишларига қизиқиб, шу тӯғриди мақола ва асарлар ёза бошладим. 1919 йили Тошкент муаллимлари учун очилган 8 ойлик педагогика курсида эшишувчи бўлиб давом этдим. Менинг олган маълумотларимнинг бир қисми кўпроқ китоб кўриши ва ёшлиқдан турли журнал, газеталарни ўқиши соясида қўлга кирди”.

Чиндан ҳам, XIX асрнинг сўнгти кунлари – XX асрнинг бошларида дунёга келган қайси бир олим ёки шоирни кўз олдимизга келтирмайлик, унинг бирор дорилфунунда ўқимай, шу даражага эришганини кўриб, ҳайратга тушамиз. Фитрат ҳам, Чўлпон ҳам, Элбек ҳам, бошқа шоир ва адилларимиз ҳам асосан хусусий мутолаа йўли билан жаҳон маданияти хазинасидан баҳраманд бўлганлар. Элбек ҳам бундан истисно эмас.

Фитрат ва Чўлпонлар авлодига хос хусусиятлардан яна бири шунда эдики, улар қанчалик машаққатли турмуш кечирган бўлмасинлар, қўлларига қалам олганларида, шу машаққатли ва бевафо дунёнинг кирдикорларини фош қилишни эмас, балки ўзларига яаш, ишлаш ва курашиш учун рух берган, ички оламларини нурлантириб юборган масалаларни кўтаришга жазм қилганлар. Элбек ҳам “Ўтмишим” (1929 йил) деган кичик достонида ўша машаққатли болалик йилларини кўмсаб: “Агар бир чопқир отим ёки қанотим бўлса, ёшлиқ диёрига учардим”, – деб ёзди. Элбек сингари шоирлар учун болалик ва ёшлиқ йиллари қанчалик изтиробли кечган бўлмасин, болалик ва ёшлиқ йиллари абадий соғинчлар мамлакати бўлиб колади. Ҳар бир инсон ана шу мамлакатда туғилади. Шу мамлакат ҳавосидан нафас олиб ўсади. Шунинг учун ҳам шоирлар болалик ва ёшлиқ деган мамлакатни ҳамиша ардоқлаб, куйлаб келадилар.

Элбек, бошқа қаламкаш дўстлари сингари, тарихнинг бурилиш даврида яшади. Тўғри, большевиклар идора этмоқчи бўлган тарих гилдираги етмиш тўрт йиллик мустабид тузум даврида бошқача бир йўналишида ҳаракат этди. Аммо 20-йилларда большевиклар бошлаган йўлнинг ҳалқ ва мамлакатни қаерга олиб бориши, уларнинг эса қандай каромат кўрсатиши масаласи номаълум эди. Шунинг учун ҳам Элбек сингари шоир ва ёзувчилар 1917 йилдан кейинги ҳаётни “янги ҳаёт” сифатида идрок этиб, аввалги турмушни “қора ўтмиш” сифатида тасвирлаганлар.

Элбекнинг 20–30-йиллардаги ижодий фаолиятини кузатар эканмиз, унинг назари тушмаган соҳа йўқлигидан ҳайратга тушмай илож йўқ. У тил ва имло масалаларига бағишлиланган мақолалар билан бирга ўзбек тилшунослигининг мураккаб муаммоларини тадқиқ этувчи асарлар ҳам яратди. Мактаблар учун “Ёзув йўллари” (1921), “Ўрнак”, “Бошлангич мактабда она тили” (1923), “Ўзбекча ўкиш китоби” (Ф.Сайфий ва Фариғхонов билан ҳамкорликда), “Гўзал ёзгичлар” (1925) каби ўқув қўлланмалари ва мажмуаларни чоп этди. Ҳалқ оғзаки ижоди материалларини тўйлаш мақсадида 1921–1922 йилларда Бўстонлик туманига, 1932 йилда эса Оҳангарон ва Чирчик туманлари ҳамда Фаргона водийсига илмий экспедиция уюштириди. Бу илмий сафарлар натижасида тўплланган ўзбек ҳалқ қўшиқлари, топишмок ва мақолларини “Билим” (1- ва З-синфлар учун), “Ашулалар» (1934, 1935), “Лапарлар” ва “Эртаклар” (1935) тўпламларида зълон килди. И.А.Крилов, А.С.Пушкин, М.Ю.Лер-монтов, Л.Н.Толстой, Н.А.Некрасов, А.П.Чеховдан тортиб М.Горький, Д.Бедний, В.Маяковскийга қадар бўлган рус ёзувчиларининг асарларини ўзбек тилига таржима килди. Аммо булар Элбекнинг оригинал бадиий ижоди олдида иккинчи даражали аҳамиятга молик ишлардир.

1921 йилда Элбекнинг “Армуғон” масаллар тўплами нашр этилади. 30-йилларнинг ўрталарида тугалланган “Тозагул” шеърий романи эса унинг энг сўнгги асари бўлди. Элбек 15–16 йилни ташкил этган ана шу вақт оралиғида “Ёлкинлар”, “Кўзгу”, “Сезгилар”, “Баҳор”, “Меҳнат куйлари” каби 9 та шеърий китобини, “Аноргул”, “Гўзал киз”, “Туркистон», “Ўтмишим” сингари 12 достонини, шунингдек, “Қўшчи Турғун”, “Дадамат” ҳикоялар тўпламини зълон килди. Бу асарларнинг аксари ёш авлодга бағишлиланган. Болалик йиллари оғир кечган шоир ўз ҳаёти ва ижодининг бош мақсадини ёш авлодни ақлий, жисмоний ва маънавий тарбиялашда кўрди, унинг келажакда ҳалқ ва мамлакатни янги тараккиёт босқичига олиб чиқувчи кишилар бўлиб улғайишини орзу қилди ва ана шу орзунинг рўёбга чиқиши йўлида қизғин фаолият олиб борди. У юқорида тилга олинган 9 та китобида ўзига яхши таниш ва кадрдон кишиларни, Чирчик бўйлари-ю болалик фасли кечган манзилларни, жамият ва кишилар ҳаёти ՚манзараларини таъриф ва тавсиф этди. У ўз сўзи билан “янги ҳаёт”ни барпо этишга киришган ватандошларини илҳомлантиришга, улар кучига-куч, гайратига-гайрат кўшишга интилди.

Модомики, биз юкорида шоирнинг “Армуғон” масаллар тўп-ламини тилга олган эканмиз, уларга, юзаки бўлса-да, назар ташлаб ўтиш фойдадан холи эмас. Негаки, одатда ўзбек адабиётидаги масал жаңри тўғрисида сўз боргандা ҳам, Элбек ижодига бағишланган мақолаларда ҳам унинг масаллари умуман тилга олинмайди. Ҳолбуки, Элбекнинг ўз ижодини масал ёзишдан бошлаганлиги тасодифий эмас.

Келинг, яхшиси, шу масаллардан бирини ўқиб кўрайлик.

“Қайси бири бўри?” масалининг лирик сюжети кўйидаги олдий ходиса тасвиридан иборат: бўрининг кўлига тушиб қолган қўй йирткичдан раҳмдил бўлишни қанчалик сўрамасин, озод бўлишликнинг имкони бўлмайди. Аммо шу пайт, кутилмаганда, шовқин-сурон кўтариб бир киши келиб қолади. Бу шовқин-суронни эшитган бўри ўлжани ўз эркига қолдириб, қочиб кетади. Қўй бўридан кутулганидан, жони омон қолганидан беҳад хурсанд бўлиб, сакрайди, суюнади, шодланади. Аммо...

Ул киши ҳам қўйни уйга келтириб,  
Пичоқ билан қўйди уни тез сўйиб.  
Мунга қўйнинг икки кўзи телмуриб,  
Жони тиپирчилаб, жони ҳам куйиб,  
Айтар эди ул кишига: «Эй киши,  
Бўрими ё, айтгил, энди ким ваҳший?  
Кутқардинг сен мени ўлим илгидан,  
Ҳамда қўрқинч шу ўлимнинг ваҳмидан.  
Энг сўнг ўзинг бўридан-да ўздирадинг,  
Кўрдим, энди чин бўри ҳам сен бўлдинг».

Бу масал ёзилган 1921 йилда ўзбек халқи чор хокимияти зулмидан қутулиб, большевикларга тутилган, большевиклар эса 1918 йил февралида дашноқлар ёрдамида минглаб ватандошлари-мизни бўғизлаган эдилар. Элбек мазкур масалда ана шу тарихий воқеани мажозий образлар ёрдамида тасвирлаб, ким бўри эканлигини аниқлашни китобхоннинг ўзига ҳавола этган.

Кўрамизки, шоир гўё болалар учун ёзилган шу беозоргина бир масалда тарихий даврнинг фожиали бир сахифасини очиб ташлаған.

Бундай катта ижтимоий мазмун билан тўйинган шеърлар Элбек ижодида оз эмас. Шунинг учун ҳам кекса авлод вакиллари Элбек ижодига, айниқса, самимий муносабатда бўлганлар.

Элбекнинг “Кўшчи Турғун” ҳикоясига ёзган муқаддимасида бундай сўзларни ўқиймиз: “Кўлингиздаги бу кичкина ҳикоя ер ислоҳоти муносабати билан ёзишишидир. Мен гарчи ҳикоя ёзиши тўғрисида тажрибам бўймаса-да, ўзимдаги табиий завқ билан ёзишига тутиндим. Туғилган ўрнимнинг дэҳқонлар орасида бўлиши ва ўзимнинг-да шул дэҳқонларга мансуб бўлишим бу ҳикояни ёзишига журъат эттириди. Мен бунда мода ҳолига кирган дэҳқон отини ўзимга тақмоқ учун эмас, балки дэҳқонларга муҳаббат ва уларнинг эзилишлари тўғрисида юрагимда ўрин олиб қолган ҳасрат юзасидан буни ёздим...”

Бу ҳикояда тасвирланган Турғун меҳнатсевар, қўли гул, кўзлари ҳаётга доим умид билан қарайдиган йигит бўлиб, ёзувчи бу образда ўзининг инсоний сифатларини, меҳнатга, ижодга ташнилигини тасвирлаган. Ана шу дэҳқон йигитдек куч-куватта тўлган, ўзидағи бутун ғайрат ва шижоатни халқ манфаатига бағишлишга тайёр бўлган Элбек жўшиб ва тошиб ижод килди, армонисиз ёзди. Унинг ёзмаслиги мумкин ҳам эмас эди. Зероки, у ҳаётнинг аччик-чучугини тотган, катта ҳаётий тажрибага эга бўлган, эзгуликнинг ва эзгулик тимсоли бўлган кишиларнинг кадрига етган ижодкор эди. Шунинг учун ҳам унинг энг яхши шеър ва достонларида “ҳаёт суви” жонланиб туради:

*Шеърим жонланади ҳаёт сувидан,  
Мен унинг ичida бир томчи каби.  
Сўзларим чиқади юрак тубидан,  
Нега жилмаймайди гунчанинг лаби.*

Бу шеър ёзилган кезларда Элбек мамлакатда олиб борилаётган маданий ишларда фаол иштирок этаётган эди. Шу пайтда у ҳаёт карвонининг тўғри йўлдан бораётганига ва эртакларда тасвирланган Сусамбилиларга – баҳт ва саодат манзилига стиб боришига, ҳаттоки, теварак-атрофдаги гаразли кучларнинг ҳам харитадаги кизил рангга бўялган мамлакатга раҳна сола олмаслигига ҳаддан зиёд ишонган. Ва ҳатто:

*Табиатнинг кучли қўли орқали  
Ер остидан қайнаб чиқсан булоқининг  
Қаршисига турли кучлар келтириб  
Кўйган билан ҳеч тўхтатиб бўларми?*

сингари сатрларни ёзган. Лекин ҳаётининг маълум бир даврида совет воқелигига кўзларини катта-катта очиб караган ва большевиклар олиб бораётган мустамлакачилик сиёсаги натижаларини кўрган бўлса керакки, “Куролга” деган шеърини ёзган. Чўллонона руҳ билан тўйинган бу шеърда Элбек, ўзи ҳаттоки истамаган ҳолда, вагандошларини большевизмга қарши курашга чорлагандек бўлади:

*Курол, оҳ! Қандайин гўзал бир сўз,  
Ол қўлингга сен уни, эй бойқиши!  
Сен ийқишдинг бу кун, заволли иигит,  
Сабабин билмас эсанг, тингла, эшим!*

*Дунёда борлигингни сақлар эсанг,  
Хўр бўлуб тенки ичра қолмас эсанг,  
Ол шуни қўлга, турма, тезда ол!  
Шундадир баҳт, шундадир иқбол.*

Элбекнинг “Тилак” ва “Куролга” деган шеърлари ғоявий жиҳатдан бир-бирига яқин. Ҳар иккала шеърда ҳам баҳт ҳаётнинг бирдан-бир маъноси тарзида талкин этилган. Унга эришиш учун ҳаракат килиш, билак ва мияни ишлагиши лозим, деган фикр шоирнинг нафақат ушбу шеъри, балки бутун ижоди оша “қизил ип” бўлиб ўтиб туради.

Элбекнинг адабий, педагогик ва ижтимоий фаолияти турли-гуман кирраларга эга бўлганидек, унинг бадиий асарлари ҳам турли мавзуларга бағишлиланган. Элбек қандай мавзуларда асар ёзган бўлмасин, улар шеърий, насрый ёки илмий бўлладими, бундай қатъий назар, у ўз асарлари билан кенг ҳалқ оммасининг ич-ичига кирмоқчи бўлган. Шунинг учун ҳам бу асарлар ўта содда тиљда ёзилган. У болаларга бағишлиб асарлар ёзганида, Авлоний сингари, болалар адабиётгининг жанр хусусиятлари ва тасвир воситаларидан самараали фойдаланган. Аммо бу болаларни келажакда кутаётган муаммоларни кўз олдига келтирганида унинг руҳидаги чўллонона туйғулар жунбишга келиб, соддалик ўз ўрнини ўй ва хаёлларга, фалсафийликка бўшатиб берган.

Чўлпон ва Фитратлар авлюдининг қайси бир вакилига назар ташламайлик, уларнинг ҳар бири ўз овозига, ўзининг ижодий услубига эгалиги, факат ўзига, дунёкарапшига, ижодий кредитосига яқин

мавзуларда асарлар ёзганлиги кундек равшан бўлади. Шу маънода Элбек милий уйгонин даври адабиётининг ўзига хос намояндаларидан биридир.

Захматкаш шоир 1937 йилнинг мудҳиш кунларида “халқ душмани” сифатида қамоққа олиниб, 12 йиллик қамоқ муддатини ўташ учун Колимага юборилган ва 1939 йил 11 февралда Магадандаги Ногиронлар шаҳарчасида вафот этган.

### Наим Саид (1902-1939)

Наим Саид 1902 йили Кўқонда деҳқон оиласида туғилган. Ота-онаси 1917 йил воқеаларига қадар вафот этиб кетишиган. Шунинг учун ҳам дастлабки таҳсил ва таълимни Кўқон мадрасасида олган Наимжоннинг мустақил ҳаёт йўли барвакт бошланган. У 1919 йилда ўқитувчиларни тайёрлаш курсларини тутатиб, Кўқон атро-фидаги бошланғич мактабларда тил ва адабиёт фанларидан дарс берган. Сўнгра, бизга номаълум сабабларга кўра, Бухорога бориб, 1921 йилга қадар Маориф уйида хизмат қилган. Шундан кейин Наимжон бир мунча муддат Тошкентда ўқитувчилик билан машғул бўлгач, 1922 йилнинг ноябрь ойида Туркистон Республикаси Маориф халқ комиссарлигининг ўйлланмаси билан бир гурӯҳ ёшлилар каторида Москвага боради. Шу вактда марказий ўкув юртла-рига кириш мавсуми тутаганлиги сабабли у 1923-1924 йилларда Москва районларидан биридаги халқ маориф бўлими хузурида ташкил этилган ишчилар факультетида ўқыйди. Ниҳоят, 1925 йилда Журналистика институти ижтимоий-сийёсий факультетининг гаржима бўлимига ўқишига киради. Шу йилларда Москва-даги гурли ўкув юртларида Анкабой, Турғунпўлат Қирғизов, Мўмин Усмонов, Собира Холдорова, Саидаҳмад Назиров сингари кейин-чалик давлат идораларида турли масъуль лавозимларда ишлаган ва 1937 йил тегирмонида мажақланиб ташланган истеъододли ёшлар ўқишиган. Уларнинг аксари Москвага ёш рафиқалари билан, шу жумладан, Наим Саид хотини Амалияхоним билан борганилиги сабабли улар оиласи чурашувлар ўқазишиган ва бу чурашувларда Ўзбекистоннинг келажаги, илм-фани, саноати ва кишлоқ хўжалигини ривожлантириш масалалари ҳақида баҳс ва гурунглар бўлиб турган.

Наим Саид 1925-1928 йилларда мазкур институтда ўқир экан, маълум муддат Чўлпон билан бир хонада яшади. Ҳам институтда москвалик машҳур домлалардан лекция тинглаш, ҳам Чўлпондек ажойиб инсон ва ўта билимли-маданиятли сиймо билан бирга яшаш Наим Саид учун катта дорилғунун бўлди, унинг кейинги хаётини бойитиб-нурлантириб турди.

Наим Саид она юртига қайтгач, 20-йиллар охирида араб ёзувидан лотин ёзувига ўтиш муносабати билан бошланган саводсизликка карши кураш компаниясига жалб этилди. У шоир Шокир Сулаймон ва педагог Абдураҳим Йўлдошев билан ҳамкорликда “Қизил тамға” номли дарслик-варажалар чикарди. У кейинчалик ҳам маърифатпарварлик фаолиятини давом этириб, А.Йўлдошев билан ҳамкорликда “Катталар учун алифбе” (1929), “Саводсизлар учун алифбе” (1936), “Кам саводлилар учун ўқиши китоби” (1936), “Кўрлар учун алифбе” (1937), “Янги қишлоқ” (1936), “Грамматика” (2-китоб, синтаксис; 1936) сингари катор ўкув қўллашмалари ва китобларнинг яратилишида иштирок этди.

Афсуски, унинг шу вақтда қаерда хизмат қилганлиги тўғрисида бирор маълумотга эга эмасмиз. Аммо у 1930 йили Қўқон шаҳрига юборилиб, у ерда нашр этилган “Янги Фарғона” газетасига муҳаррирлик қиласи. 1931 йили эса яна Тошкентта чақириб олиниди ва Ўзбекистон Давлат нафриётига бош сиёсий муҳаррир этиб тайинланади.

Шу даврда партия раҳбарларининг, биринчи навбатда Сталиннинг асарлари ўзбек тилига таржима этила бошланди. Наим Саид малакали таржимон ва муҳаррир сифатида мазкур масъул ишга сафарбар этилади. Республика раҳбарияти бу масалага ўта сиёсий тус берганлиги сабабли “дўстлар” Наим Саид муҳаррирлик қилган таржималарни микроскошга қўйиб, текшира бошлайдилар. Улар сиёсий адабиёт таржималаридан “қўпол сиёсий хатолар”ни топиб, 1932 йилнинг январидаёқ Наим Саидни партиядан ўчирадилар. Аммо маълум бўлишича, Наим Саид шу вақтда илмий командировка билан Фарғона вилоятига кетган экан. У сафардан қайтиб келгач, топилган хатоларнинг техник хатолар эканини исбог этиб, партияга аъзоликда тикланади. Бироқ кўп ўтмай, 1933 йили марксизм-ленинизм классиклари асарлари таржимасини кечикириб юборганлиги учун у иккинчи марта партиядан ўчирилади. Наим Саид бу сафар ҳам ўзининг айбизз эканлигини асослашига муваффак бўлади.

Нихоят, 1937 йил 13 сентябрда у “халқ душманлари” Мўмин Усмонов, Қурбон Берегин ва Абдураҳим Йўлдошев билан яқин алоқада бўлғанлиги учун учинчи маротаба партия сафидан ҳайдалади. Бу, Наим Сайдни ёргуғ дунёда яшовчилар сафидан ўчириш билан баравар даҳшатли воқеа эди.

Наим Сайд ўша йилнинг 17 сентябрида ишдан ҳайдалади. 1938 йил 30 январь куни ярим кечада эса НКВД ходимлари уни кишланган ҳолда олиб кетадилар.

У НКВД ертўласида ҳам, Тошкент қамоқхонасида ҳам ўзига кўйилган тухматдан иборат айбларнинг бирортасини тан олмай, шафқатсиз терговчилар олдида ўзини мардларча тутади. Аммо айrim “дўстлар” ундан “холис хизматлар”ларини аямайдилар.

Гариф Амиров исм-шарифли ўша вақтда ҳеч қаерда ишламаган бир кимса терговчининг: “Наим Сайдовнинг аксилишўровий фаолияти тўғрисида нималарни биласиз?” деган саволига, жумладан, бундай жавоб беради: “Наим Сайдовнинг аксилишўровий фаолияти тўғрисида менга куйидаги фактлар маълум. Сайдов рус ва ўзбек тилларини ўзаро яқинлаштириш масаласига принципда қарши чиқкан, ўзбек тилига рус тилидаги терминларни олиб киришга қаршилик кўрсатган. 1935 йилда “Қизил Ўзбекистон” газетаси редакциясида адабий ходимларнинг умумشاҳар йиғилиши ўтказилганида Сайдов Ўзбекистон янги алфавити ва терминология комитетининг ходимлари терминологик луғатларни тузишда нотўғри йўлдан бормоқдалар, деб чиқди. У шундай деганда “Ҳарбий терминларнинг русча-ўзбекча луғати”ни назарда тутган эди. Ваҳолонки, бу луғатда ҳеч қандай хато бўлмаган...”

Наим Сайднинг бошқа айrim хизматдошлари ҳам маҳбуснинг миллатчи бўлғанлигини, нафақат марксим-ленинизм классиклари асарлари, балки “Пўлат қандай тобланди” романининг таржимасини таҳрир қилишда ҳам кўпол сиёсий хатоларга йўл кўйганлигини таъкидлашган.

Наим Сайднинг “миллатчилиги” шундан иборат эдик, у журналист дўстлари Аъзам Аюб ва Сайдғани Валиев билан бирга “революция” сўзини инқиlob, “практика”ни амалия, “проект”ни лойиҳа, “комментарий”ни тафсир, “документ”ни ҳужжат, “абстракт”ни мавҳум, “процесс”ни жараён, “ударный”ни зарбдор... сўзлари билан таржима килган, русча сўз ва атамаларнинг ўзбекча муқобилини топишни таржима санъатининг бош тамойили, деб ҳисоб-

лаган эди. Лекин миллий тилларни руслаштириш совет давлати миллий сиёсатининг тамал тошини белгилаган бир вактда Наим Саиднинг “революция” сингари сўзларни ўзбекчалаштириши инқи-лобга, советларга қарши чикиш билан баравардек туюлди.

1939 йил 7 январь куни имзоланган Айбномага кўра, Наим Саид, биринчидан, аксиликандарий “Миллий иттиҳод” ташкилотининг аъзоси бўлганликда ва шу ташкилотнинг топшириғи билан Москвада таҳсил олган ёшлар ўртасида миллатчилик уруғини сеп-ганликда, иккинчидан, Кўқондаги “Қизил қалам” адабий жамияти иштирокчилари даврасида аксиликандарий “Миллий иттиҳод” ташкилоти ячейкасини ташкил этганликда, уччинчидан, сиёсий ада-биётни ўзбек тилига таржима килишида заараркундандалик ишларини олиб бориб, таржима матнини қасдан бузганликда, тўргинчидан, Берегин, Усмонов сингари фош этилган “душманлар” билан бирга адабий жабҳада заараркундандалик ишларини олиб борганликда, бешинчидан эса, шундай йўллар билан давлатга 275 минг 300 сўм 56 тийин зарар келтирганликда айланган эди.

Холбуки, Наим Саид ҳалол ва покиза инсон сифатида дав-латнинг бир тийинига ҳам хиёнат қилмаган. Аксинча, душманлар айрим сиёсий адабиётларда қўпол хатоларга йўл қўйилган, деган баҳона билан айрим китобларни китоб дўконларидан йиғиштириб, ёқиб юборишлари билан давлатта катта моддий зарар етказганлар.

“Наим Саид, – деб хотирлаган эди унинг ҳамшахари адабиёт-шунос Насрулла Даврон, – ҳар бир яратган китоб ва асарига ижод-корлик билан ёндашиб, ўзига хос ҳикоя ва ривоятлар, замон руҳига мос мисоллар топа олувчи ўткир зеҳни олим эди. Рус тилига ни-хоягда чечан, ўзбек тилида нотиқ, ўша давр она тили талафузини яхши эгаллаган, тузилиши ва кўриниши кўркам, алп қомат йигит эди”.

1939 йил 19 июлда бўлиб ўтган Тошкент вилоят судида айб-ланувчи Наим Саидовнинг ҳам иши кўриб чиқилган. Лекин ҳайратланарли томони шундаки, “тузилиши ва кўриниши кўркам, алпқомат йигит” мазкур суддан бир ярим ой аввал, 1939 йил Тошкент қамоқхонасида чеккан қийнок ва азоблардан 2 июня, шу ерда вафот этган эди.

Наим Саид сингари ажойиб аждодларимиз ўз диёрининг озод бўлиши, ўзбек ҳалқининг ҳурлик ва эркинликда яшашини орзу килган эдилар. Уларнинг бирдан-бир айблари худди шунда эди.

Бугун биз уларнинг орзу-умидлари ушалган даврда яшаб, улар хотирасини ёд этиб турибмиз.

### Мўмин Усмонов (1903-1938)

1917 йил октяброда дунёга келган совет ҳокимияти 1927 йилга келиб жамоалаштириш компаниясини бошлиши ва “эски” зислиларни қувгин қилиши билан халқ манфаатларини поймол этувчи давлат эканлигини тўла ошкор қилди. Орадан ўн йил ўтгач, 1937 йилда эса, юз минглаб бегуноҳ қишиларни қатағон этиши билан унинг XX асрдаги энг мустабид давлат тузуми эканлиги бутун дунёга кундек равшан бўлди. Шу йили у нафакат колхоз далалари ва саноат корхоналаридағи “зааркунандалар”, собик бойлар ва дин арбобларига, балки кўзга кўринган барча давлат, партия ва жамият арбобларига, саркардаларга, катта-кичик корхоналарнини раҳбарларига, адабиёт, санъат, фан, таълим ва матбуот ходимларига, хулиас, жамиятнинг барча фаол аъзоларига қарши қақшагич курш бошлади.

Кимdir бу курашни ўша йилларда кучая борган сиёсий ва иктисадий бухрондан чикиш йўли, деб атайди. Кимdir бу курашни ҳокимият учун кураш, деб талқин этади. Агар мабодо сўнги талқин хақиқатга яқин бўлса, у ҳолда бу курашнинг мантиқсизлиги шунда эдики, Ўзбекистонда шу йилларда катагон этилган раҳбарларнинг бироргаси на партиянинг сиёсий йўлига ошкора қарши чиқкан, на Ўзбекистонни СССРдан ажратиб олиш йўлида ҳаракат килган, колаверса, уларнинг аксари Москвада ўқиб, совет давлатига садоқат руҳида тарбияланган кишилар эди.

Шундай қишилардан бири 1903 йили Кўконда косиб оиласида тутилган Мўмин Усмоновдир.

Мўминжон Усмонов 1910-1912 йилларда Кўконда очилган янги усул мактабларининг бирида, Муҳаммаджон Холиқий ва Ашурали Зохирий сингари машхур маърифатпарварлар кўлида, 1912-1915 йилларда эса рус-тузем мактабида ўқиди. У шу орада мадрасас “тупроғини ҳам ялаб ултурган” и учун Сўфи Оллоёр сингари сўфий шоирларнинг кўпласб шеърларини ёд билар эди.

1917 йил воқеаларидан кейин Мўминжон дастлаб Кўкондаги янги очилган мактабларнинг бирида ўқиди. 1919 йилда ёшлар таш-

килотига аъзо бўлиб кирди ва шу ташкилотда фаолият олиб борди. 1924 йилда эса Москвадаги Журналистика институтининг таржима ва таржима назарияси бўлимига ўқишга юборилди. М.Усмонов мазкур институтда Наим Сайд, Саидаҳмад Назиров, Мавлонбеков, Иброҳим Эшонхўжасв ва бўлажак хотини Собира Ходорова билар билан бирга таҳсил ола бошлади. У иккинчи курсни тугатганидан сўнг республика раҳбариятининг тавсияси билан ўқишни Москвадаги Шарқ халқлари коммунистик университетнинг маориф ва маданият бўлимига кўчирди. 1930 йили шу университетни тугатиб, она юртига қайтган Мўмин Усмонов “Қизил Ўзбекистон” газетасига муҳаррир этиб тайинланди.

Ўзбекистонда хизмат кўрсатган фан арбоби Сулаймон Азимов ўз хотираларида Мўмин Усмонов муҳаррирлик, Аъзам Аюб эса котиблик қылган вақтда “Қизил Ўзбекистон” газетаси атрофига республиканинг барча пешқадам ижодий кучлари тўплангани ва газета улар ёрдамида ўқимишли бўлганини айтиб, яна бундай деган эди: “Мўминжон Усмонов яхши ташкилотчи бўлиб, муҳбирлар билан ишлашга алоҳида аҳамиятга берган. Газета саҳифаларида республика ҳаёти кенг ёритилган, ўшанда. У адабиёт ва санъатта кизиккан киши сифатида газетхонлар оммасини шу соҳалардаги янгиликлар билан мунтазам равишда таништириб борган. Унинг ўзи ҳам бош мақолалардан ташқари, маданий мавзуларда кўпгина мақолалар ёзган”.

Камина “Қизил Ўзбекистон” газетасининг 30-йиллардаги тахламларини вараклаганимда, унинг “Яна “Тарих тилга кирди” ҳакида”, “Байналминал пролетар ёзувчилар билан ўртоқларча ўлтириш”, “Демъян Бедний – большевик шоири” (1931), “Маданий инқилоб фроғтида янги ғалабалар сари” (1932), “Пушкин ўзбек тилида” (1937) сингари мақолаларини кўриб ўқиганман.

М.Усмонов уч йил давом этган муҳаррирлик фаолиятидан кейин дастлаб Ўзбекистон маориф халқ комиссари (1933-1934), Ўзбекистон компартияси Марказий комитетидаги маданият ва пропаганда бўлими мудири (1934-1935, 1937), Ўзбекистон Олий қишлоқ хўжалиги коммунистик мактаби ректори (1935-1937) лавозимларида хизмат килади. У Ўз КП(б) МК бўлим мудири сифатида марксизм-ленинизм асосчиларининг асарларини ўзбек тилига таржима килиш ишларига раҳбарлик қилади.

М.Усмонов шу даврда Сталин асарларини гўё қасддан бузиб таржима қилганлиги ва бошқа сиёсий ҳатоларга йўл қўйганлиги

учун 1937 йил 30 август куни қамоққа олинади. 1938 йил 4 октябрда бошқа жабрдийда ватандошлари билан бирга Тошкентда отиб ташланади.

### Мұхаммад Ҳасанов (1904-1938)

30-йилларнинг ўрталарида “Қизил Ўзбекистон” ва “Правда Востока” газеталарига мұхаррирлик килған Мұхаммад Ҳасанов (Мұхаммад Ҳасан) 1904 йили Тошкентде ўқитувчилар оиласыда дүнёга келди. Унинг отаси Фаттоҳ ака ҳам, онаси Тоибахоним ҳам Яңги шаҳардаги мактабларнинг бирида болаларга таълим беришгән. Мұхаммад Тошкентдеги энг нуфузли билимгохлардан бири – Песталоцци номидаги мактабда ўқиб, шу мактаб деворий газетасыда шеър ва мақолалари билан қатнашган ва шу кезларда ёк унинг сөзүв-чизувга лаёқатли экани маълум бўлган. Аммо 1922 йилда отаси вафот этгач, унинг журналистлар тайёрлайдиган ўкув юртига кириш орзузи хубоб бўлди. 18 ёшли йигит 5 кишилик оиласи бокиши учун онаси билан бирга барвақт меҳнат фаолиятини бошлашга мажбур бўлди.

Мұхаммад меҳнат фаолиятини Россия телсграф агентлигининг Эски шаҳарда тарқатилган “TashRosta” газетасыда ишлашдан бошлади. Ўзбек тилини яхши билмаган йигит рус тилидаги телеграф хабарларини дастлаб луғат ёрдамида ўзбекчага ўгирди. Кейин Абдулла Қодирий ва Мирмуҳсин Шермуҳамедовларнинг ёрдамида ўзбек тилини пухта ўрганди. 1924 йилдан бошлаб “Туркестанская правда”, “Қизил байрок”, “Туркистан” газеталаридан адабий ходим, бўлим мудири бўлиб ишлади. Шу даврда у рус тилидаги кўплаб расмий материалларни ўзбек тилига таржима қилиш билан бирга сиёсий-ижтимоий мавзуларда мақолалар ҳам ёзди.

Ўрта Осиёда миллий чегараланиш ўтказилгандан сўнг М.Ҳасанов “Қизил Ўзбекистон” газетасыда ишлай бошлади. Тарихий давр гакозоси билан 1925 йил февралида мазкур газета қошида “Камбагал дехкон” деган кичик газета чиқа бошлайди. “Газетани чикаришда, – деб ёзган эди Зиё Саид “Ўзбек вактли матбуоти тарихига материаллар (1870-1917)” деган китобида, – унинг ҳозирги мұхаррир ўринбосари ўрток М.Ҳасан кўп жонбозлик кўрсатди. Бу ойдан ойга, йилдан-йилга кишлоқ оммасининг маданий-маориф даражаси

кўтарилиши билан бир қаторда ўсиб келди... Бу газета ҳар бир қадамида камбағал ва ўрга ҳол дәжконлар манфаатини кўзлаб, уларга ҳар жиҳатдан маслаҳат бериб келди”.

М.Ҳасановнинг журналистик фаолиятидан мамнун бўлган республика раҳбарияти уни 1927 йилда марказкомга ишга таклиф этиб, янги ташкил этилган матбуот бўлимига мудир ўринбосари этиб тайинлади. Журналист Холбек Ёдгоровнинг “Нурли йўл” китобида ёзилишича, М.Ҳасановнинг матбуот бўлимида ишлаган пайтлари ўзбек матбуотининг гуриллаб ўса бошлаган йиллари бўлган. Шу йилларда республикада янги-янги газета ва журналлар ташкил этилган. М.Ҳасанов “Аланга”, “Мухбирлар йўлдоши”, “Ёрқин ҳаёт” каби журналларнинг вужудга келиши ва халқ ўргасида обрў-эътибор қозонишига муносиб ҳисса қўшган.

М.Ҳасанов 1930 йилда “Қизил Ўзбекистон” газетасига муҳаррир этиб тайинланади. Аммо кўп ўтмай, 1931 йилда Москвага ўқишга юборилади. У ўқишни тугатиб, Ярославль вилоят газетасида қисқа муддат ишлаганидан сўнг ВКП(б) Марказий Комитетининг матбуот бўлимига инструктори этиб тайинланади.

1932 йил охирида республика раҳбариятининг таклифи билан она юртига қайтиб келган М.Ҳасанов яна “Қизил Ўзбекистон” газетасида масъул муҳаррир лавозимида хизмат қила бошлайди. У 1934 йилдан эътиборан “Муштум” журналига, 1936 йилнинг декабрь ойидан эса “Правда Востока” газетасига ҳам раҳбарлик қилади. У республиканинг икки етакчи газетасини бошқарган йиллар собиқ шўро мамлакатининг сиёсатлаша бошлаган, муҳаррирлардан “ички душман”ни ва улар “жойлашиб олган” муассасаларни кескин фош этувчи маколаларни босиши, яъни жамиятни 1937 йил даҳшатларига тайёрлаб бориш талаб қилинган йиллар эди. Шундай оғир ва мушкул йилларда Муҳаммад Ҳасанов сингари виждонли муҳаррир-ларга осон бўлмаган. Унинг шу даврдаги фаолиятидан яхши хабардор бўлган журналистлардан бири Тўлқин Рустамов дил сўзларини бундай ифодалаган эди: “У ишдан ҳеч ҳам чарчамасди, кунни тунга улаб, эртага чиқадиган газетанинг сахифаларини ўқиб, имзо чекар, баъзан уйида озгина ҳордик чиқариб, яна редакцияда ҳозир бўлар, ўзини дадил тутиб, ишга кўмилиб кетарди. Унинг гайратига, чидамига койил қолардик. Уни мамлакатимизда содир бўлаётган ва сабаби нималигига киши ақли бовар қилмайдиган иғво, ғийбатларга тўла воқсалар адойи тамом этастга-

нини сезардик. Яқиндагина “Қизил Ўзбекистон”дан “Правда Востока” газетасига редактор қилиб тайинланган эди. Иккала газетада ҳам, расмий материалларни мустасно этганда, “халқ душманлари”, “буржуа миллатчилари” ҳақида уйдирма материалларнинг чиқишига анчагина чек қўйған, баъзиларини юкоридан тазиқ бўлса-да, чиқартирган эди”.

Республикадаги ҳушёр кишилар партия ва ҳукуматнинг “юксак ишонч”ини оқламаётган муҳаррир тўғрисида тегишли идораларга, Москвага хат ёзадилар. 1937 йил 3 сентябрда “Правда” газетасида “Буржуа миллатчиларининг ҳомийлари ва шериклари” деган мақола эълон қилинади. Унда “Правда Востока” газетаси ва шахсан унинг масъул муҳаррири кескин танқид остига олинган, ўзбек маданияти ва матбуотининг Абдулла Қодирий, Аъзам Аюб, Зиё Сайд, Мўмин Усмонов сингари вакилларига “халқ душманлари”, “буржуа миллатчилари” тамғаси ёпиширилган, Муҳаммад Ҳасанов эса бу миллатчиларнинг ҳимоячиси сифатида қаттиқ қораланган эди. “М. Ҳасанов, – деб ёзилган эди газетада, – совет турмушини бузиб кўрсатган “Обид кетмон” романига қарши ёзилган такризни юмшатиб, силликлаб чиқарди. Қурбон Берегин ва Мўмин Усмоновлар ҳакидаги мақолани эса босиб чиқармади...” ва ҳоказо.

Муҳаммад Ҳасанов мазкур мақола босилган кунларда Ессентукидаги санаторийларнинг бирида даволанаётган эди. У ўша куннинг эртасига ёк “зудлик билан етиб келинг”, деган телеграммани олиб, Тошкентга учиб келди. Муҳаррир шу куни ёк партиядан ўчирилиб, ишдан олинди. Куни кеча ўзи муҳаррирлик қилган газеталар унинг “халқ душмани” Чўлпоннинг “Кечава кундуз” романига муҳаррирлик килгани, Абдулла Қодирий, Чўлпон, Аъзам Аюб, Санжар Сидик сингари “унсурлар”ни “Қизил Ўзбекистон” газетасига, “Ер юзи”, “Муштум”, “Ёркеп турмуш” журналларига жалб этгани, “марксизм классиклари”нинг асарларини ўзбек тилига бузиб ўғирган Мўмин Усмонов, Воис Раҳимий, Отажон Ҳошим, Наим Сайдларни ўз паноҳига олганини фош эта бошладилар.

М. Ҳасанов мудҳиши йилнинг 26 сентябрь куни қамоққа олиниб, 1938 йилнинг 4 октябрида Абдулла Қодирийлар билан бир кунда отиб ташланди.

Катағон тўлкини авж олган кезларда сиёsat оламидан узоқ санъат арбоблари ҳам қамоққа олинган эди. Шулардан бири – Навоий портрети муаллифи Ўзбекистон халқ рассоми В. Кайдалов

бўлиб, у ўша йилларда бир неча кун М.Ҳасанов билан бир камерада ётган. В.Кайдалов М.Ҳасанов оқланганидан сўнг, унинг фарзандларига шундай деган экан: “Отангиз билан қамоқхонада бир камерада ўтказган уч кечачу уч кундузни асло унутмайман. Отангизнинг темир иродаси мени ҳайратга соглан. Қамоқдаги маҳбуслар руҳи синик, дилхаста бўлиб, айримлари йиғлагани йиғлаган эди. Ҳасанов эса ҳаммамизниң кўнглилизни кўтаришга уринарди. “Қандайдир янгилиши рўй бераяпти, сабр қиласлик. Сабрнинг таги олтин, дейдилар”, – деб таскин берар, тинимсиз сўроклардан қайтгандан кейин эса: “Буни қаранг, бизнинг гарданимизга ҳам, биз билан бирга ишлаган, бизга ҳамлард, ҳаммаслак, партия ва Ватанга содиқ кишилар гарданига ҳам тухматдан иборат қофозларга кўл қўйишга мажбур этишпти!” – деб ғазабланарди. У норозилик билдириб, очлик ҳам эълон қилди. Биз бирга бўлганимизниң учинчи куни, кечаси: “Ҳасанов, нарсаларингни йиғишириб, бу ёқقا чиқ!” – деб буйруқ бериши. Шундан кейин унинг тақдиди нима бўлганини билмайман”.

Холбек Ёдгоров собиқ касбдошлари ҳақидаги мақолаларининг бирида у ҳақда бундай самимий сўзларни ёзган: “Муҳаммад Ҳасанов ҳаётда, турмушда ўзининг юксак маданияти, оқилона фикр юритишлари, дононага хос синчковлик таланти, ниҳоятда камтарин, мулойим ва меҳрибонлиги билан кўпчиликнинг ҳурматига, ишончига сазовор бўлган эди. Унинг ўз касбдошлари, дўстлари билан самимий муносабатда бўлиши етук кишиларда, чин инсонда учрайдиган ноёб фазилатлардир.

У ҳаётни, оиласини, дўстларини, ўзини тарбиялаб етказган жонажон ватани ва халқини шундай севар ва садоқат изҳор этардики, бу унинг жўш уриб турган фаолиятига сингиб кетган одатлар эди”.

Бугун мустакиллик даврининг ҳаётбахш шабадалари эсиб юрган дориломон кунларда қатағон даврининг бошқа бегуноҳ қурбонлари қатори атокли журналист Муҳаммад Ҳасановни ҳам ҳурмат билан ёд этамиз.

### **Аъзам Аюб (1904-1938)**

20-30-йиллар ўзбек матбуотида Абдулла Қодирий, Чўлпон, Ғози Юнус, Мирмуҳсин Шермуҳамедов, Комилжон Алимов син-

гари машхур журналистлар фаолият олиб борган даврда улар билан бир сафда қалам тебратиб, шуҳрат қозониш осон эмас эди. 20-йилларнинг ўргаларида улар билан изма-из миллий матбуотга кириб келган бир журналист бу мاشақатли ишнинг уддасидан чиқди. Бу Аъзам Аюб эди.

Аъзам Аюб бундан роса 110 йил муқаддам, 1904 йил 21 августда Тошкент шаҳрида хизматчи оиласида дунёга келган. Унинг оғаси 1915 йилга қадар 13 йил давомида тошкентлик бир бойнинг қўлида приказчик – гумашта бўлиб хизмат қилган ва газмол савдоси билан шуғулланган. У 1917 йили ҳаётдан кўз юмгач, ёш Аъзамжон ҳаётининг етимлик-есирлик йиллари бошланган. Ота ўрнида онасига ёрдам бериш, укаларининг бошини силаш эски мактабда таҳсил кўраётган Аъзамжоннинг зиммасига тушган. У мактабни ташлаб, онасига ёрдам бериш чораларини ахтарган. Аммо янги тарихий даврнинг бошланганлигини сезган йигитча ҳар қандай оғирликка бардош бериб, Мунаввар қори Абдурашидхоновнинг Хадрадаги етти йиллик “Намуна” мактабида ўқишини давом эттирган. 1919 йили эса устознинг маслаҳати ва тавсияси билан “Турон” кутубхонасига китоб ташувчи бўлиб ишга жойлашган.

Аъзамжон кутубхонада хизмат қиласр экан, китобнинг маърифат чашмаси эканини юракдан ҳис қиласди, китобга меҳр туйиб, билим ҳазинасини тўлдиришга интилади. Шиддатли даврда рўй берадиган воқеа ва ҳодисаларни билиш ва тушуниш иштиёқида Россия Телеграф агентлиги Туркистон бўлими томонидан нашр этила бошлаган “РўсТО” девор газеталарининг битта ҳарфини ҳам қолдирмай ўқийди.

Кунларнинг бирида газетада берилган эълон унинг ҳаётини тубдан ўзгартириб юборди. Бу эълонда эса ўқиши-ёзишни билувчи кишилардан газетага хабар ёзив туриш илтимос қилинган эди. Аъзамжон ўша куниёқ биринчи хабарини ёзив, газета идорасига элтади. Кўп ўтмай, у «РўсТО»нинг фаол муҳбирларидан бирига айланади. Ҳатто Эски Жўвадаги босмахонага бориб, газетанинг чоп этилишидек сирли ва мафтункор жараён билан яқиндан танишади. Ана шу тарзда унда газетачиликка, нашр ишларига сўнмас муҳаббат уйғонади.

Туркистон Миллий ишлар комиссарлигининг 1918 йил июнида нашр этила бошлаган “Иштирокиён” газетаси 1920 йил 19 декабрдан эътиборан “Қизил байрок” номи билан чоп этила бошлади. Ўз

ҳаётини газетасиз тасаввур этмай қолган Аъзамжон шу йилнинг охирларида мазкур газета таҳририятига корректор ёрдамчиси бўлиб ишга киради.

Газета Туркистон жумҳуриятининг ўзбек тилидаги ягона нашири афкори бўлишига қарамай, таҳририят ходимлари беш кишидангина иборат эди. Шу сабабдан Аъзамжон корректорга ёрдамчилик вазифаси билангина кифояланиб қолмай, корректорлик, газета чиқарувчилик, техник муҳаррирлик ишларини ҳам бажаради, ҳатто шаҳар бўйлаб зир югуриб, навбатдаги сон учун янги хабарлар ахтаради. У ҳаётнини ана шундай қайнок оқимида харакат эта туриб, кишини ҳамиша янгиланиб туришга мажбур этувчи, Дунедаги энг зарур ва қизиқарли касблардан бири – журналист касбини мукаммал эгаллаб боради.

1922 йил сентябрида “Қизил байрок” газетаси энди “Туркистон” номи билан чиқа бошлади. Аъзам Аюб қисқа муддат ичидагазеталик мактабини ўтаб, муайян тажриба ҳосил қилганлиги учун дастлаб бўлим мудири, кейин масъул котиб ўринбосари лавозимларига кўтарилиди. Туркистон жумҳурияти Ўзбекистон республикасига айлантирилиши муносабати билан газета 1925 йил декабрида “Қизил Ўзбекистон” номини олди. Аъзам Аюб 1937 йилга қадар мазкур газетада масъул котиб ўринбосари бўлиб хизмат килди.

1925 йили “Қизил Ўзбекистон”дан янги газета ва журналлар тармоқланиб ажrala бошлади. Миллий журналистикамизнинг тарихчиси Тоҳир Пидаев берган маълумотга кўра, Аъзам Аюб отахон газета заминида пайдо бўлган “Камбагал деҳқон” газетасининг шаклланишида фаол қатнашиб, унга бир йил (1925, июль – 1926, июль) давомида масъул котиблик қилган. Айни вактда у “Ер юзи” журналида масъул котиб (1926-1928), “Гулистон” журналида эса муҳаррир ўринбосари (1931-1937) лавозимларида ҳам ишлади. Агар шу йилларда “Қизил Ўзбекистон” газетаси ҳам, “Ер юзи” ва “Гулистон” журналлари ҳам республика ҳаётини акс эттирувчи қизиқарли материаллари билан эл-юрт эътиборини ўзига тортган ва катта довруғ қозонган бўлса, бунинг учун, биринчи навбатда, Аъзам Аюбдан миннатдор бўлиш ўринлидир.

Аъзам Аюб 20-йиллар охири – 30-йилларнинг биринчи ярмида шу қадар қайнаб ва жўшиб меҳнат қилди, ҳатто “Аъзам”, “Газетхон”, “Томошачи”, “Тошкентли”, “А.А.” сингари таҳаллус-

лардан фойдаланишга мажбур бўлди. Унинг шундай таҳаллусли асарлари, юқорида тилга олинган нашрлардан ташқари, “Муштум”, “Машъала” сингари журналларда ҳам эълон килинди.

Аъзам Аюб фақағ мактаб ва маориф, хуқук ва маданият, сиёsat ва иқтисод, хотин-қизлар озодлиги учун ва феодал ўтмиш Сарқитларига карши курашгина эмас, балки План институтини тутатганлиги сабабли шаҳар ва қишлоқ қурилиши каби масалалар бўйича ҳам билимдонлик билан ёзди. Унинг шу йилларда эълон килган мақолаларида 20–30-йиллар ҳаёти ўзининг ёрқин ва ҳаққоний ифодасини топди.

Атокли журналист фаолиятини қарийб илк давридан бошлаб гойибона кузатган кекса матбуот ҳодимларидан бири Холбек Ёдгоров ҳамкасби ҳақида бундай ҳароратли сўзларни ёзган эди:

“Тер тўкканга ер тўқади, деганлариdek, Аъзам Аюбнинг зеҳни-аклидан, қалб кўри – меҳридан тўкилган меҳнат нишоналари кундалик газета саҳифаларида кўринарди. У газета ишининг нозик, сермашаққат ҳамма томонларини яхши биларди. Секретарь сифатида газетанинг ҳар бир сонига сайқал берарди, мухбир каби шаҳар ва қишлоқларни кезарди, рассом бўлиб ҳаётдаги энг яхши нарсаларни суратга оларди, журналист бўлгани сабабли ҳамма жанрларда мазмундор мақолалар ёзарди, зарурияг туғилиб қолса, босмахонага тушарди-да, полосаларни вёрстка қиласи, йирик ҳарфлардан чиройли сарлавҳалар терарди...”

Холбек Ёдгоровнинг эътироф этишича, Аъзам Аюбнинг иш услугуга оид бундай самимий сўзларни у билан бирга газетада хизмат қилган кекса ва ёш ҳодимлардан эшиштган.

Юқорида номи тилга олинган Тоҳир Пидаев Аъзам Аюбнинг журналистлик фаолиятини маҳсус ўрганиб, унинг ёзиш маданияти тўғрисида бундай фикрларни баён қилган:

“Аъзам Аюбов қаламкашлик маҳорати билан ҳам ўз давридаги кўпчилик журналистлардан ажralиб гуарди. У содда, тушунарли ёзишга интилар, умумий сўзлардан иборат тумтарокли жумлаларни ёқтирумасди. У ҳатто энг чигал ва мураккаб масалалар моҳиятини ҳам содда, ихчам ва таъсири ифодалай оларди. У ёзган асарларининг мазмуни ҳақидагина эмас, шакли тўғрисида ҳам жиддий бош қотирав, тилининг тушунарли, таъсирили, жонли бўлиши учун кўп меҳнат сарфларди. Сарлавҳа кўйишдаги унинг маҳоратига кўпчилик тан берган”.

Аъзам Аюб 20-йилларнинг ўрталаридан бошлаб адабиёт оламида, театр ва кино санъатларида пайдо бўлган янги асарлар хақида такриз ва мақолалар ёзиб, адабий танқид, кино танқидчи-лиги ва театр танқидчилигининг ҳам шаклланишига камтарона бўлса-да хисса кўшди.

Тиниб-тинчимас журналист рус ва жаҳон адабиётидан яхши хабардор, ўз даврининг ҳар томонлама билимли ва маданиятли кишиларидан эди. Шунинг учун ҳам у сиёсий ва бадиий таржима билан фаол шуғулланиб, Л.Н.Толстойнинг “Кавказ асири” қиссасини, А.П.Чехов, А.М.Горький, М.А.Шолохов сингари рус ёзувчиларининг ҳикояларини ўзбек тилига таржима қилди. К.Голдлонининг “Мехмонхона бекаси”, Ф.Шиллернинг “Макр ва муҳаббат”, Н.В.Гоголининг “Уйланиш” асарлари Ҳамза номидаги театр (ҳозирги Ўзбек Миллий академик драма театри) саҳнасида Аъзам Аюб таржимасида узок йиллар давомида муваффақият билан намойиш этилди. Афсуски, Аъзам Аюб Сервантеснинг олтин қаламига манинсуб “Дон-Кихот” романни таржимасини охирига етказа олмади.

Аъзам Аюб, юкорида баён қилинган хизматларидан ташқари, бир гурӯҳ истеъодли журналистлар ва таржимонлар авлодини ҳам тарбиялаб етиштириди.

Аъзам Аюбнинг яқин ўтмишнинг кўпгина савдоларини бошидан кечирган жабрдийда хотини Сожида Носирова турмуш ўртогини эслаб, бундай деган эди: “У ҳеч вакт ўзи тўғрисида ўйламасди, бошқалар ҳақида кўп қайғиради. Ҳамма уйқуга кетганда ҳам милт-милт ёниб турган чироқ нурида узок тунларгача ишларди, кечалари чироқ тагдонини керосин билан тўлдиришга тўғри келарди. Уйқусизликдан кўзининг жияклари кизарип кетса ҳам, чарчоқликдан иолимасди, бир оз мизғиб оларди-да, қалб меҳри билан битган қофозларини, ўқиб тутгалламаган китобларини, газеталарини кўлтиқлаб редакцияга йўл оларди”.

Аъзам Аюб ана шундай бедор кечаларда умумбашарий аҳамиятга молик асарларни ўқиши ва таржима қилиш, халқнинг миллий манфаатига хизмат киладиган масалалар тўғрисида маколалар ёзиши билан бирга марксизм классикларининг асарларини, партия съездлари ва конференцияларининг материала-рини ҳам таржима қилишга мажбур бўлди, хабар ва маколалари билан совет воқеалигида рўй берган ўзгаришларни ижобий ҳодисалар сифатида тарғиб қилди.

Аммо 1937 йилнинг қонли бўрони кўтарилиганда Аъзам Аюб ҳам четда қолмади. Мудхиш йилнинг 15 октябрида у қамоқقا олинди. У 1918 йилдан “Ёш юраклар” аксилинқилобий-миллатчилик ташкилотининг раҳбари, 1929 йилдан эса “Миллий истиқлол” аксилинқилобий-миллатчилик ташкилотининг аъзоси бўлганликда айбланди. У ўзига қўйилган айбларнинг бошдан-оёқ тухмат эканлиги ҳақида ҳатто “темир нарком” В.Ежов номига ариза ёзмасин, бўйнини тобора сиқиб келаётган сиртмоқдан чиқа олмади.

Аъзам Аюб бошқа қаламкаш устозлари ва дўстлари катори, 1938 йил 5 октябряда отишга ҳукм қилинди. Ҳукм НКВД Ҳарбий Коллегиясининг шу ҳақдаги қарори чиқмасдан бир кун аввал, 4 октябрь куни Тошкентда ижро этилди.

### Отажон Ҳошим (1905-1938)

Ўзбек фани ва маданиятининг йирик арбобларидан бири Отажон Ҳошим 1937 йили қамоқقا олинганида, эндиғина 32 баҳорни қаршилаган азamat бир йигит эди. Аммо у фожиали умрининг шу навқирон фаслидаёқ Ўзбекистондаги ижтимоий фанларнинг кўзга кўринган намояндаси, йирик фан ташкилотчиси, ҳозирги Ўзбекистон Фанлар академиясининг пойдевори – Фанлар кўмита-сининг раиси, Тил ва адабиёт институтининг директори сифатида кизгин фаолият олиб бораётган эди.

Отажон Ҳошим 1905 йили Тошкентнинг Пушти ҳаммом маҳалласида дехқон оиласида дунёга келди. 1918 йилга қадар отаси билан бирга дехқончилик қилди. Дастрлаб мадрасада, кейин икки йил рус-тузем мактабида, 1918-1921 йилларда эса ўзбек ёшлари учун очилган Маориф институтида таҳсил олди. Сўнгги ўкув юрти гарчанд Маориф институти – Инпрос деб аталган бўлса-да, аслида ҳозирги умумтаълим мактабларининг юқори синфлари даражасида маълумот берувчи сабоқхона бўлган. Отажон Ҳошим мазкур ўкув юртида таҳсил олар экан, тиришқоқлиги, билимга чанқоқлиги ва истеъоди билан ўқитувчилар эътиборини қозонади. Рус тилини бир оз бўлса-да билгани учун 1922 йилда устозларининг маслаҳати билан Москвага бориб, Бухарин номидаги ишчилар факультетидаги ўқишини давом эттиради.

Даҳшатли 1937 йилда НКВД ходимлари томонидан қамоқقا олинган ватандошлиномизнинг бирортаси советларга қарши акси-

линқилобий ташкилотнинг аъзоси бўлмаган. Лекин шунга қарамай, улар инсон зоти чидай олмайдиган кийноклар остида ўзларининг яширин аксилик қилобий ташкилот аъзоси бўлганликлари ҳақида маълумот беришга мажбур бўлганлар. Ўрта мактаб ҳажмида ҳам саводи бўлмаган НКВД ходимлари Файзула Хўжаев, Акмал Икромов сингари давлат ва партия арбобларини, Абдулла Қодирий, Фитраг, Чўлпон сингари алломаларни истаганларича кийнаб, уларнинг инсоний шаънларига мутлақо муносиб бўлмаган жазоларни кўллаганларки, жабрдийдаларнинг аксари бу дунёдан ўлиб бўлса ҳам нажот топиш учун ҳар қандай сўрокномаларга имзо чекишга мажбур бўлганлар.

“Литературная газета”нинг 1988 йил 23 ноябрь сонидаги бир мақолада собиқ махбусалардан бирининг бундай хотираси келтирилган эди: “Мен билан бир камерада немис аёли ётган. Мен илгари у билан Коминтернда бирга ишлаганман. Қариб ҳар куни кечаси уни сўроққа олиб чиқишар эди. Кунларнинг бирида у эрталаб камерага кириб келди-да, менинг ёнимга келиб чўқди ва Коминтернда ишлаган ходимларимиздан бирининг исм-шарифини айтиб, шундай деди: “Биласанми, агар имкони бўлса, мен уни шу қўлларим билан бўғиб ташлаган бўлардим. Бугун менга унинг кўргазмасини ўқиб беришди. У нималар ҳақида гуллаганини тасаввур ҳам этолмайсан!”. Орадан бир мунча вақт ўтгач, уни яна тунги сўрекдан олиб келишди. Унинг башараси мутлако бошқача эди. “Қандай журъат этдим, – дерди у. – Қандай журъат этдим-а! Бугун мени у билан юзлаштиришди, мен тирик одамни эмас, мурдани кўрдим”.

Немис аёли шу куни уриб, калтаклаб, дабдала қилинган ва бир халта ҳом гўштга айланган Коминтернинг собиқ ходими билан юзлаштирилган эди.

Мен 1937-1938 йилларда қатағон этилган халқимизнинг юксак маънавиятли фарзандлари – олимлар, ёзувчилар, давлат ва жамоат арбобларининг аксилик қилобий ташкилотга аъзо бўлганликлари ҳақидаги сўроқномаларини ўқиганимда шу воқеа хотирамга кела-ди. НКВДнинг зиндан ва қамоқхоналарида азобланган қатағон курбонлари иложисизлик орқасида, XX асрнинг ваҳший кишилари қўлига тушиб қолганликлари орқасида ўзларига ҳам, бошқаларга ҳам тухмат қилишга мажбур бўлганлар.

Отажон Ҳошим бошқа касбдош дўст-ёрларини согмади. Лекин ўзининг аксилик қилобий ташкилотнинг раҳбарларидан бири бўл-

ганини айтиб, ўзига-ўзи тухмат қилди. У Москва ва Ленинграддаги маърифат масканларида таълим олганлиги учун унда совет давлати гаражи заррача ғараззли ният бўлмаган. Лекин совет давлати учун бунинг ҳеч қандай аҳамият йўқ эди. У миллый республикаларда ўсиб келаётган фан ва маданият арбобларини ўқтин-ўқтин қириб йўқотиш билан ўзининг мустамлакачилик сиёсатини давом эттироқчи эди, холос.

Шу нарса ҳакиқатки, ҳеч қандай сиёсий тузум зулм-зўравонлик орқасида узоқ вақт яшамайди. Аксинча, ҳалқ қўллаб-куватламаган ҳар қандай сиёсий тузум вакти келиб, чириган дараҳтдек қулайди.

Совет салтанатининг вайронларидан самандар сингари пайдо бўлиб, қадди-қоматини тиклаган, дунёнинг энг гўзал мамлакатларидан бирига айланиб бораётган Ўзбекистон бунинг ёрқин мисолидир.

Отажон Ҳошим ва унинг тақдирдош биродарлари шундай мамлакатнинг илмий салоҳиятини, фани ва маданиятини юксалтиришини ўз олдиларига мақсад қилиб қўйган эдилар. Уларнинг бу хайрли ниятлари букун, Мустақил Ўзбекистон шароитида амалга ошилоқда.

### Асил Мансуров (1905-1937)

1937-1938 йиллардаги сиёсий қатағон Наманган вилоятида истиқомат қилган маориф ва маданият ходимларининг катта бир грухини ўз гирдобига тортган. Эндиғина 32 ёшга қадам қўйган, адабиёт ва журналистика соҳасидаги ишлари билан эл оғзига туша бошлаган Асил Мансур 1937 йилнинг бегуноҳ қурбонларидан биридир.

1912 йили отаси вафот этганида, Асил ҳали 8 ёшга ҳам тўлмаган эди. Орадан бир-икки йил ўтмай, онаси ҳам бандаликни бажо келтирди. Уч қиз ва бир ўғил қип-қизил етим бўлиб қолди. Улар отадан мерос бўлиб қолган уч таноб ерни ўзаро бўлиб яшашга мажбур бўлдилар. Асил ернинг ўзига тегишли қисмини сотиб, дастлаб Фахриддин, кейин Муҳиддин исмли амакиларининг қўлида тарбияланади. Ниҳоят, 1918-1919 йилларда маҳаллий йирик сармоядорлардан бири, маърифатпарвар Ғафурхўжа Саидов Асилни ўз паноҳига олди.

Асил 1914-1915 йилларда Дадамирза Шайхов мудирлик күлгөн жадид мактабида озми-кўпми таълим олган эди. АмакисиFaфурхўжа Сайдовнинг қарамогига ўтганидан кейин унинг қаршисида катта имконийтлар очилди. У 1919 йили “Нашри маориф” жамияти Наманган шаҳар бўлимининг муассисларидан бири бўлган амакиси ёрдамида Тошкентга ўкишга юборилди. Асил 15 нафар ёш йигит ва қизлар билан бирга Тошкентдаги Маориф институтида уч йил давомида таҳсил олди. 1922 йили эса “Нашри маориф” жамияти Наманган бўлимининг саъй-харакати билан Асқар Раҳмонов, Холқўзиев, Абдуваҳоб Ҳамроқулов, Усмон Аминов, Ҳошим Сатторов, Мамажон Мўминов ва бошқа тенгдошлиари билан бирга Москвага бориб, Калинин номидаги ишчилар факультетига ўкишга кирди. 1925 йили ишчилар факультетини муваффақият билан туттаган Асил Мансуров Плеханов номидаги Халқ хўжалиги институтида олий таълим олишга киришиди. Аммо бор-йўғи беш ойгина ўқигач, сил хасталигига йўлиқиб, Наманганга қайтиб кетишга мажбур бўлди.

Асил Мансуров Наманганга қайтиши билан Наманган тумани маориф бўлимида хизмат кила бошлайди. Ўша йилларда ёш мутахассисларга эҳтиёж ғоят катта бўлганлиги сабабли уни бир жойдан иккинчи жойга, бир соҳадан бошқа соҳага мунтазам равишда юбориб туришади. У 1927 йилдан 1937 йилга қадар бўлган ўн йиллик мuddатда Наманган шаҳар советида масъул котиб, ўқитувчи, тарғибот ва ташвиқот бўлими мудири, Андижон округ ижроия қўмитасида масъул котиб, Норин туманида тарғибот ва ташвиқот бўлими мудири, “Марғилон ҳақиқати” газетасида масъул мухаррир, “Пахта фронти” (Андижон) газетасида масъул мухаррир, Наманган шаҳар совет ва партия ходимларини тайёрлаш мактабида директор лавозимларида халол хизмат қиласи. Ниҳоят, 1936 йилнинг август ойидан бошлаб Наманган шаҳар совети ва шаҳар ижроия қўмитасининг “Ударник” газетасига масъул мухаррир этиб тайинланади.

Асил Мансуров қисқа мuddатда таҳририятдаги меҳнат интизоми ва иш услубини кескин ўзгартириб, газетани Наманган шаҳри ҳамда вилоятидаги ижтимоий ва маънавий ҳаётнинг ёрқин кўзгуслига айлантиради. Таниқли шоир ва журналистлардан иборат муаллифлар гурухини барпо этиб, Наманганда кечәётган жўшкни ҳаёт манзараларини газета саҳифаларида акс эттиришга шавқ билан киришади. Ўзи ҳам шу давр руҳи билан тўйинган шеърлар ёзади.

Одатда шаҳар ёки вилоят миқёсида бирор тадбир ўтказиладиган бўлса, шу шаҳар ёки вилоят газетаси мухаррири шу тадбирдан четда тура олмайди. 1937 йилнинг январь ойида Наманган шаҳрида ўтказилиши режалаштирилган тадбир эса шаҳаргина эмас, балки республика аҳамиятига молик муҳим воқса эди. Ўзбекистон стахо-новчи-колхозчилари республика слётининг Наманганда ўтказилиши “гуллар шаҳри” ҳаётида фавқулодда катта воеа эди. Шунинг учун ҳам бу тадбирнинг ўтказилишига шаҳар партия қўмитасининг биринчи котиби Муҳиддин Эрматов шахсан раҳбарлик қиласди. У Ўзбекистон Ёзувчилар уюшмасининг Наманган бўлимига маҳаллий шоирларнинг слётга бағишлиган шеърлар тўпламини тайёрлаб, нашр этиш ва уни слёт қатнашчиларига совға сифатида тарқатиш вазифасини топширади. “Ударник” газетасининг масъуль мухаррири Асил Мансур “Фалаба” деб номланган мазкур тўпламнинг таҳрир ҳайъатига раис этиб тайинланади.

1937 йил январь ойи бошларида тўпламнинг “сигнал” нусхаси тайёр бўлади ва Наманган шоирларининг бу ҳадиси слёт кунларида қатнашчиларга бошқа совғалар билан бирга тарқатилади. Асил Мансур бу совғани ўз вактида ва сифатли тайёрлаб бергани учун шаҳар раҳбарининг самимий миннатдорчилик сўзларини эшитишга мусассар бўлади.

Бироқ орадан кўп ўтмай, Наманганда “қама-кама” васвасаси авж олиб кетади. Биринчилардан бўлиб шоир Рафиқ Мўмин ҳибсга олинади. Кимdir слёт қатнашчиларига тарқатилган тўпламда унинг бир эмас, балки уч шеърининг босилганига ҳушёр жамоатчиликнинг эътиборини қаратади. Айниқса, “Ўлка гуллаганда” деган шеърининг босилиши “Ударник” газетаси мухаррирининг катта сиёсий хатоси сифатида баҳоланади.

Тўпламдаги барча шеърлар шўро давлати раҳбарларини, илғор пахтакорлар ва теримчи ёшларни олқишлишашга қаратилган бўлиб, “Ўлка гуллаганда”нинг улардан фарқланувчи бирор ҳусусияти бўлмаган. Узундан-узок бу шеър бундай сатрлар билан бошланган эди:

*Кўл-оёғи Ҳиндистондай боғланган,  
Бели буқри, бўйни қилдай қаралган,  
Оғир юкда сүяқ қолган, олайган,  
Очлик юки билан ҳорган, сулаиган,  
Шарақ-шурук қишиналарга ўралган,  
Қамчин ўйнап қобиргада – елкада,  
Қора булут ўйнап эди ўлкада...*

Чамаси, ўзбек диёрининг чор ҳокимияти давридаги бундай мунгли тасвири, унинг инглиз мусламлакачилар зулми остида эзилган Ҳиндистонга муқояса килиниши кимларнидир чўчитиб юборган. Ҳолбуки, шоир шеърнинг кейинги сатрларида ҳатто шу қиёс орқали ҳам Ўзбекистоннинг шўролар даврида гуллаб-яшнаётганини айтмоқчи ва шўролар даврини куйламоқчи бўлган эди. Аммо нафақат шу шеър муаллифини, балки унинг теварак-атрофидаги кишиларни ҳам йўқ қилиш мақсади хукмронлик қилган бир даврда шундай шеърларни эълон қилган муҳаррирнинг омон қолиши амри маҳол эди.

Биз юқорида Асил Мансурнинг унча-мунча шеърлар ёзганини айтиб ўтган эдик. Афсуски, Наманган шаҳар газетасининг 1936-1937 йиллардаги тахламлари пойттахт кутубхоналарида бўлмаганилиги сабабли биз унинг мазкур нашрда эълон қилинган шеърлари хусусида фикр юрита олмаймиз. Аммо унинг “Олқиши” деб номланган бир шеъри бояги “Ғалаба” тўпламидан жой олган. Мамлакатимизнинг ўша йиллардаги раҳбарларидан бирига бағишлиланган шу шеърда бундай сатрлар бор:

*Кеча-кундуз чарчамасдан ишладинг сен, қаҳрамон,  
Чин тилак, мақсад эгаси, доимо бўл сен омон,  
Тарихимиз мақтана пар номинг-ла бирдек ҳар замон,  
Пахтанинг бош агрономи, сенга ҳурматли салом...*

*Янги йўл, янги ҳаётни порлатиб, равшан юзинг,  
Ииҷи-колхозчи турмушин тўқулиқ сари элтдинг ўзинг,  
Кўпчилик баҳтин фаровон айлади ўткир сўзинг,  
Пахтамизнинг агрономи, сенга ҳурмат ва салом...*

*Биз сафарбар атрофингда, биз ҳамон кучли билак,  
Сен билан доим бўлурмиз, сен ва бизлар – соф юрак,  
Кўкрагингда у нишон кўп порлагай – биздан тилак,  
Пахтамизнинг агрономи, сенга ҳурмат ва салом...*

Бу шеър 30-йиллар шеърияти руҳидаги кўтаринки-романтик бўёклардан холи эмас. Бироқ шуниси ҳам борки, барча шоирлар “халқлар доҳийси”ни яқдиллик билан улуғлаётган бир вактда мазкур сатрлар муаллифи ўз юртига раҳбарлик қилган кишилардан

бири – “пахтамиз агрономи” шарафига олқиши сўзларини айтган. Бу эътиборга молик ҳодисалардан бўлса ажаб эмас.

Агар Асиш Мансур 37-йил тегирмонидан омон чиққанида, балки яхшигина шоир ёки журналист бўлиб улғайган, ўз асарлари билан ўзбек адабиёти ва журналистикаси тарихида маълум из колдирган бўлармиди. Аммо мудхиши даврнинг темир кўллари уни 1937 йил 28 майда маҳкам ушлаб олиб, ўша йилнинг 2 декабрида бўғиб ташлади.

Истеъоддли шоир ва журналист Асиш Мансур ёргу дунёни тарк этганида рафиқаси Шарофагхон Мансурова эндиғина 25 ёшга тўлган, Ҳакиқат деб аталган фарзанди эса 4 ойлик чақалоқ эди. Агар Ҳакиқат ҳозир хаёт бўлса, билсинки, унинг отаси нафақат яхшигина шоир ва журналист, балки камтар ва олижаноб инсон ҳам эди.

### **Саттор Жаббор (1905-1938)**

Шундай шахслар бўладики, бу шахсларнинг ҳаёти ва тақдидирида бутун бир халқнинг муайян тарихий даврдаги ҳаёти ўз аксини топади. Бутун бир тарихий давр барча мураккабликлари, тантанавор воқеалари ва фожиалий йиллари билан шу шахслар ҳаётида марказлашган бўлади. Назаримда, шундай шахслардан бири XX асрда етишиб чиқкан Европа андозасидаги биринчи ўзбек кимёгар олими Саттор Жаббордир.

1918 йил февралида Туркистон Мухторият ҳукумати шўро кўшинлари томонидан тор-мор этилиб, Туркистон узил-кесил большевиклар кўлига ўтган эди. Энди ўз Ватанларининг озодлиги ва мустақиллигини орзу килган ва шу қутлуг йўлда фаолият олиб борган ўзбек зиёлилари олдида факат бир имконият қолган эди. Бу имконият эса истеъоддли йигит ва кизларни хорижий мамлакатларга ўқишига юбориб, ўзбек халқининг нурли келажаги учун фан ва техника, саноат ва қишлоқ хўжалиги бўйича юзлаб юқори малақали кадрларни тарбиялаш эди. Шундай кадрлар етишиб чиқкандан сўнггина Туркистондаги барча муассаса ва корхоналарни миллий кадрлар билан таъминланган ва улар ёрдамида давлат тизимидағи барча идора ва ташкилотларни миллийлаш-тириш мумкин эди. Бу, пешкадам ўзбек зиёлилари назарида, янги тарихий шароитда мустақиллик учун курашнинг биринчи ва зарур босқичи эди.

1921 йил 23 апрелдда Ўзбек илмий комиссиясининг Тошкентда бўлиб ўтган йигилишида илк бор ўзбеклардан хорижга талабалар юбориш масаласи муҳокама қилинади. Ўша йилнинг 7 майидаги бўлиб ўтган Маориф комиссарлиги коллегияси йигилишида яна шу масала кўтарилиб, маҳаллий миллат вакилларини хорижга ўқиши учун юбориш зарурлиги таъкидланади ва республика Халқ Комиссарлари Совети олдига ўзбеклардан 10, кирғизлардан 10, туркманлардан эса 5 нафар кишини юбориш масаласи қўйилади. Шу йилларда Европадаги давлатлар орасида Германия фан ва техника соҳасида катта ютуқларга эришгани сабабли ўзбекистонлик талабаларни Германияга ўқишига юбориш лозим, деган фикрга келинади.

Тошкентлик зиёлилар гарчанд шу воқеа арафасида хорижий мамлакатларга борувчи ёшларга моддий ёрдам кўрсатиш мақсадида “Кўмак” жамиятини тузган бўлсалар-да, бу жамият ўнлаб ёшларни Германия ёки Францияга юбориш ва уларни доимий стипендия билан таъминлаб туриш иқтидорига эга эмас эди. Шунинг учун ҳам ҳали шўро давлати томонидан хонавайрон қилинмаган Бухоро Халқ Жумхурияти маҳаллий ёшларни Германияга ўқишига юбориш билан боғлиқ барча сарф-ҳаражатни ўз зиммасига олади. Файзулла Хўжаев ва Фитрат бу ишга бош-кош бўладилар.

Фитрат Германияга ўқишига боражак ўзбек ёшларини шахсан ўзи танлайди. У гарчанд шу вақтда Бухорода хизмат вазифасини ўтаётган бўлса-да, Тошкент ва бошқа шаҳарлардаги истиқболли йигитлар ҳакида озми-кўпми тасаввур эга эди. Унинг назар-эътиборини қозонган шундай ёшлардан бири тошкентлик Абдусаттор Абдулжаббор ўғли – Саттор Жаббор эди.

“Мен, Абдусаттор Абдулжаббор Отахўжаев, – деб ёзади Саттор Жаббор таржимаи ҳолида, – 1905 йил 8 сентябрда Туркистон Республикаси пойтахти Тошкентда тижоратчи Абдулжаббор Отахўжаевнинг ўғли сифатида туғилдим. 1911 йил 18 майда, б яшар пайтимда “Навоий” гимназиясига ўқишига кирдим. Мен бу мактабда физика, кимё, математикани, туркча, немисча, русчани ўргандим. 9 йилдан кейин<sup>\*</sup> (уни) тугаттанлигим ҳакида гувоҳнома олдим.

<sup>\*</sup> Саттор Жаббор Тошкентдаги эски мактаб, рус-тузем мактаби, 1918-1921 йилларда эса Навоий номидаги таълим ва тарбия техникумида ўқиган. Саттор Жаббор ушбу таржимаи ҳолида ҳам мактаб, ҳам техникумда ўқиган йилларини қўшиб юборган.

Отам менинг Германияга бориб, тиббиётни ўрганишимни истарди. Мен мактабни тугатишим биланоқ инқилюбий воеалар рўй бергани туфайли, Германияга бора олмадим. Ниҳоят, орадан бир йил ўтгач, мен Тошкентдаги Туркистон давлат университетида бир семестр ўқиганимдан сўнг Германияда илмий таълим олиш учун Бухоро Республикасидан паспорт олишга муваффақ бўлдим.

Поездда Москва билан Оренбург оралиғида кетаётган пайтимда “Навоий” гимназиясини тугатганим ҳақидаги ҳужжатнинг асл нусхаси солинган жомадонимни йўқотиб кўйдим. Шу ҳодисани хабар килганимдан кейин Тошкентдаги мактабдан тасдиқловчи хатни олдимки, буни илова қилаёттирман. Тошкентдаги универси-тетнинг бир семестрини тугатганим ҳақидаги гувоҳномани ҳам илова киласман”.

Фитрат Бухородан Саттор Жабборга хат ёзиб, ундан бир неча истеъодли, хорижда ўқишга ишитёкманд ўртоқлари билан бирга Бухорога етиб келишини сўраган эди. Саттор Жаббор Фитратнинг шу таклифига биноан, бир неча сафдошларига Бухорога етиб боришини таклиф қиласди. Саттор Жаббор, Аҳмад Шукрий, Сайдалихўжа, Вали Қаюмхон ва яна бир неча ёшлар Бухорога етиб борганларидан сўнг, Фитрат уларни қабул қиласди ва Бухоро Ҳалқ Жумхурияти уларни улут мақсад билан Германияга ўқишга юбораётганини, улар немис диёрида ўйин-томушага берилемасдан, немис тилини пухта ўрганиб, Германиядаги нуфузли ўқув юргларида қунт билан таҳсил олиб, ўта юқори малакали муахассислар бўлиб келишлари лозимлигини айтади. Шундан сўнг уларни Самарқандга, Амир Темур сағанасига олиб бориб, Германияда ўқишини тугатгач, Туркистонга қайтиб келиб, ўзбек халқининг миллый тараққиёти йўлида сидқидилдан хизмат қилиш ҳақида тиз чўқдириб, қасам ичдиради.

Туркистонлик ёшларнинг Европага ўқишга боришиларидан шўро давлати манфаатдор эмас эди. Файзула Хўжаев ёш ватандошларини Германияга ўқишга юбориш учун шўро давлатинин қанчадан-қанча тўсикларни енгиб ўтишга мажбур бўлган. Аммо буни қарангки, 1917 йил октябрь тўнгаришидан сўнг ўз ватанидан кувилиб, Германиядан бошпана топган рус муҳожирлари туркистонлик ёшларни “кутиб олиш” учун Берлин вокзалига чиққанлар. Аммо улар: “Ўрта Осиёдан гуялар, хўқизлар келаётир. Улар Германиядаги олий ўқув юргларида таълим олармишлар! Ха-ха-ха!”

деган транспарантлар кўтариб, вокзал перронида шарманда-ларча бакириб юрганлар. Бу ашаддий миллатчиларнинг мурод-мақсади туркистонликларни Германиядаги илм ўчокларига яқинлаштирмаслик, немис халиқида уларга нисбатан нафрат туйгуларини уйғотиш эди. Аммо немислар улар найрангига учмаган.

“Рус миллатчиларининг, – деб ёзган эди Саттор Жаббор “Ўрга Осиё галабаларининг иккинчи йили” деган мақоласида, – бу совук ва қўпол қарашларига карши германлар томонидан яхши кутиб олиндик. Матбуот: “Туркистон уйғонди, уйғонди!” каби ундовлар билан қизғин мақолалар ёзиб ўтди. Ҳар қаидай немис бизни оиласига қўшиб олиш учун эшикларини очиб қўйди. Оддий муаллимликдан тортиб, доктори, профессори тил ўрганишимиз учун қўлидан келган ёрдамини аямади”.

Бошқа талабалар катори, Саттор Жаббор ҳам дастлаб немис хонадонида, сўнгра тил ўрганиш курсларида немис гилини ўрганиди, Хёте ва Шиллер тилида бемалол сўзлашадиган ва ёзадиган бўлади. Шундан сўнг у 1924 йил нояброда Ҳайдельберг шахрига боради ва кириш имтиҳонини муваффакият билан топшириб, шу ердаги дорилғунуннинг кимё факультетига ўқишга киради. 1928 йили Берлин университетининг кимё факультетида ўқишни давом эттиради.

Саттор Жаббор Ҳайдельберг университетида таҳсил олган йилларида ҳам, Берлин университетида билим олишни давом эттиранида ҳам Амир Темур сағанасида, устози Фитрат ҳузурида қасам ичганини доим ёдда тутди. У нафакат кимё, балки шу фанга туташ соҳалар бўйича ҳам кенг ва чукур билимга эга бўлиш учун кечани кеча, кундузни кундуз демай китоб ўқиди, кутубхоналар ва амалий машгулотлар хонасидан чиқмади.

У гарчанд бутун ҳаётини кимё фанига бағишлилаган бўлса-да, ўтган асрнинг 20-йилларида бошқа ўзбек зиёллилари сингари, бадиий ижоднинг ихлосмандларидан, Фитрат ва Чўлпоннинг ашаддий мухлисларидан бири эди. Саттордаги адабиётта бўлган майл Берлинда ўқиб юрган кезларида ҳам унинг қалбини тарқ этмади. У “Арт-Европа”, “Дойче Альгемейне Цайтунг” ва бошқа нашрларда “Туркистон шоирлари ва шеърияти”, “Туркистон аёллари”, “Республикада пахта учун кураш”, “Бугунги Туркистон” сингари мақолаларини чоп этди. Тошкентда нашр килинган “Маориф ва ўқитувчи” журналига ҳам “Суюқ кўумир ва сунъий нефть”, “Янги

алифбо” сингари мақолаларини юбориб турди. Бу мақолалардан тушган қалам ҳақининг бир қисмини мөддий масалаларга ажратган бўлса, иккинчи қисмiga китоб сотиг бўлди.

Туркистонлик талабалар Германияга ўқишга борган йилларида бу ердаги олий ва ўрта ўқув юртларида 4 минг нафар япон, 2 минг нафар турк, 700 нафар араб, 500 нафар форс, 500 нафар афғон, 500 нафар ҳинд ёшлари таълим олаётган эди. Файзулла Хўжаев, Турор Рискулов сингари раҳбарлар ёш ватандошларидан хабар олиш учун Берлинга борганларида, бундай вазият билан танишиб, яқин йиллар орасида туркистонлик ёшлар сонини кўпайтириш лозим, деган фикрга келдилар. Аммо бу масалада шўро давлатининг фикри ўзгача эди. 1925 йилда Берлинга маҳсус топшириқ билан борган Ўрта Осиё давлат университети ректори Мейерсон талабаларни Ўзбекистонга қайтиб, ўқишини маҳаллий олий ўқув юртларида давом эттиришини қатъий талаб қилди. Талабалар унинг бу таклифини рад этганларидан сўнг, шўро давлати уларни иқтисодий жиҳатдан сиқувга ола бошлади. Ватанга қайтиши ҳақидаги талабга риоя қилмагани учун 1930 йили Саттор Жаббор ҳам стипендия олишдан маҳрум этилди.

Саттор Жаббор 1925 ва 1927 йиллардаги ёзги таътил кезларида Тошкентга келиб, оиласидан хабар олиш билан бирга республика-нинг ижтимоий ва маданий ҳаётида рўй берётган воқеалар билан ҳам танишади. У, айниқса, 1927 йилда Самарканда бўлиб ўтган зиёлилар қурултойида таникли мунаққид Вадуд Махмуднинг хайдаб чиқарилганини, маърифатпарвар Мунаввар кори Абдурашидхонов ва шоир Чўлпоннинг эса ғанимлар томонидан таҳкирланганини ўз кўзи билан кўради. У бундай шармандали воқеалар шўро давлати ғайримиллий сиёсатининг самарааси эканлигини сезади. Шунинг учун ҳам у илмий-техник салоҳиёти бекиёс даражада баланд Германияда ўқишини якунлаб, Ватанига том маънода олий тоифадаги мутахассис бўлиб қайтишга жазм қилади. Қийин ахволда колган талаба Берлин университети қошидаги Александр Гумболт фонди томонидан ажратилган таъминот ҳисобига яшайди.

Саттор Жаббор 1931 йили Берлин университетини муваффакият билан тутатиб, она юртида, оиласи бағрига эзгу ниятлар ва буюк режалар билан қайтади.

Тиббиёт масаласи XX асрнинг 20-йилларидағи Туркистон учун фавқулодда муҳим ҳаётий масала эди. Аҳолига тиббий хизматни

яхши йўлга кўйиш мақсадида 1920 йили Туркистон давлат университети қошида тиббиёт факультети очилган эди. Саттор Жаббор 1931 йили она заминга қадам кўйганида, шу факультет Тошкент Тиббиёт институтига айлантирилган эди. У шу институтнинг биокимё кафедрасида асистент сифатида иш бошлайди. Орадан бир йил ўтгач, шу кафедрага (1934 йилгacha) мудир этиб тайинланади. Айни пайтда анорганик кимё кафедрасига раҳбарлик қиласди. Махалий кадрлар орасида бошқа малакали кимёгарлар бўлмагани учун у Тошкент политехника ва тўқимачилик институтларида ҳам кимё бўйича маъruzalар ўқиб, амалий машғулотларни олиб боради.

Замондошларнинг ҳикоя қилишларича, Саттор Жаббор ўзбек ва рус ёшларидан иборат аудиторияларга кирганида, рус тилини яхши билмаганлиги сабабли талабаларнинг хоҳиш-истакларига қараб ўзбек ёки немис тилларида маъruzalар ўқиган; ўзбек тилини яхши билган асистентлардан бири эса унинг маъruzalарини рус талабаларига таржима қилиб турган. У талабаларнинг кимё фани бўйича муқаммал билим олиб, кимёвий асбоб-ускуналардан фойдалана билишлари учун маъruzalар ўқиши билан бирга амалий тажрибаларга ҳам алоҳида аҳамият берган. Бундан ташқари, олим кимё лабораториясини Германиядан келтирилган янги асбоб-ускуналар билан жиҳозлашга катта куч сарфлаган. Шунингдек, у немис кимёгари А.Вернернинг “Комплекс бирикмалар” асарини, Ф.Энгельснинг “Табиат диалектикаси” китобини немис тилидан, “Коллоид кимё” дарслигини эса рус тилидан ўзбек тилига таржима қилди. Айни пайтда русча-ўзбекча, немисча-русча-ўзбекча кимё атамалари луғатини яратиш устида иш олиб борди.

Саттор Жаббор қисқа илмий-педагогик ҳаёти давомида 24 та илмий тадқиқот яратиб, кимё фанлари номзоди илмий даражасини олишга муваффақ бўлди; юзлаб талабаларни кимё сирларидан ошно этиш билан бирга Ёлқин Тўракулов, Малик Набиев, Карим Аҳмедов, Ҳусни Рустамов, Жалол Мақсумов, Усмон Мираҳмедов сингари ўнлаб кимёгар, фармаколог, рентгенолог, дерматолог олимларнинг шаклланишига катта ҳисса қўшди.

Саттор Жаббор, Германияда таълим олган бошқа талабалар сингари, шўро давлати маҳфий хизматининг қора рўйхатида бўлган. Унинг немис фани ва техникасининг, Германиядаги тартиб-интизомнинг, иқтисодий ва маданий ҳаётнинг ҳавас қиласди дара-

жада эканлиги ҳақидаги сўзлари шу идоранинг қулоғига етиб бор-маслиги амри маҳол эди. Бундан ташқари, у 1931 йилда немис олими Энглиянд Германияга қайтиб кетгунинг қадар у билан яқин мұносабатда бўлган. Булар ҳаммаси йўқ жойдан катта-катта айб топа оладиган НКВД ходимлари учун “эркин ижод” майдони эди.

Хуллас, Саттор Жаббор 1937 йил 8 январда Германиянинг жосуси сифатида қамоққа олинади. Унга қўйилган айблар оз бўлмаган. Шулардан бирида айтилишича, Саттор Жаббор 1931 йилда жосуслик ишларини олиб бориш учун Германиядан СССРга махсус юборилган. У гўё Ўзбекистонга қайтганидан бери Шўрсу конларидаги олтингутурт ва Олмалиқ конларидаги руда заҳираларининг миқдори, шунингдек, Чирчиқдаги бир қатор саноат корхоналари, Марғилон ва Намангандаги пиллачилик фабрикаси, Тошкентдаги кислород заводи ҳақидаги махфий маълумотларни воситачи-лар орқали Германияга етказиб турган.

Маҳбуснинг бу аҳмоқона айбларни рад этиши осон бўлмади. У 1938 йил 9 октябрда отувга хукм қилинди ва хукм зудлик билан ижро этилди.

Саттор Жаббор институт педагогларига ажратилган уйда яшагани учун бу уй тортиб олиниб, унинг хотини Маҳбуба Мұхамедова (Текстил институти талабаси), 57 яшар онаси Камолаҳон Жабборова, Фаффор, Элхон, Дилбар, Урхон ва Ўзхон исмли 14, 8, 4, 3 ва 1 ёшли фарзандлари аросатда колдилар.

Ўтган асрнинг сўнгги йилида ушбу сагрлар муаллифида Берлин университетига илмий сафар билан бориб, кутубхоналарда ишлаш, туркистонлик талабалар бўлган жойларни зиёрат қилиш имконияти яратилган эди. Сафар кариган кунларда шаркшунос немис олимасининг столи устида бир пакет пайдо бўлиб қолди. Пакет ичидан муковасига “Сеттер Жеббер” сўзлари ёзилган китоб кўриниб туради. Иккинчими ё учинчи куними, камина чидай олмай, олимадан сўрадим: “Бу қайси Сеттер Жеббер?” деб. Олима азбаройи ишлари йиғилиб қолгани боис пакетга эътибор бермай қўйган экан. У шу заҳоти очиб қараса, бу бизнинг Саттор Жабборимизнинг асари экан.

У Германияга ўзи билаш бирга Фитратнинг “Ҳинд ихтиол-чилари” пъесасини ҳам олиб бориб, ўша ерда илк бор нашр эттирган эди. Маълум бўлишича, у стипендиасиз қолган кезларида ўзбек шоирларининг ижоди ҳақида Берлин газеталарига мақолалар ёзиб,

озгина қалам ҳақи олар экан. Саттор Жабборнинг шу мақолаларидан хабардор бўлган туркиялик бир талаба унга эркесвар ўзбек шоирлари ҳақида китоб ёзишни таклиф этади. Саттор Жаббор Берлиндаги қаҳвахоналардан бирида китоб бобларини унга “диктовка” килади, бояги таълаба эса ёзил, машинкалаб келади.

Саттор Жаббор Тошкенттага қайтганидан сўнг “Куртилиш йўлида” (“Нажот йўлида”) деб номланган бу китобни нашр этиш имкони бўлмади. Тинтув пайтида эса олиб кетилиб, ёндириб ташланди. Аммо Ҳоди Тўқай деган бояги талаба китобнинг иккенич нусхасини Туркията олиб кетган экан...

Турк ва немис олимлари томонидан аслияти ва таржимаси билан бирга нашрга тайёрланган бу китоб нафақат камина, балки бошқа адабиётшунослар учун ҳам катта янгилик эди. Бу китобнинг ҳар бир варагидан Фитрат ва Чўлпонлар сингари ўз Ватанининг озод ва обод бўлишини истаган Саттор Жаббор мўралаб тургандек эди...

### **Марям Султонмуродова (1905-1972)**

1965 йил... Марям опа “Саодат” журналининг янги сонини вараклар экан, кўзи ёш шоира Ойдин Ҳожиеванинг “Армон бўлиб қолади” деган шеърига тушиб қолади. Шеърни бир эмас, бир неча маротаба ўқиб, Сибирь изғирилларидан корайган яноклари узра маржон бўлиб тўклилаётган кўз ёшлини артади. У кейинги пайтларда “армон” сўзини эшитиши биланоқ бутун баданига электр нури юргандек бўларди. Ўзининг армонлари, тегирмон тошлари орасида унга айланган бүгдой бошоқлариdek, чилпарчин бўлгани ва Оллоҳ берган умрининг зое кетгани, зое кетибгина колмай, азобуқубатлар ичида ўтганидан қаттиқ изтироб чекар эди. Шунинг учун ҳам у шеърни қайта-қайта ўқиди. Ўқигани сайин кўз ёшлини маржон-маржон бўлиб тўкилди. Аммо мана бу сатрлар, бир оз бўлса-да, юпанч бергандек туюлди, унга:

*Инсон шундай бир юлдуз,  
Изсиз кетмас ўчса ҳам.  
Ҳаётдин, муҳаббатдан  
Нишин бўлиб қолар у.*

*Ҳеч бўлмиса бир қалбда  
Армон бўлиб қолар у...*

У шеърни ўқир экан, хаёллари олис-олисларга учди.

...1921 йилнинг куз ойлари. Россиянинг Хивадаги вакили Сафар Бик Хоразм фирмаси Марказий Кўмитаси қошидаги хотин-кизлар билан ишлаш бўлими мудири Марям Султонмуродовани хузурига чақириб, унга бундай деди:

– Марямхон, биз отангиз Жуманиёз Султонмуродовнинг совет ҳокимияти душман эмаслигини текшириб аниқладик. Сизни чакиришдан мақсад – шуни сизга билдириш. Энди отангиз яна ўз ишига кайтиб келиб ишласа, биз учун ҳам, ўзи учун ҳам яхши бўлади.

– Сизлар, янги ҳукуматни бошқараётган раҳбарлар, отамнинг бошига не-не кулфатларни солмадинглар. Шунча жабру жафони кўрган отам яна сизлар билан бирга ишлаш учун келармикин?! – жавоб берди Марям.

Сафар Бик ўзига каратиған зарбага чап бермоқчи бўлиб, деди:

– Отангизга биз эмас, ҳукумат таркибидаги душманлари – мутаассиб унсурлар озор беришган. Биз бу нарсани Ота Махсумчиларнииг тарафдорлари фош бўлганларидан кейин аниқладик.

– Бу... тушунарли. Аммо сиз отамни яқин келажакда яна бирор айб кўйиб, қамамаймиз, дея кафолат бера оласизми?.. – бўш келмади Марям.

Шу сұхбатдан кейин Жуманиёз Султонмуродов бир неча йил мобайнида Хоразм республикасининг зироат назоратида ер ислоҳоти шўъбасининг мудири бўлиб ишлади ва, кўп ўтмай, кизи Марямни Тошкентга ўқишга олиб келди.

Марям Хоразм аҳолиси орасида Тошкентга ўқишга юборилган биринчи қиз бўлди.

Марям Карим нўғойнинг невараси эмасми, Тошкентта келиб, дастлаб татар педагогика билим юртида, кейин Оренбургга бориб, ўша срдаги педагогика институтида маълум мuddат таҳсил кўрди.

...1922 йилнинг куз ойлари... Бухоро Xалқ Шўро Республикаси раҳбарлари бухоролик ва туркистонлик ёш йигит ва қизларни Германияга ўқишга юоришга қарор килдилар. Эндингина оёққа гура бошлаган ёш республикаларга замонавий билим ва дунёқарашга эга бўлган ёшлар сув билан ҳаводек зарур эди.

...Марям 63 нафар тенгдошлари билан бирга Германияга кетар экан, ҳали бирор ӯзбек қизи туймаган ҳиссиётга берилиди. Унинг

назарида, бу ўнгдаги вокеа эмас, балки туш, ширин туш эди. Ахир, у туғилиб ўсган Чондир Қиёт қишлоғи қаёқдаю жаҳонга илғор замонавий техникаси ва илмий қашифиётлари билан машҳур бўлган Германия қаёқда?.. Агар у билан бирга бораётган йигит ва қизлар бир неча йилдан кейин она-юргларига юқори малакали мутахассислар бўлиб қайтиб келишса, Ўзбекистон тез орада қанчалик равнак топиб кетади-я!.. У бошланаётган ана шу ажойиб жараённи кўрибгина қолмай, унда ўзи ҳам яқиндан иштирок этади.

Марям 1922 йил ноябридан 1924 йилнинг бошларига қадар Берлинда яшаб, немис тилини пухта ўрганди. Сўнгра Дармштат шахрига бориб, 1926 йилга қадар ўқитувчилар семинарийсида ўқиди. Берлинга қайттач, 1926–1927 йилнинг қиши ойларида семинарийда олган билимини амалда синаб кўриш учун Берлин яқинидаги Потсдам шахрига – “Фрауншулла” мактабига қатнади. 1927 йили эса проф. Финкельштейн номидаги болалар шифохонаси қошида ташкил этилган тиббий ҳамшираларнинг олти ойлик курсида ўқиб, яна бир мутахассисликни эгаллади.

Германия – Европанинг нақ юрагида жойлашган мамлакат. Бу ерга бориб қолган киши Прага ёки Венага, Женева ёки Парижга бир неча кунга бориб, томоша қилиб, бутун дунёга машҳур меъморий обидалар ва боғ-роғларни кўриб келиши мумкин.. Фалакнинг гардиши билан Германияга бориб қолган икки ўзбек қизида, келажакда, Парижни, Европанинг бошқа зиёратгоҳларини ўз кўзлари билан кўриш имконияти бўладими ё йўқми, – буни ёлғиз Яратганинг ўзи билади. Шунинг учун ҳам улар маврутдан фойдаланиб, Баден-Бадендаги истироҳатгоҳларни бориб томоша қилишган эди. Мана энди улар Парижга саёҳатга боришга аҳд қилдилар.

Икки ўзбек қизининг Парижга бориши учун у ерда бирор таниш киши бўлиши лозим эди. Марям шу ҳақда ўйлар экан, дугонаси Хайриниса Мажидхонова Аҳмад Наимнинг ўша йилларда Парижда истиқомат қилаётганини айтиб қолди ва отаси, ҳар эҳтимолга карши, Аҳмад Наимнинг Париждаги адресини берганини эслади. “Агар Парижга борсак, Аҳмад ака уй-жой масаласида бизга, албаттга, ёрдам беради”, деди Хайриниса. Шундан кейин улар маслаҳатни бир жойга қўйиб, поездда Парижга йўл олдилар. “Астория” меҳмонхонаси шундоккина вокзал яқинида экан, Марям меҳмонхонада қолди-ю, Хайриниса Аҳмад Наимни ахтариб кетди.

Кўп ўтмай, Хайриниса бир француз бева аёлига қарашли уйнинг адресини олиб келди. Икки сайёҳ ўша уйни излаб топиб, жойлашиб ҳам олди. Кўп ўтмай, Аҳмад Наимнинг ўзи уларнинг қандай ўрнашганликларини билиш учун келиб кетди.

Парижнинг осори атикалари ва истироҳатгоҳларини кўрган одамнинг француз операсини ҳам тинглагиси келади. Парижга келишларининг саккизинчи ё тўққизинчи кунимикан, Марям билан Хайриниса опера театрига боришга аҳд қилишиб, уй эгасига кечроқ келишларини айтишди ва кечки овқатни қолдиришни илтимос қилишди. Улар ижара уйдан ҳали кўчага чиқиб улгурмаган ҳам эдиларки, Аҳмад Наим билан “қозоққа ўхшаш бир киши”нинг келаётганини кўриб қолдилар. Бу, Туркистон Мухторият хукуматининг собиқ раиси, Парижда мухожирликда яшаётган Мустафо Чўкаев эди...

...Марям 1928 йили Германиядан она-ватани Ўзбекистонга, Тошкентга қайtdi. Нима учундир раҳбарлар сиёсатдан ҳоли, эркин мамлакатда ўқиб келган ва бошқа идеаллар асосида шакллана бошлаган қизни Эски шаҳардаги кечки Коммунистик университетнинг ўкув бўлимига мудир этиб тайинладилар. Аммо Марям учун қандайдир бир муассасага мудирлик қилиш эмас, балки шаҳар мактабларида немис тилидан дарс бериш завқли ва шавқли эди, ўшанда.

Зарифа Саидносирова “Ойбегим менинг” деган китобида севимли турмуш ўртоғининг 1928 йил декабрь ойининг сўнгги кунларида Ленинграддан таътилга келгани тўғрисида сўзлаб, қуйидаги мароқли воеани ҳикоя қилган:

“...Орадан бир неча кун ўтгач, Саидвали Шарафиддинов, Ойбекнинг техникумдош дўсти, бизни меҳмонга таклиф этди. Мен синфдошлар зиёфатида Ойбек билан ёлғиз қолмаслигим учун дугонам Марянни ҳам эргаштириб бордим. Марям хоразмлик киз бўлиб, Берлинда таҳсил кўриб қайтган ва ўша йилларда “Зебуннисо” мактабида немис тилидан дарс берар эди.

Биз Саидвалининг уйида ўйин-кулги билан ўтиридик. Ойбек менинг қўлимга дутор тутқазди - аллақандай мақомларни чертган киши бўлдим. Кимdir ўйнади, кимdir кўшиқ айтди. Ўртада шодон бир кайфият ҳукмронлик қилди. Аммо шу пайт Ойбек пастда ёзилган кўрпача устига келиб ҷўқди. Мен келиб, унинг ёнидан жой олганимга қарамай, паришон бир ҳолда оғир сукутга чўмди. Ойбекнинг хаёлчан ҳолатини кўрган Марям ҳам ёнимга келиб:

– Сизга нима бўлди, Ойбек aka? Кайфиятингиз яхши эмас. Бизга кўшилиб, ўйнаб-кулиб ўтириш. Зарифа хафа бўлмасин, – деди.

Лекин Ойбек ўз бошидан нима кечаштганини бизга сездирамасликка уринар, чамаси, хасталигидан ташвишланар ва ўз ҳолатини менга қандай қилиб айтишини билмас, мени кайғуда қолдиришни истамас эди.

Шу кеча Ойбек Саидвалиницида тунаб қолди. Мен билан Марямни кузатиб кўйини эса Темучинга топшириди. У бирор кимсанинг менга кўл кўттармаслигини билгани ва мендан кўнгли тўқ бўлгани важидан Темучинни четга имлаб, Марямни хафа қилмасдан, уйига қадар элтиб кўйишни илтимос қилди...

Марям 1935 йилдан эътиборан журналистика соҳасига ўтиб, “Гулистон” ва “Ёркин турмуш” журналларида адабий ходим бўлиб хизмат қилди, шу журналларда турли адабий-танқидий мақолаларини, рус ва немис мумтоз адабиётидан қилган таржималарини эълон қилди.

Марям Германиядан эркин фикрсиз, ижодий фикрсиз хеч қандай тараққиётнинг бўлиши мумкин эмас, деган хulosса билан келган ва шу хulosаси асосида ҳаёт ва иш тарзини белгилаб ишлаётган эди. Аммо унинг ҳаёт тарзини ҳам, ижодий режаларини ҳам 37-йилнинг бўрони остин-устун қилиб юборди.

Германияда ўқиб келган собик талабалар орасида биринчи бўлиб Абдуваҳоб Муродий “Миллий иттиҳод” ташкилотининг аъзоси сифатида 1930 йил 25 апрелда, Саттор Жаббор 1937 йил 8 январда, Марям Султонмуродова билан Хайриниса Мажидхонова 1937 йил 13 сентябрда, Солих Мухаммад эса 1937 йил 11 октябрда ҳибсга олиндилар. Хорижда жон саклаб қолганлардан бошқа барча собик талабалар Германия фойдасига жосуслик қилганликда айбланиб, қамоққа олинди.

Марям Султонмуродова гўё Германияда Мустафо Чўқаев ва Олимжон Идрисий томонидан тузилган “Озод Туркистон” аксилини-қилобий жосуслик ташкилотининг аъзоси бўлганликда, Тошкентда проф. Энгелгардт орқали Германияга жосуслик материалларини берив турганликда, “Гулистон” ва “Ёркин турмуш” журналларида аксилини-қилобий-миллатчилик йўналишини олиб борганликда ва ҳ.к.ларда айбланди.

Шу вақтда у камерада ҳали 5-6 ойга тўлмаган қизи Анора билан ётди. Терговчи ва назорагчилар уни қизидан жудо этмаслик-

лари учун қандай сўроқномани олиб келган бўлсалар, шуларга қўл кўйди. Сирасини айтганда, 37-йил жаллодлари унинг қўл қўймаслигига йўл қўйишармиди? Кўйишмасди, албатта. Шунинг учун ҳам Марям қилмаган, ҳатто етти ухлаб тушига ҳам кирмаган гуноҳларни бўйнига олиб, 10 йилга кесилди.

Анора 2 ёшга тўлгунига қадар Марям Тошкент қамоқхонала-рининг бирида ушлаб турилди. Анора қамоқхонада азоб чекаётган маҳбусалар учун бир ярим йил давомида юпанч ва таскин манбай бўлиб хизмат этди. Марямни терговга олиб чиқсан пайтларида у неча-неча аёлларнинг бағрига ҳарорат бағишлаб, уларнинг бу дунёдаги энг мўътабар зот – она эканликларини эслатиб турди...

Ниҳоят, 1939 йил 10 март куни Марям Анорани сўнгти марта ўпа-ўпа, йиглай-йиглай, қайноаси Хосият Иброҳимовага топшириди-да, жазо муддатини ўташ учун қизил вагонга ўтириб, Қозон шаҳрига кетди. Ундан Суз达尔ъ қамоқхонасига кўчирилди. Кейин қанчадан-қанча азиз бошларни ўз жаҳаннамида қовуриб ташлаган Колимага этап билан юборилди.

Марямнинг отаси Жуманиёз Султонмуродовнинг пайига тушган кишилар уни 1926 йилда, Марям Германияда ўқиб юрган, ҳаётининг бирдан-бир ширин ва сермазмун кунларини кечираётган вақтда ўлдириб кетишган эди. Севимли қизининг Германияда ўқиб келганидан кўкраги тоғ бўлиб юрган Дуржон ая учун Марямнинг қамалиши Мулла Жуманиёзнинг фожиали ўлимидан кейинги тасвир этиб бўлмас даражада оғир зарба бўлди. “Халқ душмани”нинг Султонмуродов фамилияли барча қариндош-уруғлари хузур-халоватларини йўқотдилар. Марямнинг укаси Иброҳим НКВДнинг Хоразм секторидаги тергов қийноқларга чидай олмасдан, ўзини-ўзи отиб ўлдириди. Синглиси Гулчехра руҳий хасталикка чалиниб, бир йилга якин жиннихонада даволанди. Бошқа қариндошлар фамилияларини ўзгартириб, Марямни танимаймиз-бilmаймиз, деб туриб оғдилар. Кўни-кўши nilar, таниш-билишлар эса Дуржон аянинг эшигини четлаб ўтадиган бўлдилар.

Марям Султонмуродова 1947 йили, 10 йиллик қамоқ жазосини ўтаб, совет давлатининг бу дунёда барпо этган дўзахларини кўриб ва шу дўзахларда ёниб-қоврилиб, ахийри, она юртига қайтиб келди.

У озод бўлдим, азоб укубатлардан ҳалос бўлдим, энди тинч ижодий иш билан шугууланаман, деб ўйлади. Аммо унинг йўлига кўйилган тиканли симлар метиндан бўлиб, унинг шу ўрама симларни кесиб-парчалаб чикиши амри маҳол эди.

Марям Султонмуродова ўз хотираларида шу мусибатли йилларни эслаб, бундай ёзади:

“...Минг азоб-укубатлар исканжасида ўн йил муддатлик қамоқхонадан қайтыб келиб, Янгибозорда ишлай бошлаган қунларимданоқ теварагимдаги ҳамкасларим менинг толеим пастлигидан, ночорлигимдан кулган бир ҳолатда менга зулм қилиш пайига туша бошлашди. Кейинчалик билсам, уларга бу ҳукуқни давлат хавфсизлиги органидаги одамлар бериб кўйишган экан. Буни менга уларнинг ўzlари рўйи рост айтиб беришди. Ҳаттоқи улар, ўз навбатида, мени эҳтиёт бўлишга ҳам ундан кўйишди...”

Мустабид давлатнинг кўзига Марям чеккан ва чекаётган азоблар оз кўринди. 1949 йил 29 март куни уни яна қамоқقا олиш ҳақидаги ҳужжатга имзо чекилди. 30 март куни НКВД ходимлари Марям Султонмуродовани ахтариб келиб, у яшаётган ва ишлаётган жойларда тинтуб ўтказдилар.

“Маряннинг жуда қариб қолган онаси, – деб ёзган эди кекса журналист Саодат Шамсиева ўша мудхиш кунни эслаб, – “Қизимни олиб кетманглар. Болалари онасиз қандай кун кўради?” – деб ҳар қанча зорланмасин, унинг додига хеч ким кулоқ солмади. Бунга чидолмаган она ютурганича бориб, Марямни олиб кетишаётган машина тагига ўзини ташлаб, жон берди”.

Қамоқхоналарда кечган ўн йиллик азоб-укубатлар изсиз кетмаган эди. Марям юрак хасталигидан ташқари, пневмо-склероз деган балога ҳам чалинганилиги сабабли ҳатто НКВДнинг тошбағр врачлари ҳам 1949 йил 12 апрелда ўтказилган гиббий кўрикда уни жисмоний меҳнатга лаёкатсиз, деб топдилар. Шунга қарамай, Марям Султонмуродова 15 йилга ҳукм этилиб, Красноярск ўлкасига сургун қилинди. Пневмо-склероз хасталигига мубтало бўлган аёл абадий музликлар ўлкасига юпун кийинган ҳолда кетгани учун кўп ўтмай, саратон касаллигига йўлиқиб, бадтар азоб-укубатларни бошидан кечирди. Унинг адолат қилишиларини сўраб Москвага ёзган ариза ва хатлари унсиз-жавобсиз қолди. Факат қатағон даҳоси Сталиннинг ўлимидан кейингина унинг боши узра озодлик кушлари уча бошлади.

1954 йил октябрь ойининг сўнгги – ноябрь ойининг бошлари бўлса керак, Марям Султонмуродова маҳбусалик ҳаётига нуқта кўйиб, Тошкентга етиб келди. Лекин у на Тошкентда, на ўзи туғилган Чондир Қиёт қишлоғига хурмат ва эътибор топди. “Ватан хонии”,

“Германия жосуси”, “халқ душмани” деган сўзларни эшишиб яшашдан ўлимни афзал кўрган кунлари кўп бўлди. Аммо ҳеч нарсага, ҳатто ўзини камситишларига қарамай, олис қишлоқда хамшира бўлиб ишлаб, қанчадан-қанча кишиларга меҳр узатиб, қанчадан-қанча кишилар дардига малҳам бўлиб яшади.

### **Раҳмат Мажидий (1906-1983)**

Хоразмлик таникли маданият арбобларидан бири Раҳмат Мажидий 1906 йили Хива шаҳрида руҳоний оиласида дунёга келди. Ўша вактда Хоразмда “ёш хиваликлар” маърифатпарварлик харакати туфайли йигит ва кизларни Тошкент, Боку, Қозон сингари шаҳарларга ўқишига юбориш расм бўлган эди. Эски мактабни туттаганидан кейин Раҳматнинг отаси ҳам ўғлини 1917 йилда Оренбургга – машхур “Ҳусайния” мадрасасига ўқишига юборди. Раҳмат 1917-1918 ўқув йилини тугатиб, Хивага таътилга келади. Аммо у Россияда рўй берган инқилоб туфайли Оренбургга қайтиб бормайди. 1920 йили, Хоразм инқилобидан кейин, Тошкентга келиб, “Иқбол” интернат-мактабида таълим олади. У шу ерда ҳам атиги бир йилгина ўқийди, сўнгра таътилга чиқиб, Хивага боргач, ёшлар туман ташкилотида котиб бўлиб ишлайди-қолади.

Аммо тақдирнинг кўринмас иплари уни бир умрга Тошкент билан боғлаган эди. У 1922 йилнинг кузида яна Тошкентга келиб, бир йил мобайнида Наримонов номидаги мактабда ўқиди. Кейин ўқишини Ўрта Осиё Ҷавлат университетининг ишчилар факультетига кўчирди. 1925 йили мазкур факультетни тугатиб, Москвага йўл олди. Бироқ иссик ўлкалардан келган ёшларнинг Москва ва Ленинград сингари совуқ шаҳарларда ўқиши осон кечмади. Раҳмат ҳам 1928 йилда, бошқа айrim ватандошларидек, сил хасталиигига йўлиқиб, она юртига қайтиб кетишга мажбур бўлди. Уни, Москвани кўрган ёш йигитни Хоразм округ партия комитетининг қишлоқ хўжалиги бўлимига инструктор қилиб ишга олишди.

Агар ўтган асрнинг 20-30-йилларида меҳнат фаолиятини бошлигаган аксар ватандошларимишининг таржимаи ҳоли билан танишсангиз, уларнинг бирор жойда кўйим ишламасдан, бир муассасадан иккинчи муассасага, бир шаҳардан иккинчи шаҳарга сакраб юртганларини кўрмай иложингиз йўқ. Раҳмат Мажидий ҳам қишлоқ

хўжалиги соҳасидан секин-аста тарғибот ва ташвиқот соҳасига ўтиб, “Инкилоб кўёши” округ газетасида муҳаррир бўлиб ишлади. Хоразм республикаси тугатилганидан сўнг Самарқанд шаҳрига бориб, бир йил республика Олий суди аъзоси ва “Ленин йўли” газетаси муҳаррири бўлиб хизмат қилди. 1931 йилнинг ёзида эса Тошкентга чакириб олиниб, “Қизил Ўзбекистон” газетасининг партия бўлимига мудир этиб тайинланди.

Ўша йилларда шўро ёзувчиларининг ягона уюшмасини ташкил этишга қаратилган саъй-ҳаракат бошланди. 1932 йил 6 июнда ўтказилган Тошкент ва Самарқанд ёзувчиларининг биргаликдаги кенгайтирилган мажлисида Раҳмат Мажидий ўриндошлиқ асосида Шўро ёзувчилари уюшмаси ташкилий кўмитасига раис, Ойдин эса котиб этиб сайланди. Ўша кунга қадар Ўзбекистон Йўқсил ёзувчилари уюшмасининг “Курилиш” номи билан чиқиб турган журнали энди “Ўзбекистон шўро адабиёти” номи билан Раҳмат Мажидий муҳаррирлигида нашр этила бошлади. У 1933 йил февралида Бутуниттифоқ шўро ёзувчилари Ўрга Осиё бюросининг, шу бюро нашрлари – “Советская литература народов Средней Азии” Журнали ва “Литература Средней Азии” газетаси таҳрир ҳайъатларининг аъзоси этиб тайинлайди. Ниҳоят, 1934 йилда Ўзбекистон Шўро ёзувчилари уюшмаси ташкил этилиб, Раҳмат Мажидий мазкур уюшмага раис этиб сайланди. У раис бўлган ижодий уюшимада адабий жараён, адабий алоқалар билан боғлиқ ишлар, айниқса, авж олиб кетди. Раҳмат Мажидий 15 августда Москвада тантанали суратда очилган Бутуниттифоқ ёзувчиларининг биринчи курултойига ўзбек ёзувчиларининг сардори бўлиб борди ва М.Горькийнинг машҳур маъruzасидан кейин ўзбек адабиёти бўйича кўшимча маъруза билан сўзга чиқди. Бу, Раҳмат Мажидий ҳаётининг юлдузли дақиқалари эди.

“Съезд кетаётган кунларнинг бирида, – деб эслаган эди Раҳмат ака, – менда Алексей Максимович билан яқиндан сухбат қилиш имконияти туғилиб қолди. Сухбатнинг дастлабки пайтида менда хозир ифода қилиб бериш мумкин бўлмаган ажойиб бир туйғу пайдо бўлди. Албатта, ҳаяжон... Лекин гап мавзуи иш борасига ўтиши билан вазият ўзгариб, бир-бирига тенг икки киши ўртасидаги расмана сухбатга айланди. Бу вазиятни Алексей Максимович туғдирган эди. Мен Ўзбекистондаги адабиётнинг аҳволи ва ўсиб келастган ёш кадрлар хақида қисқача гапириб бердим. У киши ме-

нинг сўзларимни зўр эътиқод билан тинглади, сўнг фольклор материалларидан фойдаланиш ва халқ шоирлари ўртасида бораётган ишлар ҳақида саволлар берди. Мен қисқача жавоб қилдим. Суҳбат охирида Горький:

– Халқижоди ниҳоятда бой. Биз, ёзувчилар, халқижодидан фойдаланамиз. Сизда, умуман, Ўрта Осиё халқларида халқ оғзаки ижоди бой. Шу соҳага, айникса, эътибор беришингизни сўрайман, деди. Сўнг халқ шоирлари томонидан ижод қилинган ва узок вакт ўз кучини саклаб келаётган асарларни эслатиб ўтди. Бу қисқа, лекин мазмундор суҳбат бир умрга хотирамда колди”.

Ўша вактда ёзувчилар уюшмаси олдида турган муҳим вазифалардан бири насрый жанрларни ривожлантириш эди. Раҳмат Мажидий шу мақсадда А.Қодирий, С.Айний каби тажрибали адилар билан учрашиб, ўзбек насрини ривожлантириш учун, аввало, ёзувчиларга ижодий шароит яратиш, атоқли ёзувчилар билан мулоқотлар, семинарлар ташкил этиш, энг яхши асарлар учун танловлар зълон қилишга киришди. Р.Мажидий ташабусларини қўллаб-куватлаган марказкўм ёзувчилар учун Тошкент шаҳрининг Инжиқ обод деган чекка жойидан боғ ажратиб берди.

“Богни обод қилиш, – деб эслаган эди Р.Мажидий, – уни ёзувчилар дам оладиган ва ижодий иш қиладиган илҳомбахш гўшага айлантириш зарур эди. Мен Тошкентнинг Самарқанд дарвоза гомонида Абдулла аканинг нашъали боғи борлигини ва уни ёзувчи ўз кўли билан меҳр қўйиб обод қилганини эшитган эдим. Шу эсимга тушиб, мазкур богни кандай обод қилиш хусусида Абдулла ақадан маслаҳат сўрадим”.

А.Қодирий уюшма раисига маслаҳат берибгина қолмай, боғни обод қила оладиган бирдан-бир миришкор боғбон ва шоиртабиат инсон – Иногом отани ҳам топиб берди. Ва бу боғ тез орада ёзувчилар ўртасида машхур бўлиб кетди.

Р.Мажидийнинг ташабуси билан ташкил этилган танлов 1935 йил октябрь ойининг бошларида якунланиб, С.Айнийнинг “Куллар”, А.Қаҳхорнинг “Сароб” романларига иккинчи, Ҳ.Шамснинг “Хукуқ” романига учинчи мукофот берилди, А.Қодирийнинг “Обид кетмон”, Чўлпоннинг “Кеча ва кундуз” романлари нашрга тавсия этилди. Аммо бу вактда Раҳмат Мажидий нима сабабдандир Москвадаги Қизил профессорлар институтига ўқишига юборилган эди. У икки ярим йил давом этган ўқишини тутатгач, 1940 йилга қа-

дар Москва шаҳри Фрунзе туманидаги Молотов номли фабрика қошида катталар учун очилган мактабда аввал ўкув бўлими мудири, кейин эса директор бўлиб ишлашга мажбур бўлди.

Раҳмат Мажидий 1940 йили Москвага хизмат сафари билан борган Усмон Юсулов билан учрашиб, ундан ўз ватанига қайтишига ёрдам беришни сўради. Сўнгра саркотибининг илтифоти билан Тошкентга келиб, Ўз ФА қошидаги Тарих, тил ва адабиёт институтида илмий ходим бўлиб ишлай бошлади.

1937 йилнинг даҳшатли воқеалари бошланганида Раҳмат Мажидий Москвада эди. Балки шу сабабданdir қатағон қиличи унинг юрагига санчилмай қолган. Аммо 1941 йилда қизил армия шиддат билан Москва сари чекина бошлаганида у ҳам, айрим Кишилар сингари, ҳавотирга тушган. Некбин қайфиятли дўстлар: “Бу вақтингчалик чекиниши”, деганларида, у бундай жавоб қайтарган: “Нималар деяпсиз, биз ҳамма нарсани вақтингчалик, вақтингчалик, деб келмоқдамиз. Биз бундай гапларни 23- йилдан бери эшишиб келмоқдамиз. Бундай ҳолаг кейинчалик ҳам давом этади, ҳатто авлодларимиз даврида ҳам. Айтишларича, олдинги замонларда сотқинларни жазолашган бўлишса-да, уларнинг оиласига тегишмаган. Ҳозир эса шўро давлати уларнинг оиласига ҳам тинчлик Бермаяпти”. Бошқа бир сафар эса у бундай деган: “Германия билан уруш бизнинг ҳукуматимизнинг провокацияси билан содир бўлди. Агар сиз ҳозир менга ишонмасангиз, эртага тарих шу гапни айтади”.

Раҳмат Мажидий ана шундай ҳак гаплари учун 1941 йил 18 декабрда қамоққа олинди. У 8 йилга кесилиб, Тошкент тақсимот қамоқхонасига қарашли 7- ва 3-мехнат-тузатув колонияларида азоб-укубат чекди. 1949 йил 22 декабря озодликка чиқкан Раҳмат Мажидий оиласи истиқомат қилган Урганч тумани Чандир Киёт қишлоқ советига қарашли колхозга бориб, сувчи, кетмончи ва табелчи бўлиб ишлади. Аммо бу озодлик, ўзи башорат қилгандек, вақтингчалик озодлик эди.

1950 йил 22 июняда Раҳмат Мажидий иккинчи маротаба қамоққа олинди. Энди уни нафақат 1941 йилда айтган сўzlари, балки Москвада таҳсил кўрган 1937-1938 йилларда Ўзбекистондаги “халқ душманлари”нинг фош этилишига ёрдам бермагани ва гўё советларга қарши аксилинқилобий ташкилотнинг аъзоси бўлгани учун Красноярск ўлкасига номаълум муддатта бадарга қилинди.

Яхшиямки, золимлар ҳам ҳаётдан ўтади. Яхшиямки, адолат баъзан-баъзан жабрдийдалар тирик пайтида тикланиб қолади. Акс

холда қанчадан-қанча кишилар Мажидийдай бу дунёдан “дод” деб ўтишган бўларди.

Рахмат Мажидий Сталин вафотидан кейин сургунгоҳдан қайтгач, Тошкентда оиласи билан яшаб, Тил ва адабиёт институтида хизмат қилди. 1960 йилда Оғаҳийнинг “Таъвиз ун-ошиқин” девонини катта сўзбоши билан нашр этди. 1961 йилда “Оғаҳий лирикаси” деган мавзуда номзодлик диссертациясини ёқлаб, 1963 йилда уни монография тарзида зълон қилди. Бундан ташқари, “Ўзбек шеърияти антологияси”нинг 5-жилдини, 15 жилдлик Алишер Навоий “Асарлар”ининг 1-4-жилдлари, шунинг-дек, рус тилидаги 10 жилдлик Навоий “Асарлар”ининг 3- ва 5-жилдларини нашрга тайёрлаш ва таҳрир этишда фаол қатнашди. У узлатда кечган ва бехуда ўтган йиллар эвазига ҳам ишлашга, ўзидан ёрқин из қолдиришга уринди.

Аммо куч, сихат-саломатлик уни тарқ эта бошлаган эди. Ёзувчилар уюшмасининг биринчи раиси 1983 йил декабрида 77 ёшида вафот этди.

### **Собира Холдорова (1907-?)**

Собира Холдорова 1907 йили Наманган вилоятининг Чуст туманида камбағал дехқон оиласида туғилган. Оила бошлиғи вафотидан кейин онаси Нусратбиби бир ўғил билан икки қизини Кимларнингдир кир-чирини ювиш, идиш-товоркларини тозалаш билан бокди. 1919 йилда авж олган очарчилик уни болаларини олиб, Қўқонга бош олиб кетишга мажбур этди. Собирани шу йили етимесирлар учун очилган интернатга жойлаштириб, ўзи ҳам ўша ерда хизмат кила бошлади. Собира интернатни тутатгач, муаллимларни тайёрлаш қиска муддатли курсларда ўқиб, Чорсуда очилган кизлар мактабида ўқитувчилик қилди. Ҳаёти изга тушиб, маърифатнинг хушбўй гулларидан завқ-шавқ олган 16 яшар киз 1923 йили кўқонлик 6 нафар дугонаси билан Тошкентга келиб, Ўлка хотин-қизлар билим юртида ўқий бошлади. Шу ерда Абдулла Қодирий ва Ҷўлпон асарлари билан танишиди, деворий газетада, ёшлар ташкилоти ҳаётида фаол иштирок этди, баҳс ва мунозара-ларда жўяли гапларни айта оладиган қиз бўлиб улғайди.

Орадан бир йил ўтар-ўтмас, Собира Туркистон Иштирокиён фирмаси марказқўми қошидаги хотин-қизлар бўлнимининг фикр

гарқатувчиси – “Янги йўл” газетасига муҳаррир этиб тайинланди. 1925 йили эса республиканинг ўша вақтдаги марказий газетасига хотин-қизлар бўлими мудири бўлиб ишга ўтди. У газета муҳаррири Комилжон Алимов ва унинг ўринbosари Мирмуҳсин Шермуҳамедовдан журналистика сирлари билан бирга муаллифлар билан ишлаш маданиятини хам ўргана бошлади.

“1926 йилда, – деб ёзган эди у таржимаи ҳолида, – мени Москвага – Журналистлар институтига юбордилар. Институтда ўқиш билан бирга почта ва телеграф орқали “Қизил Ўзбекистон”га тури хабарлар, мақолаларни йўллардим…

Институтни битиргач, 1930 йилнинг охириларида яна ўз севимили редакциям бағрига келдим. Дастваб партия турмуши бўлимининг мудири, сўнгра муҳаррир ўринbosари бўлиб ишладим…”

Ўша вақтда хотин-қизлардан етишиб чиқаётган кадрларга катта эътибор берилгани учун Собира Холдорова ҳали ўқишни тугатиб улгурмаганига қарамай, 1929 йилнинг март ойида Самарқандда бўлиб ўтган Ўзбекистон шўроларининг III қурултойида хукумат аъзоси этиб сайланади.

Бундай кагта ишонч ва ҳурматга сазовор бўлган Собира ватнга астойдил хизмат қилиш нияти билан яшайди. Эри Мўмин Усмонов билан бирга сиёсий адабиётни таржима қилишда яқиндан иштирок этади. Аммо 1937 йили С.Холдорова Тошкент шаҳар Киров гумани партия ташкилотининг котиби лавозимида хизмат килаётган кунларда қамоқка олиниб, унинг нурли ҳаёт йўли кўпориб ташланди.

Жисмоний ва руҳий тазижилар остида ўтган терговда С.Холдорованинг “Ўзбекистонда тугатилган Акмал Икромов раҳбарлигидаги аксилишўровий ўнг троцкийчи ташкилотнинг аъзоси” бўлганлиги, шу ташкилотнинг топшириғига кўра, “заараркунандалик қилгани”, “марксизм-ленинизм классиклари асарларини ўзбек тилига таржима қилиш ишига зарар етказиш ниятида 1932-1934 йилларда эри Усмонов билан Сталининг “Ленинизм масалалари” асарини бузиб таржима қилгани”, натижада давлатга 144 782 сўм 82 тийин зиён етказилганлиги “аниқланади”.

Бир ярим йил давом этган тергов жараёнидан кейин бечора Собира Холдорова 1940 йилда 5 йилга озодликдан маҳрум этилади ва жазо мuddатини ўташ учун СССР НКВДси Махсус йиғилишининг қарори билан Якутия (Ёқутистон)га жўнатилиади. У Тошкентг

қамоқхонасидан туриб ҳам, Якутияда ўзига ўхшаш бегуноҳ маҳбуслар орасида яшаб ҳам ноҳақ жабрланганлиги ҳақида турли идораларга хат ёзади. Шулар натижасида у 1942 йили озодликка эришади. Лекин кўп ўтмай, НКВД ходимлари уни яна олиб кетадилар. Жабрдийда аёл руҳий хасталар касалхонасига тушиб, уч ой даволанади. Шундан кейин ҳам унинг болалари бағрида яшашига имкон бермай, Тошкент шаҳридан 50 километр четга чиқариб юборадилар.

Якинда “Халқ сўзи” газетасида эълон қилинган мақолада айтилишича, Собира Холдорова урушнинг мاشаққатли йилларида Шаҳриондаги колхозларнинг бирида ишлаган. “Халқ душманлари”га нафрат руҳида тарбияланган кишилардан бири ўша кезларда ҳатто у терган пахтани олишини истамай, “Халқ душманни”нинг пахтаси керак эмас!”, деб унинг кўзи олдида иргитиб юборган экан. Куни кеча ҳурмат ва иззат иқлимида яшаган аёлга нисбатан бундай ўта ҳакоратли муносабат, афсуски, унинг бутун кейинги ҳаётини заҳарлаб ташлади.

Истеъоди, билими ва юксак маданияти билан ўзбек хотин қизлари орасидан ажralиб чиққан ва миллатнинг диккат марказида, кўз қаросида турган аёлнинг қатағон этилиши, бунинг устига, жазо муддатини ўташ учун абадий музликлар ўлкасига юборилиши, у ерда очликдан ҳишиб, совуқдан музлаб ўлган одамларни кўриши даҳшатдан бошқа нарса эмас. Эрини отиб ташлаб, ўзини дўзах азобларига гирифтор этган, болаларини етимхонага юбориб, уй-жойини, мол-мулкини тортиб олган, онасини эса қон қақшатган давлатни қандай давлат, деб аташ мумкин? Шундай давлат тузумини соғиниш ва кўмсаш мумкинмикан?..

### Сулаймон Амиров (1907-1969)

1929 йилнинг куз ойларида Мунаввар қори Абдурашидхонов раҳбарлигидаги “миллий иттиҳодчилар”, 1930 йилнинг ёз ойларида эса Боту бошчилигидаги Маориф ҳалқ комиссарлиги ходимларидан иборат ўзбек зиёлиларининг икки катта гурухи қамоққа олиниади. Барча маҳбуслар Москвага олиб борилиб, мудхиш Бутирка қамоқхонасига ташланади. Боту сингари Москва давлат универси-тетида таълим олган, рус кизига уйланиб, ўзининг “миллатчи”

эмаслигини ошкора намойиш этган, ҳатто устозларини қоралаб шисърлар ёзган ёш шоирнинг қамалиши Чўлпон ва Фитрат сингари кекса авлод вакилларини ташвишга солади. Ўз тақдиридан хавотирга тушган Фитрат, Чўлпоннинг илтимосига кўра, Файзулла Хўжаевнинг ҳузурига бориб, ундан нима қилишликини сўрайди. Чўлпон Халқ Комиссарлар Кенгаши раисининг маслаҳати ва ёрдами билан 1931 йили Москвага кўчиди бориб, ўша ерда жон саклади.

1932 йилнинг ёз ойларида ОГПУ (Бирлашган Давлат Сиёсий Бошқармаси) ҳодимлари республиканинг ўша вақидаги пойтахти Самарканнда яна камоққа олиш ишларини бошлаб юбордилар. 9 август куни Фулом Зафарий, Миртемир, Олимбек Қодиров, Ҳаким Қодиров, Раҳмонкул Жумакулов, Ҳамид Қодиров, 12 августа эса Сулаймон Амиров ва бошқалар ҳибсга олиндилар. Фақат Муҳаммаджон Собировгина 1933 йил 22 май куни бўлиб ўтган ОГПУ коллегияси йигилишида озод этиб юборилди. Қолган барча маҳбусларга 3 йиллик қамоқ жазоси берилди. Шундай жазога маҳкум этилган маҳбуслар орасида Сулаймон Амиров ҳам бор эди.

Сулаймон Амиров 1907 йилда Туркистон шаҳрининг Қарноқ қишлоғида, дурадгор оиласида дунёга келган. Дастреб юрт мадрасасида таҳсил кўрган. 1919 йили эса янги очилган шўро мактабига ўқишига кирган. Аммо ёзги таътилдан кейин отасининг тазъиики билан мактабни гашлаб, яна мадрасада ўқишини давом эттирган. 1923 йилга келиб, мадраса таълимининг истиқболсиз эканини кўрган отаси яна ўғлининг шўро мактабида ўқишига розилик беради. 1924 йилнинг август ойида эса Сулаймон Самарканнда ўқитувчилик қилаётган қариндоши Парфи Азизовни кора қилиб Самарканнга ўқишига боради. Бирок Сулаймон бошқа жумҳуриятдан келганини сабабли умумтаълим мактабига қабул қилинмайди. Шундан кейин у совет-партия мактабига ўқишига киришига мажбур бўлади ва 9 ойдан кейин шу мактабни тутагтагач, Булуңгур туманидаги Жомбой қишлоғидаги биринчи босқич мактабга мудир этиб таинланади.

Ўқитувчилик шундай гаройиб бир касбки, бу соҳани танлаган қишининг ўзи устида ишламаслиги, билим хазинасини мунтазам равишда ошириб турмаслиги асло мумкин эмас. Бу хақиқатни тушунган Сулаймон 1927 йилда собиқ мактабдошлари Алимбек ва Ҳамид Қодировлар билан бирга Қозон шаҳрига бориб, Татар пе-

дагогика техникумига ўқишига киради. Бегона шаҳарда мусофириликда яшаш машаккати Сулаймон ва унинг биродарларини техникиумнинг З-курсини тугатибоқ она-юртларига қайтишига мажбур этади. Қолаверса, улар назарида, 4- ва 5-курсларда ўтилашак методика ва педагогика амалийтисиз ҳам ўқитувчи бўлиш мумкин эди.

Қозонда иқтисодий кийинчиликни бошидан кечирган Сулаймон Самарқандга қайтиб, дастлаб моддий аҳволини ўнглаб олмоқчи бўлди. Шу ниятда маълум муддат турли курсларда ўқитувчилик қилиб, сўнг Педагогика академияси (ҳозирги Самарқанд давлат университети)га ўқишига кирди. Аммо, баҳтга қарши, стипендияга илинмай, бунинг устига, отаси вафот этиб, ўқишини тарк этишдан бошқа иложи қолмади. У 1930-1931 ўкув йилида қишлоқ хўжалик техникумига ишга кириб, она тили ва адабиётдан дарс бера бошлади.

Сулаймон Амиров Жомбой туманида хизмат килган кезларида шу туманлик ўқитувчи Мулла Раҳмонқул Жумақулов билан танишиб, у билан бўлган мулоқотларда Чўлпон шеъриятини кашф этди. Мулла Раҳмонқул билан биргаликда Чўлпон шеърлари магзини чақиб, бу шеърларнинг ҳам бадиий гўзаллигидан, ҳам кучли миллатпарварлик руҳидан ҳайратга тушди. “Маориф ва ўқитувчи” журналида эълон қилинган адабий ва публицистик асарларни ўқиб, теварак-атрофда рўй бераётган воқеа ва ҳодисаларга ўзгача нигоҳ билан қарай бошлади. Мулла Раҳмонқул ўзбек тилидаги журналлардан ташқари, Озарбойжонда нашр этилган “Маориф ва маданият” журналини, Ҳусайн Жовид ва бошқа озар ёзувчиларининг асарларини ҳам олиб турар экан. Сулаймон Азимов озар адабиёти орқали секин-аста турк ёзувчилари ижоди намуналари билан ҳам ошно бўлиб борди.

Сулаймон Амиров Қозонга ўқишига борганида Суннатилла Муқимов деган ҳамқишилогини учратиб, у билан яқиндан танишади. Ўша ердаги Шарқ педагогика институтида таҳсил кўраётган бу талаба бир-икки кўйлакни ортиқ йиртгани ва Қозонга бир-икки йил аввал келиб ўқиётгани сабабли Сулаймон Амировга нисбатан кўп нарсани билар ва хаётга ҳушёр кўзлар билан назар ташларди. У Сулаймон Амиров билан бўлган учрашувларда унинг хаёлига келмаган бундай гапларни айтади: “Совет ҳукуматининг миллий республикаларда олиб бораётган сиёсати – хато сиёсат. Москвада миллион-миллион пуллар сарфланиб, ҳар йили қанчадан-қанча заводу

фабрикалар курилаётган бўлса, Ўзбекистонда кўзга чалинадиган бирорта ҳам ўзгариш йўқ. Ҳолбуки, Ўзбекистон бутун СССРни пахта билан таъминламоқда...”

Бундай ·сўзлар, ўқилган китоблар Сулаймон Амировнинг дунёқарашини сескин-аста ўзгартира бошлади.

Сулаймон Амиров ўқиган техникумнинг яқинида “Шарқ” кутубхонаси бўлиб, унда турк, ўзбек ва татар тилларидағи истаган китобни топиш мумкин эди. Сулаймон Амиров якшанба кунлари шу кутубхонага бориб, турк ёзувчилари асарларини ўқишига киришиди, замонавий ўзбек адабиётида қарийб бўлмаган ё ўзи сезмаган, аммо шу асарларда ўз ифодасини тоғланган миллий руҳни, миллий мақсадни, миллий ғояни кўргандек бўлди.

Хуллас, у Самарқандга қайтиб, дастлаб мактабгача курсларда дарс берганида айрим ўқитувчиларнинг маҳаллий ёшларга истеҳзоли муносабатини, академияда ўқий бошлаганида эса ректорнинг хўжалик бўйича ўринбосари Введенскийнинг маҳаллий талабаларга нисбатан ошкора шовинистик хатти-харакатини кўрди ва миллий ғурури ҳақоратланганидан қаттиқ изтироб чекди.

Шу йилларда Самарқандда яшаётган бошқа ёшлар қатори, туркестонликларнинг ҳам ўз гап-гаштаклари бор эди. Сулаймон Амиров шундай “гап”ларда ўзини қийнаган масалаларни четлаб ўттолмади – Совет давлати миллий сиёсатининг нотўғри ўзанда кетаётгани, шовинизм шу сиёсатнинг таркибий қисми бўлиб бораётгани, Боту сингари ёш зиёлиларнинг бекордан-бекорга қамоққа олингани ва шунга ўхшаш масалалар ҳақида сўзлайдиган бўлди.

“Тилим бор деб сўйлайверма, деворнинг ҳам қулоғи бор”, деган накл шу йилларда пайдо бўлган бўлса ажаб эмас. Ҳар уч кишидан камида бирини ёллаган ГПУ-ОГПУ-НКВДнинг қулоклари Сулаймон Амиров сингари кишиларнинг ҳар бир сўзини тинглаб-эшишиб-қайд этиб борган, ўша замонларда. Уларнинг шўроларга қарши бирор ташкилот тузиши ва бу ташкилотнинг шўроларга қарши бирор хатти-харакат қилиши шарт эмас, шундай фикрга, хаёлга борганиликнинг ўзи ГПУ-ОГПУ-НКВД назарида оғир жиноят эди. Шунинг учун ҳам Сулаймон Амиров юқорида тилга олинган сафдошлари билан бирга 1932 йилнинг 9-12 август кунларида қамоққа олинди.

Бу вақтда у эндиғина 25 ёшга қадам кўйган эди.

Ёш “жиноятчилар” Тошкентта этап қилиб юборилгунларига қадар Самарқанддаги қамоқхонада сақланди. Шу ерда терговга

чакиришларини, кейин суд бўлишини кутиб ёғди. Унинг шу вақтда қандай шароитда яшагани, қандай изтироблар қуюнида ўртангани ва қандай хаёлларга боргани хақида, эҳтимол, унинг мана бу сатрлари тасаввур берар, бизга:

*...Аста-аста тарқалар маҳорканинг тутуни,  
Тутун каби қолмади юрагимнинг бутуни.  
Пага-пага тутунлар парчаланиб учадур,  
Менинг қайгум кунбабуна лаҳад каби қучадур.*

*Қабр каби тор, қоронгу турмада  
Неча ойлар ёлгиз ётиб турман.  
Ўртоқларим – қандалалар ва жинлар,  
Улар билан ёлгиз суҳбат қурман.*

*Қандалалар қизғанмасдан туну кун  
Оч танимдан суюқ қонимни ичар.  
Қандаладек менга ётишган ўлим,  
Билмам, қай кун кафанду тұнмиди бичар.*

*Жон аялас, деб шионган дүстларим  
Бир қарамай, қиё боқмай кетдилар.  
Олдымдаги оқ күнларим тугалгач,  
Қаро тунга мени құрбон этдилар.*

*Ёлгиз ўғлинг ёлгиз ётар турмада,  
Күзи ёшли, мунис онам, қайдасан?  
Мени тұзиг, роҳат юзин күрмаган,  
Бахти қаро, оқсоч онам, кайдасан?*

*Биламан, сен бир қоронгу қишилоқда  
Қон-ёш тұқиб, юрак-багринг узасан.  
Вайронада ёлгиз ўзил инграницыб,  
Хар нафасда янги мотам тузасан...*

*Бир ўйноқи құзичоқдек Ойшажсон,  
Қаро күзинг жиекқа ёшга тұлдими?  
Эсса туышсанг, күзга тұлар қизил қон,  
Ғұнча юзинг очылмасдан сұлдими?*

*Ўртоқларинг роҳат-роҳат ухларкан,  
Эрта саҳар туриб ўксиб йигларсан.  
Қандай қиласай, маъсум синглим, начора,  
Беш-олти кун ёш жонингни тигларсан.*

*Оёғимдан оғир кишин узилса,  
Елиб-югриб тезроқ сенга етарман.  
Оқ қанотли сўзларингни эшишиб,  
Учкун сочар кўзларингдан ўпарман...*

1932 йилнинг октябрь ойида Самарқанддаги турманинг якка хонасида юрак қони билан битилган бу сатрлар фақат Сулаймон Амиров қалбининг оху фарёдигина эмас, балки муддиш йилларнинг тарихий ҳужжати ҳамдир.

Сулаймон Амиров жазо муддатини Тошкент ва Қарағандадаги лагерларда ўтказиб, 1935 йилнинг ёз ойларида озодлик офтобини кўрди. Шундан кейин Самарқанд вилоятининг Жомбой, Булунғур ва Зомин туманларида мактабларда ўқитувчилик қилди. Аммо унинг сиёсий модда билан айбланиб, қамалиб чиқканини эшишган одамлар ундан мумкин қадар узоқроқ юришга уринган бўлсалар, унинг пайига тушган хуфялар эса, аксинча, соя сингари унинг изидан бир қадам ҳам узилмадилар. Бунинг устига, “сиёсий идора” уни дамма-дам чақириб, тергаб, шубҳа остидаги бошқа кишиларнинг гап-сўзларини етказиб туришни талаб этди.

Хуллас, 1937 йил даҳшатлари бошланганида Сулаймон Амиров Самарқандда ортиқ яшаш ўта хавфли эканлигини сезди ва Чимкент шахрига кўчиб бориб, ўша ердаги ўзбек педагогика билим юргида ўқитувчилик фаолиятини давом эттириди. Аммо бу ерда ҳам унга тинчлик беришмади. Сулаймон Амиров бу сафар Туркистон шахрига бориб, Саидносир Миржалиловнинг ҳовлисида барпо этилган ўрта мактабда тил ва адабиётдан дарс берди.

1939-1940 йилларга келиб, “ички душман” тор-мор этилган мамлакатта ташқи душман кўз олайтира бошлиди. Катағоннинг асов дарёси сокинлашгандек бўлди. Сулаймон Амиров педагогик билимини ошириш мақсадида Тошкентта келиб, ўқитувчилар мала-касини ошириш курсларида ўқиди. 1941 йилнинг ёз ойларида эса армия сафига олиниб, Москва остоналаридағи қакшатгич жангларда оғир ярадор бўлди. Узоқ вақт госпиталларда даволанди. Сўнгра

1944 йилнинг апрель ойида ота юртига – Қарноқ кишлоғига уруш ногирони сифатида қайтиб келди. У 1968 йилга қадар шу ердаги мактабларнинг бирида ўзбек тили ва адабиётидан ташқари, рус тили ва адабиёти фанларидан ҳам дарс берди. Она тилидан бўлак яна олти-етти тилни билган Сулаймон Амиров Қарноқдан кўплаб юкори билимли, турли соҳалар бўйича истеъододли кишиларнинг стишиб чиқишига катта хисса кўшди.

Сулаймон Амиров 1969 йилнинг 21 январида юрак хасталиги туфайли вафот этди.

### **Сожида Носирова (1909-?)**

Ўтган асрнинг 30-йилларида машхур бўлган ўзбек хотин-қизлари орасида Сожида Носирова исмли аёл ҳам бўлган. 1909 йили Тошкентдаги маърифатли оиласарнинг бирида дунёга келган бу ажойиб аёл тўғрисида мақола, ҳаттоқи хужжатли қисса ҳам эмас, балки роман ҳам ёзиш мумкин. Сожидахон мураккаб тарихий даврда туғилган ва шу даврнинг азоб-уқубатлари билан йўргакланган аёллардан. Аммо шунга қарамай, у даврнинг гирдобли оқимини енгил ўтиб, ўзининг фидойилиги билан тенгдошлари ва ватандошлиари ҳаётига бир тутам нур олиб киришга, улар юкини енгил қилишга уриниб яшади.

Умри узоқ йиллар давомида совет давлатининг қамоқхона ва лагерларида ўтган шарқшунос олим Лазиз Азиззода Сожида Носировани яхши билган кишилардан бўлиб, у ҳақда бундай ғаройиб хотира сўзларини ёзиб қолдирган: “Совет ҳокимияти янги ташкил топган кунларда Хадрадаги “Намуна” мактабига тасодифан кириб колдим. Бу мактаб бошқа ўкув юртларига қараганда анчагина кўркам партя, стол, стуллар билан бир мунча жиҳозланган эди. Муаллим ҳали дарсга киргунча йўқ экан, партада ўтирган болаларга қўзимнинг кирини ташладим. Негадир ҳали ўзбеклар ичида одат бўлмаган бир нарсани кўрдим: ўғил болалар ичида ўн бир ёшлар чамасида кўзи чакнаб турган бир кизча ўғил бола кийимини кийиб ўтирас эди. Бу ҳолга ҳайрон бўлиб турганимда менга таниш бўлган ўқитувчи кириб келди. У билан сўрашиб бўлгач, таажжу бимни сўзладим. Муаллим менга эркакча кийинган кизни ўкувчи ларнинг тиришқоқ ва хуш зеҳнлиларидан Сожида Носировадир, деди.

Кизнинг қайси оиласдан эканини яхши билганим учун менда дарров муайян фикр ҳосил бўлди-да, Сожиданинг эркаклар кийимини кийиб олганининг сабабини тушуниб олдим. Носирова-нинг оиласи инқилобдан олдин гарақийпарвар ва маълумотли эканлигини Тошкент маърифатпарварлари яхши биладилар. Бу оила аъзоларининг ҳаммаси бир ёқадан бош чиқариб, маданиятта интилганлари ҳолда Сожиданинг катта акаси Шўрчи масжидининг имоми Абдулла aka ҳар бир янгиликка, замонавий маорифга тиш-тирноғи билан қарши туради...”

Юқоридаги сатрларда тилга олинган Абдулла aka шафакат Сожидани, балки унинг опаси, келинойиси ва ҳатто онасини ҳам дўзах азоблари билан кўрқитавериб, улардан паранжига ўралиб юришни катъий талаб қилган. Катта ўғлининг бемаъни дўқ-пўписаларини эшитавериб кулоги яғир бўлган она бир куни Сожидани чакириб, унга бундай деган: “Қизим, билиб турибман, ҳозир паранжи ёпинишнинг вақти эмас. Агар паранжи ёпинишни истамасанг, майли, ёпинма. Аммо ўғил болалар билан бир мактабда ўқимокчи бўлсанг, ўғил болача кийин! Биз, бечора аёллар, баъзан шундай қилиб яшашга мажбур бўлганимиз. Бошқа чора йўк”.

Сожида онасининг шу гапига амал қилган ҳолда ўғил болалар кийимини кийиб, “Намуна” мактабида ўқий бошлади. Аммо она топиб берган хийлаи шаръий ҳам иш бермади. Бир томондан, Сожида мактабга бораётган ва ундан кайтиб келаётган пайтда масжид олдида тўпланган мугаассиб кишилар унга ва унинг отонаси шаънига маломат тошларини ёғдирган бўлсалар, Абдулла aka бадтар авжга чиккан: “Бирорнинг хасми бўлган киз болани ўғил болалар орасига қўшиб қўйиш гуноҳи азим бўлади. Буни Оллоҳ бу дунёда ҳам асло кечирмайди!..”

Шу вақтда Сожиданинг “отин келинойи” номи билан машхур бўлган опаси Робиа Тошкентнинг Ўқчи маҳалласида очилган хотин-қизлар билим юргита директор этиб тайинланган эди. Синглисининг оғир вазиятда қолганини кўрган Робиа Носирова уни билим юртининг тайёрлов бўлимига қабул қилиб, ўзини билим юртининг ётоқхонасига жойлаштиради.

Уйи ва маҳалла-қўйидаги латтачайнар кишилар дастидан кутулган Сожида завқ-шавқ билан ўқишига киришади. Аммо ўзининг гўё Оллоҳ олдида “бурчи”ни унутмаган акаси ҳамон тинчланмайди. У Сожидани “дўппи билан урса йиқилмайди”ган бўлиб қол-

гани, энди “камсомон болалар” орасида бузилиб кетиши мумкинлигини каромат қилиб, тошкентлик бойлардан бири – Худойқулдан келаётган совчиларнинг раъйини қайтармасликни талаб қилади. Боши узра тўпланаётган булутдан дарак топган Сожида Москвада Акмал Икромов, Давлат Ризаев, Мирмуҳсин Шермуҳамедов сингари бўлажак давлат ва маданият арбоблари билан таҳсил кўраётган акасига “дод” деб хат ёзди. Акаси Асад Носиров ёр-дўстларининг маслаҳати билан Тошкентга келиб, синглисини яширин радио Мускага олиб кетади. Сожида рус тилини Асад ака ёрдамида кунт билан ўрганиб, Калинин номидаги ишчилар факультетига ўкишга киради. Афсуслар бўлсинки, 1924-1925 ўкув йилининг биринчи чорагини тугатиш арафасида у оғир хасталикка чалиниб, врачлар маслаҳати билан она бағридек иссик шахрига қайтиб келишга ва ўқишини шу ерда давом эттиришга мажбур бўлади.

Бироқ масаланинг чигал томони шунда эди, у Тошкентда Абдулла акаси билан бир хонадонда, уни бадном этган ғаламис кимсалар билан эса бир маҳаллада яшashi лозим эди. Сожида Тошкентга кетиши арафасида, унинг бахтига, Москвага республика оқсоқоли келади ва воқеадан хабар топиб, Тошкентдаги “Советлар уйи”дан Сожида учун бир хона ажратиш ҳақида хат ёзиб беради.

Хуллас, Сожида 1929 йили ишчилар факультетини муваффакият билан тугатиб, Ўрта Осиё Давлат университети қошидаги ёшлилар ижроия бюросида бир неча йил хизмат қилади. Лекин доимо олға интилиб яшаган қизнинг ўрта маълумот билан чекланиб қолиши кийин эди. У 1932 йили Ўғит ва агротурпроқшунослик илмий тадқиқот институти Ўрта Осиё бўлимининг агрокимё факультетига ўкишга киради. Айни пайтда Янгийўлдаги З-“Қовунчи” совхозида агротехник (1932, март-июнь), Ўрга Осиё олий қишлоқ хўжалик мактабида асистент (1932, декабрь – 1933, июль), Халқ Комиссарлари Кенгашида қишлоқ хўжалиги сектори мудири (1933, июлдан) лавозимларида ишлайди. У қолган ҳаётини пахтачиликни ривожлантириш ишига бағишилаб, кечани-кеча, кундузни кундуз демай меҳнат қилади.

Сожида шу йилларда таниқли журналист, “Ер юзи” журналининг масъул котиби Аъзам Аюбга турмушга чиқиб, бахтили ҳаёт кечира бошлайди. Аъзам Аюб яшаш маъносини ижодий ишда кўрган, тошкентлик ўта маданий зиёлилардан бўлиб, рафиқасининг халқ ва ватан олдидаги бурчини ўташига катта шароит яратиб бер-

ган эди. Аммо 1937 йилнинг кора бўрони увлаб келганида, уни ҳам ўз қуюнига ўраб олиб кетади. Бу мудҳиш воқеа ўша йилнинг 15 октябрида содир бўлади. Кўп ўтмай, “халк душмани”нинг аксилин-қилобий фаодияти тўғрисида тегишли идораларга ҳабар берманликда, бинобарин, Эрининг советларга қарши аксилинки-лобий ишларига шерик бўлганликда айбланиб, Сожида Носирова-нинг ўзи ҳам қамоққа олинади. Ота-онаси қамоққа ташланган, уй-жойи тортиб олинган қизалоги сарсон-саргардонликда қолади. Сожиданинг ўзи эса бу ёргу дунёда қамок деган дўзахнинг борлигини, бу дўзахда инсон зотини азоблаш ва таҳқирлашнинг минг бир хил усули мавжудлигини ўз кўзи билан кўриб, ўз бадани билан сезади. Бир ярим йил давом этган қамоқ азоблари унинг қолган бутун умрени заҳарлаб ташлайди.

Ниҳоят, 1939 йилда айбсиз эканлиги исботланиб, озодликка чиқади. Аммо эри отиб ташланган, хўрланган ва таҳқирланган Сожидани ҳеч қаерга ишга олишмайди. У елиб-югуриб, Калинин туманидаги машина-трактор станциясига участка агрономи бўлиб ишга киради. 1937-1938 йилларда рўй берган даҳшатлар натижасида нафакат энг яхши мутахассислар кирилган, балки далалар ҳам ишдан чиқкан эди. Қишлоқ хўжалиги соҳасида ишлаш самарасиз эканини кўрган Сожида Носирова Тошкент Тиббиёт институтига ўқишига кириб, янги ихтисосликни эгаллайди. У ўқиши жараённида ўзига хос характеристини кўрсатгани учун, ҳали ўқишини тугатмай туррибок янги очилган Республика трахоматозлиқ касалхонасига бош врач этиб тайинланади. У 1947 йилга кадар шу ерда ишлаб, касалхонани оёқка кўяди. Сожида Носированинг ташкилотчилик қобилиятини яхши билган кишилар уни Қишлоқ хўжалиги вазирлигига чақириб оладилар. У нафакага чиққунига қадар мазкур вазирликда ҳалол хизмат қилади.

У кейинчалик қаерда хизмат қилган бўлмасин, қамоқхонада рўй берган воқеалар хақида бирор кимсага чурқ этмаган. Фақат унутилмас машъум воқеалар худди даҳшатли туш каби ёдига келганида, оқ соchlари ҳам тўкилиб, юрагида янги чандиқлар пайдо бўлиб турган, холос.

## Юнус Латиф (1910-1941)

Юнус Латиф 1910 йилда Тошкентнинг Эски шаҳаридаги Хонобод махалласида тижоратчи оиласида дунёга келган. Унинг отаси белига меҳр ва муруват камарини маҳкам боғлаган, ёшларга панд-насиҳат берип, уларни ҳидоят йўлидан етаклаган киши бўлганлиги туфайли маҳалла ахли ўртасида катта обрў-эътибор қозонганди. У фарзандларини ҳам нафакат одобли ва меҳр-муҳаббатли, балки янги тарихий даврнинг илғор кишилари қилиб ҳам тарбиялашга уринган.

Юнусхон 1917 йилнинг октябрь ойида Фузулий номидаги бошланғич мактабга ўқишга кириб, уни 1922 йили тутатган. Сўнгра ўқишини Навоий (кейинчалик Наримонов) номидаги таълим ва тарбия техникумидаги давом эттирган. 1933 йили техникумни муваффакият билан тутатиб, Тошкент педагогика институтининг тил ва адабиёт фақультетига ўқишга кирган ҳамда уни 1938 йилда битириб, олий маълумотли ўқитувчи деган шаҳодатномани олган.

Маълумки, шўро давлати 20-йиллардан бошлаб бойларнинг мол-мулкларини тортиб олиш билангина кифояланиб қолмай, уларнинг ўзларини ҳам сиқикка ола бошлигани. “Йўқсиллар давлати”нинг бу гайриинсоний сиёсати Латиповлар оиласини ҳам четлаб ўтмади. Унинг отаси мол-мулкини давлатга гопширганига қарамай, доимий тазиқи ва таъқиб остида қолди. Шу боис Юнусхон таълим ва тарбия техникумини тутатиши билан ишлашга мажбур бўлди. У 1938 йилгача, яъни педагогика инститutiда таҳсил олган даврида ҳам, ўрта ва олий ўқув юртларида тил ва адабиёт фанларидан дарс берип, отасини кундалик рўзғор ташвишларидан фориғ қилди. Юнусхон худди шу даврда ўрта мактаблар учун замонавий дарслик ва мажмуаларнинг етишмаётганини, мавжудлари эса йилдан-йилга ўсиб бораётган талаабга жавоб бера олмаётганини кўриб, ўзининг адабиёт муаллими сифатидаги вазифаларини белгилаб олди. Кейинчалик у танқидчи ва адабиётшунос сифатида муайян тажриба ҳосил қилгач, Юсуф Султон билан бирга ўрта мактабларнинг 10-синфи учун “Адабиёт дарслиги” ва “Ҳозирги замон адабиёти” мажмуасини нашрга тайёрлади. 1938 йили илк бор босмадан чиқкан бу китоблар 1941 йилга қадар уч марта нашр этилди.

Шу даврда қалам тебратада бошлигани Юнус Латиф сингари ёш шоир ва адабиётшунослар учун адабиёт мўъжизалар олами эди.

Улар шу мўъжизалар оламига дахлдор бўлганларидан ўзларини баҳтли ҳисоблаб, адабий жараёнда фаол иштирок этишга ҳаракат қилгандар. Юнус Латиф ўқитувчилик фаолияти билангина чегараланиб қолмай, шеърият билан ҳам, адабий танқид ва адабиётшунослик илми билан ҳам шуғуллана бошлади. У 1925 йилдан бошлаб газета ва журналларда “Бу қунги шеъриятимиз ва “Шуълалар кўйнида” (Миртемирнинг шу номдаги тўплами ҳақида), “Янги адабиёт атрофида” (1928), “Рамакиҷон”, “Ойдин” (Жаъфар Жабборлининг драмаси ҳақида), “Хандон лолалар” (А.Мажидийнинг шу номдаги асари ҳақида), “Янги адабий вазифалар ҳақида” (1929), “Болалар адабиёти ҳақида” (1931), “Зафар Диёрнинг ижоди ҳақида”, “Улуғ ёзувчи ва устоз”, “Оташин санъаткор” (М.Горький ҳақида), “Муқимий ҳақида” “Навоий афоризмлари”, “Генрих Гейне”, “Фольклорда ёшлар” (1938), “Доҳий шоир, буюк гуманист” (Навоий ҳақида), “Навоий”, “Тарас Григорьевич Шевченко”, “Махбуб ул-кулуб” ҳақида”, “В.В.Маяковский”, “Анна Каренина”, “Бахшининг янги асари”, “Хотиралардан” (Коста Хетагуров ҳақида), “Тарихий справкалар” (Торобий, Форобий, Ибн Сино, Улугбек, Бобур, Турди, Гулханий, Нодира ва Фурқат ҳақида) (1939), “Уч шоир” (Мунис, Огахий, Аваз), “Алишер Навоийга бағишлиланган виставка” (1940), “Аёл ёзувчиларимиз” (Зебунисо, Нодира, Махзуна, Нозикхон, Ойдин, Зулфия, Раъно Узоқова, Офтобхон Холботирова, Сайёра, Окиловалар ҳақида), “Садди Искандарий” достони”, “Ҳамса” (1941) сингари 50 дан зиёд адабий-танқидий мақолаларни зълон қилди. Шу кичик рўйхатнинг ўзиёқ Юнус Латифнинг билим ва қизиқиши доираси кенг мунаққидгина эмас, балки 30-йиллар ўзбек танқидчилиги ва адабиётшуносли-гининг пешкадам намояндадаридан бири бўлганидан шаҳодат беради.

Юнус Латиф 1936 йилда машҳур осетин шоири Коста Хетагуровнинг юбилейи муносабати билан Грузияга борди. У Кавказ сафаридан олган таассуротлари асосида “От киз” эртак-достонини яратди. 1939 йилда “Салом, меҳрибон” шеърлар тўпламини наиш этди. 1940 йили эса “Қора кўз ойим” достонини ёзди. Шоирнинг “Салом, меҳрибон” шеърлар тўпламини вараклар эканмиз, Кавказдан ташкари, Сибирь кенгликларига қилган сафари натижасида туғилган ҳис-туйғулари, лирик кечинмалари билан ҳам танишамиз. Чунончи, унинг Новосибирск йўлида ёзилган “Ҳаммамиз ҳам бир одам” деб номланган шеъри бундай мисралар билан бошланган эди:

*Ватаним кенг... Мен қўзгалдим пахтазоримдан,  
Поезд учар – деразамдан шұх шамол келур.  
Икки ёним кўкаламзор, ўтлар эгшур,  
Диёр гўзал ота-она, фарзанд, ёримдан.*

*Мен чикқан ер кенг ватанинг бир учи, дўстлар,  
Яна узоқ бир четини сайд этмоқчиман.  
Илҳомимнинг таржимонин сайдатмоқчиман,  
Чунки, мен бу юртда ошиқ – севгучи, дўстлар...*

Бу сатрлар шоир шеърларидағи лирик қаҳрамоннинг юрагида меҳр ва муҳаббат туйғулари жўш урган, Ватанинг ҳар бир гўша-сини бориб кўриш, янги-янги кишилар билан учрашиш иштиёқи билан яшаган, хаётга ташна кўз билан бокувчи Инсон бўлганидан шаҳодат беради. Бу лирик қаҳрамон образида майин табиатли, ҳам-мага яхшилик қилиш истаги билан яшаган, муаллимлик сўзи, шоирлик, журналистлик ва танқидчилик қалами билан халққа хиз-мат қилишга тайёр Юнус Латифнинг айни ўзини кўриш кийин эмас.

У 40-йилларнинг бошларида Тошкент транспорт институти қо-шидаги адабиёт тўғарагига раҳбарлик қилган. Ўша йилларда ўрга мактабни тугатган, математика сингари аник фанларга укуви бўлган ёшлардан бири мазкур институтга ўқишга кириб, адабиётта бўлган қизикиши туфайли Юнус Латифнинг тўғарагига ҳам қат-наша бошлаган. Бу тўғарак машғулотларида иштирок этиб, Юнус Латифдек латиф инсон ва шоир билан мулоқот унинг кейинги ҳаётини тамомила ўзгартириб юборди. У устози гаъсирида транспорт инженерларини тайёрлайдиган институтни тарк этиб, ўқишни Тошкент педагогика институтига кўчирди ва таникли шоир бўлиб улғайди. Бу йигитнинг исми Ўзбекистон халқ шоири Шухратдир!..

Алишер Навоийнинг 500 йиллик юбилейига тайёргарлик ишлари авж олган 30-йилларда шоир ва адабиётшунос олим Юнус Латиф зиммасига улуғ шоирнинг ўлмас асарларидан бири – “Мах-буб ул-қулуб”ни нашрга тайёрлаш вазифаси тупли.

Юнус Латиф 1939 йили Навоийнинг “Махбуб ул-қулуб” асари-ни нашрга тайёрлаганидан сўнг буюк шоирнинг “Садди Искандарий” достонини тадқик этиб, нашрга тайёрлашга киришди. Орада Иккинчи жаҳон уруши бошланиб, матбуот ходимлари ҳарбий

хизматга олингач, газета чиқарувчи кишилар сийраклашиб қолди. Шундай кунларнинг бирида у ҳозирги “Ўзбекистон овози” газетаси муҳаррирининг таклифи билан шу газетага адабий ходим бўлиб ишга ўтди. Аммо Юнус Латиф 1941 йилнинг куз ойларида Сулаймон Азимов бошчилигидаги аксиликюбний ташкилотнинг аъзоси деган соҳта айб билан қамоққа олинди ва 1942 йил 5 сентябрда отиб ташланди.

Эндигина 32 ёшга тўлган шоир ва танқидчининг ҳёти шу зайлда фожиали тугади. Шўро давлати бу мудхиш воқеадан аввал унинг акаси Юсуф Латифни ҳам маҳв этган эди. “Халқ душмани” сифатида отилган икки аканинг ука ва сингиллари, якин қариндан-уруглари ҳам катагон даврининг аччик тузини тотиб яшадилар.

\* \* \*

Юкорида “Катта қирғин” йилларида катағон қилинган илм-фан ва маданият ходимларидан 21 нафари ҳақида сўз юритдик. Абдулла Кодирий, Фитрат, Чўлонон сингари буюк ёзувчилар, Худойберган Девонов, Наби Фаниев, Сулаймон Хўжаев сингари кино санъати, Кори Ёқубов сингари вокал санъати дарғалари халқимизга яхши маълум бўлгани учун уларнинг ўзбек маданияти олдидаги хизматларини қайд этишга эҳтиёж сезмадик. Лекин, умид киламизки, шу 21 нафар илм-фан ва маданият вакиллари ҳақида берилиган маълумотларнинг ўзиёқ шу соҳаларда хизмат қилган жабрдийдаларнинг XX асрда шаклланган ва ривожланган ўзбек адабиёти, санъати, фани, таълими ва матбуоти тараққиётида тутган ўринлари тўғрисида муайян тасаввур беради. Бинобарин, Кодирий ва Чўлононлар билан бирга уларнинг, шунингдек, уларга сафдош ва елкадош бўлган зиёлиларнинг ҳам йўқ қилиб юборилиши ўзбек халқи фани, маорифи ва маданиятига фавқулодда катта зарар келтирган. “Катта қирғин” натижасида ўзбек фани, маорифи ва маданияти маълум вақтгача ривожланишда тўхтаб қолган.

## **4-боб. ХОТИН-ҚИЗЛАР ВА БОЛАЛАРНИ ҚАТАҒОН ҚИЛИШ КОМПАНИЯСИ**

ВКП(б) МК Сиёсий бюросининг 1937 йил 2 июлда қабул қиласан «Аксилшўровий унсурлар тўғрисида»ги қарори «Катта қирғин»нинг мислсиз даражада кенг кўлам касб этишига сабаб бўлди. Шу қарор асосида тайёрланган НКВДнинг 00447 ракамли шошилинч буйруғига кўра, камида 800 минг кипи қамоққа олиниши ва улардан қарийб ярми отиб ташланиши режалаштирилган эди. Ежов 3 июлда НКВДнинг маҳаллий бошқармаларига собиқ «кулоклар»ни хисобга олиш ҳақидаги телеграмма билан бирга 2 та фармойишни ҳам юборган. Фармойишларнинг бирида СССР Олий суди Ҳарбий коллегияси томонидан қоралангандан шахсларнинг оиласларини сургун қилишини вактинча тўхтатиб туриш лозимлиги айтилган эди. «Бу оиласлар, – дейилган эди фармойишда, – яқин вақт ичидан махсус лагерларга юборилади».

НКВД бошқармаларига юборилган иккинчи фармойишда эса: «1934 йил 1 декабрдан кейин Олий суд Ҳарбий коллегияси томонидан биринчи, иккинчи ва учинчи категориялар бўйича қоралангандан шахсларнинг ижтимоий хавфли оиласлари рўйхатини шу йилнинг ўнинчи июлига қадар юборинг», деган сўзлар ёзилган эди. Шу фармойишга кўра, НКВДнинг маҳаллий бошқармалари рўйхатда: 1) оила бошлигининг исм-шарифи ва қайси категория бўйича қораланганини; 2) қоралангандан шахс оила аъзоларининг исм-шарифлари, ёши, қаерда ва қандай лавозимда ишлашлари ёки қайси ўкув юргида ўқишлиарини қайд қилиши лозим эди. Фармойишда айтилишича, оила таркибига ота, она, aka-укалар ва опа-сингиллар кирган бўлиб, улар яқин вақт ичидан махсус лагерларга қамоққа юборилиши зарур эди<sup>9</sup>.

Шу куни Москвадан НКВДнинг Фарбий Сибирь ўлкасидаги бошқармаси бошлиги Мироновга ва Қозоғистон ички ишлар халқ комиссари Залинга шифрограмма юборилади. ГУЛАГ бошлиги М.Берман томонидан имзолангандан телеграммада бундай дейилган эди: «Яқин вақт ичидан отиб ташланган троцкийчилар ва «ўнглар»дан – аксари хотин-қизлар ва бир қисми чоллардан иборат – тах-

<sup>9</sup> Қаранг: Любянка. Стalin и Главное управление НКВД. М., 2004. – С. 273-281. НКВДнинг шу йиллардаги фаолиятига оид бошқа маълумотлар ҳам шу мағбаддан олиниди.

минан 6–7 минг киши қамоққа олиниб, алоҳида қучайтирилган режим шароитида сақланиши лозим. Улар билан бирга мактабгача ёшдаги болалар ҳам бўлади. Бу контингентларни ушлаб туриш учун тахминан ҳар бири уч минг кишига мўлжалланган, қаттиқ режимли, кочиш имкониятини бермайдиган қучайтирилган муҳофаза (фақат эркин ёлланган кишилардан иборат), албатта, тиканли сим ёки девор билан ўралган... иккита концлагерларни ташкил этиш зарур... Нарим ва Қозогистонда ҳар бири уч минг кишига мўлжалланган концлагерларни ташкил этиш масаласини зудлик билан ҳал қилишни тавсия этаман. Жавоб, албатта, еттинчи июлдан кечикмаслиги лозим».

Қораланган кишилар оила аъзоларининг қатағон гирдобига тортилишига доир бу хужжатлар етарли бўлмаганидек, Сиёсий бюро 5 июля яна бир қарор қабул килган. Беш моддадан иборат бу қарорга биноан барча «Ватан хоинлари» – «ўнг троцкийчи жосуслик-диверсия ташкилотлари» аъзоларининг хотинлари қамоққа олиниб, Нарим ўлкаси ва Козогистоннинг Тўргай туманидаги махсус лагерларга камида –8 йилга юборилиши, уларнинг 15 ёшгacha бўлган етим болалари эса болалар уйлари ва ёпик интернатларга жойлаштирилиши лозим эди.

Шундай қилиб, 1937 йил июнь ойининг ўрталаридан бошлаб манглайига «халқ душмани» тамғаси босилган кишиларнинг оила аъзолари, биринчи навбатда, хотинлари қамоққа, болалари эса қамоқлаштирилган болалар уйларига олина бошлади. Жорий этилган тартибга кўра, 1 ёшдан 3 ёшга бўлган болалар онаси билан бирга лагерларга, 3 ёшдан 15 ёшгacha бўлган болаларнинг аксари бошқа республикалардаги болалар уйлари ва ёпик интернатларга юборилди. Агар бир ота-онанинг 3 та боласи бўлса, улар тақсимланиб, учта шаҳардаги болалар уйларига юборилиши ва ота-оналарини ҳам, aka-укаларию опа-сингилларини ҳам унутиб юбориши лозим эди.

Шу йилларда собик иттифоқ бўйича, жумладан, Ўзбекистондан «Ватан хоини»нинг хотини сифатида айбланган қанча аёллар ва қанча болаларнинг қамоққа олингани аниқ эмас. Бу муҳим масала билан шу вақтгача на бирорта тарихчи, на бирорта журналист шуғулланмаган.

Аммо 1938 йил 5 октябрдаги ёзишмалардан маълум бўлишича, НКВДнинг 00486 рақамли буйруғи асосида, тахминан 18 мингдан

зиёд аёллар қамоққа олинган<sup>10</sup>. Ежовнинг ҳали «болалар операцияси» бошланмасдан аввал Сталинга берган ахборотномасидан аён бўлишича, биринчи категория бўйича 5000 га яқин болалар болалар уйлари ва ёпик интернатларга жойлаштирилажаги мўлжалланган. «Болаларни жойлаштиришни шундай амалга оширишни ўйляяпмизки, – деб ёзган эди у, – бир шаҳарлик бир неча ота-онанинг қариндошлиқ ёки таниш-билишлик иплари билан боғланган болалари битта болалар уйига гушиб қолмаслиги керак».

НКВД бошқармалари катта ёшдаги кишиларни қамоққа олиш «норма»сини бир неча баравар ошириб бажаргандаридек, болаларни оиласдан ажратиб олиш «норма»сини бажаришда ҳам ўзларининг «ташаббускорлик»ларини яна бир бор намойиш этдилар. Ежов 1937 йил 27 ноябрда СССР Халқ Комиссарлари Совети раиси Молотовга қуидаги хат билан мурожаат қилди: «ВКП(б) МК қарорини (Сиёсий бюронинг 5 июлдаги қарори назарда тутилмоқда – Н.К.) бажариш операцияси бошланган кундан шу йилнинг 20 ноябрягача Москва ва ССР Иттифоқи бўйича қатағон килинган ота-оналарнинг 5 862 та боласи Маориф Халқ Комиссарлиги қошидаги болалар уйларига жойлаштирилди. Жойлаштирилиши мўлжалланган болалар сони (5000) ошди. Операция охирига қадар яна 10000 га яқин болани жойлаштирамиз».

ССР ХКС Ежовнинг шу хати асосида 1937 йил 19 декабрдаги қарори билан РСФСР, Украина, Белоруссия ва Қозогистон Маориф халқ комиссарликларига қарашли болалар уйларида 10000 кишилик ўринларни ҳозирлашни буюрди. Аммо бу қўшимча 10000 кишилик ўрин ҳам етмай қолди. Оиласида ажратиб олинган 17 минг 355 бола учун яна 5000 кишилик жой ҳозирланди. А.Рогинский ва А.Даниэль берган маълумотга караганда, 1939 йил 29 январда ССРдаги болалар уйлари ва ёпик интернатларда 25 минг 342 бола бўлган<sup>12</sup>.

Шундай қилиб, 1937-1938 йилларда ота-онаси отиб ташланган ёки қамоққа олинган 25 мингдан зиёд етим бола оиласи ва яқин қариндошлиари бағридан юлиб олиниб, болалар уйлари ва ёпик интернатларга олиб бориб ташланди. Улар ота-она меҳрини кўрмай, тирик қолган ота-оналари эса лагерь ва қамоқхоналардаги жисмо-

<sup>10</sup> Рогинский А., Даниэль А. Аресту подложат жены / Узницы «АЛЖИРА». – М., 2003. – С. 22.

<sup>11</sup> Кўрсатилган манба.

<sup>12</sup> Кўрсатилган манба. – Б. 24.

ний азоб-уқубат ва ҳақоратлар етмаганидек, болалари тақдирини ҳам билмай, руҳий азоб ичида, кўз ёшларини дарё янглиғ оқизиб яшадилар.

2011 йилда «Шаҳидлар хотираси» жамоат фонди (ўша пайтда - хайрия жамғармаси)нинг ташаббуси билан қатағон этилган хотин-қизларга багишлиланган «Кор қўйнида лолалар» очерклар тўплами нашр этилди. Тўпламдан ўрин олган очеркларда совет жаҳаннамида азоб-уқубат чеккан 25 нафар аёлнинг даҳшатли тақдири хикоя қилинган. Бу 25 нафар аёлдан ташқари, яна биз билмаган ўнлаб аёллар ҳам борки, улар ҳам 1937-1938 йиллар тегирмонида оиласлари билан мажақланиб ташланган. Республика НКВДсига Россиядан ва бошқа жойлардан кўчириб келтирилган, одамлик киёфасини йўқотган назоратчилар ҳам, терговчилар ҳам бу аёлларни истаганларича қийнаб, истаганларича зўрлашган. Шунинг учун жаҳаннамдан тирик қайтган бирорта аёл НКВД камоқхонасида ва лагерларда бошидан кечирган даҳшатли кунларни ҳеч кимга айтмай, бу разил дунё билан видолашганлар. Ўзбекистон Халқ Комиссарлар Совети раиси Абдулла Каримовнинг хотини Антонина Каримова, таникли журналист Собира Ходдорова сингари аёлларнинг шу ёрда руҳий хасталикка чалинганлари тасодифий эмас.

Тожикистон республикаси ташкил этилганидан сўнг қардош юртга ишга юборилган фарғоналиклар орасида Ўринбой Ашурев ҳам бўлган. У Тожикистон КП(б) МКнинг биринчи котиби бўлиб ишлаб юрган кезларида қатағон қиличи ишга тушиб, унинг Фарғона шахрида яшаган хотини Кимёхон Ашурева ҳам қамоқча олинган. Шу аёлнинг қизи Динара Ашурева томонидан ёзиб олинган хотирада бундай даҳшатли сўзларни ўқиймиз:

«Бир куни, қишининг узун тунларида эримнинг ёрдамчиси Ананьев келиб қолди. Мен эримдан хушхабар келтирибди ёки унинг ёнига олиб боради, деб ўйлаб, машинасига 10 ойлик кизчам Клара билан чиқиб олибман. Ахир унинг ташрифи юрагимнинг тубида тутаб ётган умид учқунларини алангалашиб юборган эди-да. Афсуски, у қамоқхонага стиб келганимизда боламни кўлимдан юлқиб олди-да, мени ичкарига киритиб юборди. У ёғига нима содир бўлганини эслай олмайман. Фақат темир панжараларларга чирмашиб йиғлаганларим, «болам»лаб фарёд урганларим, Ананьевни бор овозим билан карғаганларим ёдимда қолган...

...Орадан икки ярим йил ўтди. Шунча муддат мен қизларимнинг хаёли билан яшадим. Уларни бир марта кўрсам, дийдорларига тўйсам, кейин, майли, ўлсам-да, армоним йўқ, дер эдим. Бир куни қамокка янги бир аёл келди. У тўсатдан:

– Ўринбой Ашуронинг хотини ким? – деб сўради.

Унга тикилиб туриб, юрагим «шиф» этиб кетди. У эса бамайли хотир сўзларди:

– Қизингнинг исми Кларамиди? У болалар уйида ўлиб қолибди!!!

Бундан азоблироқ, мудҳишроқ хабар борми она учун?!.

Кўз олдимни зулмат коплади гўё. Кўрган тушларимни эсладим...

Кларамни дадаси олиб кетмоқда эди. Мен уни чақирадим: «Кетма, қизим, кетмагин, онангни ташлаб кетма! Ахир эмизикли эдинг-ку!! Кара, қўксимга сутларим тўлиб кетди!!!

Ўзимни кўлга олиб, бир оздан сўнг эримни, қизларимни суриштира бошладим. Чор атрофдан совуқ хабарлар келарди: «Ўринбой отувга хукм қилинган», «Халқ душманларининг фарзандлари учун алоҳида егимхона очилган», «Қизларинг ўша сарда»!!!

Аёл жоним бундай зулм, хўрликларни кўравериб метин тошга айланди. Бизни Красноярск ўлкасига жазо муддатини ўташга юборицди...»<sup>13</sup>

(Агар 60–70-йилларда тарихчилар ва журналистлар вилояглардаги шундай фожиаларни бошидан кечирган аёллар тақдири билан қизиқканларида, бизда ҳам «ГУЛАГ аёллари», «ГУЛАГ болалари» деган китоблар яратилиб, тарихимизнинг энг даҳшатли саҳифалари ёритилиб қолган бўларди...)

Агар аксар оиласардан фақат оила бошлиғи билан унинг рафиқаси қатағон гирдобига тортилган бўлса, Файзулла Хўжаев оиласига мансуб 18 нафар аёл ва болалар қатағон тегирмонига ташланган. Бу фавқулодда ҳодиса тушунарли бўлиши учун айтиш лозимки, 1935 йилда Файзулла Хўжаевнинг укаси Ибод Хўжаев ўзини ўзи отганидан сўнг, унинг икки хотини билан болалари Халқ Комиссарлар Советининг раисининг қарамоғига ўтишган. Мана, улар рўйхати:

1. Хўжаева Райхон – Файзулла Хўжаевнинг онаси, 54 ёшда.

<sup>13</sup> Ашуроева Кимёхон. Мулҳиш хотиралардан бир ҳавха / Тарихнинг номаълум саҳифалари. Ш китоб. – Тошкент, 2012. – Б. 267-268.

2. Хўжаева Ҳамида – Файзулла Хўжаевнинг ўгай онаси, 52 ёшда.
3. Хўжаева Малика – Файзулла Хўжаевнинг хотини, 34 ёшда.
4. Петрова Фатина Михайловна – Файзулла Хўжаевнинг иккинчи хотини, 1910 йили Оренбургда туғилган.
5. Хўжаева Вилоят – Файзулла Хўжаевнинг қизи, 16 ёнда, 9-синиф ўкувчиси.
6. Хўжаев Робия – Файзулла Хўжаевнинг синглиси, 42 ёшда.
7. Бозоров Ҳамроқул – Файзулла Хўжаевнинг асраб олган ўғли, 23 ёшда, қишлоқ хўжалиги институти талабаси.
8. Хўжаева Муслима – Файзулла Хўжаевнинг асраб олган қизи, 12 ёшда.
9. Хўжаева Амина – Ибод Хўжаевнинг хотини, 32 ёшда.
10. Хўжаев Ориф – Ибод Хўжаевнинг ўғли, 16 ёшда, 7-синиф ўкувчиси.
11. Хўжаев Бўри – Ибод Хўжаевнинг ўғли, 9 ёшда, 2-синиф ўкувчиси.
12. Хўжаев Эрик – Ибод Хўжаевнинг ўғли, 7 ёшда, мактабга бормаган.
13. Хўжаева Муҳтарам – Ибод Хўжаевнинг қизи, 12 ёшда, 4-синиф ўкувчиси.
14. Хўжаева Маҳбуба – Ибод Хўжаевнинг қизи, 10 ёшда, 2-синиф ўкувчиси.

Бу рўйхатга Робия Хўжаеванинг (унинг эри ҳам қамалган) Мунира, Моҳира ва Муслима (асраб олган) деган қизлари ва Ибод Хўжаевнинг 4 яшар Алик (Нодир) деган ўғли кирмай қолган. Она ва оталари камалгандаридан кейин улар ҳам болалар уйига юборилган.

Файзулла Хўжаевнинг онаси ва хотинларидан бири лагерларда вафот этилди. Мудҳиш замон атоқли давлат арбобининг бошқа қариндоц-уругларини ҳам хазон янглиғ учиреб-тўздириб юборди.

"Отамнинг бошига ёғилган ноҳақлик ва адолатсизлик тошлари, – деб ёзган эди Вилоят Хўжаева, – бизнинг оиласиз: катта онам Райхон Сайдмурод қизи, онам Малика Муҳаммаджон қизи, аммам Робия Убайдулла қизи ва бошка яқин қариндошларимизнинг бошларини ёрди...

...Онам Малика Муҳаммаджон қизи меҳрибон, муnis, ёрига вафодор, оддий дехқон қизи эди. У сиёсатга учалик аралашмаса

ҳам, кундалик ҳаёт воқеаларидан акл-идрок билан хулоса чиқара оладиган оқила, одила, доно аёл эдилар. Ҳаётни севар, чеварликни қадрлар эдилар. Онамнинг ҳикоя қилишларича, мен дунёга келгач, менга исм кўйишда отам билан тортишиб қолган эканлар. Онам менга "Жамила" исмини кўймоқчи бўлганлар. Отам: "Йўқ, қизимнинг отини "Вилоят" кўямиз. У амир зулмидан озод ва баҳтиёр яшаётган Бухоро вилоятининг энг баҳтиёр фарзанди бўлсин", деб, отимни "Вилоят" деб атаган эканлар. Минг афсуслар бўлсинки, тақдир мени – Бухоронинг "баҳтли фарзанди"ни энг баҳти қаролар гўшасига улоқтириб юборди. Онам 1953 йилда даҳшатли Сибирдаги аёллар баракида ўз кўлимда жон бердилар. Онаизоримнинг нозик танаси гўру кафансиз Сибирнинг кор бўронлари остида қолиб кетди...

... "Сибирнинг даҳшатли совуқларида оғиз очолмай, шамдек котиб ўлгандан кўра, ўз юртингнинг жазирама иссиғида, майли, ташна холда, мажолисиз бўлса ҳам, мусаффо осмону фалакни кўриб жон берганинг минг бора афзал", деган сўзларни менга ўлим олдидан меҳрибон онам айтган эдилар. Меҳрибон онамнинг совуқдан юзларида котиб қолган ёш томчиларини кўлим билан силар эканман, бошимдан бу машъум кунларни ёғдирган бемехр, одамхўр жаллодларни ич-ичимдан инграб лаънатлар эдим. "Уларни ер ютсин", дер эдим. Онам Сибирь камогида, ўлим олдидан титрок қўлларини чўзиб, очлиқдан, мажолисизликдан хиралангандан кўзларини менга тикиб: «Мен ўлсам ҳам, сен ўлмай, она юртим Бухорога бориб, юртинг фарзандлари қўлида жон берсанг, мен ўзимни баҳтиёр хис этган бўлардим, болам», дер эдилар...

...Бошқа гапларни айтишга онамнинг мажоли етмади. У даҳшатта тушган одамдек, кўзларини катта-катта очди-да, бирдан жон таслим этди»<sup>14</sup>.

Совет мустабид давлати Ўзбекистоннинг гуллаб-яшнаши йўлида фидойиларча хизмат қилган Инсоннинг онаси ва бошка яқин кариндошлари тақдирини шу тарзда мажақлаб ташлади.

Сталин шахсига қуллук қилиш фожиалари фош этилиб, совет давлатининг қатағончилик сиёсати қоралангач, СССРниш турли шаҳарларидаги етимхоналарда яшаган болалар ва неваралар бир-бирларини кидиришга, тақдирлари номаълум бўлган оналарини,

<sup>14</sup> Ҳўжагза Вилоят. Ота-опам ҳакидаги хотираларим / Тарихнинг номаълум сахифалари. Биринчи китоб. – Тошкент, 2009. – Б. 213.

бошка кариндош-уругларини ахтаришга тушидилар. Уларнинг архивларда саклангаётган шу ҳақдаги хатларини изтиробсиз, кўз ёшлиарисиз ўқиб бўлмайди.

Шу хатлардан бирида улар эшигган бундай маълумот бор: «Бувимиз лагерга юборилган ва ўша ерда кўр бўлиб вафот этган экан.

Биз Тошкентта келганимизда, отамиз (Ибод Хўжаев назарда тутилмоқда – *H.K.*) қабрини портлатиб юборгандарини айтиб беришди.

Биз на таълим олиш, на бирор уйда яшаш имкониятига эга бўлдик. 1966 йили мусодара этилган мол-мулкимиз учун мен билан синглумга Тошкентда 500 сўмдан пул беришди . Иккимиздан биримиз 50 сўм ҳажмида нафака оляпмиз. Иккимиз ҳам ҳозир нафакадамиз».

Ҳамида Хўжаеванинг қизлари Маҳбуба ва Муҳтараманинг хаётига оид шундай сўзларни Файзула Хўжаевнинг бошқа неваралари ҳам айтган бўлишлари мумкин.

1937-1938 йиллардаги «Катта қирғин» даврида Сталин раҳбарлик қилган давлат ҳалқнинг бошига шундай бало тошларини ёғдириб, уларни Сибирь конлари ва ўрмонларида ишлайдиган қулларга айлантириди. Бундай оғир ишларга ярамайдиган, мажолсиз кишиларни эса кириб ташлади.

## **5-боб. ҚАТАГОН ҚУРБОНЛАРИНИ БАДНОМ ЭТИШ ВА ЛАЪННАТЛАШ КОМПАНИЯСИ**

Сиёсий ёки жиноий ишларни амалга оширган кишилар ҳамма даврлар ва ҳамма мамлакатларда қилган жиноятларига яраша жазоланиб келинган. Жиноятчининг жазоланиши нафақат у келгусида килиши мумкин бўлган жиноятларнинг рўй бермасли-гини маълум даражада кафолатлаган бўлса, жамиятнинг бошқа аъзолари учун ибрат бўлиб хизмат қилган.

Агар совет давригача давлат машинаси фақат жинояти исботланган кишиларни жазолаб келган бўлса, совет мустабид давлати 1937-1938 йиллардаги «Катта қирғин» даврида давлатга нисбатан мутлақо жиноят қилмаган кишиларни ҳам жавобарликка тортиб, уларни оммавий равишда қириб ташлади. Ваҳоланки, шу йилларда отиб ташланган ёки 8–10 йиллик қамоқ жаозосига хукм қилинган кишиларнинг аксари бир замонлар «Миллий иттиҳод» сингари ташкилотларга, кадетлар ёки эсерлар партиясига аъзо бўлганликлари, ҳатто шундай ташкилот ва партияларнинг аъзолари билан яқин алокада бўлганликлари сабабли айбланганлар. «Катта қирғин» йилларида, шу тарзда, юз минглаб кишиларга шундай сохта «айблар» кўйилиб, улар ё отиб ташланган, ёки совет мамлакатининг «борса келмас» ўлкаларидағи лагерларга юборил-ган. Совет давлати шу билангина қаноатланиб қолмай, айбланувчиларнинг хотинлари, ака-укалари, фарзандлари, бошқа яқин кариндошларини ҳам қатагон гирдобига ташлаган. Янада даҳшатлиси шундаки, бегуноҳ кишиларни қамоққа олиш, кийнаш, хўрлаш, отиб ташлаш билангина чекланиб қолмай, уларни умумхалк ва умуммамлакат микёсида бадном этиш ва лаънатлаш компаниясини ҳам ташкил этган ва бошқариб турган.

1938 йил март ойининг бошларида Москвадаги «ўнг троцкийчи блю» аъзолари устидан намунали суд жараёни бошланди. Ҳали айбланувчиларга кўйилган айб ўз исботини топмай туриб, бу сиёсий компаниянинг ташкилотчиси ВКП(б) Марказий Комитети Сиёсий бюроси ва шахсан Сталиннинг кўрсатмаси билан «Правда» газетасининг 6 март сонида «Халқнинг ашаддий душманлари» деган бош мақола эълон қилинди. Бу мақолани ўша тарихий-мафкуравий шароитда ўқиган кишилар Бухарин, Риков, Зеленский сингари айбланувчиларнинг ақл бовар қилмайдиган жиноятларни амалга оширганига чипча-чин ишониши ҳеч гап эмас эди. «Прав-

да» газетаси ҳали суд жараёни тугамай ва айбланувчиларнинг айблари тасдикланмай, уларни «фашизмнинг конхўр кўппаклари», «троц-кийчи-бухаринчи бандитлар», «фашизм жосуслари», «газандалар» сингари сўз ва иборалар билан ҳақоратлаган, ҳалқда уларга нисбатан нафрат ва газаб оловининг гуруллаб ёниши учун замин яратган. Газетанинг шу сони ҳали дунё юзини кўрмай туриб, совет матбуоти тегишли идораларнинг кўрсатмаси билан айбланувчиларни бутун иттифоқ миқёсида бадном этиш ва лаънатлаш компаниясини бошлаб юборди.

5 март куни Тошкентдаги Ворошилов номли кишлек хўжалиги машинасозлиги заводи ишчилари номидан ташкил этилган «Фашист жосуси Ҳўжаев Олий Судга ҳамма нарсани айтмади» сарлавҳали хат телеграф оркали «Правда» газетасига юборилди ва газетанинг 6 март сонида босиб чикарилди. 50 ишчи томонидан имзоланган шу шармандали хатда, жумладан, бундай тухмат ва ҳақорат сўзлари ёзилган эди:

«Ўнг троцкийчи блок»дан чиқсан фашист газандаларининг жиноятлари чексиз-чегарасизdir. Манфур ҳалқ сотқинлари Бухарин, Риков, Ягода ва бошқалар миллатчи-фашистлар Икромов ва Ҳўжаев билан биргаликда бизнинг гуллаётган Ўзбекистон республикамизни буюк Совет Иттифокидан ажратиб олишга тайёргарлик кўришди, бизнинг баҳтиёр Ўзбекистонимизда капиталистлар ва бойлар ҳокимиятини тиклашни келишиб олишди...

...Биз, қишлоқ хўжалиги машинасозлиги заводи ишчилари, бу жирканч фашист газандаси (Ф.Ҳўжаев назарда тутилмоқда – Н.К.) нинг жиноятлар рўйхатини тўлдирамиз. Ҳўжаевнинг топшириғига биноан, Икромовнинг топшириғига биноан, бир гуруҳ зааркунандалар заводимизга 4 марта ўт қўйишга уринишди. Ҳўжаев ва Икромовнинг кўрсатмасига биноан, ҳавопуркаш машинасида авария содир этилиб, заводимизнинг пўлат куювчи цехи бир неча кун ишламай, тўхтаб қолди. Уларнинг тоғшириғига биноан, пахтачилкни механизациялаш учун зарур машиналарни чиқариш муддати бузилди. Фашистларнинг малайлари Ҳўжаев ва Икромовлар заводнинг мунтазам равишда ишсиз қолишини ташкил этишди.

Газандалар янгишди. Улар кўлга тушди. Аммо улар судда ҳам мунофиқлик қилишмоқда. Биз, Тошкент қишлоқ хўжалигини механизациялаш заводи ишчилари, сотқинларни шарм-хаё устунига осамиз.

Биз пролетар судидан барча ватан хоинларини отиб ташлашни талаб қиласиз».

Шу йилларда жорий этилган тарғибга кўра, республикадаги барча ташкилот ва корхоналар Тошкент қишлоқ хўжалигини механизациялаш заводи ишчиларининг бу «ташаббус»ини қўллаб-кувватлашлари лозим эди. 6 март куни 1-Тошкент пахта тозалаш заводининг кечки сменасида шошилинч равишда митинг ўтказилиб, унинг тегишли ташкилотлар томонидан тайёрланиб қўйилган қарори телеграф орқали «Правда» газетасига юборилди ва «литер»-ли материал сифатида газетанинг 7 март сонидаёқ босиб чиқарилди. Бу қарорда Узбекистоннинг собиқ раҳбарларига «разилдан ҳам разил Иудалар» деган тамға ёпиширилиб, улар 1935 йилнинг серёғин кузида пахта пунктларига нам пахта топширилган-ликда ва бошқа шунга ўхшашиб жиноятларда айланган эдилар.

Ўша кунларда республиканинг барча вилоят, шаҳар ва туманларидаги завод ва фабрикалар, колхоз ва совхозлар, олий ва ўрта ўкув юргларида намойишлар ўтказилиб, куни кеча номлари кўшиқларда тарапнум этилган Файзулла Хўжаев ва Акмал Икромовлар шаънига лаънат тошлари отилди. Газеталар «Газанда-ларни янчиб ташлаймиз!», «Ватан хоинларига, қонхўр итларга ўлим!» каби рукнлардаги «Фашист итлар ниятларига ҳеч вақт ета олмайди», «Газандалар қириб ташлансин!», «Милтиқларимизни доим тайёр сақлаймиз», «Душман таслим бўлмаса, уни янчиб ташлайдилар», «Хўжаев ва Икромов заводларда зааркунандалик қилдилар», «Кутурган итларга ўлим!» «Душманларни охиригача фош қиласиз», «Хоинларга олий жазо талаб қиласиз», «Кутурган итнинг жазоси – отиб ўллириш», «Олий суд бутун халқнинг таъбини ижро қилур», «Сталин ва Ежов ўртоқларга шарафлар бўлсин», «Ўртоқ Ежов – бизнинг фаҳримиз» сингари сарлавҳали мақола ва хабарлар билан тўлиб тошди.

Орадан кўп ўтмай, мамлакатда душман излаш васвасаси авж олиб, газеталар Акмал Икромов ва Файзулла Хўжаевларнинг «думлари» – таникли партия ва давлат, фан, адабиёт ва санъат арбоблари, саноат ва қишлоқ хўжалиги, соғлиқни саклаш ва транспорт ходимларини фош этувчи мақолалари билан тўлиб тошди.

Ўша йил июль ойининг бошларида Ўзбекистон Ёзувчилар ўюшмасининг пленуми ўтказилиб, унда «кекса авлод»га мансуб ёзувчилар ижоди «қора қўзойнак» оша кўриб чиқилди. «Қизил

«Ўзбекистон» газетасининг 1937 йил 14 июль сонидан жой олган «Ўзбекистон Совет ёзувчилар союзи пленумининг якунлари» деб номланган мақолада шу йигилишда айтилган гапларнинг «қаймоги» газетхонларга, жумладан, бундай тақдим қилинди:

«Чўлпоннинг илгарилари ҳам ўзижодида ва кундалик ҳаётида миллатчи эканлиги маълум. Уни тузатиш, унга қайта қурилиш учун ёрдам бериш ниятида адабий соҳада ишлаш учун шароит түғдирилган. Бирок Чўлпон шу шароитдан қайта қурилиш, совет ёзувчиси бўлиш учун эмас, балки ўзининг миллатчилигини давом килдириш ва кучайтириш учун фойдаланишга уриниб келмоқда...

...Яқинда Самарқандда бўлиб ўтган олимлар қурултойи вақтида Чўлпон Самарқандга бориб, бир ғайрирасмий ўтиришда «Туш» деган аксилинқилобий шеърини ўқиб берган. Чўлпон бу шеърда советлар юртини хонавайронликда деб кўрсатади... Союз раҳбарларида синфий хушёрликнинг ўйқилиги ёзувчилар ўртасида ва ҳатто раҳбарлик органида аксилинқилобчи Сўфизоданинг ўрин олиб келишигача бориб етган. Сўфизода Намангандаги аксилинқилобий фаолият билан шуғулланганини, бизга ёт, ҳалқ душмани эканлигини у билан алоқада бўлган, Намангандаги боргандаги унинг уйида бир неча кунлаб турган Абдулла Қодирий ваFaфур Ғуломлар ҳам сезмаганлар.

Пленумда Абдулла Қодирийнинг сўзи ҳеч кимни қониқтирмади. Ундан олдин ва кейин чиқиб сўзлаганлар Қодирийнинг ҳали ҳам совет позициясига ўтиб, совет ёзувчиси бўла олмаганини айтдилар...

«Қизил Ўзбекистон» газетасининг 1937 йил 14 сентябрь сонида босилган «Ҳалқ душманларини илдизлари билан кўпориб ташлайлик» деган мақола муаллифи эса XX аср бошларида қалам тебратган, лекин қатағон ўроғи ишга тушган 1937 йилда ҳаёт бўлмаган Мирмуҳсин Шермуҳамедов шаънига бундай номуносиб сўзларни айтишга журъат этди:

«...Тошкентда Мирмуҳсин номига театр ва бир маҳалла кўйилган: хўш, Мирмуҳсин ким эди?

Мирмуҳсин – жадидларнинг энг кўзга кўринганларидан бири эди. У Октябрь инқилобининг душмани, пессимист (умидсиз), майиши жиҳатдан бузилган, хулиган бир киши эди. Афсуски, унинг чўнтағида партия билети бор эди.

Мирмуҳсин аксилинқилобчи миллатчи Мунаввар қори, Фози Юнус ва бошقا ифлослар билан пантуркизм, панисломизм ғояла-

рини таркатувчи бир аксиликобчи эди. Мирмуҳсин пантуркистлар ташкилотининг ёрдами билан Оренбургдаги миллатчилар тайёрлайтүргон «Хусайния» макабида илм олган...»

1937 йилдаги газетхон шу сўзларни ўқиб, ҳайрон қолган бўлса ажаб эмас: мақола муаллифи 1934 йилда вафот этган таникли жадид маърифатпарварини «оқ калтак – кўк калтак» қилган эди. Аммо маколани ўқишида давом этар эканмиз, муаллифнинг мақсади кундек равшан бўлади. Унинг мақсади Мирмуҳсиннинг ўша кунларда барҳаёт бўлган каламкаш биродарларини коралаш, уларнинг ҳам худди Мирмуҳсинга ўхшаш «Октябрь инқилобининг душмани», «пантуркизм, панисломизм гояларини тарқатувчи бир аксиликобчи», «пессимист», «маиший жиҳатдан бузилган», «хулиган» киши эканликларини айтиш эди. У давом этиб, ёзган: «Мирмуҳсин ўлганда, ҳалқ душмани, миллатчи Зиё Сайднинг бошлиги остида Абдулла Қодирий, Сўфизода, Чўлпон, Гози Юнус, Аъзам Аюб, Ўгай, Элбек ва шуларга якин бўлганлар биргалашиб, шу муносабат билан ўз мағкураларини тарқатиш учун фойдаланганлар. Мирмуҳсинни оммага танитиш учун ўзларини ва совет матбуотини 10–15 кунлаб сафарбар қилдилар. Мирмуҳсин мотамини шундай уюштириларки, ҳатто Ленин ўлганда ҳам газета ва журналлар бунчалик сафарбарликка олинмаган эди».

Шу йилларда Ўзбекистонда ўзбек ва рус гилларида чоп этилган барча газеталарда миллатчилиги ва аксиликобчилиги фош этилмаган бирорта кўзга кўринган ёзувчи, журналист, олим, санъаткор, педагог қолмаган, десак хато бўлмайди.

Шу нарса ҳайратланарлики, шу маколаларда тилган олинган кишиларнинг бирортаси қатағон бўронидан четда қолмаган.

Оммавий намойишларда қатнашиб, Акмал Икромов ва Файзула Хўжаевнинг жиноий ишлари тўғрисида бирор тасаввuri бўлмаган нотиқларнинг жазавага тушиб айтган нутқларини эшитган, газеталардаги жирканч хабар ва мақолаларни ўқиган аксар кишилар бу нутқ ва мақолаларнинг қора тухматдан иборат эканлигини ўйлаб ҳам кўришмади. Совет давлати барпо этилган кундан бошлаб шу вактгача бўлган муддатда ҳалқнинг жонини олиб, уни тилсиз, юраксиз, иродасиз оммага айлантириб улгурган эди.

«Ўнг троцкийчи блок» қатнашчиларига қарши уюштирилган компания совет давлати қатағон сиёсатининг 1937 йилдаги дебочаси эди. Орадан кўп ўтмай, А.Икромов ва Ф.Хўжаевнинг «думлар»и сифатида барча партия ва давлат арбоблари, улар билан

изма-из барча маориф ва маданият ходимлари – таникли ёзувчилар, журналистлар, олимлар, ўқитувчилар ва бошқалар қамоққа олина бошлади. Энди газеталар шу «халқ душманлари»ни, «аксилинки-лобчилар», «миллатчилар», «социал хавфли унсурлар»ни фош ки-лишга жон-жা�хд билан киришди. «Душманни битта ҳам қолдирмай фош қиласиз», «Ҳамза театрида душман найранглари», «Совет ёзувчилари қаторларини душман унсурлардан тозалаймиз», «Охи-ригача фош этиш», «Халқ душманларига шафқат йўқ ва бўлмайди», «Тил ва адабиёт институтига ким раҳбарлик қилди?», «Халқ душманларига совет матбуотида ўрин йўқ», «Миллатчиларнинг хо-мийлари», «Халқ душманларини илдизлари билан кўпориб ташлай-миз» деган мақолалар зълон қилиниши билан уларда тилга олинган шахслар зудлик билан қамоққа олинди. Матбуот шу йиллардаги қатағон компаниясида НКВДнинг курдатли куролига айланди.

Шу йилларда совет давлатининг мафкуравий ахборот машинаси халқ оммасини заҳарлаш, унда қатағон даврининг бегуноҳ курбонларига нисбатан ғазаб ва нафрат туйғуларини уйғотишга катта куч сарфлади. Асл ҳақиқатни билмаган омманинг аксар қисми шу машина тарқатган ахборотга ишониб, «халқ душманлари»га чин дилдан лаънат ўқиди, уларнинг оила аъзолари ва фарзандла-рига нафрат кўзи қиласи қараб, улар билан ҳар кандай алока ипла-рини узди. «Халқ душманлари»нинг оила аъзолари хизмат қилаёт-тан жойларидан, фарзандлари эса ўрта ва олий ўқув юртларидан ҳайдалди. Уларнинг йирик шаҳарлардан чет жойларга кўчириб юборилган оиласи ҳам ижтимоий сикувда – изоляцияда яшашга мажбур этилди. Қатағон курбонларини бадном этиш ва лаънатлаш компанияси улар оила аъзоларининг ҳаётларини ҳам заҳарлади.

Шу йилларда республиканинг нафакат марказий, балки шаҳар ва туман газеталарига муҳаррирлик қилган, адабий ходим бўлиб ишлаган халол кишиларга осон бўлмади.

«Худди ана шу кезларда, – деган эди 1937 йил бошларида «Қизил Ўзбекистон» газетасига муҳаррир этиб тайинланган журналист ва ношир Абдулла Ўразаев, – журналистларнинг аҳволи жуда мураккаб бўлган. Уларнинг бутун ихтиёри НКВД ходимлари кўлида эди. Бирон мулоҳазали мақола ёзиш амри маҳол. Улар бер-ган материалларни босамиз ва айтган сўзига ишонамиз. Кўпинча «халқ душманлари»ни фош қилувчи мақолалар Марказий Комитет оркали келарди. Албатта, уларни Ички ишлар халқ комиссарлиги ходимлари тайёрлаб берипшарди. Уларни ўз вактида босмасдан

илож йўқ. Зудлик билан эълон қилиб, “хушёрлик” кўрсатиш билан бирга «халқ душманлари»га ён босмаётганимизни ҳам англатиш даркор. Жойлардан ҳам шу мавзудаги маколалар келиб турарди. Одатда биз уларни текшириш учун Марказий Комитетга юборардик.

Шундай кунлар бўлардики, рўзноманинг бир сонини камида 2-3 марта қайта тайёрлашга тўғри келарди. Кундузи сахифалаб, уни босишига ҳозирлик пайтида мақолаларда номи тилга олинган бирор шахс бирдан «халқ душмани»га айланиб қоларди. Ўз-ўзидан уни олиб ташлаш даркор. Яна ишни янгидан бошлаб, энди нихоясига етказамиз, деганда, яна бирор кор-ҳол юз берарди-ю, бутун хизматимиз чиппакка чиқарди. Хуллас, тонггача янги сахифани тайёрлашга мажбурмиз. Иш жараёнида бошимизда НКВД ходимлари бўлишарди. Уларнинг рухсатисиз чоп этишига мутлақо ҳаккимиз йўқ. Зоро, бу қоидани бузган муҳбирнинг ҳолига маймунлар йигларди»<sup>15</sup>.

А.Ўразаевнинг бу сўзлари 1937-1938 йиллар матбуоти тамомимила НКВД ихтиёрида бўлганлигини тасдиқлади. Демак, айтиш мумкинки, митинг ва намойишларда ўқилган нутклар ва қарорлар матни НКВД органларида тайёрланганидек, газеталарга Марказий Комитет орқали келган маколалар ҳам НКВД ходимлари «ижод»-нинг маҳсули бўлган. Кекса журналистнинг ҳамкасбла-рини назарда тутиб: «Уларнинг бутун ихтиёри НКВД ходимлари кўлида эди. Бирон мулоҳазали мақола ёзиш амри маҳол. Улар берган материаларни босамиз...», деган сўзлари кўп нарсага ойдинлик киритади.

Шундай қилиб, совет давлати «Катта қирғин» йилларида НКВД органлари ёрдамида юз минглаб кишиларни кириб кон қашатди. Шу билантина қаноатланиб қолмай, халқ оммасида катагон курбонлари ва уларнинг оила аъзоларига нисбатан ўта нафратли муносабатни шакллантирди, инсоният тарихида биринчи бўлиб бегуноҳ жабрдийдаларни оммавий равишда бадном этиш ва лъянтлаш гажрибасини бошлаб берди.

Бу хол мазлум халқ оммасининг парчаланиб, икки кисмга – жабрдийдалар ва уларга нафрат билан қаровчилар деган икки сунъий ижтимоий лагерга ажралишига сабаб бўлди.

<sup>15</sup> Кўчирма қўйидаги манбадан олинди: Усмонов Ислом. Катагон курбонлари. – Тошкент: Ўзбекистон, 1992. – Б. 20.

## **6-боб. СОВЕТ ДАВЛАТИНИНГ МИЛЛИЙ КАДРЛАРНИ ВА, УМУМАН, МИЛЛИЙ ХАЛҚЛАРНИ ҚАТАГОН ҚИЛИШИ ВА БУНДАН КУЗАТГАН МАҚСАДИ**

«Катта қўргин» йилларидаги Ўзбекистондан катағон қилинган давлат ва партия, фан ва маориф, адабиёт ва санъат, саноат ва қишлоқ хўжалиги, соғликни сақлаш ва транспорт ходимларининг миллий таркибиага назар ташлаган киши НКВД органларининг назари биринчи навбатда миллий кадрларга қаратилганини сезмаслиги мумкин эмас. Бу фақат миллий республикалардаги НКВД раҳбарларининг истак-хоҳиши билангина эмас, балки, аввало, миллий кадрлар ва, умуман, миллий халқларнинг садоқатига ишонмаган совет давлати раҳбарларининг олдиндан белгилаган режаси асосида амалга оширилган.

Шу нарса ажабланарлики, ЎзКП(б) МК биринчи котиби Акмал Икромов қамоққа олиниши арафасида Сталин ва Молотов 1937 йил 9 июлда Тошкенттага, унинг номига шифрограмма йўллаб, ундан НКВД «учлиги»даги ўзининг ўрнига бошқа бирор кишини номзодини кўрсатишни тавсия қилишган. Сўнгги кунлари яқинлашиб қолганидан бехабар А.Икромов ўзининг ўрнига «учлик»ка Абдулла Каримовни тавсия этган. Аммо Сталин ва Молотов навбатдаги шифротелеграмма билан Каримов «Файзулла Хўжаевнинг аксилишўровий гурухи» аъзоси эканлигини айтиб, унинг номзодини рад этишган ва ҳатто у эгаллаб турган Халқ Комиссарлар Совети раиси ўринбосари лавозимига бошқа «ишончли номзод»ни қўйиш вазифасини топширишган. Москвадаги архив ҳужжатларидан маълум бўлишича, А.Икромов қамоққа олинганидан сўнг Москва унинг ўрнига ЎзКП(б) МК котиблигига тавсия қилинган Болтабоевнинг номзодини ҳам рад этиб, Тўрабековнинг номзодини маъқул кўрган. Лекин 37-йил бўрони кўтарилгандан, А.Икромов ва Ф.Хўжаев билан бирга бу номлари тилга олинган кишиларнинг барчаси отиб ташланиб, ЎзКП(б) МК котиби лавозимига Усмон Юсупов тасдиқланган.

Шу нарса яна ҳам ажабланарлики, У.Юсупов номзоди Москва тасдиғидан ўтиб, у республика партия ташкилотига раҳбарлик қила бошлаган дастглабки кунлардаёқ ЎзССР НКВД бошлигининг буйруғи билан У.Юсуповнинг ҳаёти ва фаолиятини мунтазам равицда кузатиш ва уни бадном этувчи материалларни тўшлаш операцияси ишлаб чиқилган. Бу факт шундан далолат берадики, У.Юсупов совет давлатининг Ўзбекистондаги манфаатлари фойдасига қандай

садокат билан хизмат қилмасин, вақти келиб, унга ҳам «халк душмани» деган айб қўйилиб, отиб ташланиши реал келажак эди. (Гарчанд Сталин У.Юсуповни хуш кўриб қолган бўлса-да, унинг ўрнига КПСС биринчи котиби лавозимини эгаллаган Хрущев 60-йилларда уни раҳбарлик лавозимларидан озод қилиб, Тошкент вилюятидаги энг хароб совет хўжалигига раис қилиб юборган.)

Совет давлатининг энг олий органларига ким раҳбарлик қилган бўлмасин, у миллый республикалар ва уларнинг раҳбарларига мутлақо ишонмаган ва уларга калондимоғлик билан қараган. Совет давлатининг энг сўнгги раҳбарларидан бири Андроповнинг ташаббуси билан КПСС МК пленумида Москва белгилаб берган чизикдан бир қадам ҳам четта чиқмаган ЎзКП МК биринчи котиби Шароф Рашидовнинг ҳатто вафотидан кейин «давлат жиноятчиси» деб эълон қилиниши юкорида баён қилинган фикрларнинг тўғрилигини тўла тасдиқлайди.

Афуски, ўзбек тарихчилари шу вақтгача Акмал Икромов ва Файзула Хўжасев оила аъзоларининг қатағон йилларида қириб ташланганлиги масаласи билан қизиқмай келадилар. Ҳолбуки, бу масала ҳам Екатеринбургда Романовлар сулоласининг ваҳшиёна отиб ташланишидан кам фожия эмас. Хорижда эълон қилинган маълумотларга қараганда, қатағон йилларида бу ҳар иккала оила бошқаларга қараганда, айниқса, катта талофат кўрган.

«Советлар, – деб ёзишган хорижда нашр қилинган журналларнинг бирида, – Акмал Икромни отиб, йўқ қилганларидан сўнг, унинг туғишганлари, уруғ-аймоқлари устидан кирғин бошладилар. Бошлаб унинг акаси Тошкент Октябрь район ижроқўми раиси Карим кори Икром қамоққа олинди. Ундан сўнг унинг укаси, Фарғона педагогика институтининг ўқитувчиси Усмонхон Икром, Тошкент касалхонасида ишловчи укаси Нўъмонхон Икром, Андижонда ишловчи инженер укаси Юсуфхон Икром қамоққа олинди... Ниҳоят, Акмал Икромнинг амакиси – маҳалла имоми Қосим кори Икром, совет хизматчиси Мамараим Икром, Ҳошим кори Икромлар ҳам 1942 илда НКВД томонидан қамоққа олиниб, булар ҳам йўқ бўлиб кетдилар. Сўнгра навбат буларнинг болачақаларига келди. Акмал Икромнинг 14 яшар ўғли Анвар билан Карим кори Икромнинг 13 яшар ўғли Аминтойни эса Ички Русиянинг қандайдир бир ерига сургун қилиб юбордилар»<sup>16</sup>.

<sup>16</sup> "Миллый Туркистон", 1950 йил, 65-сон. – Б. 31-32.

Хорижий муаллифнинг бу сўзлари даги айрим фактлар нотўғри бўлиши мумкин. Зоро, даврнинг турли силсила парни бошидан кечирган муаллифнинг баъзи бир фактларни ҳам исмларни ҳам чалкаштириб юбориши ҳеч гап эмас. Аммо шу билан бирга А.Икромов сулоласининг совет давлати даҳшатларини бошидан кечирган аъзолари рўйхати шу билангида тутамайди. А.Икромовнинг кейинчалик Ўзбекистон ҳалқ ёзувчиси унвони билан тақдирланган ўғли Комил Икромов ҳам «ажал тегирмони»дан омон чиккан. 1947-1948 йилларда педагогика институтини тутатиб, Тошкент мактабларида ўқитувчилик қила бошлаган жияни Муршида Икромова эса кўп ўтмай, шаҳардан 40 км четга чиқариб юборилган.

Шундай қилиб, совет давлати 1937-1938 йилларда дастлаб партия ва давлат идораларининг турли эшелонларидаги барча раҳбар кадрларни, сўнгра уларнинг оила аъзолари, яқин қариндошлари, хизматдошлари, ёр-дўстларини қамоққа олди. Айни пайтда ҳалқнинг ор-номуси ва қалб садоси бўлган зиёлилар «армия»си қатагон этилди. Манглайига «қулоқ» тамғаси босилган бойлар ва ўрта ҳол деҳқонлар билан бирга руҳонийларни ҳам синф сифатида тутатиш операциялари ўтказилди.

\* \* \*

Юқорида кўриб чиқилган масалалар, бაён қилинган фикр ва мулоҳазалар асосида 1937-1938 йиллардаги «Катта кирғин»нинг Ўзбекистон республикаси саноати, қишлоқ хўжалиги, транспорти, соғлиқни саклаш тизимиға ҳамда ўзбек ҳалқининг маориф ва маданияти тараққиётига келтирган заарлари ва ФОЖИАЛИ ОҚИБАТЛАРИ, асосан, куйидагилардан иборат.

## КАТТА ҚИРГИННИНГ ФОЖИАЛИ ОҚИБАТЛАРИ

(Хулоса ўрнида)

Қатағон даврининг хорижий тарихчилари берган маълумотга қараганда, “Катта кирғин” йилларида жами 6 миллион киши ҳисбсга олинган, шундан 3 миллионы отиб ташланган, 2 миллион кишининг хоки эса лагерларда қолиб кетган. Эҳтимол, шу йилларда қатағон тегирмонида мажақланиб ташланган кишилар сони бундан кўпроқ ёки озроқдир. Аммо шу нарса аниқки, кишилик жамияти тарихида бошқа бирор давлат ўз ҳалқини совет давлатидек шафқатсизлик билан ва муайян режа асосида, яна бутун умри давомида қириб келмаган.

Шу нарса даҳшатлики, В.Ежовнинг 1937 йил 30 июль санали буйруғига кўра, СССР ҳудудларида яшаган 259 минг 450 кишини қамоққа олиш ва шулардан 72 минг 950 кишини отиш режалаштирилган бир вактда, Москва берган имкониятдан фойдаланиб, НКВДнинг республика, вилоят ва шаҳар бўлимлари қамаш ва отиш “норма”ларини кўпайтириш ҳақидаги таклифлар билан чиқдилар. 1937 йил 28 августдан 15 декабрга қадар бўлган муддатда ВКП(б) Сиёсий бюроси отишга хукм қилинувчилар сонини 22 500 нафарга, қамоққа олинувчилар сонини эса 16 минг 800 нафарга кўпайтириш ҳақидаги таклифни тўла маъкуллаган. Хуллас, дастлаб 1937 йилнинг 4 ойида амалга оширилиши мўлжалланган қирғин операцияси 1 йилдан ортиқ давом этиб, яна 200 минг кишининг бошини еган.

Бу даҳшатли қатағон компаниясининг бошида шахсан ВКП(б) МКнинг биринчи котиби Сталин ва у раҳбарлик қилган Сиёсий бюро турди. Шу йилларда Сиёсий бюро қошида суд ишлари бўйича маҳсус комиссия тузилган бўлиб, таркибида ички ишлар ҳалқ комиссари В.Ежов ҳам бўлган бу комиссия Сталин ва Сиёсий бюро аъзоларига кўл кўйдириш учун 383 та рўйхатни тақдим қилган. Жами 44 минг нафар давлат, партия, фан ва маданият арбоблари ҳамда турли соҳа вакилларининг исм-шарифлари ва жазо турлари қайд этилган бу рўйхатларнинг 362 тасида шахсан Сталиннинг, 373 тасида Молотовнинг, 195 тасида Ворошиловнинг, 191 тасида Кагановичнинг, 177 тасида Ждановнинг, 62 тасида Микояннинг имзолари мавжуд. (Хрушчев имзолаган рўйхатлар эса у Совет давлатига раҳбарлик қилган йилларда куйдириб ташланган.)

Сўнгги йилларда шу нарса аниқ бўлдики, факат 1937-1938 йиллардаги “Катта қирғин” вақтида НКВД органлари томонидан 1 миллион 575 минг киши қамоққа олинган; 1 миллион 345 минг киши жазоланиб, олис ва совуқ ўлкалардаги лагерларга юборилган, шулардан 681 минг 692 киши отиб ташланган. Афуски, шу йилларда Ўзбекистон бўйича қанча кишининг қамоққа олингани, қанча кишининг жазолангани ва қанча кишининг отиб ташлангани тўғрисида аниқ маълумот йўқ.

Юқорида келтирилган ракамлар “Катта қирғин” даврида СССРда яшаган халқларнинг муайян кисми кириб ташланганини тасдиклайди. Бинобарин:

1. “Катта қирғин”нинг фожиали оқибатларидан бири ва биринчи шундаки, шу йилларда 1 ярим миллиондан зиёд – 2 миллионга яқин кишилар қатагоннинг қонли гирдобига ташланди. Шу қадар кўп кишиларнинг қамоққа олиниб, ё отиб ташланиши, ёки лагерларга юборилиб, қўйноқ ва азобларга дучор килиниши кишилик жамиятининг ҳар қандай қонун ва қоидаларига хилоф, ўта гайриинсоний ҳаракатдир.

Афуски, СССРда 1926 ва 1938 йилларда, шунингдек, ундан кейин ўтказилган аҳолини рўйхатга олиш билан боғлиқ маълумотлар бузиб берилгани, кейинчалик эса уларга махфийлик тамғаси босилгани учун 1937-1938 йилларда Ўзбекистон аҳолиси-нинг қанчага камайиб кетганини аниқлаш имкони бўлмади. Шу сабабли мазкур масала бўйича хорижий мамлакатларда эълон қилинган маълумотларни келтиришга зарурат сезилади. 50-йилларнинг ўрталаридан бошлаб Фарбий Германияда нашр қилинган “Миллий Туркистон” журналида берилган хабарга қараганда, “Muncher merkur” газетасининг 1970 йил 2 ноябрь сонида совет ҳокимияти томонидан маҳв этилган кишилар сони ҳақида қўйидаги маълумот берилган:

“Совет Иттифоқида 1917 йилдан берли коммунизмнинг террор сиёсати натижасида энг ози 21, 5 миллион инсоннинг беажал ўлганлиги аниқланди. Бу ракам “Совет коммунизмининг инсонларнинг ҳаётига еткизган зиёнлари” мавзусидаги илмий тадқиқотдан сўнгра қўлга киритилган. Бу ҳақдаги тадқиқот Вашингтонда давлат бехатарлиги бўйича Сенат комиссияси тарафидан юритилмакда. Бу тадқиқот натижасида нашр қилинган асарнинг муаллифи совет масалалари бўйича дунёга танилган мутахассис Роберт Конкуестдир.

Бу тадқиқотнинг ташаббускорларидан демократ сенатор Томас Додд Конкуест томонидан кўрсатилган рақамни диққатга лойик, деб таърифлайди ва совет тузумида ўлдирилган инсонлар сонининг 45 миллиондан иборат эканлигини ҳақиқатдан кўп узок эмас, деб ифода қиласи. Сенатор Додднинг сўзича, ул бу соннинг 45 миллион эканлигига қаноат келтиради.

Конкуестнинг хисобловуча, ярим миллион одам 1919-1923 йилларда ҳибларда ва асир лагерларида ўлдирилган ёинки ўлган; 2 миллион одам Сталин томонидан ўлдирилган; 3,5 миллион одам 1930 йилдан 1936 йиллар орасида тўплама лагерлarda, 12 миллион одам Сталин томонидан мажбурий меҳнат лагерларида ўлдирилган ва 3,5 миллион одам 30-йиллардаги колективлаштириш маъракаси жараёнида очликдан ўлган.

Бироқ, сенатор Додднинг маълумотига кўра, Конкуест ўз рақамларида Русияда фуқаролар уруши даврида курбон бўлган 9 миллион кишининг ҳисобини кўрсатмаган. Фуқаролар уруши бошлангунга қадар 1921 йилда жараён этган “Катта очарчилик”да 5 миллион киши ўлган. Додд бу ҳисобга маънавий азоб ва руҳий касалланиш натижасида ҳалок бўлганларнинг кирмайдиганлигини қайд этади<sup>1</sup>.

“Миллий Туркистон” журнали бошқармаси “Muncher merkur” газетасидан олиб босилган бу маълумотни эълон қилиш билан бирга қуидаги сўзларни ҳам журналхонлар эътиборига ҳавола қилишни лозим деб билган: “Миллий Туркистон Бирлик Кўмитаси 14.VI.1950 йилда Бирлашган Миллатлар Ташкилотига топширилган Меморандумида Туркистонда советлар томонидан ўлдирилганларнинг сонини 6 миллион ўлароқ кўрсатган. Бу рақам расмий хужжатлар билан тойиб этилганлир”<sup>2</sup>.

Шу йилларда фуқаролар инсоний ҳак-хуқуқларининг оёқости қилиниши, уларни бирор гуноҳлари бўлмаган ҳолда отиб ташлаш ёки кулларга – текин ишчи кучига айлантириш ва улар кучидан ваҳшиёна бир тарзда фойдаланиш совет давлат тузумининг мустабид давлат тузуми бўлганини тўла асослайди.

2. “Катта қирғин” даврида давлатнинг барча структураларида хизмат қилган давлат ва партия, фан ва маданият арбоблари, саноат, транспорт, кишлоқ хўжалиги ва соғликни саклаш ходимлари

<sup>1</sup> “Milli Turkistan”, 1970, 130-А сон. – Б. 35.

<sup>2</sup> Кўрсатилган манба. – Ўша бет.

ўз соҳаларининг яхши ва пухта билган, тажрибали, юкори мала-кали, ташаббускор, ғайратли, халол ва вижданли кишилар бўлишган. Уларнинг қатағон этилиши давлат ва партия, иктисад, маориф ва маданият, саноат ва кишилук хўжалиги, транспорт ва соғлиқни сақлаш муасссалалари фаолиятининг тамомила издан чиқиши ёки ўта заифлашига сабаб бўлган.

3. Совет давлати ҳар бир жамиятнинг соғломлиги ундаги оилас-нинг мустаҳкамлигига боғлик эканини яхши билгани ҳолда шу йилларда фақат оила бошликларини қамоққа олиш, жазолаш ва отиб ташлаш билангина каноатланиб қолмай, гўё эрларининг аксилинқилобий хатти-ҳаракатларини била туриб, шу ҳақда тегишли идораларга маълумот бермаганликда айблаб, Ватанга хоинликда айбланган кишиларнинг бегуноҳ хотинларини ҳам қамоққа олди; уларнинг инсоний ва аёллик хукуқларини, ор-номусларини таҳқирлади, қамоқхона ва лагерларда азоб-укубатларга дучор этиб, колган умрларини заҳарлади.

Совет жаҳданнамидан омон чиққан таникли рус адаби Варлам Шаламовнинг ёзишича, тергов вактида қамоқхонада маҳбуснинг бошдан кечирадиган азоблари лагерда кечирадиган азоблари олдида ҳолва бўлиб қолади. Зоро, маҳбус лагерларда совуқ 55 дара-жага кўтарилишда ҳам эрталаб 6 да туриб, чойдан кейин ўрмон ёки конга бориб, оч-наҳор ҳолда 14 соат ишлаши лозим. У машақватли ишдан кейин баракка қайтиб келганида иккинчи қаватдаги ўрнига кўтарилиш учун ўзида мадор тополмайди. Иссик ва қулай жойларни тортиб олган ўғри ёки каллакесарга бас кела олмай, улар олдида хўрланади. Мисси заифлашади. Тишлари лиқиллаб, милклари шишиб кетади. Ҳаёт унинг назарида сариқ чақага арзимайдиган нарса бўлиб қолади. У шахс сифатида, инсон сифатида қадр-кимматини бутунлай йўқотиб, ожиз ва нотавон бандага айланиб қолади<sup>3</sup>.

Инсонда инсоннинг ўлдирилиши – “Катта қирғин”нинг фожиали оқибатларидан биридир.

4. Совет давлати Ватанга хоинликда, аксилинқилобчиликда, миллатчиликда ва ҳ.к.да айбланган кишиларнинг турмуш ўртоқла-рини қамаш билангина кифояланиб қолмай, уларнинг фарзандлари ҳайтини ҳам захарлади. Уч ёшгача бўлган болалар оилаларидан аж-ратиб олиниб, маҳсус ташкил этилган болалар яслиларий ва болалар

<sup>3</sup> К а р а н г: Шаламов В. Интервью, которого не было // Совершенно секретно (газ.). 2007. № 6/217. – С.27-29.

уйларига, уч ёшдан ошганлари эса бошқа республика ва шахарлардаги болалар уйларига зўравонлик билан юборилди. Бу болалар келажакда бир-бирларини тополмасликлари ва ота-оналарини тамомила унугиб, манқурт бўлиб ўсишлари учун уларни турли шаҳарлардаги болалар уйларига таркатиб юборди. Совет давлати шу болаларни Ватанга хоинликда, аксилинқи-лобчиликда, миллатчиликда ва х.к.ларда айбланган ота-оналарига нафрат руҳида тарбиялашга бутун кучини қаратди.

5. Совет давлати ҳалқнинг диний, руҳий ва маърифий ҳаётида муҳим аҳамиятга молик бўлган масжид ва мадрасаларни бузиб, уларни чўчқаҳоналарга, динсизлик (атеизм) ўчоқларига айлантириди ва бу билангина кифояланиб қолмай, руҳонийларни оила аъзолари билан бирга яшаш ҳукуқидан маҳрум килиб, унинг мол-мулжаларини тортиб олиб, ўзларини олис ўлкаларга бадарға қилди, қолган қисмини эса ўз ватинидан яширинча қочиб кетишга мажбур қилди. Ҳалқнинг диний-маърифий ва руҳий ҳаётида пайдо бўлган бўшликни атеизмнинг марксизм-ленинизм таълимотининг сохта, ғайриинсоний ва гайриилмий ақидалари билан тўлдириб ташлади.

6. “Фожиали оқибатлар”нинг 3, 4 ва 5-моддаларида баён қилинган масалалар “Катта қирғин” йилларида ҳалқнинг парокандалашиши, иродасизланиши, ҳалқ ўргасида меҳр-оқибат ва раҳм-шафқатнинг йўқола бориши, миллӣ ва умуминсоний қадриятларнинг оёқости қилинишига олиб келди.

7. Совет давлати шу йилларда НҚВД органларига мислсиз дарражада катта ҳукуклар бернибгина қолмай, шу органларнинг ва уларга суқулиб кирган тасодифий шахсларнинг, амалиярастларнинг, авангюристларнинг истаган раҳбар ва раҳбарларнинг, истаган киши ва кишиларнинг бирор айбсиз қамоққа олишига кенг йўл очиб берди. Жамиятнинг ҳалол ва меҳнатсевар қисми қамоқларда чиригилётган бир пайтда шу муттаҳамлар Ватанга хоинликда, аксилинқи-лобчиликда, миллатчиликда ва х.к.ларда айбланган кишиларнинг уй-жойларини, мол-мулжаларини тортиб олиб, хусусийлаштиридилар ва амалда жамиятни ўз қонунлари асосида идора қила бошладилар. Бу ҳол жамиятнинг таназзул ёқасига янада яқинластириб кўйди; фуқароларда совет давлатига бўлган ва йилдан-йилга заифлашиб бораётган ишончнинг янада сусайишига олиб келди. Бу ҳол яқинлашиб келаётган Иккинчи жаҳон уруши арафасида ўта ҳавфли вазиятнинг юзага келишига сабаб бўлди.

8. Жамият жиловини ўз қўлларига олган НКВД органлари ҳар бир вилоят, ҳар бир шаҳар, ҳар бир туман ва ҳар бир маҳаллани каттиқ назорат остига олибгина қолмай, ҳар бир кишининг ҳам нима билан нафас олишини кузатиш мақсадида агентлар армиясини беҳад дәражада кўлайтириди. Ҳар уч киши иштирок этган даврадаги гап тегишли идораларга етиб борадиган вазият вужудга келтирилди. Натижада, бир томондан, советларга қарши тарғиботда айбланувчи, демак, қамоққа олинувчи кишилар сони кўпайиб борган бўлса, иккинчи томондан, кишиларда сотқинлик инстинкти, ўз ҳаётини сақлаб қолиш учун бошқаларни курбон килиш майли авж олди; учинчидан, кишиларда бир-бирларига бўлган ишонч ҳисси ўрнини шубҳаланиш, гумонсираш ҳислари тўла эгаллади.

9. Республика раҳбарларидан тортиб оддий босмахонада имло хатосини ўтказиб юборган мусахҳихгача бўлган кишиларнинг қамалиши, уларнинг аросатда колган оила аъзоларига хайрихохлик, меҳр-оқибат кўрсатган қўуни-кўшинилар ва қариндош-уруғлар бошига ҳам бало тошларининг ёғилиши, Ватанга хоинлик-да, ақсилиңқилобчиликда, миллатчиликда ва ҳ.қ.ларда айбланган кишилар оила аъзоларининг мактаблардан, иш жойларида ҳайдалиши, қамалмай қолган кишиларнинг эса жонларини ҳовучлаб яшави жамиятда қўркув ва ҳадик муҳитини юзага келтириди.

10. “Фожиали оқибатлар”нинг 8 ва 9-моддаларида баён қилинган масалалар шу тарихий давр ва тарихий шароитда яшаган аксар кишиларнинг руҳий ва маънавий ҳаётида мунофиқлашиш жараёни бошланиши ва кучайишига сабаб бўлди, совет давлати “Катта қирғин” йилларида олиб борган тадбирлари билан кишиларда иккюзламачилик хислатларининг ўсишига замин яратиб берди.

11. Юқорида баён қилинган масалалар, совет давлатининг дунёга келган дастлабки кунларида эълон қилганидек, ҳалқ ҳокимиятига асосланган инсонпарвар демократик давлат эмас, балки жамият аъзоларининг инсоний ҳақ-хукукларини оёқости қилувчи, юз минглаб бегуноҳ кишиларни судсиз-текширишсиз қамоққа олиб, уларни кул сифатида ишлатувчи ва хоҳлаган пайтида кириб ташловчи XX асрдаги энг мустабид давлат тизимиға айланганини тўла асослайди.

Совет давлати “Катта қирғин” йилларида олиб борган жинояткорона ишлари билан дунё ҳалқлари олдида шармандаи шармисор бўлибгина қолмай, келажаги йўқ давлат эканлигини ҳам ёрқин намойиш этди.

# **ВКП(б) СИЁСИЙ БЮРОСИ ВА ШАХСАН СТАЛИН ТОМОНИДАН МАҶҚУЛЛАНГАН ВА КАТЕГОРИЯЛАРҒА АЖРАТИЛГАН ҚАТАФОН ҚҰРБОНЛАРИ РҮЙХАТИ**

## **УЗБЕКСКАЯ ССР 1-я категория**

- |                              |                               |
|------------------------------|-------------------------------|
| 1. АБДАЛОВ Бекбулат          | 31. АХМАТОВ Борис Викторович  |
| 2. АБДУВАХАБ ХОДЖАЕВ         | 32. АХМЕДБЕКОВ Давранбек      |
| Абдукарим                    | 33. АХМЕДЖАНОВ Джалал         |
| 3. АБДУКАЮМОВ Дехканбай      | 34. АХМЕДОВ Аллаберген        |
| 4. АБДУЛЛАЕВ Абдужалил       | 35. АХМЕДОВ Кары Пулат        |
| Мирбаевич                    | 36. АХУНБЕКОВ Машраб          |
| 5. АБДУРАХМАНОВ Исай         | 37. АХУНОВ Халмухамед         |
| Ильясович                    | 38. БАБАДЖАНОВ Абдулла        |
| 6. АБДУРАШИТОВ Усман         | 39. БАБАЕВ Ерем Павлович      |
| Аксанович                    | 40. БАБАНОВ Сындар            |
| 7. АБДУСАТТАРОВ Садык        | 41. БАЖАКОВ Калимулла         |
| Шарипович                    | 42. БАЗАРОВ Ашур              |
| 8. АВЕЗОВ Касым              | 43. БАЛГАЕВ Усман             |
| 9. АВЕЗОВ Курбанбай          | 44. БАТЫРОВ Карши             |
| 10. АВЕРБУРГ Лев             | 45. БЕКБАУЛИЕВ Исматулла      |
| Александрович                | 46. БЕКИМБЕТОВ Утенияз        |
| 11. АГАЕВ Зия                | 47. БЕКМУРАТОВ Аиджан         |
| 12. АГИШЕВ Рустам Хусаинович | 48. БЕССОНОВ Борис Иванович   |
| 13. АЗИЗОВ Ахад              | 49. БИЛИК Давид Рувимович     |
| 14. АЗИЗОВ Ташканбай         | 50. БОБРОВ Зиновий Михайлович |
| 15. АЗОРИН Николай Федотович | 51. БОРНУКОВСКИЙ Алексей      |
| 16. АЙДАРОВ Ахмедбек         | Михайлович                    |
| 17. АЙТЕШЕВ Алланияз         | 52. БУТМАН Матвей Львович     |
| 18. АКРАМОВ Гулам            | 53. ВАСИЛЬЕВ Василий          |
| 19. АЛЛАБАЕВ Игам            | Ефимович                      |
| 20. АЛЛАБЕРГЕНОВ Казакбай    | 54. ВАХАБОВ КАДЫР ХОДЖА       |
| 21. АЛЛАХВЕРДОВ Эрванд       | 55. ВЕЙДЭ Павел Иванович      |
| Андиасович                   | 56. ГАФИЗ Михаил Григорьевич  |
| 22. АЛИЕВ Баймирза           | 57. ГЛАДИЛОВ Николай          |
| 23. АЛИЕВ Ислам Садикович    | Михайлович                    |
| 24. АЛИЕВ Мамадали           | 58. ГОРИН Василий Васильевич  |
| 25. АЛИХОДЖАЕВ Шамансур      | 59. ГРИГОРЬЯНЦ Артем          |
| 26. АНИСЬКЕВИЧ Павел         | Николаевич                    |
| Павлович                     | 60. ГРИНЕВ (ГРИНЬ) Александр  |
| 27. АРНЕ-НЕРСЕСЯН Арам       | Корнеевич (он же Фома         |
| Богданович                   | Корнеевич)                    |
| 28. АРЫШОВ Риски             | 61. ГУБАНОВ Михаил Иванович   |
| 29. АСТАНОВ Гафур            | 62. ГУРДЖИЕВ Георгий          |
| 30. АТАЕВ Сулейман           | Александрович                 |

63. ГУСЕИНОВ Хусайн Расулович  
 64. ДАВИДЯН Арменак Осипович  
 65. ДАМИНОВ Латиф  
 66. ДЖАБАРОВ Тащупулат  
 67. ДЖАКСЫМУРАТОВ Мамбет  
 68. ДЖУМАНОВ Алмас  
 69. ДЖУРАЕВ Рахмат  
 70. ДЖУРАЕВ Ходжи  
 71. ДИЛЬМАНОВ Уразымбет  
 72. ДОБРЫШИН Александр Александрович  
 73. ЕЛЬТУЗЕРОВ Суентай  
 74. ЕРУСЛАНОВ Виталий Петрович  
 75. ЖАНКОЛЯ Николай Николаевич  
 76. ЖДАНОВ Гумар Гимадиевич  
 77. ЗАРАЕВ Ислам  
 78. ЗАХИРИ САРИНБАЕВ Джаядр  
 79. ЗУЗАНОВ Николай Иванович  
 80. ИБРИАМИНОВ Миндыходжа  
 81. ИБРАГИМОВ Ахмед  
 82. ИГАМБЕРДЫЕВ Дададжан  
 83. ИГАМБЕРДЫЕВ Раҳманберди  
 84. ИГАМБЕРДЫЕВ Яхъя  
 85. ИКРАМОВ Ато  
 86. ИКРАМОВ Исҳак  
 87. ИКРАМОВ Максум  
 88. ИНАМОВ Салиджан  
 89. ИНОГАМДЖАНОВ Ильхамджан  
 90. ИНОЯТОВ Назрулла  
 91. ИНОЯТОВ Хидоят  
 92. ИСМАИЛОВ Зухур Исқандеровиҷ  
 93. ИСРАИЛОВ Аслан Агадианович  
 94. ИШИМБЕТОВ Давлетяр  
 95. КАБУЛОВ Абдулладжан  
 96. КАБЫШОВ Тохта  
 97. КАДЫРИ Абдулла\_  
 98. КАДЫРОВ Маджит  
 99. КАРИМОВ Сейфулла  
 100. КАРИМОВ Атабай
101. КАРИМОВ Ҳаким  
 102. КАРТАШЕВ-СТЕПАНЯНЦ Мартирос Артемьевич  
 103. КАСЫМОВ Гафур  
 104. КАСЫМОВ Ҳаким  
 105. КАЦ Моисей Исаакович  
 106. КАШТЬЕВ Султан  
 107. КВАЧЕВ Григорий Федорович  
 108. КЕМБАЕВ Рашит  
 109. КЛЫЧЕВ Сабур  
 110. КОРЕЕВ Александр Иванович  
 111. КОСИНСКИЙ Станислав Генрихович  
 112. КРУКОВСКИЙ Юрий-Георгий Михайлович  
 113. КУДАБАЕВ Абу Ержанович  
 114. КУДРАТОВ Иноят  
 115. КУЛЕНЕВ Айналхат  
 116. КУЧКАРОВ Нигмат  
 117. ЛАВРЕНТЬЕВ Александр Георгиевич  
 118. ЛАВРОВ Евгений Михайлович  
 119. ЛЕОНОВ Иван Леонтьевич  
 120. МАДЖИТОВ СУЛГАБИТ  
 121. МАДРАИМОВ Махмуд  
 122. МАЕР Феодосий Андреевич (он же Майер Анатолий)  
 123. МАМАСАДЫКОВ Карим Ахун  
 124. МАТНИЯЗОВ Джуманияз  
 125. МАХАМАТ-РАХИМОВ Аширбай  
 126. МАХМУДХОДЖАЕВ Нуреддин  
 127. МЕРКУЛОВ Дмитрий Васильевич  
 128. МИРЗОЯН Каро Михайлович  
 129. МИРСАДЫКОВ Милибай  
 130. МИРШАРАПОВ Миркамиль  
 131. МОРОЗОВ Борис Евгеньевич  
 132. МУМИНОВ Дамин  
 133. МУСАЕВ Давлет  
 134. МУСАЕВ Шахид Исан

135. МУФТАЗАДИЕВ Ахат  
 136. МУХАМЕДКУЛОВ  
 Тангрикул  
 137. МУХАМЕДОВ Васик  
 Шукурович  
 138. МУХАМЕДОВ Рауф  
 139. МУХАМЕДОВ Сахиб  
 140. МУХАТДИНОВ Хусайн  
 Акмалетдинович  
 141. НАЗАРОВ Мухамеджан  
 142. НАЗАРОВ Павел Сергеевич  
 143. НАЗАРОВ Таджи  
 144. НАСРУЛЛАЕВ Абдурашид  
 145. НЕВСКИЙ Павел  
 Александрович  
 146. НИЗАМЕТДИНОВ  
 Турдымурат  
 147. НИЯЗОВ Абдусамат  
 148. НОВОКРЕШЕНОВ  
 Александр Степанович  
 149. НУРЕТДИНОВ Иргаш  
 150. НУРЖАНОВ Сапарбай  
 151. НУРМУХАМЕДОВ Коптлеу  
 152. ОВАНИСЯН Каро  
 Григорьевич  
 153. ПАТТА ХОДЖАЕВ Азим  
 154. ПЕТРОВ Владимир  
 Федорович  
 155. ПИРНАЗАРОВ Алланазар  
 156. ПИСЛЕГИН Степан  
 Федорович  
 157. ПЛЕТНЕВ Евгений Павлович  
 158. ПОЛЯКОВ Константин  
 Николаевич  
 159. ПРУПИС Лев Абрамович  
 160. РАДЖАПОВ Хамракул  
 161. РАДЗИВИЛОВ Федор  
 Павлович  
 162. РАЗУМОВСКИЙ Вениамин  
 Натанович  
 163. РАМАЗАНОВ Хамро  
 164. РАХИМДЖАНОВ Зайнулла  
 Юсупович  
 165. РАХИМБАЕВ Раҳмат  
 166. РАХИМБАЕВ Файзулла
167. РАХМАНОВ Мулла Рузн  
 168. РЕГУРЕЦКИЙ Иван  
 Михайлович  
 169. РОДИОНОВ Михаил  
 Михайлович  
 170. РУЗЫБАЕВ Убайдулла  
 171. САДЫКОВ Мухамедкул  
 172. САДЫКОВ Сабирджан  
 173. САИБНАЗАРОВ Санакул  
 174. САЙДРАСУЛЕВ Бадретдин  
 175. САЛИМОВ Ибрагим  
 Салимович  
 176. САЛИХОВ Миян Бузрук  
 177. САМАТОВ Джалал  
 178. САМОДЕЛКИН Николай  
 Иванович  
 179. САТТАРОВ Заки Киямович  
 180. САТАРОВ Хашим  
 Агалыкович  
 181. СВИРИДОВ Федор Маркович  
 182. СМЕХОВ Николай  
 Прокопьевич  
 183. СОЛНЦЕВ Глеб Дмитриевич  
 184. СПЕРАНСКИЙ Григорий  
 Петрович  
 185. СТАРОДУБЦЕВ-СТЕПНЯК  
 Константин Павлович  
 186. СУЛЕЕВ Билял  
 187. СУХОВ Александр  
 Николаевич  
 188. ТАЛИПОВ Камильджан  
 189. ТАУМАНОВ Туркменбай  
 190. ТАШЕНОВ Андъго  
 191. ТЕМИРХАНОВ Халмурад  
 192. ТИТОВ Викентий  
 Александрович  
 193. ТИТОВ Виктор  
 Владимирович  
 194. ТУГАРИНОВ Григорий  
 Иванович  
 195. ТУРЕЕВ Примбет 196.  
 ТУРЕЕВСеит  
 197. ТУРИЖАНОВ-ЕГИЗГАРАЕВ  
 Ниязгали  
 198. ТЮРАБАЕВ Абдугафур

199. УМАРАЛИЕВ Акбар  
Хайдарович  
200. УМАРОВ Султан  
201. УСМАНОВ Джура  
202. УТЕШЕВ Абдурахман  
203. ФАЙЗЫ Ходи Зарифович  
204. ФАТКУЛИН Тагир  
Мухамеджанович  
205. ФОКИН Александр Петрович  
206. ХАБИБИ Ахмед Исламович  
207. ХАЙДАРАЛИЕВ Мунавар  
208. ХАКИМНИЯЗОВ Роджел  
209. ХАМДАМОВ Узак  
210. ХАМРАБАЕВ Али  
211. ХАНТУРАЕВ Анарбай  
212. ХАСАНОВ Иногам  
213. ХОДЖАМУРАТОВ Алман  
214. ХОДЖИМУРАДОВ  
215. ХУДЯКОВ Георгий Иванович  
216. ЦАГИКЯН-ЧАМИЧЯН  
Геворк Петросович  
217. ЧЕПРУНОВ Борис  
Васильевич

218. ЧЕРНОВ Владимир  
Георгиевич  
219. ЧУЛИЕВХаликул  
220. ШАГИВАЛИЕВ Борей  
221. ШАДЫШВ Яш-Узак  
222. ШАРИПОВ Камал  
223. ШАХМУРАТОВ Караман  
224. ШИРАХМЕДОВ Насреддин  
225. ШУЛЬМАН Владимир  
Федорович  
226. ШУРЫШИН Федор  
Васильевич  
227. ЮЛДАШЕВ Батыго  
228. ЮНУСОВ Умар  
229. ЮНУСОВ Юсуп  
230. ЮРЧЕНКО Владимир  
Самойлович (он же Юсиль Вольф  
Самойлович)  
231. ЯРОЦКИЙ Василий  
Яковлевич  
232. ЯКУБОВ Хабиб  
233. ЯРОШЕВИЧ Никанор  
Казимирович

## 2-я категория

1. АБДУЛЛАЕВ Аллакул  
2. АБДУРАЗАКОВ Ахмед  
3. АБДУРАХМАНОВ Хабиб  
4. БАЙБЕКОВ Исак Шахиевич  
5. БАЙБУРИН Милгали  
Бадртдинович  
6. ГАЙБУЛЛАЕВ Карим  
7. ГРУДЦИН Алексей Федорович  
8. ДАДОЯН Исраил Акопович  
9. ДАЛЬ-ЖАНДАРМОВ Сергей  
Алексеевич  
10. ДЖУМАЕВ Карим  
11. ЖАНУЗАКОВ Бейсен  
12. ЗИЯЕВ Дустмурат  
13. ЗУФАРОВ Ходжи  
14. ИБРАГИМОВ Яхъя Сулей  
15. ИГАМБЕРДЬШВ Алим  
16. ИРБУТАЕВ МАЛЛАБАЙ  
17. ИСЛАМОВ Адыль

18. ИСЛАМОВА Раҳима  
19. ИСРАФИЛОВ СУЛТАН  
20. КЛЯШТОРН Александр  
Исакович  
21. КУСЕКЕЕВ УРАЗАЛИ  
22. МАМАТКУЛОВ Турсункул  
23. МИРЗА-МАХМУДОВ Намаз  
24. МУМИНОВ Икрам  
25. МУСАЕВ Али  
26. РОЗЕНФЕЛЬД Сергей  
Владимирович  
31. ТАШХОДЖАЕВ  
Садық  
27. РУЗМЕТОВ Мадрахим  
28. САРЫСУЛОВ Усен  
29. СУББОТИН Иван Григорьевич  
30. ТАШЛАНОВ Юлдаш

## ГОР. ТАШКЕНТ. ТАШКЕНТСКАЯ ЖЕЛ. ДОР.

### 1-я категория

- |                                    |                                    |
|------------------------------------|------------------------------------|
| 1. БАБАК Михаил Антонович          | 9. НЕЙМОВИЧ Александр Казимирович  |
| 2. БОГДАСАРОВ Александр Артемьевич | 10. ПОЛЮДОВ Василий Федотович      |
| 3. ЗАВАРЗИН Сергей Николаевич      | 11. ПРОКОФЬЕВ Захар Яковлевич      |
| 4. КАБАНЕНКО Александр Георгиевич  | 12. СТРЕЛЬЦОВ Петр Евдокимович     |
| 5. КАТЕРИНЧУК Василий Петрович     | 13. СУМОЧКИН Евгений Александрович |
| 6. ЛЕВКИН Василий Михеевич         | 14. ТОРГАШОВ Михаил Иванович       |
| 7. МАРЕНКО Емельян Андреевич       | 15. ТРУШ Леонтий Ефимович          |
| 8. МАРЧЕНКО Павел Афанасьевич      |                                    |

### 2-я категория

- |                                 |                                 |
|---------------------------------|---------------------------------|
| 1. АФОНИН Николай Антонович     | 6. СИРИЧЕНКО Василий Тихонович  |
| 2. БУДКИН Александр Порфириевич | 7. ТИХОМОЛОВ Алексей Тимофеевич |
| 3. КОНОНЕНКО Владимир Иванович  | 8. ТУМАЕВ Андрей Павлович       |
| 4. КОРОЛЕВ Алексей Андреевич    | 9. ФАЛЬКОВ Михаил Григорьевич   |
| 5. РАКОВ Дмитрий Иванович       | 10. ФЕДОТОВ Иван Емельянович    |

### 1-я категория

- |   |                                   |
|---|-----------------------------------|
| 1. АБДУДЖАББАРОВ Айдарбек                                   | 12. АРСЛАНБЕКОВ Исламбек          |
| 2. АБДУЛЛАЕВ Карим  | 13. АРШКОВ Израил                 |
| 3. АБДУРАХИМОВ Мухамед (он же Абдурахим-Ходжаев Мухамедали) | 14. АТАДЖАНОВ Бабаджан            |
| 4. АБУБАКИРОВ Карим Садыкович                               | 15. АТАУЛЛАЕВ Хайрулла            |
| 5. АВЕЗДЖАН Рахметджан                                      | 16. АХМЕДОВ Акбар Ахмедович       |
| 6. АВЕЗЖАНОВ Мухамеджан                                     | 17. АХМЕТХОДЖАЕВ Турсун           |
| 7. АГОЛ Шалом Иосифович                                     | 18. АШРАФИ-РАХИМОВА Гульсум       |
| 8. АЛИМОВ Камильджан  | 19. АШРАФИ Хайдар                 |
| 9. АЛИМУХАМЕДОВ Мусаджан                                    | 20. АЮПОВ Аззам                   |
| 10. АЛЯУТДИНОВ Исам Гамитович                               | 21. БАБАХОДЖАЕВ Аббасходжа        |
| 11. АНДРЕЕВ Григорий Георгиевич                             | 22. БАЛТАЕВ Карим                 |
|   | 23. БАЛТАБАЕВ Садикджан           |
|   | 24. БЕРЕГИН Курбан Аллабергенович |

25. БИСЕРОВ Мухамеджан  
Арифович  
26. БУРХАНОВ Назир  
27. ГИМАДИЕВ Зия  
Гимадиевич  
28. ГУЛЯМОВ Адыль-Кары  
29. ГУРЕВИЧ Натан Яковлевич  
30. ДАДАБАЕВ Бутабай  
31. ДАДАБАЕВ Юлдаш  
32. ДАНЧИК Илья Исаакович  
33. ДЕВАНОВ Якуб Юсупович  
34. ДЖАБАР Саттар  
35. ДИВАНОВ Худайберген  
36. ДУКЕЛЬСКИЙ Иосиф  
Львович  
37. ЗАКИРОВ Бакиджан  
38. ЗЕЛЬКИНА Евгения  
Львовна  
39. ИБРАГИМОВ Ильхам  
40. ИКРАМОВ Карим Кары  
41. ИНОГАМОВ Рахим  
42. ИРМАТОВ Мухитдин  
43. ИСАМУТДИНОВ Хамид  
44. ИСАМУХАМЕДОВ Иноят  
45. ИСКАНДЕРОВ Давран  
46. ИСЛАМОВ Акбар  
Исламович  
47. ИСЛАМОВ Рустам  
Исламович  
48. ИСРАИЛОВ Нормат  
49. ИСХАКОВ Гани  
50. ИСЧАНОВ Мадамин  
51. ИШАН-ХОДЖАЕВ  
Усманхан  
52. КАБУЛОВ Арифджан  
53. КАДЫРИ Алимджан  
Садретдинович  
54. КАЗБЕКОВ Тимурбек  
55. КАРИЕВ Басит  
56. КАРИМОВ Абдулла  
57. КАРИМОВ Гафар  
58. КАСЫМОВ Хашим  
59. КИРАМОВ Кивам  
60. КИРГИЗОВ Тургун-Булаг  
Исабаевич
61. КОЖУХОВ Александр  
Иванович  
62. КУЧАБО Семен  
Лаврентьевич  
63. ЛЕБЕДЕВ Дмитрий  
Алексеевич  
64. ЛОГВИНОВ Юрий  
Николаевич  
65. МАМАЮСУПОВ Узакбай  
66. МАНЖАРА Дмитрий  
Иванович  
67. МАРТЬШОВ Александр  
Степанович  
68. МАТКУЛ Султан  
Алибекович  
69. МАШКОВЦЕВ Алексей  
Федорович  
70. МЕДЖИДИ Хайриниса (она  
же Маджидханова)  
71. МИРЗАДЖАНОВ Сабир  
72. МИРЗАРАХМЕТОВ Мирза  
Карим  
73. МИРСАИДОВ Сулейманкул  
74. МООР Александр  
Федорович  
75. МУМИН Туляган  
76. МУМИНОВ Мухамед  
Иногамович  
77. МУХАМЕДОВ Салих  
78. НАРИМАНОВ Юнус  
Мусаевич  
79. НАСРЕТДИНОВ Гильми  
Шагаевич  
80. НАСИРОВ Расуль  
81. НАСЫРБАЕВ Саттар  
82. НЕКРАШЕВИЧ Владимир  
Михайлович  
83. НИЯЗОВ Маликджан  
84. НУСРАТУЛЛАЕВ Аманулла  
85. ОДЫЛИ Мухамед  
86. ПЕХОВИЧ Лазарь  
Матвеевич  
87. ПОЧАНИН Пётр Исаевич  
88. ПУЛАТОВ Абдулла  
89. РАДЖАБОВ Шариф

90. РАМАЗАНОВ Кайюм  
 91. РАМЗИ Маннон  
 Абдуллаевич  
 92. РАСУЛЕВ Аббас  
 93. РАСУЛЕВ Али  
 94. РАХИМИ Ваис Рахимович  
 95. РАХИМИ Шакирджан  
 96. РАХМАН Исаак  
 Зиновьевич  
 97. РИЗАЕВ Ханиф  
 Султанович  
 98. РЫСКУЛОВ Мирзакул  
 99. САДЫКОВ Гулям  
 100. САЙДОВ Зия  
 101. САЙДХАНОВ Аббасхан  
 Абдусаидович  
 102. САТТАРОВ Юнусджан  
 103. САЮПОВ Якуб  
 Машкирович  
 104. СЕЙФУЛЬМУЛЮКОВ  
 Атаулла Садретдинович  
 105. СЕЙФУЛЬМУЛЮКОВ  
 Ахмет Камалетдинович  
 106. СИТДЫКОВ Санджар  
 107. СОРОКИН Касьш  
 Ибрагимович  
 108. СУКИН Александр  
 Тимофьевич  
 109. СУЛЕЙМАНОВ  
 (ЧУЛПАН) Абдулхамид  
 Сулейманович  
 110. СУЛТАНМУРАДОВА  
 Марьям  
 111. СУПИДЖАНОВ Базар  
 112. ТАДЖИЕВ Абдулхай  
 113. ТАДЖИЕВ Хамдам  
 114. ТАРАСОВ Федор  
 Петрович  
 115. ТАШМУХАМЕДОВ  
 Абдулла  
 116. ТУРСУНОВ Фаттах  
 117. ТУРСУНХОДЖАЕВ  
 Мухетдин  
 118. ТУРСУНХОДЖАЕВ  
 Сагдулла
119. ТЮРЯБЕКОВ Джуро  
 120. УЛЬМАСБАЕВ Нуритдин  
 121. УСМАНОВ Мумин  
 122. ФИТРАТ Рауф Рахимович  
 123. ХАДЫШВ Гулям  
 124. ХАКИМОВ Муса Ходжа  
 125. ХАЛМУРАДОВ Сагдулла  
 126. ХАМИДОВ Мирза Абдулла  
 127. ХАМРАКОУЛОВ Бурхан  
 128. ХАМУТХАНОВ Ганихан  
 129. ХАСАНОВ Закир  
 130. ХАСАНОВ Мухамед  
 Фаттахович  
 131. ХАШИМОВ Атаджан  
 Хашимович  
 132. ХИСМЕТОВ Хикматулла  
 133. ХОДЖАЕВ Бахшулла  
 Джураевич  
 134. ХОДЖАЕВ Мирхамид  
 135. ХОДЖИМЕТОВ Насыр  
 136. ХУДАЙБАХИТОВ  
 Анкобай  
 137. ХУДАЙБЕРДЫГЕВ  
 Ходжимат  
 138. ХУСАНБАЕВ Джума  
 139. ЦЕХЕР Арон Абрамович  
 140. ЧЕМЯКИН Григорий  
 Дмитриевич  
 141. ША-АБДУРАСУЛЕВ  
 Назир  
 142. ШАКИРОВ Алим  
 143. ШАКИРОВ Джурабай  
 144. ШАЛИКЕРОВ Назир  
 145. ШАМИРБАЕВ Мирсаид  
 146. ШИМАНОВИЧ Николай  
 Михайлович  
 147. ШИРАХМЕДОВ Фузайл  
 148. ШИРМУХАМЕДОВ  
 Мирмуслим  
 149. ШУКУРОВ Халмет  
 150. ЭМИНДЖАНОВ Багаутдин  
 151. ЮНУСОВ Гази Галим  
 152. ЮНУСОВ Кудратулла  
 153. ЮСУПОВ Абдувасн  
 154. ЯКУБОВ Гулям

## 155. ЯКУБОВ Садик

### 2-я категория

- |                                   |                                 |
|-----------------------------------|---------------------------------|
| 1. АБДУЛЛАЕВ Абдурахман           | 7. ХАЛИЛОВ Таджи                |
| 2. БОЛТАБАЕВ Таджи                | Мирза                           |
| 3. КАРЦЕВ Александр<br>Васильевич | 8. ЧЕРНЯК Григорий<br>Яковлевич |
| 4. НАСЫРОВ Усман                  | 9. ШАДЫЕВА Таджихан             |
| 5. САЙДАШЕВ Хады<br>Рамазанович   | 10. ЮНУСОВ Эльбек<br>Машрик     |
| 6. ХАЛМИРЗАЕВ Таджи<br>Мирза      |                                 |

## Г.ТАШКЕНТ - ТАШКЕНТСКАЯ ЖЕЛ. ДОРОГА

### 1-я категория

- |                                      |                                    |
|--------------------------------------|------------------------------------|
| 1. АБРАМОВ Михаил<br>Игнатьевич      | 15. ОКУНЕВ Григорий<br>Ефимович    |
| 2. БАЛБ Нил Михайлович               | 16. ПЕЙСАХОВ Захар<br>Абрамович    |
| 3. БЕТЕХТИН Петр Яковлевич           | 17. ПОЛЯКОВ Иван<br>Михайлович     |
| 4. ВЕНЕЦИАНСКИЙ Михаил<br>Васильевич | 18. ПРОКОПОВИЧ Павел<br>Николаевич |
| 5. ВЕСЕЛОВ Юрий<br>Александрович     | 19. РАФАЛЬЗУК Михаил<br>Михайлович |
| 6. ГРИГОРЬЕВ Сергей<br>Анисимович    | 20. РОМАНИШИН Дмитрий<br>Фомич     |
| 7. ДАНИЛОВ Иван Михайлович           | 21. РОМАХ Прокофий Иванович        |
| 8. ДОНГАУЭР Михаил<br>Иосифович      | 22. РЫКОВ Николай Иванович         |
| 9. ИСАЕВ Николай<br>Афанасьевич      | 23. СЕМЕНОВ Иван Павлович          |
| 10. ЛУЦКЕВИЧ Андрей<br>Иуллианович   | 24. СИНИЦА Василий Иванович        |
| 11. ЛЬЮУХИН Иван Яковлевич           | 25. СОЛДАТОВ Семен Ильич           |
| 12. НЕРЕД Михаил Федорович           | 26. ШМАЛЬ Сергей Львович           |
| 13. НЕЧАЕВ Александр<br>Николаевич   | 27. ШОФМАН Иосиф<br>Михайлович     |
| 14. ОБРАЗОВ Александр<br>Иванович    |                                    |

### 2-я категория

1. ГУЗЕН Константин Федорович
2. КОНОБИЕВСКИЙ Анатолий Александрович
3. ЧЕРНЯВСКИЙ Виктор Агеевич

## МУНДАРИЖА

МУҚАДДИМА.....	3
1-боб. ҚҮРҚУВ ВА ДАҲШАТ САЛТАНАТИ.....	9
2-боб. ДАВЛАТ ВА ПАРТИЯ АРБОБЛАРИНИНГ ҚАТАГОН ҚИЛИНИШИ – ОММАВИЙ ҚИРҒИННИНГ БОШЛАНИШИ.....	21
3-боб. ФАН ВА МАДАНИЯТ ХОДИМЛАРИНИНГ ҚАТАГОН ҚИЛИНИШИ.....	26
Миён Бузрук Солихов (1891-1939).....	28
Тавалло (1982-1937).....	31
Убайдулла Хўжаев (1882-1939).....	37
Сафо Муганний (1882-1940).....	47
Илҳом Одилӣ (1888-1942).....	51
Лутфулла Олимий (1983-1069).....	57
Фози Олим Юнусов (1893-1938).....	60
Элбек (1898-1939).....	66
Наим Саид (1902-1939).....	73
Мўмин Усмонов (1903-1938).....	77
Муҳаммад Ҳасанов (1904-1938).....	79
Аъзам Аюб (1904-1938).....	82
Отажон Ҳошим (1905-1938).....	87
Асиљ Мансуров (1905-1937).....	89
Саттор Жаббор (1905-1938).....	93
Марям Султонмурадова (1905-1972).....	100
Раҳмат Мажидий (1906-1983).....	107
Собира Холдорова (1907-?).....	111
Сулаймон Амиров (1907-1969).....	113
Сожида Носирова (1909- ?).....	119
Юнус Латиф (1910-1941).....	123
4-боб. ХОТИН-ҚИЗЛAR ВА БОЛАЛАРНИ ҚАТАГОН ҚИЛИШ КОМПАНИЯСИ.....	127
5-боб. ҚАТАГОН ҚУРБОНЛАРИНИ БАДНОМ ЭТИШ ВА ЛАЪНАТЛАШ КОМПАНИЯСИ.....	134
6-боб. СОВЕТ ДАВЛАТИНИНГ МИЛЛИЙ КАДРЛАРНИ ВА УМУМАН МИЛЛИЙ ХАЛҚЛАРНИ ҚАТАГОН ҚИЛИШИ ВА БУНДАН КУЗАТГАН МАҚСАДИ.....	141
«ҚАТТА ҚИРҒИН»НИНГ ФОЖИАЛИ ОҚИБАТЛАРИ (Хулоса ўрнида).....	153